

浙江省社科规划课题研究成果

# 衢州历史文献集成

## 方志专辑

### 【第八册】

《衢州历史文献集成》编纂委员会主任 郑樟林 主编 程相



中华书局

衢州历史文献集成  
方志专辑

第八册

龙游县志

民国 余绍宋 撰辑

王志邦 孙平 标点

ISBN 978-7-101-06522-0



9 787101 065220 >

定价：1800.00元（全十五册）

《衢州历史文献集成》编纂委员会主任 郑樟林 主编 程相

# 衢州历史文献集成

方志专辑【第八册】

龙游县志

民国 余绍宋 撰辑 王志邦 孙平 标点



中华书局

浙江省哲学社会科学重大委托课题 ( 编号: 08WTWX001ZD)

# 民国《龙游县志》目录

序.....	(1)
新撰《龙游县志》编纂例.....	(6)
《龙游县志》总目.....	(8)

## 卷 首

前录 .....	(10)
叙例 .....	(10)

## 卷 一

通纪 .....	(50)
----------	------

## 卷 二

地理考考一 .....	(80)
沿革地理考一.....	(80)
疆里地理考二.....	(83)
山川地理考三.....	(88)
风俗地理考四 .....	(102)
畚民风俗附.....	(119)

卷 三

氏族考上考二 ..... (122)

卷 四

氏族考下考二 ..... (174)

卷 五

建置考考三 ..... (230)

城池建置考一 ..... (230)

廨舍建置考二 ..... (232)

学校建置考三 ..... (240)

邮传建置考四 ..... (243)

津梁建置考五 ..... (244)

祠祀建置考六 ..... (264)

卷 六

食货考考四 ..... (274)

户口食货考一 ..... (274)

田赋食货考二 ..... (276)

水利食货考三 ..... (289)

仓储食货考四 ..... (326)

物产食货考五 ..... (327)

卷 七

艺文考考五 ..... (339)

卷 八

都图表表一 ..... (365)

卷 九

职官表表二 ..... (491)

县官上汉至明 职官表一 ..... (491)

卷 十

职官表表二 ..... (547)

县官下清 职官表一 ..... (547)

卷十一

职官表表二 ..... (596)

学官 职官表二 ..... (596)

卷十二

职官表表二 ..... (629)

庶官 职官表三 ..... (629)

武官 职官表四 ..... (646)

卷十三

宦绩略 ..... (663)

卷十四

选举表表三 ..... (689)

晋至明选举表一 ..... (689)

### 卷十五

选举表表三 ..... (765)

清选举表二 ..... (765)

### 卷十六

选举表表三 ..... (820)

附表选举表三 ..... (820)

### 卷十七

人物传传一 ..... (841)

汉至元人物传一 ..... (841)

### 卷十八

人物传传一 ..... (867)

明人物传二 ..... (867)

### 卷十九

人物传传一 ..... (894)

清人物传三 ..... (894)

### 卷二十

人物闾访 ..... (926)

人物别录 ..... (954)



卷二十一

- 列女传传二 ..... (970)

卷二十二

- 节妇略 ..... (996)

卷二十三

- 烈女略 ..... (1048)

- 列女别录 ..... (1058)

卷二十四

- 丛载附志一 ..... (1073)

- 古迹丛载一 ..... (1073)

- 寺观丛载二 ..... (1083)

- 轶闻丛载三 ..... (1096)

- 志异丛载四 ..... (1112)

- 《龙游县志·掌故》总目 ..... (1120)

卷二十五

- 掌故附志二 ..... (1125)

- 赋役掌故一 ..... (1125)

卷二十六

- 掌故一附志二 ..... (1164)

赋役掌故一 ..... (1164)

### 卷二十七

掌故附志二 ..... (1206)

编造《鱼鳞册》掌故二 ..... (1206)

重建凤梧书院掌故三 ..... (1212)

凤梧书院藏书目掌故四 ..... (1220)

清查无主公租宾兴掌故五 ..... (1234)

### 卷二十八

掌故附志二 ..... (1263)

公租总数上掌故六 ..... (1263)

### 卷二十九

掌故附志二 ..... (1435)

公租总数下掌故六 ..... (1435)

### 卷三十

掌故附志二 ..... (1609)

宾兴掌故七 ..... (1609)

湖镇义塾田册掌故八 ..... (1645)

劝捐积谷掌故九 ..... (1665)

重修姜、席两堰掌故十 ..... (1670)

### 卷三十一

掌故附志二 ..... (1679)

创建平政浮桥掌故十一	(1679)
整顿义渡掌故十二	(1735)
开矿成案掌故十三	(1767)

### 卷三十二

掌故附志二	(1775)
兴复育婴堂掌故十四	(1775)
禁夫役勒索掌故十五	(1811)
禁掘冬笋掌故十六	(1823)
《龙游县志·文征·文类》目录	(1831)

### 卷三十三

文征附志三	(1840)
文一六朝至元 文征一	(1840)

### 卷三十四

文征附志三	(1885)
文二明文 文征二	(1885)

### 卷三十五

文征附志三	(1955)
文三清文 文征三	(1955)

### 卷三十六

文征附志三	(2016)
-------	--------

文四清文 文征四 ..... (2016)

《龙游县志·文征·诗类》目录 ..... (2068)

### 卷三十七

文征附志三 ..... (2086)

诗一元以前 文征五 ..... (2086)

### 卷三十八

文征附志三 ..... (2105)

诗二明 文征六 ..... (2105)

### 卷三十九

文征附志三 ..... (2131)

诗三清 文征七 ..... (2131)

### 卷四十

文征附志三 ..... (2177)

诗四清 文征八 ..... (2177)

### 卷 末

后录 ..... (2229)

前志源流及修志始末 ..... (2229)

附：民国《龙游县志》标点札记 ..... (2258)

《龙游县志》卷十

县人 余绍宋撰

## 职官表 表二

### 县官下 清 职官表一

清

因明制，惟裁主簿一员。

	知 县	县 丞	典 史
世祖顺治 三年	张昌期 有宦绩。	何化龙	金象曦 随征上任。
四年	王家楨 字挺生，淮安进士。 以谪去。 案：康熙 《府志》楨作禎。	郭斗城	黄日昇
五年			李明泰 直隶人。升大使去。

	知 县	县 丞	典 史
六年	<p>赵登名</p> <p>字捷吾，辽东人。旗下生员。以被论去。</p> <p>王宗谛署理。补。</p> <p>案：见泽山姜祠赠节妇张氏、孝子姜陈孺匾额，年月为顺治六年五月。未知是赵登名未履任时署理，抑系登名被论后署理？原为府推官，见康熙《府志》。</p>	<p>徐大祯</p> <p>安义县人。升宁国府经历去。</p>	
七年	<p>程宪</p> <p>字章世，锦州人。旗下荫生。升山西沁州知州。康熙《志》注云：现任知府。按：康熙《府志·府官表》中无之。</p>		
十一年			<p>姚思恩</p> <p>长洲县人。吏员。后任巡检。案：康熙《府志》作十年任。</p>
十二年		<p>侯邦</p> <p>河间人。恩贡。</p>	

	知 县	县 丞	典 史
十三年			孙天俊 无极县人。吏员。调洮州吏目去。案：康熙《志》作南直人。今依康熙《府志》。又案：陆氏姑媳双淑坊题名，俊作敬。
十四年		赵学谦 案：陆氏姑媳双淑坊题名县丞为廖学□，疑赵字误。	
十五年	高凤起 字绵南，曲沃人。进士。以被论去。案：康熙《府志》作起凤。		
十六年		巩明鼎 陕西人。卒于官。	
十七年	艾朝栋 字鼎望，米脂人。举人。升行人司行人去。	郑邦昌 沙县人。拔贡。	
圣祖康熙元年		杜森 怀柔人。拔贡。升石门县知县去。	章甫 大兴人。吏员。大计以酷去官。

	知 县	县 丞	典 史
八年		胡一济 罗田人。岁贡。升青 田县知县去。	
十年	许瑄 有宦绩。		李斌 句容人。吏员。 案：康熙《府志》斌作 斌，又作上元人。
十三年	卢灿 有宦绩。		
十四年		何应武 文安人。	
十七年	王无荒 有宦绩。 卢灿复任。		
二十二年	徐元璞 字铭彝，江南武进 人。监生。以艰去。		
二十三年		林修来 福建人。副贡生。 案：康熙《志·续官 师》作二十年任。今 依康熙《府志》。	蒋失名。 案：康熙《志·续官 师》第一人。亡其任 官年月，姑录于此。 郭万吉 高平人。吏员。 案：康熙《志·续官



	知 县	县 丞	典 史
			师》失名。今依康熙《府志》补。
二十六年			孟希孔 大兴人。
二十七年	<p>萧名辅</p> <p>直隶大兴人。举人。以事去。案：康熙《志·续官师》作宛平人。二十五年任。以康熙《府志》修于康熙四十四年，时代较近，或可信，今从之。</p>		
二十八年			<p>陈之灏</p> <p>大兴人。吏员。案：康熙《志·续官师》灏作灏，三十一年任。今从康熙《府志》。</p>
三十二年	<p>王景圣署任。补。</p> <p>案：《庙下何谱》载：衢州府清年总巡厅署龙游县事王景圣往何廷选匾额。康熙《志·续官师》不载署任之人。今补。</p>		

	知 县	县 丞	典 史
	<p>缪继让</p> <p>字虞良，江南崑山人。进士。以事去。</p> <p>案：康熙《府志》作三十三年任。</p>		
三十四年		<p>徐勉</p> <p>江南桐城人。监生。</p> <p>案：康熙《志·续官师》作三十二年任。今依康熙《府志》。</p>	
三十五年	<p>郑世琇补。</p> <p>兰溪县知县兼掇。</p> <p>案：《步瀛叶谱》给叶菁妻刘氏劲节可嘉匾额有其名。又《沐尘祝谱》有世琇撰《祝利宾妻徐氏赞》。当系缪继让去任后，孟继祖未到任时事。康熙《府志》并康熙《志·续官师》均未载，今补。</p> <p>孟继祖</p> <p>康熙《志·续官师》作三十四年任。</p>		

	知 县	县 丞	典 史
	<p>案：叶淑衍撰《邑侯金谷德政碑记》云：丙子夏五月，峰山孟侯出宰龙邑。丙子为康熙三十五年，足证其误。又案：御书碑云：癸未仲春，钦遇翠华南幸，驻蹕武林，臣继祖亦得与襄王事。又云：乙酉，銜輿又复莅浙，臣继祖趋踰奔走，重效犬马微劳，时以督纤至携李云云。考癸未，为康熙四十二年；乙酉，四十四年。此两年中，继祖曾离任。惜其权摄何人不详。有宦绩。</p>		
三十九年		<p>辛哈 满洲镶黄旗人。笔帖式。案：康熙《志·续官师》作三十七年任。今依康熙《府志》。</p>	

	知 县	县 丞	典 史
四十一年			戴鼎相 长洲吏员。案：康熙《志·续官师》作戴相，顺天籍，绍兴人。四十二年任。今依康熙《府志》。
四十三年		丁宗益 直隶通州人。监生。 升遂昌县知县去	
四十六年			金湛 顺天人。
四十七年		陆弘积 字艺先，武进人。贡生。 升河南柘城县去。	
五十年			翁方涑 顺天籍，慈溪人。
五十五年	黄凤池 吴县人。进士。五十七年，卒于官。		
五十七年	李尚德署任。补。 案：《泽山姜谱》载：方氏姜凤语妻节孝为尚德请旌，署衔宁波府总巡水利分府署龙游县事。今补。	华文振 宿州人。监生。升湖北蕲州知州去。	

	知 县	县 丞	典 史
五十八年	<p>谢汝梅</p> <p>郟城人。拔贡。雍正二年以事去。</p>		
五十九年			<p>刘景桂</p> <p>字兰台，韩城人。</p>
世宗雍正二年	<p>胡尔默</p> <p>字澹庵，保定府左卫人。进士。以艰去。</p>		
三年	<p>徐景运</p> <p>叙州人。举人。以老去。</p>		
四年	<p>罗绪</p> <p>阆中人。举人。五年，调缙云县知县去。</p>		<p>翁遵让</p> <p>字尧光，顺天籍吴县人。案：乾隆十年《通驷桥碑记》云：典史翁遵让管理桥工。是遵让在任颇久。</p>
五年	<p>马允尚</p> <p>解州人。举人。调余杭县知县去。</p>	<p>连茹</p> <p>汉军正黄旗人。监生。升嘉兴县知县去。</p>	
六年	<p>秦文超</p> <p>字伟士，善化人。举人。从浦江县调任。卒于官。</p>		

	知 县	县 丞	典 史
九年	<p>阎沛年</p> <p>字晴峰，蔚州人。拔贡。调嘉兴县知县去。</p>	<p>陈世和</p> <p>有宦绩。</p>	
十一年		<p>汤大用</p> <p>字莘野，武进人。监生。</p>	
高宗乾隆元年	<p>徐起岩</p> <p>有宦绩。案：《灵山徐谱》有乾隆十三年徐起岩撰《徐尔鼎公传》，疑起岩去龙游后所作，非十三年犹在任也。</p>		
七年	<p>吴卓</p> <p>康□昇佚一字。</p> <p>案：胡文溥《重建通驷桥碑记》称徐令起岩、吴令卓、康署令□昇先后率劝，因知继徐者吴，继吴者康。</p> <p>又案：康熙《志·续官师》为乾隆六年徐起岩所编，是六年起岩犹在任，因知吴、康均系七年间任。</p>		

	知 县	县 丞	典 史
八年	<p>高坦</p> <p>案：胡文溥《重建通驷桥碑记》云：甲子冬，高令胆新。此下数字已泐。考甲子为乾隆九年，而《塘下徐谱》内载：乾隆八年，邑主高坦。知高于八年履任。碑中胆字，实坦字之误也。又案：《桥东吕谱》圣堂山审单载有乾隆十一年龙游县正堂高字样，知十一年高犹在任。</p>		
十年		<p>刘国烜</p> <p>案：乾隆十年《通驷桥碑记》、十七年《久安桥碑记》均有题名。后升永嘉县知县。亦见《久安桥碑记》。</p>	
十一年	<p>周芬佩</p> <p>字勿斋。进士。</p> <p>案：横山张氏祠有贡元匾额，系乾隆十一</p>		

	知 县	县 丞	典 史
	<p>年二月周芬佩为张宏约立。是芬佩于十一年二月即履任。《桥东吕谱》所载高知县审单或在二月以前。又案：《赤亭支谱》有乾隆十六年周《序》，署衔赐进士出身知龙游县事龙眠周芬佩幼斋氏拜撰。又《久安桥碑记》为乾隆十七年撰，知周于十六年、十七年均任。</p>		
十七年			<p>黄秀琳 见《久安桥碑记》题名。</p>
十八年	<p>陈陞诚 案：《东岳庙碑记》云：乾隆癸酉，庙灾。前令楚环陈侯陞诚捐俸倡修。似万世荣未履任前，由陞诚署任也。</p>	<p>俞失名。 案：《鸡山范谱·墓园山小庙记》云：乾隆二十年，控于宰侯万主台下，批仰粮辕俞公往勘。因知有俞姓县丞，惜亡其名。</p>	



知 县	县 丞	典 史
<p>万世荣                      贵阳人。案：乾隆二十九年，余作沛撰《本县学额记》称：学使李公，壬午冬试既竣，请裁龙邑学额，改拔江山。是时，我邑明府黔中万君莅任十载，稔悉民俗、人心均为未协。壬午，为乾隆二十七年。是时，已莅任十载。是世荣于乾隆十八年履任也。乾隆二十八年，知府明禄撰《重建明伦堂记》，列衔特授文林郎知龙游县事贵阳万世荣篆额。因知为贵阳人。乾隆二十八年犹在任。</p>		
<p>二十八年</p>		<p>蔺光璧                      顺天人。监生。四月升。见乾隆十二年夏季《缙绅录》。</p>

	知 县	县 丞	典 史
三十年	<p>单失名。</p> <p>五月任。 案：南乡庙下《靖林寺捐田改户碑记》：乾隆二十八年十月，经前任万令讯明详奉府宪，三十年五月，本县履任。末署特授衢州府龙游县正堂单撰文。既称实授，必是实任，何以次年又有傅应时？姑列此俟考。</p>		
三十一年	<p>傅应时</p> <p>字以田，南安人。丁丑进士。三十一年七月选。见乾隆三十二年冬季《缙绅录》。</p>		
三十三年	<p>黄失名。</p> <p>案：《石村童氏桐官墓记》中有蒙县主黄亲临此地踏勘之语，记作于乾隆三十三年，因知当时有黄姓知县，惜佚其名。</p>		

	知 县	县 丞	典 史
三十四年	<p>董锡嘏</p> <p>字纯洲，华亭人。</p> <p>案：《西垣蒋太浩传》云：己丑年，十六岁，应童子试。邑侯董纯洲先生，华亭名士也，阅诸童试卷，独称浩才。己丑，乾隆三十四年也。 又案：驿前贡生严震元妻叶氏节孝坊，乾隆三十八年九月建，列衔原任龙游县正堂董锡嘏。名字有纯、嘏二字关合，因知董纯洲，即董锡嘏。</p> <p>又案：《蛮王殿胡谱》：胡有光妻盛氏，乾隆三十六年，蒙邑侯董锡嘏详奏钦赐节寿流芳匾额，是锡嘏三十六年犹在任也，何以三十五年又有聂栋署任？殊不可解。</p>		

	知 县	县 丞	典 史
三十五年	<p>聂栋署任。</p> <p>案：《岩头王氏谱》载；乾隆三十五年仲春月，给王联成谨厚可风匾额，署銜龙游县正堂聂栋。又案：《旧采访册》载；马维章妻叶氏，乾隆三十五年署邑令聂旌其节孝。因知为署任。</p>		
三十七年		<p>王昭麟</p> <p>江苏太仓州人。监生。四月选。见乾隆四十一年夏季《缙绅录》。</p>	
三十八年	<p>石燕山</p> <p>广西义宁人。甲子进士。二月选。见乾隆三十九年春季《缙绅录》。</p>		<p>陈策</p> <p>安徽石埭人。议叙，二月选。见乾隆三十九年春季《缙绅录》。</p>
三十九年			<p>顾泳</p> <p>江苏元和人。监生。六月选。见乾隆四十一年夏季《缙绅录》。</p>

	知 县	县 丞	典 史
四十一年	<p>郑嘉植</p> <p>广东海丰人。己卯进士。二月升。见乾隆四十一年夏季《缙绅录》。</p>		
四十三年			<p>沈积绳</p> <p>江苏如皋人。监生。六月题。见乾隆四十六年冬季《缙绅录》。</p>
四十四年	<p>赵应钧</p> <p>案：《蛮王殿胡谱》载：义民胡昇瑞于乾隆四十四年，蒙邑侯赵应钧奖给勋高桑梓匾额。因列于此。</p>		
四十五年	<p>王士昕</p> <p>字馭辉，义州人。拔贡。十月调。见乾隆四十六年冬季《缙绅录》。</p>		
四十六年		<p>冯堪</p> <p>涿县人。五月题。见乾隆四十六年冬季《缙绅录》。</p>	

	知 县	县 丞	典 史
		刘照 南丰人。贡生。十二月选。见乾隆五十四年秋季《缙绅录》。	
四十八年	吴斌署任。 见教谕陈豹奇所撰《重修城隍庙碑记》。 王钺 江宁人。案：乾隆五十五年《重建龙游学碑记》署衔原任知龙游县事王钺倡修。其文曰：乾隆四十八年，文庙又圯，邑侯江宁王明府莅任伊始，首捐廉俸以倡。是四十八年，钺已履任也。		
五十二年	余名墜署理。 字静山。进士。 案：《〈三处袁谱〉序》为名墜作，署款乾隆五十二年孟夏月赐进士出身语授文林郎署衢州府龙游县事余名墜序。又案：余华《星堤诗		周璜 江苏吴县人。监生。 以下至张廷奇七人，悉据闽浙总督署旧档案。

知 县	县 丞	典 史
<p>草·祝余明府静山五十寿》诗有“双鸟遥飞驻濑川”及“闾邑欢腾沾化雨”之句。其诗亦作于乾隆五十二年。知静山为名墜之别字。又案：《重建龙游学碑记》：龙州塔，岁久圯坏，议重建。尚在犹豫，适滇南张侯来莅兹土，侯曰：“此关系一邑人才。乌可不竭力劝成之？”是役自建庙迨塔成，经始于四十八年癸卯冬，越七年而后成。读此知乾隆五十五年文庙工竣之日玘尚在任，与后欧知县衔接，名墜则玘未履任前署理者。</p> <p>张玘</p> <p>云南河阳人。进士。五十一年十月选。见乾隆五十四年秋季《缙绅录》。</p>		

	知 县	县 丞	典 史
五十五年	<p>欧失名。</p> <p>案：见余廷琛家藏是年余保泰交纳分仓谷执照。</p>		
五十七年	<p>漆成美</p> <p>江西新昌人。进士。十月调。见乾隆五十八年冬季《缙绅录》。又案：余华《和漆仪亭明府留别原韵》诗，嘉庆二年丁巳作，仪亭为成美号。是成美于嘉庆二年始去任，与下谢恩衔接。</p>		
五十八年		<p>杨毓莲</p> <p>贵州桐梓人。拔贡。二月选。见乾隆五十八年冬季《缙绅录》。</p> <p>于鏊</p> <p>江苏金坛县人。监生。以下至汪增十二人。悉据闽浙总督署档案。</p>	



	知 县	县 丞	典 史
仁宗嘉庆 三年	<p>谢恩</p> <p>字敬斋，四川巴州人。举人。案：余华《和漆成美留别》诗在嘉庆二年。据闽浙总督署档案，谢恩为三年二月任，是其间当有署任之人，今无考矣。</p>		
四年	<p>欧焕棠</p> <p>赵黻署任。</p> <p>案：嘉庆四年，余琛妻叶氏节孝坊列衔原任知县谢恩、现任特授知县欧焕棠，是继谢者为欧，而据督署档案，则云四年九月赵黻署任。故并列于此。</p>		<p>周溶绪署任。</p> <p>试用从九。</p>
五年		<p>程英来署任</p> <p>试用布政司经历。</p> <p>常廷瑞署任。</p> <p>试用县丞。</p>	<p>钱汝宦</p> <p>江苏□阳人。监生。</p>

	知 县	县 丞	典 史
六年		杨琮署任。 试用从九。	杨朝元署任。 未入流。 翁肇椿 顺天宛平人。吏员。 案：曹寿先有《桂亭先生五十寿》诗，云：洞庭之山，姑苏之屏，山川灵秀，笃生伟人。据此，知翁字桂亭，江苏洞庭山人。与督署档案不同。
七年	谢恩复任。 案：《城南曹谱》：嘉庆七年，岁旱。曹之位输谷赈饥，谢明府给以好义堪型匾额。又《通驹桥碑记》：嘉庆九年孟春立石，知县巴西谢恩监刊。因知谢恩于七年以前业已复任，惟未知何年，故列于此。	郑应喜署任。	张清源 试用未入流。案：翁焯《〈荆树堂稿〉自跋》云：自七年壬戌仲春至龙游肇椿任署，迄今十有二年。是嘉庆十八年癸酉，肇椿犹在任，当无张清源履任之事。兹以督署档案既有其名，姑列于此。

	知 县	县 丞	典 史
九年		<p>张久照</p> <p>江苏长洲人。监生。七月题。见嘉庆十二年冬季《缙绅录》。</p> <p>案：曹以采《哭子》诗注云：涂菊人父师率同人鸡山小集，张晓梧少尹绘图，寿先标题。晓梧，当为久照之字。</p>	
十一年	<p>涂日耀署任。</p> <p>字菊人。嘉庆戊午举人。调富阳县去。见曹以采《哭子》诗注。案：曹以采《哭子》诗自注云：五龄，即荷涂菊人父师栽培。考以采子寿，先歿于嘉庆二十二年，时年十七，则五岁为嘉庆十年。然日耀为《擢桂里叶谱》作《序》有云：岁丙寅，余摄宰龙邱。明年春，释篆务。则日耀履任实在十一</p>		

	知 县	县 丞	典 史
	<p>年，且可订曹氏之误。</p> <p>杨鏊署任。</p> <p>案：《万石叶谱》：嘉庆二十四年，马肇基撰《叶瀛传》称：邑侯杨公鏊署龙篆，雅爱文士，课诸生，君皆冠军。考嘉庆二十四年以前，黄恩培、扬鸿、叶梅林皆相接任。疑杨鏊当在黄恩培以前。而督署档案又无杨鏊，姑附于此俟考。</p>		
十二年	<p>黄恩培</p> <p>安平县人。进士。见督署档案。以被议去，说见扬鸿下考证。案：督署档案于黄恩培后列挖云，云：嘉庆十五年七月署任。但翁辉《荆树堂稿》有黄恩培《序》，题云：嘉庆辛未初秋，安平黄恩培</p>		

	知 县	县 丞	典 史
	<p>书于龙邱官署。辛未为嘉庆十六年。是此恩培尚在任，岂挖云未履任耶？</p> <p>又案：嘉庆十三年，给青塘徐启东妻余氏贞顺清操匾额，是黄恩培事。而《西湖余谱》载：嘉庆十九年仲夏黄恩培《序》云：岁壬申，予方宰斯土，余氏适修敏五大夫墓，请题其碣。越数年，余氏复集其族谱告成，更以《序》请。壬申，乃嘉庆十七年，似无挖云署任之事。今姑依督署档案列之，仍俟考证。</p> <p>挖云署任。</p> <p>长亭场大使。 说见前，挖字疑有误。</p>		
十四年		<p>傅诗贞署任。</p> <p>试用府经历。六月任。</p>	

	知 县	县 丞	典 史
		赵秉忠 江西南丰县人。监 生。八月任。	
十九年			张廷奇署任。 未入流。八月任。 案：嘉庆十九年秋季 《缙绅录》典史仍系 翁肇椿，张廷奇或系 暂署。
二十年		汪廷彩署任。 四月任。 李星耀 江西庐陵人。职銜。 十月任。	翁肇椿复任。 案：督署档案，张廷 奇以下无考。考曹 寿先有《翁桂亭五十 寿》诗，为嘉庆二十 年至二十二年间作。 又嘉庆二十二年秋 季《缙绅录》典史仍 系翁肇椿，皆可证肇 椿在此三年中必复 任，故列于此。 又 案：道光五年《缙绅 录》典史尚系翁肇 椿，知肇椿在任甚 久。

	知 县	县 丞	典 史
二十一年	<p>胡循道署任。</p> <p>山左人。 案：朱兆熊撰《叶梧栖传》云：岁丙子，旱甚，君自出其盖藏，视乡之贫者，按户而给之。署邑侯山左胡公闻之，欲申之大吏，而君坚辞不肯报。 案：丙子乃嘉庆二十一年也。</p> <p>扬鸿</p> <p>号南溟，江西清江县人。进士。见道光六年秋季《缙绅录》。</p> <p>案：《西湖余谱》：清理半月月、荷花形全案奉批，仰府飭县新任扬令覆勘讯详，扬主于二十三年二月勘讯得云云。又称前县为黄参令，是黄以被议去，而扬鸿为其后任。又称扬主入闾，叶主署理。二十三年九月，又奉</p>		

	知 县	县 丞	典 史
	<p>叶主诣勘云云,是鸿于此年有帘差。</p> <p>叶梅林 河间人。案:《西湖余谱》有梅林《序》,题云:嘉庆戊寅菊秋梅林撰。戊寅为嘉庆二十三年,与前条所引相符。</p>		
二十四年		<p>孙德琬署任。 七月任。</p>	
二十五年		<p>汪增 长洲人。监生。三月任。案:道光五年《缙绅录》载:县丞汪增。又增有《题攀辕图》七律两章,因知汪增至道光八年尚在任。</p>	
宣宗道光元年	<p>许沅署任。 据督署档案。</p> <p>汪失名。署任。 案:道光四年《重修学宫征信录》:龙游</p>		



	知 县	县 丞	典 史
	<p>县县丞前署知县汪出纹银十两。是汪于道光四年前曾署龙游知县也，因附于此。</p>		
四年	<p>扬鸿复任。 案：道光四年《重修学宫征信录》有《募捐启》一篇，是年四月上浣，知龙游县事扬鸿撰。又案：道光五年《缙绅录》知县为扬鸿。因知鸿于四年复任。</p>	<p>汪失名。 见《重修学宫征信录》。</p>	
八年	<p>周敦培 案：《龙游攀辕诗集》载许镐诗云：劳心抚字已三年，忽赋将离楔饮天。知敦培于十年去任。又劳集诗云：记公初来时，园中正剥枣。知敦培履任时为八月。 有宦绩。</p>		<p>陈若椿 江苏江宁人。监生，八月补。见道光十六年秋季《缙绅录》。</p>

	知 县	县 丞	典 史
十一年	<p>高炳驯</p> <p>号创生,举人。案:训导郑云书《永锡庵周公祀产碑记》云:新任高创生明府考记撰于道光十一年季冬。是继周敦培者为炳驯。又案:《灵山徐氏谱》有《徐智锡墓碑》,题云:道光十二年,敕授文林郎丙子举人知龙游县事高炳驯题。知创生为炳驯之字。</p> <p>刘钟琪</p> <p>字崑圃,福建人。嘉庆丙子举人。案:《旧采访册》云:道光初年任。考《茆头义渡碑》,称:道光九年,投控前任知县周。此指周敦培也。又云:历经高、刘县令,俱未完结。则钟琪当是继高之后者,履任当在道光十二</p>		

知 县	县 丞	典 史
<p>三年,必非初年也。</p> <p>杨鹤鸣</p> <p>号琴友,福建人。道光元年举人。履任年月亦当在十二三年。</p> <p>姚怀祥署任。</p> <p>字斯微,号履堂,侯官人。嘉庆二十四年举人。入祀昭忠祠。案:《定海县志》,姚怀祥有《传》,称:历署象山、龙游、嵊县知县。道光二十年五月,权知定海县事。六月七日,英吉利兵入城,怀祥出北门投水死。部议照阵亡例给云骑尉世职。其署龙游尚在署嵊县之前,是其署龙游任亦当在十二三年间。又案:余恩鏖,二十四年举人殊卷受知师有姚怀祥,列在杨鹤鸣之</p>		

	知 县	县 丞	典 史
	后,今仍之。以上三人履任年月,均未明,姑汇列于此。		
十三年		陈文衡 江西金溪人。监生。 十一月补。见道光十六年秋季《缙绅录》。	
十五年	周失名。 案:《坊门吴谱》载《吴鹤翔传》:道光间,旱,输谷,知县周赐匾功在艺林。考早是道光十五年事,因知此时有周姓知县,惜亡其名。 龙失名。 案:《旧采访》云:是年五月,给石墩监生徐国华踊跃输将匾额。当亦是因旱输谷之事,特与周知县先后任,无从证明,并列于此俟考。		

	知 县	县 丞	典 史
	<p>毕华珍</p> <p>太仓人。举人。五月补。见道光十六年秋季《缙绅录》。</p> <p>案：是年，列知县三人，似甚不合，然以情理推之，大约周、龙均系权摄，而毕虽五月补缺，至速，亦须年终方能履任也。</p>		
十八年	<p>蒋嘉璋</p> <p>案：道光二十年，钱盛芳妻杨氏节孝坊，列銜知县秦淳熙、原任知县蒋嘉璋。</p> <p>又案：《高阶余谱》：道光十八年仲冬，娄埭撰《尊先祠报本祀记》有“投牒于县，蒙仁台蒋公正直明察”云云。因知嘉璋于十八年已履任。</p>		<p>柳钧</p> <p>顺天大兴人。供事。五月选。见道光二十三年《缙绅录》。</p>

	知 县	县 丞	典 史
十九年	<p>秦淳熙</p> <p>案：《凤梧书院碑记》云：予于己亥秋来令兹邑。己亥，为道光十九年。又，余恩铤举人硃卷受知师内有秦介庵夫子，注云：现任本县知县。庚子、癸卯、甲辰，浙江乡试同考官。查，庚子为道光二十年，甲辰为道光二十四年，则其间当有代理之人，今无考矣。有宦绩。</p>		
二十三年		<p>毛琪</p> <p>贵州余庆人。监生。二十三年三月补。见咸丰二年《缙绅录》。道光二十三年本及三十年本又作毛淇，疑是一人。案：《凤梧书院碑》有毛璜，疑即毛琪，字体相似，或笔误也。</p>	

	知 县	县 丞	典 史
二十六年	<p>陈钟彦署任。</p> <p>据旧档案：道光二十六年五月二十七日，邑令秦淳熙因患病稟请开缺调理，将采访节孝及捐廉置备启建合邑节孝总坊石料，通禀督抚藩臬学府各宪，请批示立案。抚宪梁批：据稟已悉，仰布政使即飭该署陈钟彦妥为经理。因知淳熙之后任为钟彦。</p>		
二十七年	<p>石亿恭</p> <p>号小鲁。道光二十四年进士。</p> <p>吴怀玉</p> <p>号励符。道光二十七年进士。案：以上二人次序，均据王日烜《殊卷履历》。其履任时日，是否全在二十七年，无考，姑列于此。</p>		

	知 县	县 丞	典 史
二十八年	<p>王近仁</p> <p>案：《张家埠尹谱》云：尹光泰精疡科。二十八年，邑尊王公近仁特给今之卢扁匾额。疑近仁系徐树楠未履任时权摄之人。</p> <p>徐树楠</p> <p>字让木，奉新人。九月补。见道光三十年秋季《缙绅录》。又《浙江忠义录》云：道光乙未进士。四川昭化县知县。丁父忧。服除，改授龙游知县，调补钱塘去。咸丰十年，殉难。</p>		
二十九年			<p>张廷勋</p> <p>字鼎臣，安徽婺源人。监生。五月选。见咸丰七年《缙绅录》。</p>



	知 县	县 丞	典 史
文宗咸丰 元年	李道融署任。 案：《希唐叶谱》载：咸丰元年十二月二十一日，题请旌给叶钦妻余氏节孝匾额，署街龙游县正堂李道融。知道融为署任，宓云路至次年始履新也。		
二年	宓云路 字得轩，兰山人。道光二十四年进士。八月选。见咸丰二年《缙绅录》。		
五年	黄汝梅代理。 《旧采访》注云：六月任。 乐蘅 号兰史。《旧采访》注云：十一月任。		
六年	吴来鸿代理。 西安县知县。《旧采访》注云：六年任。	冯佩珩 奉新人。监生。正月选。见咸丰七年《缙绅录》。	

	知 县	县 丞	典 史
七年	<p>顾烜代理。</p> <p>案：咸丰七年《驿站报销册》载：经徵代理知县事、寿昌县知县顾烜，正月初一日至九月初九日止。故列此。</p> <p>冯佩珩代理。</p> <p>案：咸丰七年《驿站报销册》载：接徵代理知县事、龙游县丞冯佩珩，九月初九日起至十月十二日卸事止。故列此。</p> <p>黄宗贵</p> <p>汉军镶红旗人。监生。六年十二月补。见咸丰七年《缙绅录》。案：咸丰七年《驿站报销册》载：接徵现任知县黄宗贵，十月十二日起至岁底。是宗贵履任在咸丰七年十月无疑。惟查《左文襄公奏稿》内有同治元年</p>		

	知 县	县 丞	典 史
	<p>十月二十二日参办黄宗贵奏折，称黄宗贵自十一月十四日到任起，截至本年五月底止，计欠放兵米至二千余石之多。所云十一月，未载明何年，又与《驿站册》不符，未知何故。</p> <p>又案：龙森、朱毓荣，皆咸丰十一年署任。此云本年五月，又似同治元年五月以前黄宗贵尚在任，均有可疑，俟再考。</p>		
九年		<p>张黻荣 山西平定人。监生。二月选。见十一年《缙绅录》。</p>	
十一年	<p>龙森署任。 字书楼。发匪破城，殉难。</p> <p>朱毓荣 吴县人。四月，本府札委代理。六月二</p>		

	知 县	县 丞	典 史
	十日，藩司札委署理。因失守城池，革职。见《左文襄公奏稿》。		
穆宗同治元年	庄凤启署任。 武进人。监生。七月初三日，在衢州差次接印。盖是年龙游尚未收复也。二十九日，即丁母忧去。 平应顺代理。 字韵泉，长洲人。吏员。八月初八日任，衢州差次接印。二年八月，卒。		
二年	朱朴署理。 字性之，桐城人。由俊秀投效军营。八月履任。三年十月去。	钱家模署任。	马福田 吴县人。监生。十二月履任。同治九年八月，被议去。案：履任年月，据《旧采访稿》。同治六年《缙绅录》则云咸丰十一年八月选。

	知 县	县 丞	典 史
三年	熊绍璜 有宦绩。	林春培 南海人。监生。九月履任。四年八月，卒于官。	
四年	邵杜代理。 德兴人。由廩生保县丞。 熊绍璜回任。 九月复任。五年八月，丁父忧去。	王坤厚代理。 溧阳人。由监生捐纳。十月履任。 高起鹏署任。 新昌人。由监生捐纳。十月履任。	
五年	秦耀奎代理。 字煦斋，金匱人。由监生捐纳。九月履任。十月去。 朱朴复署任。 十月署任。六年三月去。	程发 吴县人。由监生捐纳。十二月履任。八年十月，卒于官。	
六年	黄秉中 有宦绩。		
八年	汪训代理。 字又彭，宝应人。由监生授衢州府峡口同知。八月履任。九月去。	文麒代理。 镶黄旗汉军佐领下人。由附生捐纳。十月履任。十二月去。	

	知 县	县 丞	典 史
	李世綬署任。 字印邻，福安人。由附贡捐纳。九月履任。九年闰十月，卒于官。	杨建泰署任。 长沙人。由监生捐纳。十二月履任。九年十月去。	
九年	程萝庚代理。 婺源人。由监生捐纳。衢州府经历。闰十月履任。十一月去。 李宗邺 有官绩。	郑光华 兴安人。由监生捐纳。十月履任。光绪六年九月去。	颜钟哲代理。 连平人。由监生捐纳。八月履任。十月去。 冒焕章署任。 如皋人。由监生捐纳。十月履任。十年十一月去。
十二年			曹福瑞署任。 阳湖人。由监生捐纳。十一月履任。光绪五年十二月，与景宁县典史文维新对调。
十二年	程洪未到任。 朱朴复署任。 二月复任。光绪元年六月去。		

	知 县	县 丞	典 史
十三年		阮失名。 见朱朴为保甲请奖 谕单,内有除阮县丞 等四员候移会保甲 总局汇核请奖外云 云,故列入。	
德宗光绪 元年	陈瑜 字宝岩,宜春人。同 治七年进士。六月 履任。八年,以性近 迂拘,降教职去。		
二年	周锐代理。 因陈瑜调帘差任。 有宦绩。		
五年			文维新调署。 光山县人。由监生 捐纳。十二月履任。 十年二月,因病乞 休。
六年		龙景标署任。 思州人。由监生投 效。九月履任。七年 四月去。	

	知 县	县 丞	典 史
七年		马如飞 四川新都人。由附 贡捐纳。四月履任。 八年八月去。	
八年	余廷英署任。 字毓岩,武进人。由 附贡捐纳。七月履 任。十年闰五月去。	汪文澜 婺源人。监生。八月 履任。十月去。 龚杖中署理。 侯官人。由监生捐 纳。十月履任。九年 七月去。	
九年		张宝元 字稼生,天津人。由 监生捐纳。七月履 任。十八年正月,卒 于官。	
十年	薛赞襄署任 字幼梅,武进人。由 监生捐纳。闰五月 履任。十一年二月 去。		向文焕代理。 华阳人。由监生捐 纳。二月履任。十一 月,调署新昌县典史 去。 姚潜代理。 清河人。由监生捐 纳。十一月履任。十 一年二月去。



	知 县	县 丞	典 史
			刘廷楨 未抵任，病故。
十一年	吴保燮署任。 字岱林，固始人。由 军功二月到任。十 一月去。 张宝元代理 见县丞。十一月履 任。十二年正月卸 事。	姜超伯代理。 六合人。监生。十一 月履任。十二年正 月去。	顾子寿署任。 金匱人。由监生捐 纳。二月履任。十二 年四月去。
十二年	高英 有宦绩。		林承泽署任 金山人。由文童捐 纳。四月履任。十三 年六月去。
十三年			岳家幹署任。 阳湖人。由监生捐 纳。六月履任。十四 年三月，因病乞休 去。
十四年			何传烈署任 丹徒人。由监生捐 纳。三月履任。十五 年四月去。

	知 县	县 丞	典 史
十五年	<p>黄秉钧未到任。</p> <p>孝廉方正。知县。</p> <p>郭雅注署任。</p> <p>字晋卿，三原人。光绪六年进士。正月履任。十六年正月去。</p>		<p>廖加理</p> <p>临桂人。由监生捐纳。十年九月补缺。因家丁捏报前任刘廷楨病故，扣省查办。本年四月，事了履任。十八年六月，与镇海县典史钱庆礼对调去。</p>
十六年	<p>马芳田</p> <p>有宦绩。</p>		
十八年	<p>汤庆淮</p> <p>字柏泉，安阳县人。由监生捐纳。正月履任。四月，卒于官。</p> <p>徐懋简兼理。</p> <p>字小筑，新阳人。由监生捐纳。四月履任。五月去。</p> <p>章甫署任。</p> <p>字麓衡，长沙人。由景山官学汉教习差满。五月履任。二十年二月去。</p>	<p>刘循俶。代理</p> <p>旌德人。由监生捐纳。二月履任。三月去。</p> <p>季敬庄署理</p> <p>浦城人。由监生捐纳。三月履任。十九年七月去。</p>	<p>江宜兴代理。</p> <p>新城人。由监生捐纳。六月履任。闰六月去。</p> <p>钱庆理署任</p> <p>元和人。由监生捐纳。闰六月履任。二十年，丁母忧去。</p>

	知 县	县 丞	典 史
十九年		郑守洵署任。 闽县人。由附贡生捐纳。七月履任。	
二十年	邹寿祺署任。 字静山，无锡人。由军功二月履任。二十一年三月去。	葛鸣琴 临清人。廩贡生。由山东齐东县训导保荐。九月履任。二十一年，卒于官。	刘循俶代理。 见县丞。十一月履任。二十一年三月卸任。
二十一年	张炤 有宦绩。 以下职官，均《新采访》。	包炽昌代理。 南丰人。由监生捐纳。九月履任。十月去。 李光鼎 湘乡人。由监生捐纳。十月履任。二十二年十一月去。	黄瑑署任。 金山人。由监生捐纳未入流。三月履任。二十二年，卒于官。
二十二年		张国年 嘉应州人。由监生捐纳。十一月履任。	陈承镗代理。 闽县人。由监生捐纳从九。正月履任。八月去。 朱箕 署任。 武进人。由监生捐纳。八月履任。

	知 县	县 丞	典 史
			程炜 字继良,湖南人。三十年,卒于官。
二十五年	刘景焯代理。 衢州府经历。 杨葆光署理。 有宦绩。		
二十六年		李茂莲 字少白,福建人。由监生捐纳。三十年去。	
二十七年	葛锡爵 字寿萱,江苏人。由监生捐纳。七月履任。三十二年二月去。		
三十一年		李润 直隶人。附贡。宣统三年九月,国体变更去。	徐行 江西人。正月履任。翌年,以逸犯被议去。
三十二年	唐植仁署理。 湖南人。三月履任。翌年七月去。		何失名。 江苏人。何年去任,未详。

	知 县	县 丞	典 史
三十三年	冯金恩 有宦绩。		
宣统二年	葛锡爵复任。 六月履任。翌年二月去。		张玉珂 湖南人。是否是年任，未详，姑列于此。三年九月，以国体变更去。
三年	英厚 正白旗人。二月履任。九月，国体变更去。		

《龙游县志》卷十一

县人 余绍宋撰

## 职官表<sub>表二</sub>

### 学 官<sub>职官表二</sub>

宋

案：《宋史·职官志》只列州府教授，而于县学官制不详。王明清《挥麈前录》云：政和中，诏天下州、县官皆带提举，管勾学事。此兼职也。《历代职官表》：案云：其后诸县学委知通于令佐内选有出身官一员，兼领教导职事。若州、县官俱无出身，只令本学长谕专主训导，却令知州、县令觉察点检云云。是县学有长谕一官，但未详其出处。又案：《文献通考》：宋仁宗庆历四年，始令州县立学，本道使者选属为部教授。不足，则取于乡里宿学之有道业者。神宗熙宁六年，始命于朝廷云云。是宋时县学有教授之官，但诸书皆不言，县学有教授，尚待考证。又案：康熙《府志》引《兰溪县志》云：景定三年，始置主学一员。咸淳元年，选学正、学录、直学各一员；学谕四员，长谕八员，小学教谕一员。

不知其说何据。考赵兴鉴《长洲学记》：眉山宋楚材，以景定元年举长洲县主学。是主学不始于三年。又考朱子《举柯翰状》：照对县缺直学一员，申乞以翰差补。是南渡之初，已有直学，亦非始于咸淳也。窃意主学、直学诸职，县学或有或无，并非常制。而其不命于朝廷，亦不必以学官论。兹故不入是表。又案：康熙《志》题为教谕，宋代所无。兹依万历壬子《志》例，于表端仅标学官二字。

学 官	
高宗绍兴十六年	<p><b>徐振业</b></p> <p>案：范浚《学田记》仅称学职徐振业；康熙《府志》则列入主学一类，注引县志。而两旧志皆无主学之名，岂所引者为万历壬子以前旧县志欤？抑误于《兰溪县志》之说而臆断之欤？不可知矣。</p>
时代失考	<p><b>李时昇补。</b></p> <p>案：《会泽李谱》载：宋时，有名时昇者，司训龙游。其子名冕，随之来，因卜居会泽，为其始祖。两旧志失载，今据补。</p>

## 元

案：康熙《府志》引《元史·百官志》云：县儒学设教谕一员、训导二员、书院设山长一员。今考《元史·百官志》无此文。《元史·选举志》亦仅言设教谕一员，书院设山长一员，未言有训导二员也。然元时县学实有训导，陶宗仪《辍耕录》云：钱伯全作训导时，行刑官至，讲：“钦哉钦哉，惟刑之恤哉。”讲毕，称赏不已。是其明证。今姑备训导一格，以俟他日考补。

	教 谕	训 导
世祖至元 二十年	张元魁 案:徐伯彪《文庙记》仅云邑教 张元魁。康熙《府志》列入教 谕,今姑从之。	
文宗至顺 三年	洪与宁 案:徐桂蟾《修儒学记》仅云职 教洪公与宁。康熙《府志》列 入教谕,今姑从之。	
顺帝元统 元年	留文亭补 案:徐桂蟾《修儒学记》亦仅云 留公文亭新领学事。康熙《府 志》列入教谕,今姑从之。 又案:万历壬子《志》徐记则作 文亭,未详孰是。两旧志失 载,今补。	
年代无考	梁洵 字好问,景宁人。 刘文字 余元禄补。 字一峰,宜兴人。至正二年进 士。案:两旧志失载。今据 《石峰余谱》廖启文撰传补。 元禄,即石峰始祖也。	

## 明

县学,教谕一人、训导二人。《明史·职官志》。



	教 谕	训 导
太祖洪武元年		吕伯常
二年	徐复初	
二十三年	<p>郑秉文</p> <p>案：两旧志本传仅云洪武初教谕，不详何年。兹考《重建东华禅院碑铭》，为秉文作款，题洪武二十三年五月，故列此。</p> <p>有宦绩。</p>	<p>孔茂道</p> <p>有宦绩。</p>
成祖永乐间	<p>戚琥</p> <p>案：三《府志》琥作虎。有宦绩。</p> <p>廖鼎</p> <p>抚州人。案：三《府志》鼎作鼎。</p> <p>刘组</p> <p>泰和人。举人。</p> <p>黄清宁</p> <p>莆田人。</p> <p>张纲</p> <p>字宗德，苏州人。举人。升国子助教去。</p>	<p>王源</p> <p>江西人。</p> <p>黄永迪</p> <p>杭州人。</p>

	教 谕	训 导
英宗正统 间		范炯 崇安人。案：天启《府志》列康迪后。 张颢 广东人。案：三《府志》颢作显，万历壬子《志》则作顺。
代宗景泰 三年		康迪 泰和人。案：嘉靖、康熙二《府志》迪作逮。又案：嘉靖《府志·建置》县学下言康逮为景泰时训导，而《官守》中又作宣德问任，自相矛盾。
景泰间		何训 乌程人。
英宗天顺 四年		郭英 有宦绩。
八年		雷中 恒山人。案：嘉靖、天启《府志》列在孔茂道之后。

	教 谕	训 导
天顺间	<p>赵奎</p> <p>字应文，华亭人。 案：天启《府志》列在朱宗荣后。</p>	<p>洪钦</p> <p>龙溪人。 案：三《府志》云监生。</p> <p>陆华</p> <p>字光大，无锡人。 案：三《府志》云监生。</p>
宪宗成化三年	<p>朱宗荣</p> <p>闽县人。举人。 案：尹直《乡贤祠记》云：成化丁亥仲秋，王侯偕学谕三山朱君宗荣率僚佐生儒释奠。丁亥为成化三年，故列于此。但嘉靖、康熙两《府志》以为宣德间任。</p>	<p>张嗣玉</p> <p>麻城人。举人。</p>
六年	<p>胡启</p> <p>字允迪，南平人。举人。</p>	<p>吴贵</p> <p>有宦绩。</p> <p>倪俊</p> <p>怀安人。 嘉靖、康熙两《府志》云岁贡。</p>
成化间	<p>吴允端</p> <p>宜黄人。举人。</p>	<p>李朴</p> <p>字长质，新淦人。</p> <p>林宗</p> <p>有宦绩。</p> <p>黄坦</p> <p>字治平，汀州人。 案：万历壬子《志》坦作垣，疑误。</p>

	教 谕	训 导
孝宗弘治 五年	朱麒 字梦祥,怀安人。举人。	
十五年	陈璜 案:嘉靖、天启两《府志》,万历壬子《志》作漳州人。有宦绩。	赵镇 汝阳人。案:康熙《府志》作丹阳县拔贡。嘉靖《府志》则云岁贡。
十七年		霍球 南海人。举人。
武宗正德 元年	欧阳春 柳州人。升鲁府伴读。案:三《府志》作和州人。岁贡。万历壬子《志》作湖广人。	邓翰 闽县人。案:康熙《府志》云岁贡。嘉靖《府志》则云三年任。
五年	周诰 贵溪人。举人。升府学教授。 案:嘉靖、天启两《府志》,万历壬子《志》作南昌人。	
八年		唐祚 崇庆人。案:嘉靖、康熙两《府志》云岁贡。
九年	陈雄 晋江人。以忧去。案:嘉靖、康熙两《府志》云岁贡。	

	教 谕	训 导
十二年	涂骏 南昌人。举人。案：三《府志》涂作塗，疑误。万历壬子《志》则作徐，未知孰是。	范彦广 吴县人。案：嘉靖、康熙两《府志》云岁贡。
十五年		施志广 广德人。案：嘉靖、康熙两《府志》云岁贡。
十六年	许钦 绩溪人。案：嘉靖、康熙两《府志》云岁贡。	
世祖嘉靖三年		凌云 靖江人。案：嘉靖、康熙两《府志》云岁贡。
五年	陈大模 莆田人。举人。升吉安府学教授去。	陈文禹 案：嘉靖《府志》作六年任。有宦绩。
九年	周懋薰 号存吾，莆田人。举人。升都司卫府学教授去。	
十二年		谭仲仪 号汝峰，涪州人。案：三《府志》仅作义，又注云岁贡。

	教 谕	训 导
十四年	<p>余瓘</p> <p>字中之,号素斋,举人。案:嘉靖、康熙两《府志》云:铅山人。岁贡。</p>	
十七年		<p>李日章</p> <p>琼山人。案:嘉靖、康熙两《府志》云岁贡。</p>
十八年	<p>邢守惠</p> <p>号南州,会同人。以忧去。案:嘉靖、康熙两《府志》云岁贡。嘉靖《府志》、万历壬子《志》惠作德。</p>	<p>邵达道</p> <p>号东山,都昌人。案:嘉靖、康熙两《府志》云岁贡。</p>
二十一年		<p>陈槐</p> <p>字公植,号白泉,甌宁人。案:嘉靖、康熙两《府志》云岁贡。</p>
二十三年	<p>吴申</p> <p>字公翰,号瑞崖,万年人。案:康熙《府志》申作由。嘉靖、康熙两《府志》注云岁贡。</p>	<p>章慈</p> <p>有宦绩。</p> <p>奚来任</p> <p>无锡人。案:康熙《府志》云见《县职官志》。又案:钱仕《重建儒学记》所称训师陈公,即指训导陈槐,前于《县官表》中嘉靖二十一年下已有考订。</p>

	教 谕	训 导
		<p>据钱记所叙年月事实考之，嘉靖二十二年癸卯，儒学火。越年甲辰，兴工重建。其承命而督工，陈槐均于其役。又明年乙巳，钱仕履任，更图扩张，陈槐亦与其谋。至嘉靖二十五年丙午落成，邑博邢守惠、章慈请为之记。审是，则嘉靖二十四年，陈槐犹在训导任。其一训导，即为章慈。又考《常山县志》，陈槐下云：嘉靖二十九年，由龙游训导升任邑教谕。是陈槐至二十九年始去龙游。而康熙《府志》复于章慈后列奚来任，是有训导三人，均与事实不符。又嘉靖二十五年，请钱仕为记者，尚有邢守惠，是守惠至二十五年犹未去任，而两《府志》则列守惠为十八年任，二十三年复列吴申，亦与钱记不合。今以牵动数人，不便臆改，姑仍其旧，而抒其说于此。</p>

	教 谕	训 导
二十七年		<p>陈秉常 有宦绩。</p> <p>陈税补。</p> <p>案：两旧志失载。考西乡项家村含辉宫姜、席堰碑，题名有训导陈税。此碑为嘉靖二十七年立。兹据补。</p>
三十二年	<p>张枢 案：康熙《志》枢作枢。有宦绩。</p>	<p>叶升 案：天启《府志》升作昇。有宦绩。</p>
三十五年	<p>陈德纯 有宦绩。</p>	<p>刘杲 鄱阳人。案：嘉靖、康熙两《府志》云岁贡。又案：两旧志于叶升下云：一年弃官去。则是刘杲之前尚有人也。否则，杲履任年分必有误。</p>
三十六年		<p>陈良臣 有宦绩。</p>
三十七年		<p>夏磷 句容人。案：嘉靖、康熙两《府志》云岁贡。</p>
三十九年	<p>万金 有宦绩。</p>	<p>聂澜 案：康熙《志》澜作兰。有宦绩。</p>



	教 谕	训 导
四十二年		江汝济 字以舟。临川人。 案：嘉靖、康熙两《府志》云岁贡。
四十三年	柯宗潮 案：天启《府志》作万历年任。嘉靖《府志》止于四十四年，而不载柯宗潮，岂宗潮未抵任耶？兹姑依康熙《府志》、两旧志。 有宦绩。	邓云程 南城人。 案：嘉靖、康熙两《府志》云岁贡。
四十五年		陆律 有宦绩。
穆宗隆庆二年		王中行 龙溪人。 案：康熙《府志》云岁贡。
四年	高应旸 庆远人。举人。升奉化知县去。	
神宗万历二年		汪应贞 有宦绩。
三年	朱良性 案：康熙《府志》作李良信。有宦绩。	

	教 谕	训 导
六年		<p>赵简 字希敬，桐城人。 案：康熙《府志》云岁贡。</p> <p>张汝孝 案：两旧志《水利志》西湖下注云：万历六年，儒学训导张汝孝言于兵巡胡汝嘉、知府陈涧，议改其旧云云。是六年汝孝已履任。康熙《府志》作十一年任，疑误。 有宦绩。</p>
八年	<p>李应阳 有宦绩。</p>	<p>李春熙 有宦绩。</p>
十一年	<p>吴镇 字安国，新城人。 案：康熙《府志》云岁贡。</p>	
十二年	<p>戴汝恂 临海人。 案：康熙《府志》云岁贡。 又案：康熙《府志》作万历二十年任；天启《府志》并两旧志，亦列在阮珩、黎道美之次，均误。考秦鸣雷《重修儒学记》云：学谕戴子汝恂，予甥也。偕其察王君尧儒、卢君仲翰，愿乞一言勒石，以垂永久。予因戴甥知使君特稔，因</p>	

	教 谕	训 导
	<p>备书之。是役也，经始于甲申二月朔，届五月而工竣。使君名崇贤、字幼斋。是戴汝恂与鲁崇贤、王尧儒、卢仲翰同时官龙游，极无疑义。若依康熙《府志》，则戴汝恂履任应在鲁崇贤去任后六年，似无缘与之稔识。而其时训导已易郭思畴、许登卿、沈浩然诸人，王尧儒、卢仲翰应早去任，断无偕同请作记文之事矣。至戴汝恂究系何年履任，虽无切证，然当重修儒学之时，则必在任无疑。重修儒学，为万历十二年甲申事，故改列于此。</p>	
十四年		<p>卢仲翰 东阳人。案：康熙《府志》云岁贡。</p>
十五年		<p>王尧儒 金华人。案：康熙《府志》云岁贡，又儒作伦，天启《府志》同。</p>
十六年	<p>阮珩 建德人。案：康熙《府志》云岁贡。</p>	

	教 谕	训 导
十七年		郭思畴 有宦绩。
十八年	黎道美 有宦绩。	
十九年		许登卿 有宦绩。 沈浩然 云南六凉卫人。 案：康熙 《府志》云岁贡。
二十二年	姚集 有宦绩。	
二十三年		方文辉 太平人。 案：康熙《府志》云 岁贡。
二十四年	邓校 南平人。 案：康熙《府志》云 岁贡。	
二十六年		阙近臣 有宦绩。
二十七年	黄华 浔州人。举人。擢知县去。 姚舜聪 案：天启、康熙两《府志》舜作 秀。 有宦绩。	詹世教 松阳人。 案：康熙《府志》云 岁贡。

	教 谕	训 导
三十年		罗元龄 桐庐人。案：康熙《府志》云岁贡。
三十一年	张应桂 有宦绩。	赵重璧 长沙人。案：康熙《府志》云岁贡。
三十三年	张本 有宦绩。	钟继儒 字席珍，海盐人。甫受荐，以艰去。案：康熙《府志》云岁贡。
三十四年		陈守邦 龙溪人。案：康熙《府志》云岁贡。
三十五年	李崇仁 香山人。案：康熙《府志》云岁贡。	
三十六年		孙朝宗 有宦绩。
三十九年	陈本钦 有宦绩。	钟相业 字贤修，钱塘人。案：康熙《府志》云岁贡。
四十年	薛师鲁 字敬叔，嘉兴人。举人。贵阳府籍中式。	

	教 谕	训 导
四十一年	黄守正 字贞元,嘉兴人。举人。升琼州府推官去。	
四十三年		汤池 号儒林,安仁人。案:康熙《府志》云岁贡。
四十五年		樊问孝 字季本,缙云人。案:康熙《府志》云岁贡。
四十七年	蔡安国 丹阳人。岁贡。升处州府教授去。	
四十八年		黄朝策补。 萧山人。岁贡。案:康熙《志》失载。今依天启、康熙《府志》补。
熹宗天启元年	吴中台 有宦绩。	戴宗璠 有宦绩。 王学导 贵州人。案:天启、康熙两《府志》云五开卫岁贡。又导作道。

	教 谕	训 导
七年	<p>吴仕杰 山阴人。岁贡。 案：龚承荐《刘侯改作学宫纪事》任作士。 又案：此与训导王、沈二人，康熙《府志》亦未载履任年月。考《刘侯改作学宫纪事》云：是役也，经始于天启七年四月，落成于崇禎元年六月。其赞襄经费，则博士吴公士杰、王公应侃、沈公其选也。今故定为七年任。</p>	<p>王应侃 建德人。 案：康熙《府志》侃作式，康熙《志》侃作祝。兹据龚承荐《刘侯改作学宫纪事》。 沈其选 遂安人。</p>
崇禎间年代失考	<p>刘应魁 松阳人。岁贡。 钱标鼎 钱塘人。岁贡。 顾继元 嘉兴人。岁贡。 李冲 有宦绩。 陈振琦 黄岩人。岁贡。 案：康熙《府志》琦作奇。 林师皋 岁贡。 孙鳌 山阴人。岁贡。</p>	<p>许大荫 黄岩人。 王演文 彭泽人。 赵应聘 黄岩人。 张鹏腾 有宦绩。 胡良琦 汤溪人。 案：以上七人，康熙《府志》均注云岁贡。</p>

案:《浙江通志·选举表》,明代荐辟中,有吕忞。注云:永康人。举秀才,龙游教谕。今检两旧志,无之。但时代未详,故附列于此。

## 清

顺治四年,县学,设教谕一员、训导一员。康熙三年,止设教谕一员。十五年,县学仍设教谕、训导各一员。

	教 谕	训 导
世祖顺治三年	江有章 乐清人。岁贡。升杭州府教授去。	
六年		陈廩 建德人。案:康熙《府志》云岁贡。
八年	吴汝宁 字季安,号钟雨。崇禎三年举人。嘉兴籍,歙人。康熙四年,升宁波府教授去。	
十三年		钱鑛 上虞人。案:康熙《府志》云岁贡。
康熙三年		训导裁缺。



	教 谕	训 导
五年	<p>黄涛</p> <p>字观只，改字冠氏，嘉兴人。</p> <p>十七年，升滋阳县知县去。</p>	
十五年		<p>复设训导。</p>
十六年		<p>王克遵</p> <p>字无逸，号三侯，仁和人。贡生。</p>
十七年	<p>王之皋</p> <p>字廷辅，青田人。贡生。十八年，致仕去。</p>	
十九年	<p>杨鼎新</p> <p>字君凭，号晶园，慈溪人。顺治十一年举人。</p>	
二十二年	<p>顾斌</p> <p>钱塘人。康熙八年举人。</p>	
二十六年		<p>胡铭</p> <p>仁和人。岁贡。 案：康熙《府志》作胡弘铭。</p>
二十八年		<p>俞震</p> <p>海盐人。岁贡。</p>
三十年	<p>诸煜魁</p> <p>余姚人。举人。</p>	

	教 谕	训 导
三十三年	<p>张世琦</p> <p>海宁人。康熙十一年举人。升宁波府学教谕去。案：叶淑衍撰《孟继祖德政碑》为康熙四十八年事，书丹者为张世琦，知世琦在任颇久。</p>	
三十六年		<p>汪立德</p> <p>仁和籍，休宁人。岁贡。案：叶淑衍撰《孟继祖碑》，篆额者为汪立德，知立德于四十八年尚在任。</p>
年份失考	<p>田间来</p> <p>山阴人。康熙二十九年举人。</p>	<p>沈绍法</p> <p>山阴人。贡生。</p> <p>姚德辂</p> <p>归安人。贡生。</p>
世宗雍正三年		<p>郑之桓</p> <p>宣平人。贡生。卒于官。</p>
五年	<p>沈圻</p> <p>本姓茅，字西梧，桐乡人。康熙四十四年举人。案：康熙《志·续官师》注云现任。《续选举》为乾隆六年沈圻所编，是沈圻至六年犹未去任。</p>	
高宗乾隆二年		<p>黄联飞</p> <p>字晓山，山阴人。贡生。</p>

	教 谕	训 导
十三年		<p>章湖</p> <p>见《泽山姜谱》。案：《庙下何谱》载，乾隆十四年，山东道监察御史章有大撰《何象贤六十寿序》有“戊辰冬，家仲圮思秉铎是邦”一语。戊辰，乃乾隆十三年。圮思当为湖之别字。</p>
十六年	<p>沈梁</p> <p>嘉兴人。案：《赤亭支谱》有乾隆十六年龙岸秉铎携李沈梁《序》。又案：《泽山姜谱》云教谕。</p>	<p>方三植</p> <p>案：《赤亭支谱》又有方三植《序》，款题龙岸秉铎年家眷弟。案：《泽山姜谱》云训导。</p>
十六年后至二十一年间	<p>邵失名。</p> <p>案：《大治袁谱·袁士炳传》云：乾隆辛未，大旱，饥，发粟赈济。后学师邵会县详报力荐宾筵，固辞不受。因知有邵姓学官。惜亡其名；又不详其为教谕抑为训导。</p> <p>许学曾</p> <p>字固庵，号瓣香，继子，仁和人。雍正十年举人。曾为龙游学官。见潘衍桐辑《雅堂诗话》。但系教谕抑训导，未详。</p>	

	教 谕	训 导
二十二年	<p>周书</p> <p>号墨涯，会稽人。案：《〈墓然奠谱〉序》为周书撰，款署乾隆二十二年九月特授龙游儒学教谕会稽周书。又案：乾隆二十八年《重建明伦堂记》列衔教谕秦既坚监刊。而碑文称：始于辛巳之夏，成于壬午之秋。主其议者，知龙游县万君世荣、教谕周君书、训导黄君萃欽。辛巳为二十六年，壬午为二十七年，是此两年中周尚在任，秦既坚尚未至。</p>	
二十六年		<p>黄萃欽</p> <p>余杭人。见余作沛《本县学额记》。履任年月，见上教谕周书案语。</p>
二十八年	<p>秦既坚</p> <p>慈溪人。乾隆二十一年举人。字大田。见《灵山茶亭碑记》。</p> <p>案：《重修龙游县学泮池碑记》云：余奉命司铎龙游，以癸未岁到署。癸未为乾隆二十八年，碑记作于三十八年。是时，既坚已在任十年矣。又案：《大治袁谱》有既坚撰《袁</p>	

	教 谕	训 导
	<p>嘉增寿序》，有云：著雍渚滩岁冬元月朔，越五日为先生六秩揽揆之辰。又云：年老解组，行李匆匆。著雍渚滩为乾隆五十三年戊申，因知既坚去任为五十三年冬间事。</p>	
<p>三十八年</p>		<p>孙大夏                      字咸山，一字晓垞，山阴人。乾隆八年举人。案：严震元妻叶氏节孝坊，乾隆三十八年九月建，列衔龙游儒学副堂孙大夏、原任龙游县儒学副堂黄萃欽，因知继黄者即孙。又案：乾隆五十五年《重修儒学碑》署名为截取知县原任训导孙大夏、管训导事高家骏，知大夏于五十五年始去任。</p>
<p>五十三年</p>	<p>严国成                      陈豹奇                      案：乾隆五十五年《重修龙游学碑记》为陈豹奇撰，内云：余忝司铎三年。是履任在五十三年，适与秦既坚去任时相接。惟嘉庆四年，余琛妻叶氏并叶世璠妻侯氏节孝坊，均云：原任教谕严国成、现任教</p>	

	教 谕	训 导
	谕陈豹奇。是豹奇以前尚有严国成,或系权摄,今姑列此俟考。 有宦绩。	
五十五年		高家骏 号末堂,见《城南曹谱·曹节母马孺人传》后题词。仁和人,见《〈擢桂里叶谱〉序》。乾隆四十二年举人,见《灵山徐谱》家骏撰《徐钧传》。案:《〈擢桂里叶谱〉序》作于嘉庆十二年丁卯仲冬月,知家骏在任颇久。
五十九年	刘石钧 字任萃。 案:余华《星堤诗萃》有《和刘任萃师登黄浦阁原韵》诗、《和登东华山阁怀古原韵》诗、《西湖别墅次原韵》诗、《又陪任萃师坐宜园水阁和韵》诗等,皆乾隆五十九年甲寅作;又《春杪送任萃师之会稽任》诗、《题赭江送别图》诗,皆六十年乙卯作。因知其六十年春间迁会稽去。 又案:《五都詹谱》有乾隆五十九年《题桂里八景》诗,叙衔龙游县学教谕。	

	教 谕	训 导
六十年	<p>张巽</p> <p>案：《泽远里杨谱·杨廷誉传》：乾隆六十年，邑主漆公、学师张巽举为约正。又《杨祥麟传》为龙游学教谕张巽撰。</p> <p>严国威</p> <p>金华人。乾隆三十三年举人，五月选。见嘉庆二年冬季《缙绅录》。案：《赤亭支谱》有《支淑翁六十寿序》，叙衔嘉庆四年戊子科举人现任龙游学教谕年家眷弟严国威拜撰。是嘉庆四年严国威尚在任，而前引嘉庆四年余琛妻叶氏并叶世璠妻侯氏节孝坊则又云：原任教谕严国成、现任教谕陈豹奇。殊不可解。即谓成字为威字之误，亦属不合，姑存疑，以俟考证。</p>	
仁宗嘉庆四年	<p>何棣</p> <p>字春华，号耕堂，丽水人。廪贡。案：嘉庆十一年，棣撰《〈张家埠金谱〉序》，有“嘉庆己未，余授篆任龙”之语。己未乃嘉庆四年也。又案：嘉庆十二年冬季《缙绅录》云：</p>	

	教 谕	训 导
	六月十二月升。与序文不合，疑四年为署任或系训导。	
七年	<p>李泉署任。</p> <p>案：《敦本堂余谱》有《余玉衡七秩寿序》，嘉庆七年且月李泉撰，叙衔文林郎候选知县署龙游儒学教谕。</p> <p>何棣复任。</p> <p>案：《桥东何谱》有棣《序》，云：壬戌夏，余自吴兴移任太末。壬戌为嘉庆七年，因知棣曾于前一二年调任吴兴，于七年复任龙游，与《缙绅录》符合。</p> <p>又案：余鏗《鹤寄轩诗钞》下卷有《送何辇堂广文致仕归括苍》诗，乃壬申年所作。壬申为嘉庆十七年。诗有“秋月送将归棹远”之句，是棣于十七年秋间去任，与下许鎬衔接。</p> <p>又案：姜美琼《绿葱草堂钞》中《送别何老师归括苍》诗，有“十年布教文声振”之句，棣于嘉庆四年莅任，至十七年去任，中间调任吴兴两年，适十年也。</p>	



	教 谕	训 导
十三年		<p>朱兆熊</p> <p>号兹泉，杭州人。举人，三月选。见嘉庆十九年秋季《缙绅录》。案：《六顺堂袁谱》有兆熊《序》，自称海昌朱兆熊，与《缙绅录》不合。</p>
十七年	<p>许镐</p> <p>号西麓，嘉兴人。乾隆四十九年举人，六月选。见嘉庆十九年秋季《缙绅录》。案：道光十九年九月，知县周敦培去任，镐有诗云：愧我劳生同退鷁。自注：戊辰，余不就县令之选，知镐为大挑改选教谕。</p> <p>又案：道光十三年《赤亭支谱》有《支聘斋五旬寿序》，知镐在任颇久。</p>	
嘉庆间年分无考	<p>高登奎</p> <p>字复斋，平湖人。嘉庆九年举人。</p> <p>施燮署任。</p> <p>字乃谁，号南荣，嵯县人。廪贡。以上二人，均见《旧采访稿》，不著年分，故附列于此。</p>	

	教 谕	训 导
宣宗道光 四年		<p>陈丰</p> <p>案:道光四年《重修学宫募捐启》,龙游学许镐、陈丰同署名。许镐是教谕,则陈丰必为训导,故列于此。</p> <p>唐济</p> <p>字云帆,号和斋,兰溪人。道光四年《重修学宫碑记》题名捐银十一两。</p>
五年		<p>郑云书</p> <p>字梅岭,海盐人。嘉庆十二年举人。见余恩燮道光二十四年恩科举人硃卷。案:道光十年,知县周敦培去任,云书赠诗,有“到龙愧我先三载”之句。敦培系八年履任,因知云书履任为五年。</p> <p>王树宝</p> <p>绍兴人。见道光五年《缙绅录》。案:前条所引,郑云书于道光五年至十年均在任,不宜更有树宝。兹姑录以俟考。</p> <p>冯绍京</p> <p>绍兴人。二月选。见道光十六年秋季《缙绅录》。号芸生,嘉庆三十一年举人。见王日烜硃卷。</p>

	教 谕	训 导
十四年	<p>胡绍锦</p> <p>字春帆。乾隆五十九年举人。见王日烜硃卷。案：道光十六年秋季《缙绅录》云嘉兴人。五月补。考甲寅为乾隆五十九年，至道光十四年，已历四十年，疑甲寅二字有误。</p>	
十六年		<p>娄埭</p> <p>山阴人。举人，十一月选。见道光二十三年《缙绅录》。号觐霄。见《高阶余谱》埭所撰《尊先祠报本祀记》。</p>
二十二年	<p>孙仁寿</p> <p>八月选。见道光二十三年《缙绅录》。有宦绩。</p>	
二十八年		<p>许佐清</p> <p>号箬溪，长兴人。廩贡。五月任。同治二年九月，卒于官。</p>
文宗咸丰十一年	<p>案：孙仁寿《殉难后学记》由其家丁王升呈交训导许佐清收存。直至同治二年九月李恭润履任时止，教谕悬缺无人。见旧档案。又案：咸丰十一年《缙绅录》载，教谕张应奎，绍兴人。廩生。十年十一月</p>	

	教 谕	训 导
	选。盖当时因乱未能赴任，故孙仁寿犹在任，至于殉难也。	
穆宗同治二年	李恭润署理。 号朗仙，镇海人。道光十九年举人。九月任。四年十二月，选归安训导去。	庄振英署理。 号子明，镇海人。附贡。十月任。五年五月去。
四年	周培芳 号伯衡，泰顺人。廪贡。十二月任。五年七月，以艰去。	
五年	冯可镗兼理。 训导，九月卸任。 王启忠署理。 号菁史，鄞县人。附贡。九月任。六年十一月去。	冯可镗 号蓉轩，慈溪人。廪贡。五月任。八年正月去。
六年	蒋锦澜署理 号荔泉，会稽人。道光二十四年举人。十一月任。	
七年	周承漠 仁和人。道光十七年举人。闰四月任。七月，调充省垣诂经精舍监院去。 冯可镗兼理。 训导。八年正月去。	

	教 谕	训 导
八年	<p>杨钟铭 号桂山,天台人。廩贡。正月任。八月,卒于官。</p> <p>杨徵兼理。</p> <p>训导。十月卸任。</p> <p>蔡盛传 有宦绩。</p>	<p>许文琳署理。 号瓯卿,临海人。恩贡。正月任。八月去。</p> <p>杨徵 有宦绩。</p>
十年	<p>褚荣槐 有宦绩。</p>	
德宗光绪四年	<p>王启忠署理。 见前。未履任。</p> <p>杨徵兼理。</p> <p>训导。十月去。</p> <p>朱凤毛署理。 号竹卿,义乌人。拔贡。八月任。六年二月去。</p>	
六年	<p>余锡年署理。 号琴卿,遂安人。拔贡。二月任。六月去。</p> <p>单文楷 号少帆,山阴人。咸丰八年举人。六月任。十八年十一月,卒于官。</p>	

	教 谕	训 导
十八年	嵇恩培兼理。 训导。十一月任。十九年八月卸任。	江振杰署理。 号芷香,钱塘人。同治九年举人。三月任。七月去。 嵇恩培 号汀莹,乌程人。廩贡。七月任。三十二年,以裁缺去任。
十九年	沈裕铤 有宦绩。	
三十二年		训导裁缺。

《龙游县志》卷十二

县人 余绍宋撰

## 职官表<sub>表二</sub>

### 庶官<sub>职官表三</sub>

监征商税，宋置有七务。元改设税务提领一人、大使一人、副使一人。明改税课司，设大使一人，掌诸税事，惟裁撤年分无考。

监银场税，唐时置，宋因之，灵山为四务之一。元以后不设。

监铅场税，唐时置，宋因之，灵山亦为其四务之一。元以后不设。

监茶、盐、酒税，宋时置。元以后不设。

巡检，宋置，掌巡逻州邑，擒捕盗贼。元大德十年，升为从九品。明、清因之。原有湖镇、水北、灵山三司，后裁水北、灵山，仅存湖镇一司。惟裁撤年分无考。

驿提领，元时置，明改为驿丞，典传邮、迎送之事。清因之，有亭步、熙宁、龙游三驿，旋裁熙宁、龙游，仅存亭步一驿。至乾隆二十一年以后，始行裁撤。裁撤亭步驿，未见明文。查《赋役全书》载，是年裁驿丞经费银四十二两九钱四分，因推定为是年裁缺。

惠民药局官医提领，宋绍兴二十一年置。后废。元元贞三年，复置。明因之。后省。

医学，唐贞观三年置，博士、助教各一人，掌疗民疾。后废。宋政和五年，复置。元因之。明设训科一人。清仍之。

阴阳学，元置。明设训术一人。清因之。

僧正，始自吴越，宋因之。元改为僧录司。明设僧会司，僧会一人。清仍之。

道录司，元置。明设道会司，道会一人。清仍之。以上摘抄康熙《府志》。

## 宋

庶官姓名无可考者，其官职不列格。

监茶盐酒税	
仁宗庆历四年	武继志补。 案：两旧志失载。兹据赵抃《舍利寺塔记》补。
绍兴间	翁宣义补。 华亭县人。两旧志均不载。今据《前冈翁氏谱》补。宣义，即前冈始祖也。事详《氏族考》。

## 明

	亭步驿丞	湖镇司巡检	阴阳学训术	医学训科	僧会	道会
宪宗成化三年	王仲魁 长乐人。					



	亭步驿丞	湖镇司巡检	阴阳学训术	医学训科	僧会	道会
	<p>案：嘉靖《府志》作黄仲丞，天启、康熙两《府志》作黄仲魁，未详孰是。</p>					
孝宗弘治三年	<p>刁琮 凤阳人。 案：嘉靖《府志》作二年任。</p>					
五年			<p>章显通 补。 本县一都人。据嘉靖《府志》补。</p>			
十五年				<p>胡彦清 本县人。 年分依嘉靖《府志》列。</p>		

	亭步驿丞	湖镇司巡检	阴阳学训术	医学训科	僧会	道会
弘治至万 历年间		<p>李芹 上海人。</p> <p>岳俊 浦城人。</p> <p>赵光祖 巩县人。</p> <p>王仰 曲阜人。</p> <p>徐镗 合肥人。</p> <p>李成器 朝城人。</p> <p>案：康熙《府志》 作合肥人。</p> <p>吴失名。 稷山人。</p> <p>叶瑾 平和人。</p>				
正德元年					<p>文素 本县人。 年分，据 嘉靖《府 志》列。</p>	

	亭步驿丞	湖镇司巡检	阴阳学训术	医学训科	僧会	道会
神宗万历 间	<p>王禧</p> <p>尹进 嘉定人。</p> <p>黄敏 深州人。</p> <p>张维 昌乐人。 案：康熙《志》作张四维。</p> <p>黄镗 麻城人。 案：万历壬子《志》作堂。</p> <p>鲁维仕 巴陵人。 案：康熙《府志》黄镗之后为曾任，亦为巴陵人，而无鲁维仕。旧志则无</p>	<p>王铎 青阳人。</p> <p>张华 常熟人。</p> <p>邢时敏 贵溪人。</p> <p>陈希亮 连江人。</p> <p>许忠 侯官人。</p> <p>王朝元 丰城人。</p> <p>陈大宾 高要人。</p> <p>张其英 江西人。</p> <p>陈志道 湖广人。</p> <p>陈继皋 徽州人。</p> <p>姚敦 福建人。</p> <p>李元芳 江西人。</p> <p>梅全泰</p>				

	亭步驿丞	湖镇司巡检	阴阳学训术	医学训科	僧会	道会
	<p>曾任。疑是一人而传录致误者。</p> <p>闵栋 怀远人。</p> <p>李呈芳 凉州人。 案：万历壬子《志》无呈字。</p> <p>缪恺 桐城人。</p> <p>王用良 招远人。</p> <p>谢窠 麻城人。</p> <p>宋仪 无锡人。</p> <p>张桂 漳州人。</p> <p>陶宏 当涂人。</p> <p>丘文瑞 茂名人。</p>	<p>徽州人。</p>				

	亭步驿丞	湖镇司巡检	阴阳学训术	医学训科	僧会	道会
	<p>耿有光 广德人。 杨应奎 案：康熙 《府志》云 当涂人。 诸士文 补。 余姚人。 案：康 熙《志》失 载。今依 康熙《府 志》补。</p>					
熹宗天启 间	<p>张拱宸 补。 青阳人。 傅世明 补。 休宁人。 孙绍补。 乐安人。 案：以 上三人， 康熙《志》 均失载。</p>	<p>胡逢时 淮安人。 陈圣道 补。 高要人。 案：康 熙《志》失 载。今依 康熙《府 志》补。</p>				

	亭步驿丞	湖镇司巡检	阴阳学训术	医学训科	僧会	道会
	今依康熙 《府志》 补。					
怀宗崇禎 间	石大江 案：康熙 《府志》云 获鹿人。 陈嘉贤 补。 徐州人。 案：康 熙《志》失 载。今依 康熙《府 志》补。 李永年 张成美	林云标 江西人。 陈治邦 江西人。 凌有成 扬州人。				
以下年代 无考		苏润 江西人。 王应明 江西人。	章通 章显明 案：此两 人疑即前 列章显通 之误。 王一清 余文锦	余世规 王磁 叶子高 均本县 人。	道源 茂森 法旺 均本县 人。 忠侨 兰溪人。 徐兴德	钱茂琦 祝原信 翁良法 张忠意 均本县 人。 翁应诏 夏邦文

	亭步驿丞	湖镇司巡检	阴阳学训术	医学训科	僧会	道会
			余夔 均本县人。		汤溪人。 傅性岳 郑性仁 均本县人。 徐寂德	

## 清

案：清初，阴阳学训术、医学训科、僧会、道会，康熙《志》仅载僧会净因一人。注云：杭州人。《续选举表》中亦仅载训科范世礼一人、训术陆炯一人。余俱不载。《旧采访册》中，仅采得阴阳学训术五人：曰王世昌，曰徐蕴陞，曰吕克祀，曰吕嘉遇，曰余永鸷，并作天文生，是否即训术，尚待考。医学训科，亦仅采得二人：曰余镐，曰尹光泰，道光间人。《新采访》中，仅得龚慎海一人，见于《蓦然谱》。其被选及任职年代，俱无考。兹汇录于此，不另设格。说见《叙例》第八十六则。

又案：旧档案中，有光绪二十二年十二月十九日，衢州府知府志觐札龙游县知县文，云：奉署藩宪丁札开：案照例载直省僧道、阴阳学、医学等官，由各省督抚年终造册送部，由部咨送吏部查核。各等语。节经通飭造册详咨，迄今未据造送。该府暨所属各县僧道、阴、医等官，曾否补齐，亟应选举详充，以专责成云云。阅此，知清代于僧道、阴、医各官，极不注重，实已等于具文矣。

又案：康熙《志·续选举表》有农官一项，其制未详。凡七

人：曰徐之凤，曰方汝祥，曰杨廷旭，曰侯嘉宾，曰龚绍杰，曰徐时洪，曰余一瑄。《旧采访册》中，三人：曰徐时敏，雍正、乾隆间人，见《清塘徐氏谱》；曰曹德陞，见《城南曹氏谱》，有教谕周书撰《像赞》，知为乾隆间人；曰吴伯循，石巨人。未详时代。兹亦汇录于此。

又案：康熙《志·续选举表》中有供事官一人，曰祝维新；寿官一人，曰王化骝，皆由本籍人选举。今亦附此。

又案：同治以后，创设厘捐。于是，有厘金局之设。任其事者，悉由藩司札委，流品颇杂，虽属庶官，而非实职，兹不录。

	亭步驿丞	湖镇司巡检
世祖顺治三年 案：是年，始入清版图。	李澄 陈昌 案：以上二人，康熙《志》列张之龙前，注一委字，盖当权摄之官。康熙《府志》未载。	凌有成 案：此即明末之凌有成。康熙《志》注一委字，疑降清后由清军加委者也，故康熙《府志》不录。 吴禾 杭州人。 李景 福建人。案：以上二人，康熙《志》列余士贞前，注一委字。康熙《府志》亦未载。
七年		余士贞 徽州人。案：康熙《府志》作上元县吏员。



	亭步驿丞	湖镇司巡检
十二年	张之龙 案：康熙《府志》云易州吏员。	
十六年	杨廷芳 陕西西安人。升典史去。案： 康熙《府志》云三原县吏员。	
十八年		阮文惠 徽州人。案：康熙《府志》云歙 县吏员。
圣祖康熙 七年		曹承恩 柳州人。案：康熙《府志》云桂 阳县人。
十年	王佐 肥城人。案：康熙《府志》云吏 员。 焦震 滑县人。案：康熙《志》列王佐 之后，当系十年至十六年间任。 康熙《府志》未载。	
十六年	双捷 交城人。案：康熙《府志》云吏 员。	范作极 咸宁人。案：康熙《府志》云三 原县吏员。

	亭步驿丞	湖镇司巡检
二十年		张失名。 此据徐起岩《续官师志》，是否即康熙《府志》列二十五年之张瑞麒，无考，姑存之。
二十五年	钱志仁 案：康熙《府志》云繁昌县吏员。	张瑞麒 案：康熙《府志》云诸城吏员。
二十五年以后	沈芝芳 章明桂 王胜曾	郭大屏 陕西人。 李瑞麟 顺天人。 张明吉 顺天籍，杭州人。 王恺 大兴人。《续官师志》原注云：现任乐清县。 赵连城 文安人。以艰去。 案：以上五人，徐起岩《续官师志》不载履任年月，非尽康熙时之巡检。今以无考，汇列于此。
世宗雍正元年	金义检 遵化籍，苏州人。	

	亭步驿丞	湖镇司巡检
十年	<p>江祥</p> <p>大兴籍，旌德人。</p> <p>案：以上五人，据徐起岩《续官师志》列。</p>	
高宗乾隆六年		<p>赵琰</p> <p>大兴人。贡生。亦据《续官师志》。</p>
二十一年	<p>驿丞裁缺</p> <p>考证见篇首。</p>	
三十年		<p>方荣曾</p> <p>上元人。监生，二月题。见乾隆三十二年冬季《缙绅录》。</p>
三十九年		<p>林景</p> <p>奉天正白旗人。监生，九月补。见乾隆三十九年春季《缙绅录》。</p>
四十年		<p>熊勋</p> <p>太仓州人。监生，九月题。见乾隆四十一年夏季并四十六年冬季《缙绅录》。</p>
五十一年		<p>戴文选</p> <p>中江人。附贡，二月题。见乾隆五十四年秋季并嘉庆二年冬季《缙绅录》。</p>

	亭步驿丞	湖镇司巡检
仁宗嘉庆五年		熊勋再任。 见前。五月选。见嘉庆十二年冬季《缙绅录》。
十七年		吴勳 通海人。监生，九月题。见嘉庆十九年秋季《缙绅录》。
二十年		吴圣鋈 滕县人。监生，十月选。见嘉庆二十二年秋季《缙绅录》。
宣宗道光五年		李英图 临川人。见道光五年《缙绅录》。
十六年		王槐 江宁人。议叙，二月选。见道光十六年秋季《缙绅录》。
二十一年		章惠芬 铜陵县人。七月补。见道光二十三年并咸丰二年、七年《缙绅录》。案：吴枫《梅坪诗稿》中，有《宴少尉章完白署中赋呈二律》诗，正道光末年事，因知惠芬，字元白。又案：自乾隆六年至同治初年，凡一百二十年间，巡检仅凭《缙绅录》考得数人，余俱因案卷散失，无考。

	亭步驿丞	湖镇司巡检
穆宗同治二年		<p>吴晋蕃</p> <p>泾县人。由附贡捐纳。二月任。六年六月，丁忧去。案：咸丰十一年《缙绅录》作咸丰九年二月补，疑当时因乱阻程，故至同治二年始履任也。</p>
六年		<p>马福田兼理。</p> <p>见典史。六月任。八月去。</p> <p>张汝淦署任。</p> <p>山阳人。由监生捐纳。八月任。七年闰四月去。</p>
七年		<p>徐涟</p> <p>金溪人。由监生捐纳。闰四月任。十二年闰六月，丁忧去。</p>
十二年		<p>蔡克庸代理。</p> <p>浦城人。由附贡捐纳。七月任。何时去任，未详。</p> <p>王坤厚署任</p> <p>履任、去任年月均未详。</p>
年分无考		<p>周之楨</p> <p>徽州人。</p>
德宗光绪元年		<p>曹之震</p> <p>保定人。由宗人府供事议叙。四月任。五年六月，因回避姻亲开缺。</p>

	亭步驿丞	湖镇司巡检
五年		<p>廖允道署理。 施秉县人。由附生保举。六月任。九月,丁忧去。</p> <p>吕承恩署理。 未到任。</p>
		<p>朱楨代理。 婺源人。由监生捐纳。十月任。六年九月去。</p> <p>王殿奎署理。 未到任。</p> <p>丁瀚署理。 山阳人。由监生捐纳。九月任。七年十月去。</p>
七年		<p>周华清 吴县人。由监生捐纳。十月任。十三年八月,卒于官。</p> <p>吴嗣曾代理 海丰人。由廩贡捐纳。八月任。十四年二月去。</p>
十四年		<p>黄耀祖署理 绩溪人。由监生捐纳。二月任。五月去。</p> <p>刘培元 浦城人。由监生捐纳。五月任,二十二年丁忧去。</p>

	亭步驿丞	湖镇司巡检
二十二年		<p>刘荣槐代理 江都人。由监生捐纳。七月任。十月去。</p> <p>陈文伟署理 大兴人。由附贡捐纳。十月任。以上见《旧采访册》。</p>
二十四年		<p>李筠 字克修，广东嘉应州人。二十六年三月去。</p>
二十六年		<p>黄宝璋 江苏丹徒人。四月任。翌年十月去。</p>
二十七年		<p>雷建之 陕西人。翌年二月去。</p>
二十八年		<p>稽金弧 苏州人。二月任。翌年八月去。</p>
二十九年		<p>章程昌 福建人。八月任。宣统元年去。</p>
宣统元年		<p>刘荣槐 江西人。九月任。翌年去。</p>
二年		<p>何建章 常州人。翌年，国体变更去。以上《新采访》。</p>

## 武 官 职官表四

龙游兵防，唐以前不可考矣。宋制，则凡州县有兵马者，其长吏皆兼同管辖，故知县即一县之将。其后，分河北等路诸军，若干人为一将，别置将官，使之专功训练，知县始不关与军事。司马光以为设官重复，虚糜禄廩，乞尽罢将官，恢复旧制，司马光《传家集》。卒不果。是在未置将以前，龙游知县亦兼武职，盖可知也。其置将以后，龙游当亦有训练官，《历代职官表》云训练官，略如今千总、把总之比。然其员额及训练官为谁，今不可考。

元制，典兵之官，视兵数多寡为爵秩崇卑。长万户者为万户，千户者为千户，百户者为百户。世祖修官制，万户之下置总管，千户之下置总把，百户之下置弹压。《元史·兵志》。龙游防守武职，仅见万历壬子《志》所载，惜不详其官秩。康熙《志》并删之，非也。

明制，参将、游击将军、守备、把总，无品秩，无定员。独镇一路者为分守，各守一城一堡者为守备，与主将同守一城者为协守。《明史·职官志》。案：龙游在明时有无守备，今以三《府志》并两旧志均不详，遂无可考。又案：《明史·职官志》详列各路镇守总兵官，而于浙江分守参将四人：一为杭嘉湖参将，二为宁绍参将，三为温处参将，四为台金严参将，独不及衢州。据《明会典》，则嘉靖四十五年，添设总捕都司一员，驻衢州。天启《府志》称防碾总捕都司。康熙《府志》云：万历十五年，改设总捕、守备。当时必有属官，惜无可考。又其属官有无分驻龙游，亦无考。又案：《全浙兵制考》云：金衢区兵巡道下守备一员，陆兵名色把总三员，哨官十二员。龙游在明时有无此类兵官，亦无考。又案：《浙江通志》引嘉靖旧《通志》云：洪武八年，设浙江都指挥使司，领卫十六，各卫附各府



县。衢州有守御千户所。嘉靖《府志》云：其职有正千户、副千户、百户、镇抚，俱世袭，盖皆开国靖难之时以战功膺世职者也。康熙《府志·武官表》中，备载此项，而未详其屯扎之所，未知龙游亦有世职否耳。

清初，衢协左右两营都司、守备，轮年驻龙游、江山两县分防，分防龙游县兵一百二十名。哨船停步驿两只，潭石汪、隆兴埠、七都、湖镇、邈头潭各一只。分防溪口汛兵五名。康熙五十二年，福浙总督范时崇题请添兵五十五名。以上摘康熙《府志》。又案：雍正七年七月，兵部议复浙江总督李卫条奏水陆营制事宜折，内称衢协三营副将一员、都司二员、守备二员，俱同驻府城。而各县止派千把分防，尚觉单薄，应将衢协左营守备移驻江山县，右营守备移驻龙游县，各为防守。应如其请。奉旨依议。嗣于十二年十二月，兵部奏请改衢协副将为总兵官，右营守备调驻衢州府城，而以中营守备并千把各一员、兵一百八十名，分防龙游县城。外委一员，带兵二十名，驻驿前。中营千把各一员、兵五十五名，分防溪口汛。溪口汛归枫岭营游击兼辖，至同治七年始裁撤。据《浙江通志》、康熙《府志》并《旧采访册》。

## 元

年分失考	<p>王俊 镇守龙游。案：《槐环王氏谱》载是人，云：元至正三年，教授武节将军，抗军右卫管军，正千户。则是俊为本县人也。</p> <p>棋囊古歹 益都人。以万户诏平平昌寇，见《平寇碑》。</p>

年分失考	阿思荣不花 高昌人。监令。 铁乞斛 管军上千户。 案：以上四人。万历壬子《志》皆列周旺前，今仍之。
世祖至元二十年	周旺 开封人。授武德将军。案：见徐伯彪《文庙记》。康熙《府志》称为万户府，似误。

## 清

	中营守备	龙游汛千总	龙游汛把总	溪口汛把总	龙游汛外委	溪口汛外委
圣祖康熙二十六年	武淮					
三十五年	陈纪平		王启盛	李得陞		
三十八年			张胜武	张正		
四十七年	王在忠					
五十四年	张善敬					
世宗雍正元年	黄兆麟					
五年	方御时				孙国鼎 本省人。	沈光祖 本省人。

	中营守备	龙游汛千总	龙游汛把总	溪口汛把总	龙游汛外委	溪口汛外委
十年	韩用奇 案：雍正十二年以前，应称右营守备，说见前。惟《旧采访册》中悉称中营守备，今姑仍之。					
十三年	张汝棠		曹应陞			
高宗乾隆元年	张云		魏国忠	刘文成		
二年	张镐成					
六年			赵捷			胡国柱 西安人。 行伍。
七年	胡国柱 见前。					
八年	段秀林					
十四年			王勇			

	中营守备	龙游汛千总	龙游汛把总	溪口汛把总	龙游汛外委	溪口汛外委
十八年	官德谦					
二十一年	杨志芳					
二十二年	范德谦					
二十六年	胡清额					
三十一年				毛大峰		
三十四年	沙宏杰					
三十五年			王万年			
三十六年			李鹏飞			
四十二年			叶炯			
四十六年				何朝青		
四十七年			孙遇隆 秀水人。			
四十九年			张士超 西安人。	孙遇隆 原龙游 汛。	钱洪恩 西安人。	李英 西安人。
五十五年	朱琰					
五十八年	张高峰 署理。					

	中营守备	龙游汛千总	龙游汛把总	溪口汛把总	龙游汛外委	溪口汛外委
五十九年	张嵩年 张君耀 代理。 台州人。 行伍。		高丙魁		严万朝	
仁宗嘉庆元年	欧阳焕		王君贤 陈通			
二年	郑光耀					
三年			郭凯 西安人。 行伍。			
四年	顾中心			孙继纲	金超 张朝忠	郑连陞
五年	李安国					
七年				孙高陞		
十年					胡荣清	
十一年				李大成		
十二年	杨刚		蒋廷熊 案：溪口 汛亦为廷 熊，疑调 防，下同。	李筠 蒋廷熊		
十三年	李筠					

	中营守备	龙游汛千总	龙游汛把总	溪口汛把总	龙游汛外委	溪口汛外委
十四年			高丙龙	高丙龙		
十五年	许兆魁		刘学鹏			
十六年			孙高陞			
十七年			何高陞			高丙龙
十九年	李义元		刘云鹏			
二十年					毛万钟	
二十一年			傅光烈			
二十二年	蒋兆龙					
二十四年	刘连燿					
二十五年			张印彪			
宣宗道光 二年	刘连陞		邵棣华			
三年			何殿彪			
四年	毛大荣 兼署。 中营千 总。					
七年			王应泰			
八年	阎金魁					

	中营守备	龙游汛千总	龙游汛把总	溪口汛把总	龙游汛外委	溪口汛外委
十年			<p>钟凤麟 西安人。 行伍。 案：《龙游攀轩诗集》有诗题驻防汛钟凤祥，疑即是人。</p>			
十一年	<p>徐飞虎 兼署。 西安人。 武举，中营千总。</p>					
十二年	<p>徐俊</p>		<p>刘福臻 江山人。 行伍。</p>		<p>王大成 西安人。 行伍。《龙游攀轩诗集》中有诗。考周敦培去任为道光十年事，是十年大成已履任也。今姑依采访册列此。</p>	

	中营守备	龙游汛千总	龙游汛把总	溪口汛把总	龙游汛外委	溪口汛外委
十四年	郑潮勇 兼署。 西安人。 武举。					
十五年	杨贵然 署。 杭州人。 行伍。					
十六年			吴应枢 钱塘人。	赵大峰	王巨川 西安人。 行伍。 周兆和 江山人。 行伍。	王正达
十六年	周光碧					
十七年			赵大峰	王正达	孔殿鳌 西安人。 行伍。	王大成
十八年			徐丙祥 西安人。 行伍。咸 丰八年殉 难，给云 骑尉世 职。	钟凤麟 见前，疑 兼署。		钟凤麟 见前。 周兆和 兼署。 江山人。 行伍。 案：兼署 有疑，姑 仍之。



	中营守备	龙游汛千总	龙游汛把总	溪口汛把总	龙游汛外委	溪口汛外委
十九年	黄乾顺 署任。 西安人。 行伍。		刘福臻 见前。			
二十年			杨茂书 外委兼 署。	严殿扬 李安龙	杨茂书	
二十一年			徐步青 西安人。 行伍。			陈耀恺 西安人。 行伍。
二十二年	舒林		孔殿鳌 外委兼 署。			孔殿鳌
二十三年	孙有钊		陈耀恺 见前。			
二十四年			巴耀廷 西安人。 行伍。	郭成贵 西安人。 行伍。		
二十五年			张治国 署任。 台州人。 行伍。 叶炳魁 署任。 西安人。 武生。		巴耀廷 见前。	

	中营守备	龙游汛千总	龙游汛把总	溪口汛把总	龙游汛外委	溪口汛外委
二十六年	连福 满州人。		朱善钟 西安人。 行伍。	叶成高 西安人。 行伍。 朱善钟 见前。		
二十七年			郭成贵 见前。 徐德兴 西安人。 行伍。		叶炳魁 见前。	王名龙 西安人。 行伍。
二十八年			叶成高 署理。	徐丙祥 见前。	叶飞鹏 西安人。 行伍。	徐孙发 西安人。 行伍。
二十九年		胡禹泰 与兰溪汛 调防。				
三十年	何一雕 陕西人。 蓝翎侍 卫。	江国英 署理。 西安人。 行伍。				
文宗咸丰 元年	游飞鹏 兼署。 温州人。 行伍，中 营千总。			程国泰 西安人。 行伍。	王名龙 见前。	

	中营守备	龙游汛千总	龙游汛把总	溪口汛把总	龙游汛外委	溪口汛外委
二年	徐裕凤 西安人。 行伍。疑 把总兼 署。			徐裕凤		
三年	江国英 兼署。 见前。					
四年		陈耀廷 署理。 西安人。 行伍。				严鹏翀 西安人。 行伍。
五年	丁椿荣 代理。 绍兴人。			刘凤刚 西安人。 行伍。		刘凤刚 见上。
六年	江国英 署理。 见前。	柴履鳌 署理。 江山人。 武举。		王名龙 见前。	徐裕凤 见前。	
七年		刘经佩 杭州人。 行伍。				
八年		徐抡彪 外委兼。			徐抡彪	

	中营守备	龙游汛千总	龙游汛把总	溪口汛把总	龙游汛外委	溪口汛外委
九年	陈龄 署理。 西安人。 行伍。					
十年	徐廷梁 宁波人。 行伍，升 宁波都司 去。					
十一年	徐芳 署理。 西安人。 武生，以 剿发匪 功，累官 至嘉兴都 司。					
穆宗同治 元年	案：同 治后，中 营守备似 已移防， 兹姑依 《旧采访 稿》列之。				程丙南 西安人。 行伍。	

	中营守备	龙游汛千总	龙游汛把总	溪口汛把总	龙游汛外委	溪口汛外委
二年	陈科登 湖南人。 军功。	胡瑞祥 署理。 西安人。 行伍。		陈建廷 西安人。 行伍。	廖炳荣 西安人。 行伍。	王德贤 西安人。 行伍。
五年		李成明 号扬廷， 西安人。 行伍。				詹日新 西安人。 行伍。
六年				王德贤 见前。		王名祥 署理。 西安人。 行伍。
七年		王观棣 署理。 西安人。 行伍。		王观棣 见上。 罗尚明 湖南人。 军功。		何廷彪 西安人。 案：是 年裁缺。
八年	徐芳 署理。 见前。			郑兆荣 西安人。 军功，尽 先都司。		
九年		谢洪发 湖南桃源 人。行 伍。				

	中营守备	龙游汛千总	龙游汛把总	溪口汛把总	龙游汛外委	溪口汛外委
十二年	陈云堂 署理 钱塘人。 世职。	李殿荣 宁波人。 行伍。				
德宗光绪 元年		项昇 钱塘人。 行伍。		刘维善 太平人。 行伍。		
二年	张贵荣 江西人。 军功。					
三年	徐芳 见前。					
四年	周得胜 山阴人。 军功,兼 带练军后 营。					
七年		徐继仁 西安人。 世职。			孔广斌 西安人。 行伍。 胡鸿坤 西安人。 行伍。	

	中营守备	龙游汛千总	龙游汛把总	溪口汛把总	龙游汛外委	溪口汛外委
九年	吴 鸿 勋 署理。 江山人。 世职。					
十年	王 德 贤 兼理。 见前。					
十二年					周凤彪 西安人。 行伍。	
十三年	韩 国 华 兼理。 江苏人。 侍卫，右 营守备。				钱国梁 本县人。	
十六年					龚 灏 西安人。 行伍。	
十九年		廖定邦 钱塘人。 行伍。				
二十三年		刘大英 代理。 号子臣， 本县人。			严瑞琳 江山人。 行伍。	

	中营守备	龙游汛千总	龙游汛把总	溪口汛把总	龙游汛外委	溪口汛外委
		廖定邦 回任				
二十九年		陆型璋 西安人。 行伍。		周凤鳌 西安人。 行伍。		
三十年		王观棣 见前。是 年裁缺， 改把总。				
三十一年			王观棣 见前。			
三十二年				何荣 西安人。 行伍。		
三十三年			杨世厚 河南人。 行伍。			
宣统元年			徐纯嘏 西安人。 行伍。			



《龙游县志》卷十三

县人 余绍宋撰

## 宦绩略

### 汉

太末长贺齐 本姓庆氏，避汉安帝父孝德皇帝讳，改为贺氏。《三国志》裴松之注引虞预《晋书》。字公苗，会稽山阴人。少为郡吏，守剡长。《吴志》本传。兴平间，有考证，见《职官表》。太末、丰浦民反，转守太末。诛恶养善，期月尽平。累迁至后将军、假节领徐州牧。《吴志》本传。案：两旧志云累官五威中郎，《本传》不载，未知所据。《吴志》有传。

### 晋

太末令江迺 字道载，康熙《志》名字俱讹，见《职官表》。陈留圉人。《晋书》本传。永和中任。有考证，见《职官表》。县界深山中，有亡命数百家，恃险为阻，前后守宰莫能平。迺到官，召其魁帅，厚加抚接，谕以祸福，旬月之间，襁负而至。朝廷嘉之，累迁至吏部郎长兼侍中。《晋书》本传。祀名宦。两旧志。《晋书》有传。

## 梁

太末令刘勰 字彦和，东莞莒人。天监初任。政有清绩。累迁步兵校尉兼东宫通事舍人。《梁书》本传。《梁书》有传。

## 唐

盈川令杨炯 华阴人。幼聪敏，博学，善属文。神童举，拜校书郎，为崇文馆学士。《旧唐书》本传。案：两旧志云：显庆中，待制宏文馆补校书郎。与新、旧《唐书》均不合。则天初，坐从祖《新唐书》祖作父。弟神让犯逆，《旧唐书》本传。《新唐书》作与徐敬业乱。出为梓州司法参军。《新唐书》本传。如意元年，说见《职官表》。迁盈川，张说以箴赠行，戒其苛。至官，果以严酷称，吏稍忤意，榜杀之，不为人所多。《新唐书》本传。又所居府舍多进士亭台，皆书榜额，为之美名，大为远近所笑。《旧唐书》本传。性简傲，尝自谓拙于为宦，二十年而始一迁郎官，意郁郁。无何，卒于官，民为祠祀之。两旧志。案：江璟清《盈川城隍庙碑》云：炯因旱祷雨不应，投井以殉。为他书所不载不录。中宗即位，以旧僚追赠著作郎。有《文集》二十卷，《旧唐书》本传。久佚。明季，县人童珮为编其遗文，凡十卷，行于世。见《艺文考》。新、旧《唐书》有传。案：两旧志于炯未详其治绩，而新、旧《唐书》及《唐才子传》有贬词，似不宜厕于名宦。然其祠祀历千祀而不衰，非有功德于民不能几也。或者年远代湮，亡其实耳。故仍入此略。

## 宋

知县杨伟 字子奇，亿弟，浦城人。嘉靖《浙江通志》。天禧元年，献颂，召试学士院，赐进士及第，以试秘书省校书郎，来知县事。《宋史》本传。有考证，见《职官表》。以清慎闻。累迁翰林学士，进中

书舍人。嘉靖《浙江通志》。《宋史》有传。

**知县宗泽** 字汝霖，义乌人。生而趣尚不凡，长有大志。读书过目不忘，游学四方，藉藉有声。登元祐六年进士。《宗忠简公遗事》。元符元年任。两旧志。案：《忠简公遗事》作绍圣五年，误。绍圣只有四年，无五年也。民未知学，泽为建庠序、设师儒，讲论经术，风俗一变。自此擢科者相继。《宋史》本传。里间恶少尝十百为群，持蛇虺扰民以规利。稍不如意，辄鼓噪掷瓦砾碎屋壁，前令不能禁。泽密白之州，籍其壮者为军，日得百人，风遂革。未几，丁淑人刘氏忧，去官。《宗忠简公遗事》。历任至资政殿学士。卒谥忠简。《宋史》本传。祀名宦。两旧志。《宋史》有传。

**知县吴芑** 字彦周，遂昌人。《浙江通志·选举表》。案：两旧志作括苍人。考括苍为隋唐时丽水县旧名，与遂昌无涉。至宋时，并丽水亦不称括苍矣。两旧志喜用词章字面，致事实乖违，类如此。建炎二年进士。《浙江通志·选举表》。绍兴十六年任。为政知大体，自经赋外，不为科索以病民。两旧志。锄奸剔蠹，吏率惩惧，为胁息股弁；盗斂顽暴，革心扫迹。既蠲民瘼，乃行视黄宇，问著录几人。吏白：“廩米不继，士至洁腹诵经，或不暖席，又负笈挈挈而他。前令熟视，欲议未遑也。”芑曰：“嘻！兹为教本，予后而弗图，是不知务，其何政之能为？”即日按取官废田请于州，以为邑之学田，岁制其收，可食数十士，范浚《龙游县学田记》。风教为之大兴。两旧志。芑当官犹嗜学，决事得小间，即取书吟玩自娱。休暇对客，于便坐即之，退然如韦布士，虽剧谈终晷，不出文字间也。十九年，迁左宣教郎去。范浚《龙游县学田记》。

**知县冷世光** 字宾王，常熟人。绍兴十八年进士。淳熙八年任。朱熹提举常平，以世光贤，委用之。两省交荐，除监督御史。《三衢事略》。

知县王梦龙 山阴人。进士。嘉定二年任。浙民以仁，抚民以宽，博施济众，咸究厥心。穀江浮桥，宣和间，夏氏所创筑者也。原有田二百亩，供修缮之费，久为主其事者所侵，桥几败矣。梦龙至，纠奸剔蠹，策坠图乏，揭榜示以严其令，给朱记以一其权，更募捐以益之，纂成一籍，藏诸桥庄。于是，浮桥复兴，民称便焉。夏鼐规撰《穀江浮桥记》。

## 元

达鲁花赤察儿可马 木速蛮人。至顺初任。廉干便民。嘉靖《府志·职官表》注。召父老开辟田野，示之以法，均赋役，清隐占。有欺隐者，许民自陈贷其罪，得实户九千有奇。两旧志。先是，西安、龙游粮输建德，以羨余输本路。察儿可马言于司府，西安存广盈仓，龙游存和丰仓，永为制。修穀江浮桥，置田二百四十亩，立仓充其费。导处州源之水，筑席村堰，其所注自十一都、六都至二都，溉田二万余亩，虽大旱不竭。又筑鸡鸣堰，导溪水缘鸡鸣山麓绕后坂达七都，灌注凡一千亩。案：两旧志仅云筑席村、鸡鸣两堰。兹以此两堰于本邑水利关系甚大，特为补叙大略于此。内召至，民不忍其去，《浙江通志》引弘治旧志。相率立去思碑。嘉靖《府志·职官表》注。

## 明

知县翟瑛 字仲华，案：两旧志华作瑛。今依徐复初《重修县治记》。历阳人。两旧志。龙凤十年任。有考证，见《职官表》。政以廉称，居官训民，务先原本。徐复初《重修县治记》。始建县治，正经界，均赋役，民畏怀之。两旧志《官师》。又案：康熙《府志·县官表》中注明有《传》，今本无之，当系简脱。

知县唐苟儿 吴元年任。时天下新附，民多窜匿。康熙《府志》

引明代旧县志。苟儿至，宣布威德，招抚复业，编民定役，休养疲敝，天启《府志》。民皆得安田里，两旧志。卓然为一邑保障，天启《府志》。远近向化。祀名宦。两旧志。

**知县刘庚** 洪武三年任。廉公有威，嘉靖《府志》。经纪有方，而政尚简易，两旧志《官师》。民甚称之。嘉靖《府志》。

**教谕郑秉文** 仙居人。治《尚书》、《毛诗》。两旧志。洪武初任。以师道自任，教人有方，学者多底成效。祀名宦。两旧志。

**知县张得** 铅山人。国学生。洪武间任。折豪扶善，始终一致。两旧志《官师》。

**知县祝渊** 字季深，舒城人。进士。洪武二十九年任。宅心光明，持己廉洁，教养得牧字体。两旧志《官师》。

**知县赵宗哲** 洪武间任。劝学兴贤，民称善教。两旧志《官师》。

**知县符吉** 新建人。举人才。洪武间任。清苦有政声，去时负一囊步归。两旧志《官师》。

**训导孔茂道** 曲阜县人。洪武间任。敦厚敏俭，勤于教导，始终不懈，学者亦多有成立。两旧志。

**知县黄应清** 莆田人。进士。永乐三年任。政尚宽简，不事烦苛。两旧志《官师》。

**知县李义** 永乐间任。为政能发奸摘伏。两旧志《官师》。

案：嘉靖《府志》云为政宽平，似与此矛盾，故不采。

**知县蔡英** 永乐间任。究心民隐，事无壅滞。两旧志《官师》。

**知县霍著** 内黄人。贡生。永乐间任。长于吏治，民不敢欺。两旧志《官师》。

**教谕戚琥** 金华人。永乐间任。学以《春秋》鸣。两旧志《官师》。

**县丞吴景** 字景如。进士。宣德间十一年任。学问优长，立

心平恕，去时有遗思。两旧志《官师》。

**知县朱光显** 字自明，光泽县人。举人。正统五年任。《职官表》有考证。有才干，嘉靖《府志》。藩臬分司皆其鼎建。两旧志《官师》。

**知县汪永安** 字本仁，徽州人。贡生。正统十一年任。威德并施，民甚安之。两旧志《官师》。

**张惠** 字克仁，晋江人。景泰元年任。性笃实，寡嗜欲。两旧志。平易为政，兴学育才，天启《府志》。治行卓然。适括寇逼境上，官吏咸议弃县去，惠独召众誓曰：“贼至而走，是弃民也，何以官为？惟与城俱亡耳！”民心始固。《浙江通志》引万历旧县志。案：天启《府志》云：处寇逼境，势焰可畏，一时镇守者咸去之，独惠守节不渝，曰：“寇至则去，寇退则返乎？吾宁死不为也！”士论高之。与此微异。祀名宦。两旧志。

**知县洪冕** 字廷章，四川人。天顺元年任。识见果决，邑多积弊，尽为革去。以艰去，士民咸思之。两旧志《官师》。又案：康熙《府志·县官表》中注明有《传》，今本无之。

**知县王瓚** 字廷器，陕西人。案：尹直《乡贤祠记》作弘农人。进士。天顺四年任。立心平易，有守有为。天启《府志》。知民俗健讼，首黥渠魁数辈，上下慑服。两旧志。兴学校，修桥梁。天启《府志》。凡利之当兴，弊之当革，悉次第为之。商辂《修通衢桥记》。又撰《县志》十卷。见《艺文考》。岁旱，每祷辄应。天启《府志》。任六年，考最去。康熙《府志》引明代旧《县志》。民遮留之，升主事。两旧志。邑民貌其像，奉大慈阁。天启《府志》。

**训导郭英** 字廷祥，崑山人。举人。天顺四年任。律身以正，学者宗之。两旧志《官师》。

**知县陈鼎** 字克全，曹县人。进士。成化五年任。在任五年，以治行擢为监察御史。嘉靖《府志》、两旧志《官师》。

**知县孙弁** 字文冕，浮梁人。案：康熙《府志》作汴梁人，未详孰是。进士。成化九年任。以善政闻，召为御史。两旧志《官师》。

**训导吴贵** 字守之，休宁人。成化五年任。性度夷旷，士类景慕。两旧志《官师》。

**知县王建** 进贤人。进士。成化间任。学优才赡，嘉靖《府志》。爱民如子。及调他县，士民追思之。两旧志《官师》。

**主簿葛昇** 睢州人。吏员。弘治二年任。清慎公勤，卒于官。嘉靖《府志》。

**知县萧良宣** 字孚化，庐陵人。进士。弘治三年任。刚断有为，两旧志《官师》。遭诬去官，士民惜之。嘉靖《府志》。

**知县袁文纪** 字邦振，六合人。弘治五年任。莅政严明，判事如流。《浙江通志》引万历旧《县志》。先是，有诏劝民出粟备饥，然多露积不垣。文纪乃于东华山下筑预备仓，为屋凡八十一，居谷凡五万七千有奇。王鏊《预备仓记》。案：七千下疑有夺文。县故有社学一，几废，文纪复于县北王村、县东湖镇、县南灵山，各增建其一。两旧志《建置》。令民无贵贱少长，从便就学，延师以教。诫之曰：“成童而下，习幼仪，诵小学，日记故事书，精诵事强记。而上习《大学》，诵《语》、《孟》、经史。依仁游艺，先生讲解，谕以要义，毋徒诵读，要实践也。”朔望稽其文而考其行，奖其贤而励其否。于是，六年教成俗美。康熙《志》引弘治旧志《社学记》，撰人姓氏失载。又以学校久毁，地侵于民，久失其制，乃白当道，迁故地而大更作之。谢铎《修儒学记》。案：《记》云：学之中，为大成殿，前为两庑。庑前，为戟门。门旁，为名宦祠、乡贤祠。祠外，为棂星门。门外，为泮池。其西，为神厨，为神庖，为宰牲所。学之后，为尊经阁。阁前，为明伦堂。堂之左右，为斋宿所。其外，为东、西斋，为饌堂，为仓廩，为廨舍，为号房，皆焕然一新云云。是文纪所创者，为儒学全部。两旧志仅云创尊经阁一事，非是。复新公署。屡兴大

役，民不为病。两旧志。重修《县志》十四卷。即弘治《志》。迁台州通判去。见谢铎《修儒学记》。祀名宦。两旧志。

**教谕陈璜** 字朝贵，龙溪人。两旧志。弘治十五年任。学行纯正，教有成纪。天启《府志》。谙练国家典故，整饬学规，儒风为之丕变。以擢去。两旧志。

**知县谢珊** 字伯声，松滋人。由进士正德八年任。治行练达，不事鞭朴而民知畏法。案：两旧志删法字，非是。出见道路倾圯，捐俸修之，不以烦民。召拜御史，《浙江通志》引万历旧《县志》。号泣攀辕者载道。祀名宦。两旧志。

**知县刘佐** 字时命，安福人。《浙江通志》引衢州旧《府志》。进士。正德十四年任。严毅有为，废坠毕举。访民瘼，劝本业，禁豪猾，绥善良。天启《府志》。重禁溺女及使婢之不嫁者，有不奉法辄罪之。康熙《府志》。案：《府志》注明引《县志》。今两《县志》则云：重淹没之禁，示民婚姻以时，有不奉法者罪之。与此大异，疑《府志》所引必万历丙子旧志。又天启《府志》作：时多溺女，严为之禁。通媒妁，省婚娉。数本合校，以康熙《府志》为佳，今从之。民从其化，生聚日繁。《浙江通志》引旧《府志》。比之召杜。会以艰去。两旧志。嘉靖元年再起，知龙游，治行益著。历官至浙江布政使。两旧志。

**知县敖铖** 字秉之，高安人。方豪《北泽堰记》。案：康熙《府志》、两旧志作万安人。嘉靖六年任。县南二里许，有北泽堰，延袤十五里，溉田三千亩，为洪水冲决，失修者三十年。铖乃改筑堰口于上流，深广各以丈许，迤邐五千步，始入故堰。方豪《北泽堰记》。水行堰中，沿城皆为沃壤。又引余波入城，以备火患，民咸赖之。康熙《志·水利志》。擢侍御史去。方豪《北泽堰记》。案：康熙《府志·县官表》中注明有《传》，今本无之，疑简脱。

**训导陈文禹** 字佩昌，号贞素，长乐人。嘉靖六年任。性刚



介，讲习以道义相勉，虽暗室言笑不苟。故事诸生有贄仪，文禹悉不受。贫无资者，召至门下，饬之。尝见监司，以其不途跪呵之，即日投劾去，两旧志。督学万公佚其名。敦起之，三年竟托疾归。天启《府志》。祀名宦。两旧志。

**知县陈钺** 钺字，康熙《志》表、传，康熙《府志》传均讹，详见《职官表》。

又案：康熙《志》本传系误以正德元年之陈钺为陈钺。字惟铉，常熟人。嘉靖九年任。案：《浙江通志》云正德中知龙游县，殆亦误以陈钺为陈钺，知承误已甚久矣。性恬静简默，以文学饰吏治。以县文学不振，亲为立程讲说经传，士类咸感慨砥砺。案：两旧志并《浙江通志》、天启《府志》均载钺甚堪舆，于鸡鸣岩筑塔事。康熙《府志》不载，甚得体，今从之。守己廉介。升刑部主事去，囊篋萧然。钺身藐小，读书过目成诵，该博群籍，时称矮脚书厨。据两旧志纂。祀名宦。两旧志。

**知县万松** 武陵人。举人。嘉靖十七年任。治事明察。县多盗，松法窃锱铢者罪不贷，以故任三年，卒无盗。万历壬子《志》。

案：康熙《府志·县官表》中注明有《传》，今本无之，疑简脱。

**主簿丘宜** 清河人。监生。嘉靖二十一年任。明年，署知县事。才堪剴劄。其年冬，龙游大火，公署悉毁，宜督建，甚著勤劳云。据胡森《重建县治记》及两旧志《官师》纂。

**训导章慈** 字守仁，号缶庵，六合县人。嘉靖二十三年任。刚以持己，勤以诲人。严义利之辨，诸士馈遗，皆力却之。申饬学政，废坠具举。两旧志。

**知县钱仕** 字忠甫，江陵人。进士。嘉靖二十四年任。有考证，见《职官表》。守己刚果，不为势夺。时江山有士人为仇陷杀人，郡坐抵罪。檄仕勘鞠，得其诬，立宥之。吏白：“此上官意。”仕叱曰：“杀人以媚人，吾不为也。”两旧志。龙游民俗轻死，动辄自经。仕令坐其家属，案：两旧志作令经者反坐，不合事理。民始知畏。《浙江

通志》。先是，县大火，公署尽毁。仕至，罢追呼，省财用，搏夫役，救灾补困，不遑日夕，胡森《重建县治记》。咸鼎新之。两旧志。又修姜村、席村两堰。康熙《志·水利》。屡兴大役，民未尝以为劳也。两旧志。

**知县刘梁** 清流人。进士。嘉靖二十七年任。性颖敏，案牍涉一过，丝毫不爽，以是人不敢欺。持躬刚介，县故有羨金，例归知县，梁无所取。入觐不事要人。在任六年，迁主事去。据两旧志纂。

**训导陈秉常** 字时行，号松斯，祁门人。岁贡。康熙《府志》。嘉靖二十七年任。简默忠厚，有师儒体。两旧志《官师》。

**知县石梁** 字士升，长乐人。嘉靖三十二年任。持躬清苦，孳孳为民。以兴利除弊、恤狱宽逋为己任，罚无羡金，罪末等不责供。在任七月，颂声载道。体素弱，以劳致疾。及卒，贫无以为殓。士民会哭如失慈母，集资送其丧归。据两旧志纂。

**训导叶升** 吴县人。岁贡。嘉靖《府志》。嘉靖三十二年任。甘于淡泊，一年弃官去。两旧志《官师》。

**教谕张枢** 闽县人。举人。嘉靖三十二年任。襟怀豁达，善鼓舞后进。擢灵山知县去。两旧志《官师》。

**教谕陈德纯** 海阳人。举人。嘉靖三十五年任。秉性恬雅，训士务以大道。两旧志《官师》。

**训导陈良臣** 潮州人。岁贡。两《府志》。嘉靖三十六年任。威不为惕，利不为病，士气赖以培植。两旧志《官师》。

**知县甘用世** 柳州人。康熙《府志》作南丹人。举人。事母至孝。初授巢县教谕，都御史唐顺之知其人，荐于朝。嘉靖三十九年，擢知县事。案：履任年分有考证，见《职官表》。性廉介，人不敢干以私。决狱不徇两造之词，率以意断之，得其情伪，民服公明。当道尝阴有所需，拒不与，几为所中。晚好理学，尝以公事留杭，遇王

畿、钱德洪，一见语合。归乃究心良知之说，日与文学讨论其旨。无何调去。两旧志。

**教谕万金** 字钝夫，延平人。岁贡。见两《府志》。嘉靖三十九年任。明敏有为，擢乐昌知县去。两旧志《官师》。

**训导聂澜** 上元人。岁贡。两《府志》。嘉靖三十九年任。学优守洁，士类信从。两旧志《官师》。

**县丞李浒** 庐州人。嘉靖四十一年任。清谨温厚，有儒风。两旧志《官师》。

**教谕柯宗潮** 泉州人。岁贡。康熙《府志》。嘉靖四十三年任。浑厚有长者风。两旧志《官师》。

**主簿张蕘** 高淳人。贡生。嘉靖四十四年任。清谨任事，学校、水利尤所加意，民咸称之。去之日，行李萧然。两旧志《官师》。

**训导陆律** 字子和，兴化人。岁贡。见康熙《府志》。嘉靖四十五年任。敷教有方，复通吏治。有《从吾集》刻于邑。两旧志《官师》。

**知县涂杰** 字汝高，号念东，天启《府志》。南昌人。案：王鸿绪《明史稿》作新建人。嘉靖间进士。案：王鸿绪《明史稿》作隆庆五年进士。隆庆五年任。搜剔吏弊，以严为主；抚恤民瘼，以宽为主；作兴士类，以教化为主。天启《府志》。建鸡鸣书院，赵镗有记，见《文征》。创归仁、宫庄两义仓，王畿有记，见《文征》。修鸡鸣及姜村、席村堰，并见康熙《志·水利》。立龙邱先生祠堂，童珮有记，见《文征》。鼎新之功，几遍于邑。两旧志。赈缓有余，尽充公用。岁旱，步祷雨必应。《浙江通志》引《府志》。又延余湘、童珮重修《县志》。并刊有《甘霖集》、《循良编》。万历壬子《志》。在任六年，迁御史去，民勒石追思之。两旧志。熹宗时，赠太常少卿。王鸿绪《明史稿》。

**训导汪应贞** 字惟吉，贵溪人。岁贡。康熙《府志》。万历二年任。崇礼慎交，周恤贫士。两旧志《官师》。

**教谕周良性** 九江人。万历三年任。悯幅无华，恤贫周急。两旧志《官师》。

**训导张汝孝** 字二怀。万历六年任。文行可宗，浚西湖，建文昌阁，皆其创议。以荐升知县去。两旧志《官师》。

**县丞黄裳** 晋江人。监生。万历七年任。有善政，民德之。两旧志《官师》。康熙《府志》注云有《传》，今本无之，疑系简脱。

**教谕李应阳** 字稗元，江都人。岁贡。康熙《府志》。万历八年任。博学重义，克称师模，有《抟微集》刻于邑。升怀庆教授去。两旧志《官师》。

**训导李春熙** 字元和，崇仁人。岁贡。康熙《府志》。万历八年任。心憲行方。两旧志《官师》。

**知县唐兴仁** 邵阳人。进士。万历十四年任。持身清介，蔬食布衣，不殊寒素。小心奉法，而以淡漠开罪，调简去。案：万历壬子《志·官师》下注云回部，与此不同。去之日，万民雨泣，立祠勒石，与岷山同。康熙《志》。案：唐兴仁碑，今未见。《浙江通志》并康熙《府志》、万历壬子《志》均无《兴仁传》。惟天启《府志》有之，原《传》云：持身孤介，体质清癯，悬绶曳裾，犹作书生布素之服。每日退食，餐龙邱数茎菜，饮漱溪数杯水。一缕枯肠，惟贮图书百卷，时时抽出绪余，为龙邱造福。吏胥束手，不嗅铜腥，仁人在位，豺狼亦化为君子矣。事上小心，奉法谦谨，但以淡泊待人，未谦客心。司刑者目摄之，中丞误听，以候调去。去之日，千民雨泣。立祠勒碑，碑与岷山堕泪同云云。亦未载事实，而文辞鄙倍之甚，兹故不录。

**训导郭思畴** 字敦本，兰溪人。岁贡。康熙《府志》。万历十七年任。开心见诚，善诱士类。两旧志《官师》。

**教谕黎道美** 南昌人。举人。康熙《府志》。万历十八年任。正直忠厚，造士有方。两旧志《官师》。案：原文云募建聚星楼于文庙东。以涉堪輿不录。

**知县郁德据** 号心我，康熙《府志》。晋安人。案：天启《府志》云贵

州普安人，未详孰是。举人。万历十九年任。一意爱民，尤善察奸欺，两造盈庭，片言剖决。有不到者，竟裂其牍，不复逮系。康熙《府志》。收粮，平兑平收；解粮，原封领解。每念切士风民俗，尝折节拜于贞女之堂。天启《府志》。案：贞女，即徐祿姑，详见《列女传》。在任四年，案：《浙江通志》引衢州旧《府志》作五载考最。擢东昌府通判。士民留之，乃以通判署县事。康熙《府志》。案：两旧志云仍以衢倅摄邑篆，似德据本为衢州通判。今考康熙《府志·府官表》，万历年间通判中无之，未知何故。又五年去任，县人立祠追思之。案：天启《府志·郁德据传》下注云：查《县志》云调简去任，殊为骇异。今考万历壬子《志》，则云罹诬去。康熙《志》仍之，与此不合。惟天启《府志》于调简尚不谓然，则罹诬益不可信矣。兹故不著。

**县丞杨继隆** 上海人。贡士。万历十九年任。有清操，升陈州同去。两旧志《官师》。

**训导许登卿** 吉水人。岁贡。康熙《府志》。万历十九年任。雅度不为城府。两旧志《官师》。

**教谕姚集** 字于义，昌化人。岁贡。康熙《府志》。万历二十二年任。性行诚笃，勤于启迪。两旧志《官师》。

**训导闾近臣** 字硕卿，上元人。岁贡。康熙《府志》。万历二十六年任。接引后学，贫而才者给之。两旧志《官师》。

**教谕姚舜聪** 秀水人。岁贡。康熙《府志》。万历二十七年任。诚心厚道，无忝师模。两旧志《官师》。

**教谕张应桂** 字志瀛，萧山人。岁贡。康熙《府志》。万历三十一年任。秉性端方，讲学课艺，始终不怠。升知县去。两旧志《官师》。

**教谕张本** 字道生，丽水人。岁贡。康熙《府志》。万历三十三年任。志义平恕。两旧志《官师》。

**知县万廷谦** 字去盈，南昌人。举人。万历三十五年任。综核有吏才，多所建置。康熙《志·官师志》注。重修《县志》，即万历壬子《志》；修文庙，重置祭器；捐置学田一百十二亩有奇，建仓于启圣祠左，其最著者也。见两旧志《建置》，训导陈本钦有《学田图册序》。惟以鹰击毛鹯为治，指挥叱咤，民畏之如雷电、鬼神，有呼必应，惟恐或后，余恂《重建文昌桥记》。其亦稍近于酷吏矣。案：康熙《府志·县官表》注明有《传》，今本无之，疑简脱。

**训导孙朝宗** 字伯源，枣阳人。岁贡。康熙《府志》。万历三十六年任。恪承家学，味学自甘。两旧志《官师》。

**教谕陈本钦** 字子安，余姚人。举人。万历三十九年任。性和介，不喜纷华，善属文，亦有才略，案：康熙《志》云署教三年。今考康熙《府志·学官表》，万历四十年教谕为薛师鲁，本钦在任无三年也。士爱敬之。案：康熙《志》载本钦善堪舆术，倡议建永寿塔事，今删。迁定南县知县，康熙《志·官师》。囊无余资，称贷始得出疆。弟子或馈赆，悉却之。乃共即所却金立石于大魁楼，志追慕云。据康熙《志》纂。

**知县李自华** 四川人。举人。万历四十年任。清静不扰，与民无事，升北京兵马来。康熙《志·官师》。

**教谕吴中台** 号星岩，崇德人。案：崇德县，至清康熙元年始改称石门。康熙《志》注云石门人，非是。又康熙《府志》作仁和人。举人。天启九年任。才辨岔涌，善于诱导。时吾县科名不振，士气渐弛，中台乃集诸生能文者，日夕置酒讲艺，奖掖鼓舞之。于是，余日新、吕之节、余一凤辈联翩入彀，皆中台赏拔士也。寻擢知县去。据康熙《志》纂。

**训导戴宗璠** 字子鲁，永嘉人。岁贡。康熙《府志》。天启元年任。以博雅称，作兴士类，尤善振拔寒素。去之日，生徒恋恋不忍，别有雪涕者。康熙《志》。

**知县姚孙榘** 桐城人。进士。天启三年任。悉心民瘼，剔除奸弊。旧《浙江通志》。改严米为折色，民咸戴之。康熙《志·官师》。甫期以艰去。历官至浙江水利佥事道。旧《浙江通志》。

**知县刘日曦** 彭泽人。进士。天启六年任。持己端方，待士有礼。康熙《志·官师》。

**知县唐际昌** 号石虹，南海人。举人。崇祯五年任。为政廉静简易，蠲去繁苛，与民休息。持躬清白，人不敢干以私。先是，旧令以假命渔利，犯辄破家。案：此两语文义不明，当是县官藉命案敛财之意，然又与下文轻生谋害句不贯。若无他本参校，姑仍其意。际昌至，痛惩其习。凡轻生图害者，以重法绳之。令行禁止，民赖安全。性好琴，公余无事，每抚之。旋迁宁国同知去，民舛望如失慈母。据康熙《志》纂。

**知县吴继宪** 广州人。举人。崇祯七年任。岂弟慈惠，以忤当道去，士论惜之。康熙《志·官师》。

**知县吴允初** 宜兴人。进士。崇祯九年任。风采凛然，不畏强御，卒于官。康熙《志·官师》。

**教谕李冲** 会稽人。进士。康熙《府志》作举人。崇祯间任。立建天社以教士，建天社，未详。鼓舞有方。康熙《志·官师》。

**知县黄大鹏** 字搏子，建阳人。进士。崇祯十三年任。操行廉洁，锐意为民兴利。康熙《志》。县南姜村、席村两堰，水利最大，故事每六月朔封堰，知县莅视，多带驺从，略一省视即去，堰长供张上食惟谨，视为具文。大鹏至，力反前之所为，屏去仪卫，时巡行道上，一役携食具随行，月恒三四至，周履堰坝，验视渗漏，呼工补塞，并禁竹木过往。至八月秋，稼告成，始许开坝。又以席村堰溪低而堰颈高，水阻不能下，巧黠者竞窃上堰水，陂分余润，致水利不给。乃废旧口，别开一窦。复捐俸易民田，浚为堰，凡一百数十丈；别置

田，以其租完民粮焉。重建文昌桥，以资利涉。立壁槐社，使诸生肄业其中，所简拔多佳士。时婺郡许都倡乱，土寇乘机窃发。大鹏设计讨捕，尽得渠魁，地方赖以宁谧。余日新有《平寇序》，见《文征》。后南京失守，苗帅赵明怀弃城走。浙东上游，溃兵焚掠甚惨，地方长吏，咸闻风逃窜，莫可如何。大鹏乃使训导张鹏腾往说明怀，得以无事。事详张鹏腾略。兵既去，大鹏知大势不可为，乃封府库、缮册籍，丝毫无所取，孑身入闽。其明年，以兵科殉难云。据康熙《志》本传及《水利志》纂。

**训导张鹏腾** 字扶九，平越人。岁贡。康熙《府志》。崇祯间任。为人长厚，多士从之游，人人意满，如饮醇醪。会赵明怀兵溃，富阳以上诸县悉被焚劫，将至龙游，士民惴惴莫保朝夕。鹏腾幼时与明怀有旧，乃间道往说之。明怀以鹏腾故，案：康熙《志》于《黄大鹏传》则云：使张鹏腾贻书苗帅，晓以大义。此又云：公与明怀有旧，乃间道往说之。明怀以公故。两《传》情事不同。故兹于《大鹏传》只云使说明怀，于本传则仍康熙《志》原文。特令其部下入县境，秋毫不得有所犯，民甚德之。卒葬北门外。祀黄浦庙。据康熙《志》纂。

## 清

**知县张昌期** 字际五，蒲州人。荫生。顺治三年，随征履任。时清兵已下金华，旧署令丞弃城走，民皆窜伏山谷，城中空虚。昌期单骑先至，收府库册籍，即具言百姓倾心投诚，状牲牢酒醴糗粮刍茭先期储陈道左。师至，兵不血刃，昌期力也。昌期平易近人，不事击断。薙发令下，开诚晓譬，从容不迫，民咸安之。在任二年，招抚流亡，劝农力作，疮痍渐复。以闽边不靖，军兴旁午，积劳遭疾，卒于官。据康熙《志》纂。 以下新撰。

**知县许瑄** 字严思，城固人。进士。康熙《志·官师》。康熙十



年任。故事额外岁征例有膳夫、马户两项。膳夫，所以应水陆差使挽纤负担之用。其初，虑仓卒贻误，发钱粮与各乡保正，令募夫百七十余名，养膳在县，常行守候。因各保大小不同，故一保有一名者，有二名、三名者，悉按户分派。保中之民，以远在乡居，守候不便，转包与在城歇客。于工食外，复有所谓津贴。官、民两费，而歇家因之渔利，实裨政也。至是，瑄以钱粮既有额设，不必预行养膳，因禁革之。酌用夫头六名，给工食，令临时招募，而白牌小票概不应付。于是，乡间保正永无津贴养膳之累，而单丁下户亦被其泽。马户，则以应马户兜轿之用者。旧时，钱粮发与现年里长，令其轮充马户。现年里长俱属乡愚，岂谙应付？因亦包与歇家中之愿充者。工食之外，亦有津贴。其弊同于膳夫。久之，民不知有工食，但知有津贴矣。瑄察其奸，亦禁革之。而士民以马户钱粮较膳夫为少，虑支給不敷，贻累官长。每一现年里长愿助小兜十乘，以补不足。曾具乐输公呈，上官已允行矣。而瑄终以累民，再请尽行厘革，严禁白牌小票，将额设钱粮，按季尽数预发。仅于旧日马户中择留六人，以供应付，丝毫不累里递。于是，人民益戴其德。康熙《志·田赋》后案语。又于儒学立龙山讲院，以惠士林。康熙《志·建置》。十三年七月，耿精忠警至，处州土匪应之，入城劫库，事详《通纪》。瑄拒之，受伤告疾去。康熙《志·官师》。

知县卢灿 字孟辉，号维庵，海城人。荫生。案：《名宦留祀册》作海州人。监生。康熙十三年七月任。时盗贼蜂起，前知县许瑄既以受伤引疾去，灿至，度形势，审机宜，慨然曰：“衢州为全浙之锁钥，龙游为一郡之咽喉，非死守不可。”于是，严斥堠，布间谍，募乡勇，厉器械，下令曰：“我为若保乡井，若为我杀贼，我且为若先。”或疑众寡不敌，则曰：“彼乌合，吾练兵，百足当贼万。”遂率众出，大小数十战，辄捷。贼愤甚，乃聚上塘岭，将大举薄城。谍至，灿即率乡

勇往攻，五十里而驻。夜半，令饱食启行，己则策马先往。平明至溪口，猝与贼遇，矢一再发，连毙二贼。而贼中牌手掩至，砍灿马足，灿堕田中。赖从兵毛五五者，持挺击杀牌手以免。灿复先登破阵，直抵上塘，薄其巢穴。贼遂遁走，收其积聚以犒军。既凯旋，乃为乡兵死义者痛哭发丧，厚恤其家。徐起岩《卢公传》，原文见《文征》。无何，贼复据赤津岭，负固不下。杨昶《卢公德政碑记》，原文见《文征》。十四年三月三日，严沆《卢侯平寇记》，原文见《文征》。乃单骑抵贼巢，大呼曰：“我卢知县也。若本良民，各有父母妻子，胡自就死地？”遂相率罗拜请降，而南方之寇遂靖。其东则有潘塘，距县治八十里，与遂昌界。灿遣人招之，贼负险不应。徐起岩《卢公传》。十五年八月十五日，严沆《卢侯平寇记》。遂率乡勇以往。先令百人从间道伏贼后，戒之曰：“我前搏贼，贼必空壁斗。若乘虚入贼寨，纵火焚其林。”甫接战，贼巢火发，呼噪震山谷，贼大惊溃，遂歼其众。西北乡诸贼，咸闻风远窜，四境贴然。当贼之未平也，或以簿书钱谷进，灿辄却之，谓此承平县令事耳，今镇抚不暇，顾及此耶！及寇盗平，乃招集流亡，劳来相劝，百废具兴。徐起岩《卢公传》。以龙游有溺女、锢婢、宰牛、赌博、鬻妻、假命诸敝俗，乃严立法制，以禁革之。康熙《志·风俗》。其他异政，李渔有纪，一县称神君焉。李渔《卢公异政纪略》，见《丛载·轶闻》。十七年三月，以漕粮诳误去，父老闻之，号呼扶掖，泣留至再。杨昶《卢公德政碑记》。督抚乃会疏，以贤能保留。十一月，特旨复任。李渔有《卢公复任记略》，见《文征》。于是，修浚席村、姜村两堰，叶燮有记。改筑北泽堰口于上流，并捐俸亲董其成。风雨烈日，不为少懈。堰成，士民颂其功，以灿无子，更其名曰百子堰，以祝之。见余勉《卢知县捐资重修改筑堰口记》。又以康熙三年所造地亩鱼鳞册，经耿精忠之乱，遗失不全。乃履亩挨丈，造具清单，分给业户，以杜重叠盗卖之弊。于是，民间授受产业，咸有可据。

徐起岩《重抄龙游鱼鳞册存案记》。先是，清初赋役之外，每多私派。私派恒于现年名下追取种种苛求，有因值一现年而破家者，是为现年之弊。而每年催征条粮，设有现役催比，每一下乡，为之骚然。遂有各项陋规，需索无已，是为图差之弊。至是，灿乃详请禁革，征收钱粮，另立滚单，开明每户该条银几何，令其按期输纳，后期者然后摘比。人民乐其简易不扰，输将恐后。于是，遂并私派陋规之本源而去之矣。康熙《志·田赋》后案语。他如捐资重修学宫，杨昶《重修学宫记》。复兴鸡鸣社学，徐起岩《义学记》。聘余恂纂修《县志》。即康熙《志》。善政善教，盖不胜书。二十二年，卒于官。康熙《志·续官师》。士民追思至今，几三百年，犹未替也。

**知县王无荒** 字曙灵，河南孟津人。康熙十七年四月任。时兵燹后，岁赋额不足，例以他户代偿。会有诏蠲租，无荒乃请以长输抵新赋。又为均役法，以纾民困。寻以卢灿留任，赴部改补去。康熙《志·官师》。

**知县孟继祖** 字峰山，直隶卢龙人。康熙三十五年五月任。《职官表》有考证。性淡泊，衙署食用，丝毫不取于民。甫下车，虑积弊不尽周知，乃悬铎于堂，令民有所告，急鸣之。知有不便民者，即罢去。旧有缮夫、城工、硃价及房差、卯簿、钻甲、抽丰等弊，次第禁革。其衙署官吏，擅受民词，下乡生事，强取民间器物者，尤为厉禁。复以县居水陆之冲，夫役最苦，颇有冒名包揽、折干诸弊，乃改为按保计丁，按丁雇夫，酌定二十丁出一夫，四乡轮值，照丁均派，十年一编，永著为例。民咸便之。节录叶淑衍《邑侯金谷德政碑记》，原文见《文征》。案：碑中有云飭筑塘堰，预防早潦。未详何处之塘，何处之堰，疑系空文。又云洪水奔冲以后，荒滩石田赔累无底，屡详请豁免，以甦民困云云。证以徐起岩《龙邑豁除荒额颂》，知非事实，或虽屡详请而未报可，兹故不录。五十五年，以弟光祖事去。康熙《志·续官师》。

**县丞陈世和** 字圣取，别字时一，广东顺德人。案：康熙《志》作南海人。顺德本由南海县析置，今更正。恭尹孙也。雍正九年任。天资绝慧，所藏书遍诵不忘，歌诗绰有祖风。衙斋无事，以书史自娱。巡抚以世和问司道，将有美调，仆促其早入谒，怒曰：“方睡，何与汝事耶！”卒于官，囊无长物。著有《拾余子草》。《顺德县志》。

**知县徐起岩** 字非蓼，丹徒人。雍正八年进士。乾隆元年七月任。先是，龙游迭遭大水，案：康熙二十五年及三十八年事。冲没田地，不可复垦者，田凡二十九顷有奇，地凡五十三顷有奇，人民甚以赔粮为苦。起岩乃亲自履勘，昼夜督率书吏攒造册籍，校核异同。复赴省，求大吏请为题豁。再四哀吁，力陈疾苦，至于涕泗交颐。既得请，共免银七百余两、米五十余石。徐起岩《豁除荒额颂》，原文见《文征》。又以地亩鱼鳞册毁于火，民间清单案：即卢灿所造者。亦多伤于水火鼠蠹，零落废弃。每有查勘，辄无证据，讼案日繁。乃于乾隆三年二月，调集县册之散布民间者，捐资照式攒造，凡八阅月而始告成。图绘井然，磨对细密。于是，丘形、四址、号数、弓步，了如指掌，民大便之。节录徐起岩《重抄龙邑鱼鳞册存案记》。城濠湮塞，百有余年，起岩乃倡资修浚。姜、席两堰，经水冲毁，案：康熙二十五年事。又捐资修复，而近堰五万八千余亩之田，复成沃壤。更引堰水一支，于城濠内环学舍，汇泮池，经县治之白莲桥东折而赴北门水关，与城外堰水合流，注于穀溪。水利既兴，于是农民欢呼共庆。节录徐起岩《重修龙邑堰濠合记》。余如创设义学，重修尊经阁，续编《县志》官师、选举两志，附康熙《志》后。皆其可传者也。去任年月失考。

**教谕陈豹奇** 字武章，号菊常。仁和人。乾隆二十七年举人。五十三年任。《职官表》有考证。性坦易，不立崖岸，教诸生以勤学立品，咸乐从之。有以文艺相质者，无不品题悉当，文风赖以丕振云。

《两浙輶轩录补遗》。

**知县周敦培** 号丹庭，山东掖县人。举人。道光八年八月任。《职官表》有考证。甫下车，微行问俗，几遍茅檐。吴枫《梅坪诗稿·颂周丹庭明府德政诗》注。首修养济院，《龙游攀辕诗集》劳集诗。创义塾，置义仓，吴枫《梅坪诗稿·颂周丹庭明府德政诗》注。又修岑峰书院，《龙游攀辕诗集》童焕章诗注。盈川书院。余玉书有《重修盈川书院告藏》诗。尤爱奖掖士类，躬自劝课。士贫有不能卒业者，捐俸周恤之，无倦色。余铨《〈龙游攀辕诗集〉序》。在任三年，日夕勤劳，席不暇暖。吴枫《梅坪诗稿·颂周丹庭明府德政诗》注。清厘积案千余起，其有因细故涉讼者，立谕遣之。余铨《〈龙游攀辕诗集〉序》。凡决狱必于大堂，观者如堵，无不称善。《龙游攀辕诗集》范步蟾诗注。又善医术，见病人，每亲诊治，并赠药物。《龙游攀辕集》童焕章诗注。居恒操履俭约，布衣麦饭，如诸生时。余铨《〈龙游攀辕诗集〉序》。会以祷雨冒暑致疾，遂有告归之意。大吏爱惜，促之报痊，终难挽其去志。余恩鏊《〈龙游攀辕诗集〉序》。士民闻之，扶老携幼，诣县请留，亦不许。适制府自浙旋闽，再过湖镇。耆民匍伏水次，呼吁乞留者数百人，余铨《〈龙游攀辕诗集〉序》。卒不得请。于是，刘梦麟等汇刻县人士前后所投诗若干首，以重其行，题曰《龙游攀辕诗》。见《艺文考》。十年九月去任。《龙游攀辕诗集》余梦庚诗注。寻署衢州府同知。《龙游攀辕诗》刘大绶诗注。其明年，卒于省垣。县人思其德，祀于永锡庵，且为置祀产焉。有碑记，训导郑云书撰，见《文征》。

**知县秦淳熙** 字介庵，雄州人。案：道光三十三年《缙绅录》并吴枫《梅坪诗稿》则称淳熙为六合县人。进士。道光十九年任。《职官表》有考证。首捐廉，倡建凤梧书院，筹款至万余金，建屋一百余间。并置田亩若干，以充膏火及修理之费。见《凤梧书院碑记》。陶成后学，曲尽提撕。余恩鏊《〈励志书屋诗文稿〉自序》。复以民间呈报请旌之案

甚少，乃选举董事，遍加采访。一切费用，悉其捐廉。并购置建坊石料，将于治内建节孝总坊，以病请开缺未果。案：建节孝总坊，曾有部议颁行，惟淳熙此举在未颁行之先，且捐俸颇多，故为叙入。二十六年五月，去官。淳熙素廉洁，身后无余财。其子孙流寓龙游，至贫不能自给，论者以为天道之难知也。

**教谕孙仁寿** 字镜仁，钱唐人。嘉庆二十四年举人。道光二十一年任。劝建凤梧书院得士心。咸丰八年，贼犯衢州，龙游戒严。仁寿同有司劝率团练，有守御功。十一年四月，城陷，仁寿死之。《浙江忠义录》。案：左宗棠奏稿谓九月在东乡殉难，未详孰是。

**知县熊绍璜** 字倓然，灵川人。咸丰六年举人。以军功保为知县，同治三年十月履任。持己俭朴，接人以诚。治狱勤求，期无枉纵。前知县朱朴，性奢侈，而以察察为明，纵吏役为之耳目爪牙，势横甚，民苦之。绍璜承其弊，乃绳以峻法，民赖安息。五年，以艰去。据《新采访》纂。

**知县黄秉中** 字廉臣，临桂人。由副榜以军功荐升知县，同治六年三月履任。悯文风之不振，勤于考课，优礼士人，而时申劝勉。龙游自兵燹后，客民渐多，悉健讼，为民累，秉中乃痛抑之。鱼鳞册毁，则设局清厘田亩，另行编造，至今赖之。详见《掌故》。邻县寿昌有匪警，亲往北乡筹守御，境赖以安。八年八月，以劳卒于官。据新、旧《采访》纂。

**知县李宗邨** 字芷卿，贵筑人。同治七年进士。九年任。时适有斋匪起事之谣。宗邨至，即力行保甲，招募壮勇百余，并设密探，闻警即亲往督捕。明年四月，严州事发，事益急，匪已屯聚与寿昌接界之坪坂。宗邨星夜驰击，匪遁去。西乡马叶村则获匪首周洪海，始知其党在县者甚多，大半为江西移来客民。宗邨惟将洪匪解省正法，余均递解保释，不事株连。于是，颂声四作。十二年，调

江山县知县去。据新、旧《采访》纂。

**教谕蔡盛俦** 字鹤亭，龙泉人。廪贡。同治八年任。和易近人，与诸生说，务尽诚意，无疾言遽色。褚荣槐《送蔡鹤亭广文归省序》。时议兴复复英书院，盛俦以及期将受代，知县李宗邺以盛俦办事诚谨，力请于大吏，留董其成。盛俦乃自备食用，独任其劳。而于监工购料琐屑躬亲，并不开支浮费。见李宗邺《上府道书》。于是，城乡绅耆以盛俦故，争以金钱输助，凡得金九千有奇，褚荣槐《送蔡鹤亭广文归省序》。书院赖以兴复。《新采访》。

**训导杨徵** 字宜园，乌程人。由廪贡同治八年任。性耿直廉静。故事童生入学纳贖，学官恒称其家之有无而计多寡，不以为耻也。徵独不以为意，其贫者辄免之。知县陈瑜在任八年，未尝课士子。徵乃捐廉课试，以为奖劝，士林贤之。光绪十七年十一月，以老乞休去。《新采访》。

**教谕褚荣槐** 字二梅，嘉兴人。咸丰九年举人。同治十年任。学问淹博，风采凛然。兼复英书院主讲，慨然以作育人才为己任。日集诸生讲求实学，无间寒暑，造就颇多。光绪四年二月，卒于官。身后萧条，士林多感泣者。著作甚富，已刻者有《四砚斋文集》。《新采访》。

**知县周锐** 字贡甫，江宁人。光绪二年六月，知县陈瑜调帘，差锐来代理。吾县自发匪后，客民纷至，大半皆失业饮博无赖，既好斗，又健讼。重以陈瑜无能，人民控匪扰害，辄驳斥不受理，以致匪焰愈张，南乡尤甚。罗天保者，遂昌人。凶狡残悍，诸亡赖附之者以百计，而徐高为之魁。初，盐商皖人何某者，置公局于龙游，分肆于南乡之灵山，以行官引。而温州盐，则因左宗棠尝疏请弛禁令纳税，听其越境自售，名曰瓯盐。至是，至者日繁，而价廉。何恶其侵利，遣巡丁侦逻，缚而毒捶之。瓯人大哗，毁其肆。何控诸官，檄

汛兵二百戍灵山。恐罗党阬，请官列罗姓名营弁中，而自部二十人为一队，以敌阬人之仇己者。然罗持首鼠如故，诸亡赖恃罗益无忌，复劫乡民戴柏蓝家。戴有备，里人傅清才率众驰护之，不果劫。于是，客民衔之甚，列队持械要于途，扬言必杀傅，遂乘机淫掠，居民汹惧。锐甫下车，即驰赴南乡，摘吏役因缘为奸者，惩客民为暴者，勸汛弁之知兵者，奖绅耆之公正能卫闾里者。怵之以威，联之以情，亡赖者咸屏息遁。事适平，调遂昌县知县去。据褚荣槐《记周贡甫宰龙游县事》及《新采访》纂。

**知县高英** 字与卿，江宁人。由监生投效军营，以军功保至知县。光绪十二年十一月任。甫下车，安善良，刑强暴，编保甲，禁花会，并严革聚赌、宰牛诸弊。尤善决狱，发奸摘伏，咸颂神明。叶元祺《高公重修姜、席二堰德政碑》。设从善堂，使屠户纳钱，岁入其息，以为公费。凡遇命案，则轻车减从以往，而以此款为相验夫役工食之资，不扰民也。俞樾《高君实政记》。姜、席两堰，兵燹后，久失修。英时时微行察民间疾苦。是年夏大水，沿门逐户慰问备至。遂觉此堰之为民利，而修筑之不容缓。叶元祺《高公重修姜、席二堰德政碑》。乃踵前知县卢灿旧政，凡民受沾溉者，悉令出资，约赋十之二。民捐绅办，丝毫不假吏胥手。九月，兴工，亲至其地，劳者慰之，惰者斥之，输费不力者婉导而董戒之。凡四阅月告成，而大利遂以修复。高英《重修姜、席二堰征信录》。附郭驿路，滨临大河，岁久失修，堤岸崩毁，民多圯陷。俞樾《高君实政记》。乃倡捐议修。凡得钱五千五百余缗，筑凡七阅月而工竣。高英《官驿前堤岸碑记》，《记》见《文征》。于是，行者、居者无不称便。其对岸为茶圩，北乡之民咸取道于此。而水宽三里，砺涉为艰。乃仿浮桥之制，编木为柎，贯以铁索，维以石柱，修凡百丈，博则三丈。俞樾《高君实政纪》。更为详定章程，筹定堆金，以维久远，至今犹利赖之。前县秦淳熙所建凤



梧书院，咸丰季年毁于兵。英乃大会绅民，按图分募，集巨资就旧址重建。讲堂隆崇，斋室幽敞，两廊号舍，足容千人。门东、西有塾，亦循旧制。且清厘书院旧产，约田五百余亩，山六亩有奇。又以兵燹后多无主之田，招来垦荒，将以拨充院产。惜事未成，而受代去。张焯《凤梧书院碑记》。余如禁夫役勒索工价；详见《掌故》。修尊经阁、崇圣祠；立石栏于泮水旁，禁民间浣濯；又设保婴会，以免溺女之风，并见俞樾《高君实政纪》。皆其可传者也。十五年正月，迁杭州东塘海防同知去。士民讴歌立石，以纪其绩，德清俞樾为之记。见《文征》。

**知县马芳田** 字东林，义州人。光绪十二年进士。十六年正月任。芳田治绩不甚良，惟建大有仓于县署之东，凡二十一间，劝办积谷有可记者。故事征收南米，有所谓地米者，陋规之一也。凡粮户以米入仓，斗级人辄故以米倾于斛外，又于粮户米筐中任意取米一握，散之地，名为样米。乃就地上之米分肥之，甚为民累。至是，芳田严为禁革。即自然溢出之米，亦返粮户。勒石永积仓门，永著为例。在任二年，以病自辞去。据新、旧《采访》纂。

**知县张焯** 字楚白，榆次人。由监生报捐府经历，以劳绩保知县，光绪二十一年任。先是，凤梧书院自前知县高英去后，各项田产仍归无稽。故书院虽落成，而修脯膏火之资复无所出。焯乃收合旧款之余，捐廉济其不足，复筹垫以符成数，并存质库，岁取子金。于是，修膳膏火以及岁修之费，皆有所资。而以复英书院旧有租息，专课古学。更清厘无主公田，以充设学之用。又购书三百十一部，统八千三百七十五册，自为编目，贮藏凤梧书院。龙游之有藏书楼自此始。焯自撰《凤梧书院藏书编目记》，并《书目》，具载《掌故》。二十五年，卒于官。焯性豪迈，夙轻财，于公事多所捐助。又喜营造，公署为之一新。及卒官，身后萧然，士民追惜之。据新、旧《采访》

墓。

**知县杨葆光** 号古蕴，华亭人。光绪二十五年任。明年六月，江山有匪警，江山并常山俱陷，势甚急。而府道犹深讳，不为饬知。二十五日薄暮，千总廖定邦忽得江山保安汛警报，持以示典史程炜，炜即奔告葆光。葆光尚在凤梧书院议修志事，得信驰归，即电省请援。事后，巡道鲍祖龄恒语人曰：“微杨君，衢城几不保云。”葆光守城甚力，时与民团四出剿捕，匪不得逞，龙游赖以获完。著有《龙邱缉盗记》一卷。是年冬，受代去。去之日，士民泣送之。葆光善书画，尤有文名。尝设局修《县志》，颇有撰述。惜乱后，葆光去官，局事遂寝，其所撰稿悉散佚矣。据詹熙《衢州奇祸记》并《新采访》墓。

**知县冯金恩** 字荪石，东台人。由举人大挑知县，光绪三十三年八月任。勤于听断，案无壅滞。尤善用感化，鞫狱不以刑求。凡堂讯规费并一切陋规，革除殆尽。宣统二年五月，以逸犯去官，士论惜之。《新采访》。

**教谕沈裕洗** 号振甫，归安人。举人。光绪十九年任。性狷介，童生入学纳贖之多寡，绝不计较。奉母至孝，曲意承旨，朝夕不离。国体变更后，闭户不闻外事，非其人不见。居数年，始回籍，士林多敬服之。《新采访》。

《龙游县志》卷十四

县人 余绍宋撰

# 选举表 表三

## 晋至明选举表一

### 晋

泰始四年六月甲申朔，诏郡国守相，士庶有好学笃道、孝悌忠信、清白异行者举进之。《晋书·武帝本纪》。

年分无考	徐弘补。
	举孝廉，扶风太守，有《传》。案：两旧志《选举志》中不载。今补。

### 唐

开元十九年，举博学弘词科。《册府元龟》。案：唐时，荐辟尚有明经、贤良、方正、博士、秀才诸科。以本县人与其选者无考，故不详其制。

唐取士之科，其目有进士。《唐书·选举志》。开元十七年，诏限

进士及第，每年不过百人。《唐会要》。文宗诏礼部岁取登第者三十人。苟无其人，不必充数。《唐书·选举志》。

	博学弘词科	进 士
太宗贞观 三年己丑		龚宸补。 案：两旧志均失载。今据《浙江通志》、康熙《府志》补。
中宗神龙 二年丙午	徐安贞 案：万历壬子《志》云：开元初，博学弘词科及第。未知何据。安贞本传云：以博学弘词举五言应制，一岁三上，俱及第。则与登进士当系同年事。安贞既为中宗神龙二年进士，则壬子《志》所云开元，当未可信，兹故列于此。 工部侍郎。有《传》。	徐安贞 案：康熙《志》作正元元年。康熙《府志》云：旧《府志》在正元三年。正元，即贞元也。宋避神宗讳，故以贞元为正元。安贞卒于天宝初，安得为贞元进士？今从《兰溪县志》改正。此说是也。特《兰溪县志》作二年，不知何据耳，姑从之。又案：《旧唐书·文苑传》明言安贞为信安龙邱人。其时，兰溪尚未自金华析出，其《县志》载之，非也。注出以示，非掠《兰溪县志》之美。

## 宋

宋之科目，有诸科，有武举。常选之外，又有制科，有童子试。举而进士，得人为盛。天祐初，又入经明行修科，分路别立额六十一人，州县保任上监司，监司考察以闻，无其人则否。《宋史·选举志》。案：宋时，制举科目尚多，如孝悌、力田、八行、遗逸、童子之类，不能悉数。今以本县人与其选者无考，不备录。

	荐 辟	进 士
太宗雍熙 二年乙酉		徐泌 起居舍人、知制诰。是年，为梁灏榜。
仁宗庆历 六年丙戌		徐迈 屯田郎中。泌子。是年，为贾黯榜。 案：两旧志皇祐五年郑獬榜有徐晋卿，嘉祐二年章衡榜有徐庠，今删，说见《序例》。
年分失考	程汝士补。 案：两旧志本传云：仁宗朝，枢密陈旭、贤良王介与台府交章荐其孝廉，特赐粟布。是汝士固曾膺辟荐矣。故补于此。别有考证，见本传。有《传》。	
神宗熙宁 六年癸丑		吕防 知饶州府。有《传》。是年，为余中榜。案：《浙江通志》于绍兴二十七年丁丑王十朋榜内复列吕防，注云：龙游人。疑误。故注明于此，绍兴丁丑年不复列。又案：康熙《府志》是榜中载毛沂，当是衍文。毛沂为江山人，非龙游人也。

	荐 辟	进 士
九年丙辰		<p>马谿</p> <p>案：两《府志》谿均作谿，未知孰是。又案：《浙江通志》有马谿，作西安人。《西安县志》则注云：《府志》误作龙游人。今以马谿是否即为马谿无考，而《西安县志》以为误又未举证，故不敢即删，以示慎重。是年，为郑铎榜。两旧志铎作译。又案：嘉靖《府志》作六年余中榜。</p>
元丰五年 壬戌		<p>失名。</p> <p>是年，为黄裳榜。案：万历壬子《志》于榜下注失名两字，则是榜龙游有进士，惟失其名耳。注明所以待考，用意良是。康熙《志》辄删是科，殊乖阙疑之义，兹故复壬子《志》之旧。</p>
哲宗元符 三年庚辰		<p>徐敷言</p> <p>侍御史。泌曾孙。</p> <p>余刚</p> <p>徐穀</p> <p>案：《生塘徐氏谱》作元丰元年黄裳榜进士，未详孰是。</p> <p>刘梦得</p> <p>是年，为李釜榜。</p>

	荐 辟	进 士
徽宗崇宁二年癸未		<p>祝伯瑜补。</p> <p>处州教谕。 案：两旧志失载。今据《沐尘谱》补。</p>
五年丙戌		<p>郑兴</p> <p>祝伯玘</p> <p>潭州参军。 案：两旧志不载。今依《沐尘谱》补。 又案：伯瑜、伯玘皆祝昌宥子，见《祝昌宥墓志》。其科分则依《兰溪县志》。考昌宥之祖父祝汉已迁龙游，为沐尘祝氏始祖。岂至伯瑜辈尚未入龙游籍耶？今姑补以俟考。</p> <p>是年，为蔡巖榜，两旧志巖作凝。</p>
政和二年壬辰		<p>吕斌</p> <p>通判临安，赠少保。防子。见《防传》。</p> <p>徐元侯</p> <p>吕景著</p> <p>防子。见《防传》。</p> <p>是年，为莫侑榜。 案：是年，嘉靖《府志》只载吕景著、吕斌二人，作三年贾安宅榜，未知所据。</p>

	荐 辟	进 士
五年乙未		<p>刘冠</p> <p>吏部员外郎。有《传》。案：康熙《志》注云侍郎，本传则云擢尚书郎，充吏部使者。兹依《浙江通志》。又案：两《府志》并两旧志均作政和八年王嘉榜。今亦依《浙江通志》正。</p> <p>吴斌</p> <p>尚书屯田郎中、直使馆轻车都尉。见《坊门吴谱》。</p> <p>是年，为何巢榜。</p>
重和元年 戊戌		<p>周咨谋</p> <p>《浙江通志》、嘉靖《府志》咨作谔。是年，为王昂榜。案：三《府志》并两旧志均作政和八年王嘉榜。考《宋史·徽宗本纪》，政和七年六月，以嘉王楷为太傅。重和元年三月，令嘉王楷赴廷对，有司以为第一。帝不欲楷先多士，遂以王昂为榜首云云。《浙江通志》已考正，今从之。</p>
宣和三年 辛丑		<p>徐嘉言</p> <p>案：两旧志均误入元符三年李釜榜。今依《浙江通志》。是年，为何涣榜。</p>



	荐 辟	进 士
六年丙辰		徐总 吕南夫 防从子。 徐嘉 侍御史。迈曾孙。见《泌传》。 是年,为沈晦榜。
年分无考	余惠斌补。 案:两旧志失载。今据《高阶余氏谱》补。原文云:由荐拔除资治少尹。荐拔,当即荐辟。又云:欽宗末年,以疾辞。则荐辟时当在北宋之季,故列于此。	
高宗建炎二年戊申		王镇 是年,为李易榜。
绍兴五年乙卯		吕景蒙 防子。 是年,为汪应辰榜。两旧志辰作宸。
八年戊午		童用宾 四川制置使。有《传》。 两《府志》童作董。 案:两旧志列绍兴十八年王佐榜。今以《浙江通志》并两《府志》并列是年,故从之。 又案:《浙江通志》绍兴十八年王佐榜亦列童用宾,并注云四川制置使,疑误,故仅列于此,绍兴十年不复更列。

	荐 辟	进 士
		<p>黄适中</p> <p>案:《浙江通志》并三《府志》并列是年,两旧志亦列绍兴十八年之王佐榜,今据正。</p> <p>是年,为黄公度榜。</p>
十二年壬戌		<p>毕宰</p> <p>案:康熙《府志》宰作字,误。</p> <p>是年,为陈诚之榜。</p>
十五年乙丑		<p>刘章</p> <p>资政殿学士。谥文靖。有《传》。</p> <p>案:《浙江通志》作江山人,误。《宋史》亦作龙游人。是年榜首,即状元也。</p>
二十一年辛未		<p>刘葵</p> <p>是年,为赵远榜。两旧志远作达。</p>
二十四年甲戌		<p>刘之衡</p> <p>章子。见章《传》。是年,为张孝祥榜。</p>
二十七年丁丑		<p>徐巘</p> <p>有《传》。案:《浙江通志》作西安人,误。</p> <p>蒋之才</p> <p>字悟叔。贵溪知县,迁信州推官。见《西垣谱》。</p>

	荐 辟	进 士
		<p>余端礼 知枢密院，左丞相。谥忠肃。有《传》。 是年，为王十朋榜。</p>
三十年庚辰		<p>刘适正 是年，为梁克家榜。</p>
绍兴间， 科分失考		<p>蔺敏修补。 案：两旧志失载。今据朱彝尊《经义考》补。惜科分无考，详见《阙访》。</p>
孝宗隆兴 元年癸未		<p>郑伯药 何汝听 徐峤 岷弟。见《岷传》。 是年，为木待问榜。</p>
乾道二年 丙戌		<p>徐大忠 徐柔 案：《通志》有徐知柔，注云西安人，未知是否一人？ 是年，为萧国梁榜。</p>
五年己丑		<p>刘介然 刘鼎 奏名特赐第一人。有《传》。 是年，为郑侨榜。</p>

	荐 辟	进 士
八年壬辰		<p>夏蹈中 长沙知县。补《传》。</p> <p>虞李 案：康熙《志》作虞李万，康熙《府志》作虞季。兹依万历壬子《志》并《浙江通志》、嘉靖《府志》。</p> <p>江岑 案：《浙江通志》、嘉靖《府志》岑作湔。</p> <p>刘知 案：康熙《志》作知万。</p> <p>江士龙 案：《浙江通志》、两《府志》龙均作隆。</p> <p>颜顾</p> <p>吕嗣兴 四岁神童。案：《浙江通志》云赐右从仕郎。</p> <p>吕拱芳 是年，为黄定榜。</p>
年分无考		<p>余峴补。 庆元路教授。案：两旧志均失载，兹据郭唯撰《余桂墓志铭》补，见《高阶谱》。又案：峴为桂父，桂为淳熙间进士，则峴必在淳熙以前，故列于此，俟考。</p>

	荐 辟	进 士
<p>淳熙二年 乙未</p>		<p>徐枬 侍御史。案：康熙《府志·世科》中列徐枬、徐杓为西安人，非是。 刘甲补。 案：三《府志》、两旧志均失载。今依《浙江通志》补。有《传》。 是年，为詹骝榜。</p>
<p>五年戊戌</p>		<p>夏僎 有《传》。 徐庆余 徐伯忱 莆田令。 是年，为姚颖榜。</p>
<p>八年辛丑</p>		<p>余嵘 端礼子。数文阁学士。见《端礼传》。案：三《府志》均作淳熙十四年王容榜，未知所据。 郭唯 袁倬 余桂 建德知府。补《传》。 刘唯然 是年，为黄由榜。</p>

	荐 辟	进 士
十一年甲辰		徐杓 杓弟。侍御史。 郑时中 刘恩 乙叙源 王由义 周升 邵颐 周执权 徐伯约补。 慈溪知县。案：两旧志失载。 今姑据《上浦徐谱》补。 是年，为卫泾榜。
十三年丙午		刘愚 案：《浙江通志》云：庆寿上舍释褐。有《传》。 夏蹈古 蹈中弟。 案：以上二人，《浙江通志》均作十三年，两旧志均作十一年卫泾榜，嘉靖《府志》又作十年。今依《通志》。 是年，何人榜首，未详。

	荐 辟	进 士
十四年丁未		<p>吕涣 案：《浙江通志》、康熙《府志》涣均作煥。又康熙《府志·世科表》中作七年，疑误。</p> <p>余螳 嵘弟。案：《浙江通志》、嘉靖《府志》螳作丰，疑误。</p> <p>徐伯益 康熙《府志》云伯忱弟。 是年，为王容榜。 案：《浙江通志》是年有徐嵘，注云：数文阁学士。当系余嵘之误，今不录。又案：《宋元学案》卷五十五载刘漫堂通余嵘书，王梓材案云：谢山录《漫堂集》，此条作通徐侍郎嵘。以时地考之，盖即先生而误余为徐也云云。足证余误徐，沿误之久。</p>
光宗绍熙元年庚戌		<p>蒋袞 案：两旧志袞均作滚，误。《西垣谱》云：字汝裳。故知之。</p> <p>徐处仁</p> <p>缪景仁 案：《浙江通志》仁作凡。</p> <p>胡刚中 是年，为余复榜。</p>

	荐 辟	进 士
四年癸丑		徐之惊 案：嘉靖《府志》作元年余复榜。 卢仪 案：两旧志并作徐仪。兹依《浙江通志》及三《府志》。 是年，为陈亮榜。
宁宗庆元 元年乙卯 案：嘉 靖《府志》 并两旧志 作二年， 误。		张禹畴 徐沂 庆余弟。 叶民望 是年，为邓应龙榜。
五年己未		刘汝锡 邵用 章成永 是年，为曾从龙榜。
嘉泰二年 壬戌		邹昇 案：康熙志昇作升。 是年，为傅行简榜。
开禧元年 乙丑		周绪 是年，为毛自知榜。案：两旧 志是年载王德飞，今删，说见《序 例》。



	荐 辟	进 士
嘉定元年 戊辰		夏寅 徐夙 案：嘉靖《府志》注云本西安人。 夏蹈规 蹈中从弟。 徐叔刚 是年，为郑自诚榜。
七年甲戌		张振思 余畬 端礼从子。丰城令，《浙江通志》 作历阳令。 是年，为袁甫榜。
十年丁丑		叶勋 《浙江通志》注云上舍。 颜祖宣 是年，为吴潜榜。
理宗宝庆 二年丙戌		案：康熙《府志》：是年，为王会 榜，载张商佐。考《浙江通志》， 是年无榜，其误无疑，兹故不录。
端平二年 乙未		胡大昌 侍郎。有《传》。 马天骥 端明殿学士。有《传》。 是年，为吴叔告榜。两旧志告作 诒。

	荐 辟	进 士
淳祐七年 丁未		吕好义补。 案：两旧志失载。今姑据《吕仕龄墓志》补，《志》为慈溪姚模撰，仍俟考。
宝祐四年 丙辰		吕好问 封开国子。有《传》。 案：嘉靖《府志》列三年徐用儒榜，未知所据。 方梦龙 是年，为文天祥榜。
景定三年 壬戌		吴雄飞补。 太常寺簿。 胡顺昌补。 胡梦高补。 方龙荣补。 以上四人，两旧志均不载。今据《浙江通志》补。 是年，为方山京榜。
度宗咸淳 十年甲戌		刘之肃补。 案：两旧志均失载。今依康熙《府志》补。 是年，为王龙泽榜。

	荐 辟	进 士
年分无考	<p>王维康                      举明经。案：嘉靖《府志》云任宝章阁秘书。别有考证，见《氏族考》。</p>	<p>季可补。                      右正言。案：两旧志失载。今姑据《乌冈季谱》补。                      曹日新补。                      案：两旧志失载。今据《城南谱》黄潜撰《曹敏中墓志》补。但《续金华丛书·黄学士文集》所载是《志》无此语，今姑存之。                      杨理补。                      案：两旧志失载。今据杨侯祠尚书省疏补。</p>

## 元

皇庆二年八月，诏天下州、郡、县于诸色户内人，察举孝廉、贤良、方正。又诏二十五以上，有乡党称其孝悌，朋友悦其信义，经明行修、儒术醇谨、学行优长者，结状保举，以礼敦遣。《续文献通考》。

至元十一年，议行科举，分蒙古进士科及汉人进士科。皇庆三年八月，诏天下郡、县，兴其贤者、能者，充赋有司。次年二月，会试京师。第一名，赐进士及第，从六品；第二名以下及第二甲，皆正七品；第三甲以下，皆正八品。元统癸酉科，敕试进士，复增名额，稍异其制。节《元史·选举志》。

	荐 辟	进 士
仁宗延祐二年甲子		曹敏中 有《传》。案：旧志作泰定元年进士，今依黄潘撰《墓志》改正。
顺帝元统元年癸酉		徐益补。 案：两旧志均失载。今依《浙江通志》补。补《传》。是年，为李齐榜。
至元间	李梓童补。 举人才。案：两旧志均失载。今依康熙《府志》补。	
至正间	徐崇补 案：两旧志均失载，今据何同撰传补，见《灵山谱》。	
年分无考	徐奎章 案：万历壬子《志》入元代辟举，康熙《志》则改入明代。今考两旧志《奎章传》，称其为建宁路同知。后明太祖兵取兰溪，乃输粟五千余石，升辅国大夫。是其膺辟举必在元代。兹故从万历壬子《志》。又案：万历壬子《志》原注云：旧志误作徐仲达。是当时亦曾经一番考订矣。康熙《志》改入明代，又不详其改正之由，故不足取。	徐梦麟补。 案：两旧志失载。今据《横堰谱》补。

## 明

洪武六年，诏罢科举，专用辟荐。其目有经明行修，有怀才抱德，有贤良方正，有人才，有孝廉。乡举于朝，而各省贡士皆卒業太学，以次除用。十三年，又诏举聪明正直、孝悌力田、文学术数之士。《明会典》。洪武初，诏各府、州、县，荐举贤良方正及山林岩穴隐逸之士，并通晓儒士秀才孝廉，俱各访求到官，送部听用。《续文献通考》。

举人试之京师，曰会试。中式者，天子亲策于廷，曰殿试。分一、二、三甲，以为名第之次。一甲，止三人，赐进士及第；二甲，赐进士出身；三甲，试同进士出身。《明史·选举志》。案：唐、宋举人会试不第，须再举。至元延祐二年、泰定元年，并诏下第举人授以教官。而至正八年以后，则下第者悉授路府学正及书院山长。是元之举人与宋不同，而明制所由仿也。明制，会试不中式，送国子监肄业。屡试不第，以监生资入官。

明代贡生，有选贡、恩贡、岁贡。选贡者，弘治中，于常贡外，令提学行。选贡之法，不分廩膳、增广、生员，通行考选。以后三五年一行。恩贡者，国家有庆典或登极，诏书以当贡者充之。而其次即为岁贡。定例，府、州、县学生员，岁贡生员各一人。洪武二十五年，定府学岁贡二人，县学岁贡一人。摘抄《明史·选举志》。案：万历壬子《志》三项不分，概名岁贡。康熙《志》则改名贡生。今已无从悉考，姑仍志例统名贡生。其未注明岁贡、恩贡者，悉注岁贡。明代，武科乡会试，始于成化十四年。其制大率仿文闈而减杀之。殿试传胪则始于崇祯四年。见《明史·选举志》。

	辟 荐	进 士	举 人	贡 生	武 进 士	武 举 人
太祖洪武 十三年庚 申	夏源清 孝悌力田。 有《传》。					
十六年癸 亥				翁 梗 岁贡,康熙 《志》梗作 梗。 案: 万历壬子 《志》,凡贡 生不著年 分。康熙 《志》则著 之,而列于 洪武七年。 考《明史· 选举志》, 洪武十六 年始令天 下府、县各 岁贡生员 一人,是七 年断无岁 贡,今故改 列于此。		

	辟 荐	进 士	举 人	贡 生	武 进 士	武 举 人
十八年乙丑		翁梗补。 案：两旧志均失载。今依《浙江通志》补。是年，为丁显榜。		徐拱 岁贡。		
十九年丙寅				余雅 岁贡。漳浦知县。		
二十年丁卯				周凯 岁贡。		
二十二年己巳				吴佛应 岁贡。 李潮 岁贡。汧州教授。 案：汧字疑误。		
二十四年辛未				卞应善 岁贡。典史。		
二十五年壬申				曹克振 岁贡。		

	辟 荐	进 士	举 人	贡 生	武 进 士	武 举 人
二十六年 癸酉			<p>徐备</p> <p>字仲全，上海县丞。</p> <p>案：两旧志均作己酉科。考己酉为洪武二年，是时尚未有科举。嘉靖《府志》则云洪武丁巳，考丁巳为十年，亦未有科举。康熙《府志》则作二十年，不知何据。兹以洪武间惟癸酉有科，疑己字为癸字之误，故列于此。但《浙江通志》是科无徐备名。</p>			



	辟 荐	进 士	举 人	贡 生	武进士	武举人
二十七年 甲戌				方伟 岁贡。有 《传》。 徐球 岁贡。府 学。万历 壬子《志》 徐作余。		
二十八年 乙亥				方林 岁贡。		
二十九年 丙子				吴广济 岁贡。知 府。		
三十年丁 丑				虞天祥 岁贡。		
洪武间， 年分无考	徐敏恭 贤良方正。 山东佥事， 升陝西布 政使。 案：两旧志 于辟荐诸 人均不载 年代，兹依 康熙《府 志》列之。					

辟 荐	进 士	举 人	贡 生	武 进 士	武 举 人
<p>江玉 茂材。鄞陵 知县。有 《传》。 案：《浙江通 志》作姓汪。 以下，康熙 《府志》列在 四年以后。</p> <p>叶存广 茂材。 案：万历壬 子《志》作 鄞州同知， 升福建运 同。</p> <p>吴广成 人才。有 《传》。</p> <p>徐道惠 人才。乐 昌知县。 万历壬子 《志》云：授 泰昌知县， 迁泰兴。</p>					

辟 荐	进 士	举 人	贡 生	武进士	武举人
<p>嘉靖《府志》 则云：任曲 江知县。未 详孰是。 案：嘉靖《府 志》云：道 惠，字民迪。 而徐敏恭后 复列徐民 迪，注云：人 才，举任知 县。疑与徐 道惠为一 人而误列者， 兹不复补 列。</p> <p>何同 人才。有 《传》。</p> <p>夏文举 人才。西 安府知府。 有《传》。</p> <p>徐贵芳 人才。有 《传》。</p>					

	辟 荐	进 士	举 人	贡 生	武进士	武举人
	<p>劳德 人才。长 山知县。</p> <p>刘善惠 人才。新 昌县丞。 案：康熙 《府志》作 姓邹。</p> <p>叶仲真 人才。永 丰主簿。 鲁亨补。</p> <p>人才。兖 州同知。 案：两旧 志均失载。 今据《浙江 通志》补。</p> <p>夏思齐 人才。郑 州同知。 案：嘉靖 《府志》齐 作济。</p>					

辟 荐	进 士	举 人	贡 生	武进士	武举人
<p>徐原芳 人才。建宁知县。 案：《浙江通志》作徐元方。嘉靖《府志》云建阳知县。</p> <p>周俊 以耆德召赴阙说律令，除莱州判官。</p> <p>何日新 以耆德陈便宜事，授浮梁知县。</p> <p>王德 以耆德建言民情，授袁州同知。 案：以上三人，两旧志均作遗逸。兹依三《府志》。</p>					

辟 荐	进 士	举 人	贡 生	武进士	武举人
<p>徐记 字 仲 敬。 以 遗 逸 起 为 翰 林 五 经 博 士。</p> <p>李 万 钟 补。 案：两旧志 均 失 载。 今 姑 依《会 泽 谱》补。 《谱》称 其 洪 武 初，以 明 经 举 任 袁 州 万 载 知 县。</p> <p>卢 宗 安 补。 案：两旧志 失 载。今 姑 依《三元 谱》补。 《谱》称 洪 武 初，以 人 材 举 任 上 饶 典 史。</p>					

	辟 荐	进 士	举 人	贡 生	武进士	武举人
惠宗建文元年己卯				<p>胡天定 岁贡。宁府舍人。 案：嘉靖《府志》天作添。</p> <p>张隆 岁贡。工部郎中。</p>		
建文间， 年分无考	<p>袁孝广补。</p> <p>茂材。鄜州同知。 案：两旧志均失载。今依三《府志》补。</p> <p>又案：洪武间，叶存广亦以茂材举为鄜州同知，叶与袁、存与孝字体相似，疑系一人。</p>					

	辟 荐	进 士	举 人	贡 生	武进士	武举人
	<p>而两《府志》误入者。但无他证，姑附识以俟考。</p> <p>曹克善 人才。日照主簿。</p> <p>方文彬 人才。淮安推官。</p> <p>徐显通 人才。浔州照磨。</p> <p>叶善 人才。德兴主簿。</p> <p>王景照 人才。鲁府记善。</p> <p>案：嘉靖《府志》照作昭。</p>					



	辟 荐	进 士	举 人	贡 生	武 进 士	武 举 人
成祖永乐元年癸未	王艮补。 人才。兖州府属县尉。案：两旧志失载。今据童应复《街头王谱源流序》补。			倪润 岁贡。府学。长沙知县。		
二年甲申				许堪 岁贡。有《传》。		
三年乙酉			叶辅 户科给事中。	徐岷 岁贡。宁国训导。		
四年丙戌	叶暹 楷书举。案：两《府志》暹作进，年分依嘉靖《府志》列。			叶庄 岁贡。典宝。		
五年丁亥				徐杰 岁贡。江西龙卫经历。		

	辟 荐	进 士	举 人	贡 生	武进士	武举人
六年戊子	翁諫 楷 书 举。 见进士。		袁懋 海门教谕。	方维 岁 贡。龙 岩主簿。		
七年己丑				吕恭 岁 贡。县 丞。		
八年庚寅				马泽 岁 贡。工 部主事。 夏茆 岁 贡。府 学。		
九年辛卯		陆和补。 案：两旧志 均失载。 今依康熙 《府志》补。 又举人中 亦未载。 是年，为 萧时中榜。	董偁	郑濬 岁 贡。光 泽主簿。		
十年壬辰		柴兴补。 案：两旧志 均失载。 今依康熙		余焕 岁 贡。山 阳知县。		

	辟 荐	进 士	举 人	贡 生	武进士	武举人
		《府志》补。 又举人中 亦未载。 是年，为 马铎榜。				
十一年癸 巳				徐枢 岁贡。 案：《隔塘 谱》云莆田 教谕。		
十二年甲 午				胡镛 岁贡。		
十三年乙 未				余俊 岁贡。 案：《南巷 谱》有余 浚，为是年 贡，武平知 县。疑即 是人。		
十四年丙 申			何锡 教谕。 何澄 池州通判。 案：《桥 东谱》云：	徐德 岁贡。 案：嘉靖 《府志》德 作得。		

	辟 荐	进 士	举 人	贡 生	武进士	武举人
			迁刑部郎中,卒于官。			
十五年丁酉			翁谏 见进士。 《浙江通志》作余姚人。今案:光绪《余姚县志》是年不载,足证《通志》之误。又案:康熙《府志》作翁諒,误。	钱良 岁贡。 案:万历壬子《志》良作德。		
十六年戊戌		翁谏 是年,为李麟榜,旧志麟作麒。 案:万历壬子《志》注云:弘治旧志止书举人。从丙子《志》存之。		徐孜 岁贡。嘉靖《府志》云经历。		

	辟 荐	进 士	举 人	贡 生	武进士	武举人
十七年己亥				尹瑛 岁贡。庆 远推官。 案：万历 壬子《志》 瑛作英，嘉 靖《府志》 云仓官。		
十八年庚子			张默 徐资 南台御史。			
二十年壬寅				童阐 岁贡。		
二十一年癸卯			虞中士 通判。			
二十二年甲辰				范寿 岁贡。肇 庆推官。 袁兰 是否岁贡， 无考。万 历壬子 《志》不载。		

	辟 荐	进 士	举 人	贡 生	武进士	武举人
永乐间 年分元考	<p>蔡德政 茂才。福建道御史。 有《传》。 案：嘉靖《府志》德政下复有蔡得正，注云：以通经秀才任福建道监察御史，锄奸摘伏，尝曰：“张纲埋轮，彼何人也？”而德政下云：“常慕张纲之风。”其为一而误列者无疑，故不复列。</p> <p>洪思荣 人才。凤阳驿丞。</p>			<p>劳仲安 补。 字良定。曹州县丞，调丹徒。</p> <p>劳宗道 补 字子文。湖广训导。</p> <p>劳孟起 补。 四川教授。</p> <p>以上三人，两旧志均失载。今据《双溪谱》补。</p> <p>又案：《谱》未详何贡，又未详何年贡，仅云皆洪武间贡生，兹姑附列于此，待考。</p>		

	辟 荐	进 士	举 人	贡 生	武进士	武举人
	<p>案：康熙《府志》作洪恩。</p> <p>祝仲资人才。税课大使。</p> <p>徐福桢人才。双流典史。</p> <p>徐讲补。字子学。明经举。兰溪训导。</p> <p>案：两旧志失载。今依嘉靖《府志》补。但考《兰溪县志·官师表》中无讲名。</p>					
宣宗宣德元年丙午				郭斌 岁贡。		
三年戊申				徐源 岁贡。闽县知县。		

	辟 荐	进 士	举 人	贡 生	武 进 士	武 举 人
五年庚戌				周经 岁贡。		
七年壬子				陈五常 岁贡。抚 州推官。 案：嘉靖 《府志》五 作孟。		
九年甲寅				范启 岁贡。训 导。		
宣德间， 年分无考	李起潜 人才。全 椒知县。 万历壬子 《志》云： 《全椒志》 作李全。 李应珪 人才。南 吏部文选 司主事。 徐珙 有《传》。					



	辟 荐	进 士	举 人	贡 生	武进士	武举人
英宗正統 元年丙辰				吕雅 岁贡。望 江知县。		
三年戊午				周益 岁贡。武 进县丞。 案：万历 壬子《志》 益作韦，嘉 靖《府志》 则作益。		
五年庚申				张显 岁贡。潮 阳知县。		
七年壬戌				傅冕 岁贡。兴 化通判。		
九年甲子				祝辉 岁贡。江 西臬司照 磨。		
十一年丙 寅				诸葛武 岁贡。归 德同知。		

	辟 荐	进 士	举 人	贡 生	武进士	武举人
十二年丁卯				徐忠恕 岁贡。曲靖推官。 案：万历壬子《志》徐作余。 徐忠施补。 案：两旧志均不载。今据嘉靖《府志》补。原列在忠恕前，兹以年分无考附此。		
正 统 间， 年分无考	徐德华 人才。龙溪知县。					
景帝景泰元年庚午				虞寿 岁贡。吉水主簿。		
三年壬申				张铭 岁贡。卫经历，玉山知县。		

	辟 荐	进 士	举 人	贡 生	武进士	武举人
四年癸酉				曹维 岁贡。 案：嘉靖 《府志》作 曹继谁。		
五年甲戌				袁余庆 岁贡。		
六年乙亥				张俊 岁贡。		
七年丙子			袁宜中 字可忻。 案：《浙 江通志》不 载，而景泰 四年癸酉 科有袁宜 众，注云龙 游人，当即 袁宜中之 误。 又 案：两旧志 云懋弟东 聚，《袁谱》 则云系懋 子，未知孰	方维林 岁贡。 案：嘉靖 《府志》林 作琳，又注 云仓官。		

辟 荐	进 士	举 人	贡 生	武 进 士	武 举 人
		<p>是。 又 《谱》亦作 景泰癸酉 科。 祝华 以富户籍 应天中式。 涿鹿卫经 历。 胡怀 南京兵马 司。 案： 两旧志均 列天顺己 卯科。今 依《浙江通 志》、嘉靖 《府志》。 惟《通志》 于天顺三 年己卯又 列胡怀，注 云府学中 式，当系一 人而误列 者。</p>			

	辟 荐	进 士	举 人	贡 生	武 进 士	武 举 人
天顺二年 戊寅				傅孟宗 岁贡。提 举。		
三年己卯			胡琰 知县。 胡节 山阳知县。 徐严			
四年庚辰				方定 岁贡。南 平知县。		
六年壬午				徐禄 岁贡。兴 国州同。		
七年癸未				徐富 岁贡。 胡超 岁贡。见 进士。 童瑾 岁贡。县 丞。案： 嘉靖《府志》 瑾作谨。		

辟 荐	进 士	举 人	贡 生	武 进 士	武 举 人
			<p>方谷 岁贡。经历。案： 嘉靖《府志》谷作 客。</p> <p>童哲 岁贡。</p> <p>胡孟祥 岁贡。州判。案： 康熙《志》 注云：此年 旧志并载 六人，其详 不可考，仍 依次列之。 今检万历 壬子《志》， 则岁贡并 不系年。 所谓旧志， 当系万历 丙子《志》 也。</p>		

	辟 荐	进 士	举 人	贡 生	武 进 士	武 举 人
宪宗成化 元年乙酉				吕瓚 岁贡。南 靖县丞。 胡孟修 岁贡。见 举人。		
二年丙戌				王绅 岁贡。		
四年戊子			胡超 应天中式， 见进士。 案：嘉靖 《府志》云： 由岁贡中 应天壬午 乡试。未 知所据。	龚时 岁贡。延 平同知。 廷试第一。		
五年己丑				徐旋 府学贡。 管城训导。		
七年辛卯			胡孟修 景州知州。 案：两旧 志均列戊 子科。兹	徐华 岁贡。全 椒知县。		

	辟 荐	进 士	举 人	贡 生	武 进 士	武 举 人
			依《浙江通志》改正。			
八年壬辰		胡超 户部主事。 有《传》。 是年，为 吴宽榜。				
九年癸巳				徐珉 岁贡。县 丞。		
十一年乙未				张隆 岁贡。广 信推官。		
十三年丁酉				童文 岁贡。		
十五年己亥				徐斌 岁贡。		
十七年辛丑				祝璋 岁贡。		
十九年癸卯				郑瑄 岁贡。吉 水县丞。		



	辟 荐	进 士	举 人	贡 生	武 进 士	武 举 人
二十一年 乙巳				祝震 岁贡。乐平训导。 案：嘉靖《府志》震作家。		
二十三年 丁未				叶魁 岁贡。连城知县。		
孝宗弘治 二年己酉			余默 寿府长史。有《传》。	余章 岁贡。有《传》。		
四年辛亥				叶茂 岁贡。		
六年癸丑				徐有成 岁贡。扬州经历。		
八年乙卯				何鑑 韶州通判。康熙《志》注云锡弟，相距年久，殊可疑。		

	辟 荐	进 士	举 人	贡 生	武 进 士	武 举 人
十年丁巳				张高 岁贡。宜 春教谕。		
十二年己未				周玺 岁贡。		
十四年辛酉			王廷臣 应天中式。龙泉知县。 案：明万历壬子代，知县已不用本省人。查《龙泉县志·官秩志》中，亦不载廷臣名。疑龙泉两字必误。 徐麟 顺天中式。见进士。 案：两旧志均作乙卯科。今依《浙江通志》改正。	傅祿 岁贡。宁 州州同。 《志》云卒于官。		

	辟 荐	进 士	举 人	贡 生	武 进 士	武 举 人
十五年壬戌		徐麟 大理寺少卿。是年,为康海榜。				
十六年癸亥				方冕 岁贡。兵马指挥。有《传》。		
十七年甲子			胡钦 鲁府伴读。 何晋 鑑从子。 通判。有《传》。			
十八年乙丑				祝彝 岁贡。		
武宗正德二年丁卯				叶柄 岁贡。宁国教授。 案:嘉靖《府志》柄作桐。		

	辟 荐	进 士	举 人	贡 生	武进士	武举人
四年己巳				陈敬 岁贡。辉 府长史，万 历壬子 《志》作教 谕。		
五年庚午			祝品 见进士。			
六年辛未				李经 岁贡。延 平训导。 案：《会 泽李氏谱》 云：嘉靖辛 酉，乡选第 四名，任延 平府教授。 今考正德 六年至嘉 靖四十年 辛酉，相距 至五十一年之久，情 事不甚相 符。兹故 不录。		

	辟 荐	进 士	举 人	贡 生	武 进 士	武 举 人
八年癸酉			王钦 英山知县。	祝铭 岁贡。新昌训导。 万历壬子《志》云卒于官。		
九年甲戌		祝品 广东参政。 有《传》。 是年，为唐皋榜。				
十年乙亥				李瑞 岁贡。福建训导。		
十一年丙子			何音 晋弟。福州通判。 附《晋传》。			
十二年丁丑				祝公弼 岁贡。惠蒙训导。 案：嘉靖《府志》无公字。万历壬子《志》		

	辟 荐	进 士	举 人	贡 生	武进士	武举人
				作教谕。而《锦里祝谱》则载祝弼，无公字，谓为优贡，惠来县教谕。未知是否一人，姑仍康熙《志》之旧。		
十三年戊寅				叶章 岁贡。布政司检校。 案：万历壬子《志》章作草，疑误。		
十四年己卯				徐琳 岁贡。		
十六年辛巳				祝隆 岁贡。		
世宗嘉靖元年壬午				方绣 岁贡。富民知县。		

	辟 荐	进 士	举 人	贡 生	武进士	武举人
				案：嘉靖 《府志》、万 历壬子《志》 绣作肃。		
二年癸未				吕龙 岁贡。临 淮训导。		
四年乙酉			童默 广东中式。 来宾知县。	张实 岁贡。漳 州训导。		
六年丁亥				杨琦 岁贡。泰 兴训导。 案：嘉靖 《府志》琦 作柯。		
八年己丑				王育 岁贡。茂 明教谕。		
十年辛卯			尹照 新会知县。 见《蒙传》。 案：康熙 《府志》作 姓甘。	方镗 岁贡。冕 子。临都 主簿。		

	辟 荐	进 士	举 人	贡 生	武进士	武举人
			徐应奇 麟子。工部员外郎。			
十一年壬辰				李有年 岁贡。郑府教授。		
十二年癸巳			李有年 补。 案：两旧志均不载。兹依《会泽李谱》补。《谱》载其中式第四十九名，有衢州府知府张正和赠匾为证。但两旧志何以不载？姑补此俟考。	徐廷相 岁贡。		
十三年甲午			张良奎 河南中式。			



	辟 荐	进 士	举 人	贡 生	武进士	武举人
十四年乙未				陆槐 岁贡。淮府教授。		
十六年丁酉			尹焘 照弟。见进士。	徐鹏 岁贡。训导。		
十八年己亥				徐敞 岁贡。都事。		
十九年庚子			张文愚 见进士。	徐沔 岁贡。万安教授。		
二十年辛丑		尹焘 浔州知府。见《蒙传》。 张文愚 新淦知县。是年，为沈坤榜。		周旋 岁贡。王府教授。 案：嘉靖《府志》旋作璇。 祝尔耆 岁贡。应天府学教授，升固安知县。		

	辟 荐	进 士	举 人	贡 生	武进士	武举人
二十二年 癸卯			祝尔庆 凤阳同知。 品子。 毛汝麒 见进士。 陆佐 见进士。	祝尔介 岁贡。见 进士。		
二十四年 乙巳				张柯 岁贡。 案：两旧志 柯均作軻。 前代士子 以孟子讳 命名者似 无之，兹故 依嘉靖《府 志》作柯。		
二十五年 丙午			翁廷儒 应天中式。 信丰知县。 姜榴补。 应天中式。 案：见《泽 山谱》。两 旧志未载， 今姑补入。			

	辟 荐	进 士	举 人	贡 生	武进士	武举人
二十六年 丁未		陆佐 潮州知府。 有《传》。 是年,为李 春芳榜。		龚崇翰 岁贡。曲 靖经历。		
二十八年 己酉				徐濬 岁贡。		
二十九年 庚戌		毛汝麒 江西金事。 有《传》。 是年,为唐 汝楫榜。 科分有 考证,见本 传。				
三十年辛 亥				舒良甫 岁贡。程 乡教谕。 案:两旧 志作澄乡, 今据《东舒 谱·家传》 正。		

	辟 荐	进 士	举 人	贡 生	武进士	武举人
三十一年 壬子			陆瓚 见进 士。 佐弟。 祝尔介 应天中式。 见进 士。 品子。			
三十二年 癸丑		陆瓚 四川参政。 见《佐传》。 是年,为陈 谨榜。		徐瑞 岁贡。邵 武教授。		
三十四年 乙卯			龚廷璧 补。 见进 士。 云南中式。 案:两旧 志均失载。 今依《浙江 通志》补。	余湘 岁贡。临 武知县。 有《传》。		
三十五年 丙辰		祝尔介 太和知县。 见《品传》。 是年,为 诸大绶榜。		张本 岁贡。阳 山知县。 湖广籍。		

	辟 荐	进 士	举 人	贡 生	武进士	武举人
三十六年 丁巳				祝诏 岁贡。平 和知县。		
三十七年 戊午			尹礼继 有《传》。 康熙《府 志》云通 判。 龚世仰 洪县知县。 有《传》。	劳日积 岁贡。陆 梁知州。 贵州籍。		
三十八年 己未				徐圻 岁贡。通 州训导。		
三十九年 庚申				徐罗 岁贡。训 导。		
四十年辛 酉			余邦辅 胶州知州。 默从孙。 有《传》。 王用章 补。 见进士。 河南中式。	徐廷栋 岁贡。宁 都知县。		

	辟 荐	进 士	举 人	贡 生	武进士	武举人
			案：两旧志失载。今依《浙江通志》补。			
四十一年 壬戌				童震 岁贡。泗州学正。		
四十三年 甲子			尹贞度 照子。应天中式。 案：《浙江通志》度作庭。康熙《府志》注云又度作庆。	张楷 岁贡。荔浦知县。 徐高 四川籍贡。		
四十四年 乙丑		龚廷璧 云南建水州籍中式。工部主事。 王用章 补。 湖南祥符籍中式。兵部主事。 是年，为范应期榜。				

	辟 荐	进 士	举 人	贡 生	武进士	武举人
四十五年 丙寅				叶成 瓯宁训导。 万历壬子 《志》成作 茂。		
穆宗隆庆 元年丁卯			张子校 府学中式。 案：《浙 江通志》作 衢州人，康 照《府志》 校作较。	祝致和 恩贡。见 进士。有 《传》。 何克赞 恩贡。通 判。有 《传》。		
二年戊辰				余天禄 安义知县。		
四年庚午			祝致和 顺天中式。 见进士。	祝公衢 岁贡。丽 水训导。		
六年壬申				陆天民 岁贡。		
神宗万历 元年癸酉				王—源 岁贡。兴 化经历。 钦子。		

	辟 荐	进 士	举 人	贡 生	武进士	武举人
二年甲戌				徐天民 岁贡。有 《传》。		
四年丙子				金溱 岁贡。		
六年戊寅				徐德奎 见举人。		
七年己卯			吕调元 徐良选 见进士。 余大淳 钱梦松 常德同知。 案：嘉庆 《武义县 志》训导内 有梦松，注 云：龙游举 人，万历二 十六年任。 徐德奎 顺天中式。 罗源知县。			



	辟 荐	进 士	举 人	贡 生	武进士	武举人
八年庚辰		祝致和 刑部主事。 有《传》。 是年，为 张懋修榜。		龚缙 岁贡。长 洲训导。		
十年壬午			叶文懋 武昌同知。 有《传》。 余崇文 平乐同知。 有《传》。 徐任道 见进 士。 西安籍中 式， 有 《传》。	金百鍊 岁贡。汀 洲教授，升 太平府通 判。见 邹 元标撰状。		
十一年癸 未		徐良选 候官知县。 是年，为 朱国祚榜。				
十二年甲 申				尹邦士 岁贡。		
十三年乙 酉			刘应举 兰溪教谕。			张国华 见武进士。

	辟 荐	进 士	举 人	贡 生	武 进 士	武 举 人
十四年丙 戌		徐任道 广西道御 史。有 《传》。 案：万历壬 子《志》特 注曰：穀水 乡人。康 熙《志》删 之。是 年，为唐文 献榜。		叶良相 岁贡。庐 州教授，有 《传》。		
十六年戊 子			余用昌 儋州知州。 邦辅子。 祝万宁 应天中式。 高要知县。 有《传》。	汪若渊 岁贡。黄 岩训导。		张志伦 指挥金事。 案：《浙 江通志》伦 作抡。
十七年己 丑					张国华 九门团营 参将。	
十八年庚 寅				陆世孚 选贡。瓚 子。案：		

	辟 荐	进 士	举 人	贡 生	武 进 士	武 举 人
				《城南谱》 云：将乐知 县，未赴任。		
十九年辛 卯			徐可求 西安籍，应 天中式。 见进士。 陆世彦 瓚子。 张羽翔 蒲州知州。 有《传》。 案：康熙 《府志》注 云知县。 张宗孔 见进士。 《浙江通 志》云山东 中式。 徐应奇 补。 案：两旧志 均失载。 今依康熙 《府志》补。			

	辟 荐	进 士	举 人	贡 生	武进士	武举人
二十年壬辰		徐可求 四川巡抚。 张宗孔 山东籍中式。平阳知府。 案：《浙江通志》云龙游人，注云按察使副使。是年，为翁正春榜。		祝尔敦 岁贡。龙泉教谕。		
二十一年癸巳			尹思聘	龚承荐 岁贡。见进士。世仰子。 尹邦道 岁贡。余姚训导。		
二十二年甲午			张良奎 补。 案：两旧志均失载。今依康熙《府志》补。	徐薇 岁贡。大庾教谕。 案：乾隆《绍兴府志》府学训导中有		

	辟 荐	进 士	举 人	贡 生	武进士	武举人
				徐薇，注云 龙游人。		
二十四年 丙申				徐濂 岁贡。		
二十五年 丁酉			张子槐 河曲知县。 子校弟。			
二十六年 戊午				曹闻礼 岁贡。金 华训导。 补《传》。		
二十八年 庚子			余用贤 瑞昌知县。 用昌从弟。 案：康熙 《府志》作 崇禎庚午 科。又 案：《浙江 通志》贤作 宾。	吕徽音 岁贡。金 华训导。		
三十年壬 寅				龚大节 岁贡。		
三十二年 甲辰				徐志文 岁贡。		

	辟 荐	进 士	举 人	贡 生	武进士	武举人
三十四年 丙午			龚承荐 顺天中式。 见进士。 方重镇 河南籍中 式。	李文选 岁贡。平 和教谕。		
三十六年 戊申				徐子忠 西安籍贡。 教授。		
三十八年 庚戌				吕廷佐 岁贡。		
四十年壬 子			徐应秋 可求子。 见进士。 亦以西安 籍中式。	叶文奎 岁贡。候 选知县。		
四十一年 癸丑		龚承荐 四川按察 使。见《世 仰传》。 案：《浙江 通志》云湖 广参政。 是年，为 周延儒榜。				

	辟 荐	进 士	举 人	贡 生	武 进 士	武 举 人
四十二年 甲寅				方遇知 岁贡。广 宗知县。		
四十三年 乙卯				陆应初 补。 副贡。康熙 《志》未载。 今据《城南 谱》补。		叶应武 解元。见 进士。 徐梦雷
四十四年 丙辰		徐应秋 福建布政 使。是 年，为钱士 升榜。		王三锡 岁贡。		
四十六年 戊午			龚铭 应天中式。 见进士。 翁元益 应天中式。 见进士。	尹邦登 岁贡。滁 州通判。 有《传》。 案：康熙 《志·人物 志》作丁巳 贡，与《选 举志》互 异，今从 《选举志》。		

	辟 荐	进 士	举 人	贡 生	武进士	武举人
四十七年 己未					叶应武 蓟镇副总 兵,赠都督 同知。有 《传》。	
光宗泰昌 元年庚申				祝君知 岁贡。 施于政 岁贡。济 宁州判。 汪士珍 府学选贡。 若渊从孙。 见举人。		
熹宗天启 元年辛酉			余日新 见进士。 吕之节 广东参政, 调元孙。 有《传》。	祝拱寿 岁贡。县 丞。诏孙。		
三年癸亥				童幼芳 岁贡。 案:《桐冈 童谱》有童 潮,更名幼		



	辟 荐	进 士	举 人	贡 生	武进士	武举人
				<p>芳,由拔贡授诏安府学教谕,署高邮知州。疑即是人,因时代相符也,姑志此俟考。</p>		
<p>四年甲子</p>			<p>余一凤 武乡知县。 用贤子。 有《传》。</p>			
<p>五年乙丑</p>				<p>叶世龙 岁贡。吉安教谕。魁从孙。有《传》。 案：康熙《府志》世作光。 翁振宗 岁贡。寿昌籍。崇德教谕。</p>		

	辟 荐	进 士	举 人	贡 生	武进士	武举人
七年丁卯				尹学敬 岁贡。闽清教谕，升江西淮府纪善。		
怀宗崇祯元年戊辰				徐必慎 岁贡。 尹一鑑 岁贡。兴安知县。 祝锡范 襄阳通判。致和从孙。有《传》。		
三年庚午			余敦伦 工部主事。用贤从弟。有《传》。 汪士珍	邵希泰 岁贡。杭州训导。		
四年辛未		龚铭 应天籍中式。广平推事。 是年，为陈于泰榜。				

	辟 荐	进 士	举 人	贡 生	武进士	武举人
五年壬申				祝国祯 岁贡。鄞 县训导。 尔介孙。 康熙《府 志》作姓 程。		
七年甲戌		余日新 太仆寺少 卿。崇文 侄孙。有 《传》。 翁元益 上海籍中 式。工科 给事中。 是年，为 刘理顺榜。		尹王宾 岁贡。		
八年乙亥				龚一德 岁贡。象 山训导。 何乔遇 府学贡。 宣平教谕。 有《传》。		

	辟 荐	进 士	举 人	贡 生	武 进 士	武 举 人
				汪士骐 选贡。若渊孙。 翁祚 选贡。府庠。有《传》。 案：此与下祝永清，康熙《志》均注云拔贡。考明季无拔贡，当系选贡之讹，今正。		
九年丙子			叶仕魁 西安籍中式。见进士。 王潢 应天中式。	徐士彬 岁贡。遂安训导。		周之成 见武进士。 周之楨 见武进士。 周之魁 见武进士。 案：《湖镇谱》周之成、周之魁均系十二年己卯科

	辟 荐	进 士	举 人	贡 生	武 进 士	武 举 人
						武举人，未详孰是。
十年丁丑					周之楨 锦衣卫西 司房理刑。	
十一年戊寅				刘应登 岁贡。应 举从弟。		
十二年己卯			祝世盛 高陵知县。补。 案：康熙副贡。见《志》注云：《城南谱》。有《传》。康熙《志》今检《人物》未载，今《志》中无补之。今欲补撰，而事实已无考矣。	陆合宣		严公权
十三年庚辰		叶仕魁 进贤知县。 是年，为刘同升榜。		杨仁芳 岁贡。		
十五年壬午				尹宗伯 岁贡。		

	辟 荐	进 士	举 人	贡 生	武 进 士	武 举 人
十六年癸未					周之成 补北京巡城守备。见《湖镇谱》。 周之魁 补锦衣卫西司房理刑。见《湖镇谱》。	
十七年甲申				徐希颐 岁贡。 徐道明 府学贡。 龚则说 岁贡。海盐教谕。 祝永清 选贡。璋曾孙。 祝登元 岁贡。漳州知府。有《传》。 徐彦 岁贡。考授县丞。		

## 《龙游县志》卷十五

县人 余绍宋撰

选举表 表三

## 清选举表二

清 文武进士、举人，与明制同，惟科目略异耳。至清末，尚有外国留学生考试中式进士、举人者，亦系正途。

贡生，则有拔贡、优贡、副贡、恩贡、岁贡五种。拔贡，清初，无定期；康熙三十九年，停止。雍正七年后，六年行一次。至乾隆七年，始定为十二年一举，期在酉年考试。优贡者，每逢大比之年，学政调取优行生员于乡试后会同督抚考试，浙江每科六名。同治六年，奏定与拔贡一体朝考，以知县、教职录用。副贡，为乡会试卷文理优长限于额数者而设，故称副榜，与正榜同发，由礼部咨送吏部授职。恩贡者，凡逢应贡之年，如有特恩则以正贡充恩贡，以次贡充本年正贡，正贡即岁贡，府学每岁贡一人，县学二年一人。节录《清会典》。

博学鸿词科二人：

余勉康熙间。有《传》。

邵岷乾隆间。见《阙访》。

孝廉方正二人：

袁嘉增乾隆间。有《传》。

劳黻基宣统间。字赞元，号梅臣。优增生。

	进 士	举 人	贡 生	武进士	武举人
世祖顺治 二年乙酉					袁之俊 江南屯田都 司。 邵纘武 案：龙游于 顺治三年始 入清版图， 此二人均以 顺天籍中式 者也。 又 案：《浙江通 志》，袁、邵 均列四年丁 亥科。未详 孰是。
三年丙戌			王之玺 岁贡。有 《传》。 祝颂仁 恩贡。 马元良 府学岁贡。		



	进 士	举 人	贡 生	武进士	武举人
五年戊子			<p>陆鸿渚                      岁贡。上虞训导。                      案：《城南谱》载：七年庚寅补廩，赴京考中贡元。明年，授上虞训导。与此不合，似非岁贡，今姑仍康熙《志》载之。</p> <p>刘师尹                      拔贡。嘉定知州。应举孙。</p> <p>姜翼圣                      府学拔贡。</p> <p>陆合宣补。                      再中副贡。                      见《城南谱》。康熙《志》亦失载。</p>		杨应珍

	进 士	举 人	贡 生	武进士	武举人
六年己丑			<p>钱勋 拔贡。考授通判。</p> <p>尹肇晋 拔贡。考授通判。邦登子。</p>		
七年庚寅			<p>杨廷檟 岁贡。考授知县。仁芳子。</p>		
八年辛卯		<p>余恂 见进士。</p>	<p>叶懋功 岁贡。鄞县训导。世龙从侄。</p> <p>尹圣任 府学贡。海宁教谕。学敬子。</p> <p>童之宪 拔贡。</p> <p>姜一佐补副贡。</p> <p>案：见《泽山谱》。康熙《志》未载。</p>		<p>徐应兆 福宁卫守备。</p>

	进 士	举 人	贡 生	武进士	武举人
九年壬辰	<p>余恂 左春坊左谕 德。日新 子。有 《传》。 是年，为邹 忠倚榜。</p>				
十年癸巳			<p>徐道震 岁贡。士彬 子。案： 《丛桂谱》云 拔贡。</p>		
十一年甲午		<p>陆长卿 见进士。 张其翼 山东历城县 知县。</p>	<p>陆合宣补。 三中副车。 见《城南 谱》。康熙 《志》亦失 载。</p>		叶如云
十二年乙未			<p>曹之楨 岁贡。山阴 训导。 案：乾隆《绍 兴府志》作 会稽训导， 未知孰是。</p>		

	进 士	举 人	贡 生	武进士	武举人
			尹景舜 岁贡。考授 县丞。圣任 子。见《张 家 埤 谱》。 案：是年， 有两贡或有 府学，亦未 可知。		
十四年丁酉		案：康熙 《志》是科列 徐之凯，今 删，说详《叙 例》。	汪懋恒 岁贡。		
十六年己亥			叶荣 岁贡。庆元 训导。		
十七年庚子		张广益 解元。 杨昶 见进士。 方夏绣 案：康熙《府 志》作夏方。 兹考绣本姓			

	进 士	举 人	贡 生	武进士	武举人
		方，赘于夏，兼用其姓。中式后，夏氏不谓然，其后人遂称夏方氏。光绪间，岁贡夏方承即其裔也。			
十八年辛丑	陆长卿 江华知县。佐曾孙。有《传》。是年，为马世俊榜。				
圣祖康熙元年壬寅			徐献策 恩贡。 余际熙 府学恩贡。 尹启成 岁贡。象山训导。		
三年甲辰			叶槩 岁贡，世龙子。		

	进 士	举 人	贡 生	武进士	武举人
			尹一詮 府学贡。一 繼 弟。 案：是年停 岁贡，八年 复行。		
九年庚戌	杨昶 合浦知县。 有《传》。 是年，为蔡 启樽榜。 案：康 熙 《志》作顺治 庚戌科，误， 今正。		余忱 岁贡。见 《恂传》。		
十一年壬 子			余敬明 岁贡。永康 县教谕。 案：康熙《府 志》作姓徐， 误。 余勉 拔贡。见 《恂传》。		

	进 士	举 人	贡 生	武进士	武举人
十三年甲寅			尹重任 岁贡。 祝之瑶 恩贡。		
十五年丙辰			叶睿修 岁贡。		
十七年戊午			姜凤翱 岁贡。 童士炳补。 副 榜。 案：康 熙 《志》失载。 今据康熙 《府志》补。		
十九年庚申			祝有致 岁贡。 汪自东 府学贡。康 熙贡止此。		
二十年辛酉			尹景禹 岁贡。 余达 岁贡。 范邦逵 岁贡。字公		

	进 士	举 人	贡 生	武 进 士	武 举 人
			<p>球,号飞涛。松阳训导,署缙云教谕。四举乡饮。案:徐起岩撰《邦逵传》云:处郡太守贤之,属邑缙云缺宰,即以先生署其事。期月间,政清民和。是邦逵所署为知县非教谕,而《续官师志》即起岩所编,何以又云署教谕,殊不可解。案:康熙《府志》云:康熙十五年,令府、州、县学生具</p>		



	进 士	举 人	贡 生	武进士	武举人
			<p>捐纳岁贡， 一体廷试。 是当时岁贡 有捐纳之 例，今志中 辄有一年两 贡三贡者， 当因于此。 特何人为正 贡，何人为 捐贡，则无 可考矣。</p>		
二十一年 壬戌			<p>祝利润 岁贡。见举 人。</p>		
二十三年 甲子		<p>钱鑑 怀远知县。 有《传》。 祝利润</p>	<p>严日华 岁贡。</p>		
二十五年 丙寅			<p>余以匡 岁贡。 叶鲁 府学贡。见 进士。 徐炎 拔贡。</p>		

	进 士	举 人	贡 生	武进士	武举人
二十六年 丁卯					胡琨 江宁籍中式。见进士。
二十七年 戊辰			刘铭 岁贡。		
二十九年 庚午			张琼玉 岁贡。 余遵 岁贡。		
三十年辛 未			马应麟 岁贡。		
三十二年 癸酉		叶鲁 北闈中式。 庚辰进士。			
三十三年 甲戌			徐臣凤 岁贡。		
三十五年 丙子			尹日文 岁贡。 许又衡 府学贡。		
三十六年 丁丑				胡琨 重庆总兵。	

	进 士	举 人	贡 生	武进士	武举人
三十七年 戊寅			徐绍礼 岁贡。 余鈞 府学贡。 余养蒙 岁贡。		
三十九年 庚辰	叶鲁 是年，为汪 铎 榜。 案：《皇朝词 林典故》不 列鲁名，是 鲁未与馆 选，但其是 否改外或未 授职，则无 考矣。		徐佐 岁贡。 严逢高 岁贡。 汪仲徵 岁贡。		
四十一年 壬午			余应元 岁贡。 吕安民 府学贡。		
四十三年 甲申			姜廷举 岁贡。有 《传》。		

	进 士	举 人	贡 生	武进士	武举人
			夏玘 府学贡。 严式 岁贡。 周之冕 岁贡。		
四十五年 丙戌			叶华 岁贡。 劳天珍 岁贡。		
四十七年 戊子			汪应标 岁贡。 邵日修 府学贡。		
四十九年 庚寅			徐卜玉 岁贡。海宁 训导。 祝元彰 岁贡。		
五十年辛 卯		余焯 字可原，号 敏斋，原名 八经。内阁 中书。见 《西湖谱》。			

	进 士	举 人	贡 生	武进士	武举人
五十一年 壬辰			<p>黄世乐 岁贡。</p> <p>叶宗长 岁贡。</p> <p>案：《上阁叶谱》载余士英撰《传》云：未弱冠游庠，怀抱利器，玉再献被刖，遂援例贡入成均。是宗长为捐纳之岁贡，即前引康熙《府志》之证也。援例本不应与非援例者并列，惟《续选举志》既不分别，今遂未能一一考定，故仍列于此。</p>		

	进 士	举 人	贡 生	武进士	武举人
五十三年 甲午			叶廷献 岁贡。汤溪 训导。 徐瑞凤 府学贡。		
五十五年 丙申			余励 岁贡。		
五十七年 戊戌			叶长观 岁贡。		
五十九年 庚子			邵起腾 岁贡。		
六十年辛 丑			方德懋 府学贡。		
六十一年 壬寅			张嗣耕 岁贡。 范枢 府学贡。		
世宗雍正 元年癸卯			陆廷谟 恩贡。 刘世求 府学贡。铭 子。 刘家光 拔贡。世求 子。		

	进 士	举 人	贡 生	武进士	武举人
			张廷昇 副榜。		
二年甲辰			叶之荣 岁贡。 徐日文 岁贡。		
四年丙午			余嵩 岁贡。有 《传》。		
六年戊申			余熹 岁贡。 案：《西湖 谱》云缙云 训导。		
七年己酉		余嘉佑 案：《国朝两 浙科名录》 作姓俞，误。	杨海平 府学贡。		
八年庚戌			余以亨 岁贡。 周家圻 岁贡。		

	进 士	举 人	贡 生	武进士	武举人
十年壬子			龚绍性 岁贡。湖州安吉县教谕。 吴祖任 岁贡。		
十二年甲寅			陆廷弼 岁贡。 严震元 岁贡。 张光进 拔贡。		
十三年乙卯					尹武 见武进士。
雍正间， 年分无考			余逖 优贡。字雅南。见《南巷谱》。 《谱》载其生于康熙三十年，卒于乾隆八年，故列此，但《续选举志》未载。		



	进 士	举 人	贡 生	武进士	武举人
高宗乾隆 元年丙辰			王家培 恩贡。 方鹏起 岁贡。		
三年戊午			徐文成 岁贡。		
四年己未				尹武 守备。	
五年庚申			汪映桂 岁贡。 叶九德 府学贡。		
六年辛酉			余通 拔贡。 汪映模 岁贡。有 《传》。 以上据徐起 岩《续选举 志》，惜仅列 姓氏而于诸 人仕历不记 载也。		

	进 士	举 人	贡 生	武进士	武举人
九年甲子			汪映松 恩 贡。见 《团石谱》。 曹宪 岁贡。字王 度。见《城 南谱》。		
十二年丁 卯					毛文郁 字纬章，号 念西。见 《毛村谱》。
十三年戊 辰			余鹏年 岁贡。字翥 南。见《南 巷谱》。		
十六年辛 未			陆均 恩贡。字应 昌。见《城 南谱》。		
十七年壬 申			璩日琛 岁贡。字非 旂。青田教 谕。见《光 潭谱》。		

	进 士	举 人	贡 生	武进士	武举人
十八年癸酉			王洪惠 拔 贡。见 《新王谱》。		
二十一年丙子			袁嘉增 岁 贡。见 《大治谱》。 有《传》。		
二十四年己卯		余作沛 附《徐漳 传》。	杨桂平 岁贡，字子 芳。见《泽 远里谱》。 曹仪鹏 岁贡。字云 翼。见《城 南谱》。 案：《学政全 书》卷五十 一载：乾隆 三年议准， 府、州、县学 廩生已经考 取岁贡给有 贡单，于未 经报部前本 身物故者，		

	进 士	举 人	贡 生	武进士	武举人
			即于报册声明达部, 准作贡生, 以示矜恤。其本年岁贡仍将陪贡顶补, 所有旗匾银仍留给顶补之生云云。表中有一年两贡者, 或亦因此。		
二十五年 庚辰			王洪惠 副 榜。见前。		尹文集 字赵章。考授南漕卫分府。见《张家埭谱》。
二十七年 壬午			徐达 岁贡。《新采访》。		董大宗 见《旧采访》。
二十九年 甲申			姜廷耀 岁贡。字殿臣。平阳训导。见《下田坂谱》。		

	进 士	举 人	贡 生	武进士	武举人
三十一年 丙戌			童谦亨 拔贡。字利 用。见《上 庄溪谱》。		周大武 字帝歆。见 《茶圩谱》。
三十二年 丁亥			吴文懿 岁贡。见 《坊门谱》。 蒋泰鸿 岁贡。原名 卿，字望渠。 见《西垣 谱》。		
三十三年 戊子			张凤苞 岁贡。号十 九。见《横 山东坞谱》。 江松 岁贡。字禹 培，号朴斋。 见《朝 阳 谱》。 尹日懋 岁贡。字德 纯，号岐伯。 见《张家埠 谱》。		

	进 士	举 人	贡 生	武进士	武举人
三十五年 庚寅		周邦緘 字锦中,又 号贯端。见 《茶圩谱》。			尹文烈 字勳章。试 用卫千总。 见《张家埭 谱》。
三十六年 辛卯					张殿侯 见《麻坪 谱》。
三十七年 壬辰			张光麟 恩贡。字天 石。见《旧 采访》。 王绍修 岁贡。见 《新王谱》。		
三十八年 癸巳			汪崇 岁贡。字百 昌。海宁训 导。见《团 石谱》。		
四十二年 丁酉			劳涵 拔贡。字德 纯。丙午科同 考官。江西铜 鼓营同知。见 《双溪谱》。		

	进 士	举 人	贡 生	武进士	武举人
四十三年 戊戌			<p>余灿 岁贡。原名成泰，字集斯。见《南巷谱》。但是否是年贡，有疑。</p>		
四十四年 己亥					<p>尹国均 见武进士。 詹泰 字自如。千总护理衢镇左营守备。见《五都谱》。</p>
四十五年 庚子			<p>邵宸 恩贡。字枫庭。见《〈桥头叶氏谱〉序》。 杨朝俊 岁贡。字用章。见《旧采访》。</p>	<p>尹国均 扬州营参将。《张家埭谱》有《传》。</p>	<p>张殿伊 见《麻坪谱》。</p>

	进 士	举 人	贡 生	武进士	武举人
			王景瀚 岁贡。字朝宗。见《旧采访》。是否 是 年 贡，有疑。		
四十七年 壬寅			童应复 岁贡。见《塔石谱》。		
四十九年 甲辰			余鹏飞 岁贡。字九万。见《西湖谱》。		
五十年乙 巳			余士英 恩贡。见《西圯谱》。		
五十一年 丙午			周崧 恩贡。字维嶽。见《湖镇谱》。		叶含玉 字金枝。严州千总署守备。见《下叶谱》。
五十二年 丁未			陆嘉琮 岁贡。字锦溪。见《城南谱》。		



	进 士	举 人	贡 生	武进士	武举人
五十三年 戊申			童会源 岁贡。字际渠。建德训导。见《下童谱》。		
五十四年 己酉		周光葆 字映斗，号霁园。拣选知县。见《茶圩谱》。	童应赏 拔贡。遂昌教谕。见《塔石谱》。有《传》。		尹国灿 字美之。见《张家埠谱》。 詹邦治 字宇平。千总。见《五都谱》。
五十五年 庚戌			徐志高 岁贡。见《旧采访》。		
五十七年 壬子			汪邦灿 恩贡。字星若。见《团石谱》。		袁开泰 见《兰堂谱》。
五十九年 甲寅					袁廷彪 字汇征。考取卫千总。见《桥头谱》。

	进 士	举 人	贡 生	武进士	武举人
六十年乙卯		<p>蒋泰潮 号广渠。见《西垣谱》。 会稽、安吉教谕。</p> <p>徐汝述 字以言。江西分宜县，广东海康、临高、永宁、高安、石城、上饶等县知县；饶州府同知。道光戊子，广东乡试同考官。见《锦溪谱》。 案：《两浙科名录》述作述。</p>			<p>徐从龙 考选漕卫副府。见《上浦谱》。</p>
乾隆间，年分无考			<p>范芝垣 岁贡。见《鸡山谱》。 有《传》。</p> <p>周邦缙</p>		<p>严中瑞 严州千总。见《驿前谱》。</p>

进 士	举 人	贡 生	武进士	武举人
		<p>岁贡。字鸣佩。定海训导。见《茶圩谱》。</p> <p>周光霭 恩贡。字都钦。见《茶圩谱》。</p> <p>余时泰 岁 贡。 案：《泽远里杨谱》有祭文，与周光霭、周邦缙并列，当系同时人，故列此。</p> <p>严锡昇 岁贡。字大文。乾隆己亥，任景宁教谕。见《旧采访》。</p> <p>王佐 岁贡。字子亨。</p>		

进 士	举 人	贡 生	武进士	武举人
		<p>余中理            岁贡。原名乾德，字云石。以上二人《旧采访》均注云见《岑峰精华集》。</p> <p>案：此集为乾隆乙酉拔贡童谦亨所撰，均同时人，亦当是乾隆间贡。</p> <p>顾图河            《旧采访》注云：乙丑拔贡。案：乙丑非选拔年分，当有误。其为拔贡则不误也。</p> <p>叶羲            岁贡。见《旧采访》，仍俟考。</p>		

	进 士	举 人	贡 生	武进士	武举人
			<p>叶  诩                      岁贡。字德言。见《擢桂里谱》。</p> <p>方执中                      恩贡。一名世荣，字又桓。见《雅村谱》。</p> <p>胡礼南                      恩贡。字雅轩。见《石峰谱》。</p> <p>周之谟                      岁贡。字廷显。见《茶圩谱》。乾隆四十年，其族修谱即之谟主修，特入贡年分无考。</p> <p>廖启文                      岁贡。字约斋。见《石峰余谱》。</p>		

进 士	举 人	贡 生	武进士	武举人
		<p>撰有《余元禄传》，何年贡，未详。</p> <p>余元藩 岁贡。字锡侯。见叶藩撰《传》。</p> <p>案：元藩生于康熙二十六年，《传》云其暮年以岁贡终，则其贡当在乾隆间。</p> <p>方作舟 恩贡。字书周。见《雅村谱》。</p> <p>方尚志 岁贡。字士先。见《雅村谱》。</p> <p>马维亮 恩贡。字叔采。见《范坦谱》。</p>		

进 士	举 人	贡 生	武进士	武举人
		<p>马维一 岁贡。字允中。见《范坦谱》。</p> <p>张昭林 岁贡。字茂如。见《岳台谱》。</p> <p>夏时行 岁贡。字宗寅。见《鸿陆谱》。</p> <p>夏灵雨 岁贡。字瑞年。见《旧采访》。</p> <p>劳天珍 恩贡。字汝聘。见《双溪下厅谱》。</p>		
<p>嘉庆元年 丙辰</p>		<p>杨廷伟 字英干。</p> <p>范作义 恩贡。字慎言。见《鸡山谱》。</p>		

	进 士	举 人	贡 生	武进士	武举人
三年戊午		徐崑 见进士。			
五年庚申			劳荣棠 副榜。字笏庭。正红旗官学教习，署江西吉水县知县，未到任。见《双溪谱》。 汪家址 副榜。字托原，号基亭。见《团石谱》。 余兆申 恩贡。字自天。见《南巷谱》。		徐卿 见武进士。 尹继宗 字子发，号丹山。见《张家埠谱》。 陆景超 见《城南谱》。 陈育泰 字红岩。见《续采访》，原注云：号登。武进士。仕至台州协镇。确否？未详。
六年辛酉	徐崑 商邱知县。有《传》。是年，为顾皋榜。		龚照 岁贡。见《脉元谱》。 张寿亭 拔贡。见《东金谱》。		尹国忠 字孝移。江山风林汛把总。 叶茂春 见《上郭谱》。



	进 士	举 人	贡 生	武进士	武举人
七年壬戌			童应梧 岁贡。字梁裁。会稽训导。案：《塔石谱·科甲门》作是年贡，《仕宦门》则作甲子，今姑列此。		
九年甲子			叶藩 恩贡。字必登。见《东书谱》。		尹芑 见《张家埠谱》。 方殿魁 字懋之。山西杀虎协都司署中营总镇。见《雅堂谱》。
十一年丙寅			刘梦麟 岁贡。字圣兆。见《龙游攀辕诗》。		

	进 士	举 人	贡 生	武进士	武举人
十二年丁卯			尹国琇 岁贡。见 《张家埭 谱》。 钱燮 副贡。见 《星泽谱》。		
十三年戊辰		朱斐然 字成章，号 砚农。新成 县训导。见 《大公殿 谱》。 余千里 原名玉绶， 又改名炳 元，字骥良， 号霁堂。见 《西湖谱》。			
十五年庚午			朱焕然 副榜。字姚 章。象山训 导。见《大 公殿谱》。		王万年 字永均。考 选卫千总。 见《石院 谱》。

	进 士	举 人	贡 生	武进士	武举人
			汪吉庸 恩贡。字德恒。见《团石谱》。		
十六年辛未			陆登瀛 恩贡。字履青。见《旧采访》。	徐卿 字美中。广西桂林府隆林营游击。 案：《丛桂谱》作乾隆十五年武举，四十五年武进士。相隔二十五年，似不足信。《旧采访》当有所据，今仍之。	
十八年癸酉			叶允达 岁贡。字士先。见其故宅匾额。 余铿 拔贡。新昌教谕。有《传》。		

	进 士	举 人	贡 生	武进士	武举人
			周家仁 副榜。字元善。见《茶圩谱》。		
二十一年 丙子		徐金生 顺天中式。云南恩乐、建水知县，龙陵厅同知，升东川府知府。崑子。			徐京 见《丛桂谱》。
二十三年 戊寅					余敦孝 字效鸾。见《西湖谱》。
二十四年 己卯					余敦仁 字乐山。见《西湖谱》。 余敦慈 字修三。见《西湖谱》。 席隶华 字振声。见《续采访》。

	进 士	举 人	贡 生	武进士	武举人
二十五年 庚辰			<p>余甸方 恩贡。字甸宣，原名莫邦。见《南巷谱》。</p> <p>王照 岁贡。见《回源谱》。</p>		
嘉庆间， 年分无考			<p>马肇基 岁贡。字始之。见《范坦谱》。</p> <p>叶起 岁贡。 案：《步瀛谱》云：从游者甚众，余鏗、余炳元、徐金生，皆其门下。是其为嘉庆间贡无疑。</p> <p>陆嘉琮 岁贡。字宗彝。见《城南谱》。</p>		

	进 士	举 人	贡 生	武进士	武举人
			<p>胡伟 岁贡。字若良。</p> <p>胡仪 恩贡。字若威。以上二人,均见《石峰胡谱》,注云:乾、嘉时人。故列此。</p>		
宣宗道光 元年辛巳		<p>朱焕然 见贡生。</p>	<p>徐延绪 岁贡。见《旧采访》。</p>		<p>徐锦麐 号应科。见《上浦谱》。</p> <p>余镇威 字孙锦。</p>
二年壬午			<p>汪钟伟 恩贡。见《湖镇谱》。</p> <p>徐锡珠 岁贡。字石泉。</p> <p>吴圻 岁贡。以上二人,均见《旧采访》。</p>		

	进 士	举 人	贡 生	武进士	武举人
四年甲申			支宗发 恩贡。字植深。见《赤亭谱》。 童大勋 岁贡。见道光四年《修造文庙征信录》。		
五年乙酉			劳秉钺 拔贡。字靖卿。见《旧采访》。		
六年丙戌			徐炜 岁贡。字占新。见《湖镇谱》。		
十二年壬辰			杨旭 岁贡。字曙堂。见《泽远里谱》。		
十四年甲午			王离照 岁贡。见《新王谱》。		

	进 士	举 人	贡 生	武进士	武举人
十五年乙未					傅相彬 见《旧采 访》。
十六年丙申			严秉忠 岁贡。字石 园。见《五 都谱》。 王炜 岁贡。见 《新王谱》。		
十七年丁酉		余玉璠 奉化、乐清 县学教谕。 见《旧采 访》。	余嗣曾 拔贡。字孟 沂。铿孙， 附《铿传》。		
二十年庚子			余荣美 岁贡。字振 声。见《南 巷谱》。		
二十二年壬寅			吴锦澜 岁贡。字碧 光。见《吴 仪宾谱》。		



	进 士	举 人	贡 生	武进士	武举人
二十三年 癸卯		余撰 见进士。	周柄 岁贡。见 《旧采访》。 余景轼 副榜。原名 玉章，字瞻 之。 余恩鏊 优贡。见举 人。		
二十四年 甲辰		余恩鏊 顺天中式。 广东即补 道。有 《传》。	张桂 岁贡。字一 枝。见《岳 台谱》。		
二十六年 丙午		张邦本 见《两浙科 名录》。	叶鹤天 恩贡。见 《三门源 谱》。 璩润 字德身。		
二十八年 戊申			余照 岁贡。字海 楼。见王日 烜硃卷。		

	进 士	举 人	贡 生	武进士	武举人
二十九年 己酉		王日烜 见进士。	袁松 岁贡。字固微。见《大治谱》。 余庆璠 拔贡。原名琴，字霁岑。以办宁国粮台功保知县。见《西湖谱》。		
三十年庚 戌			傅珍 恩贡。有《传》。 尹右文 岁贡。见《张家埠谱》。		
道光间， 年分无考			余秉宽 岁贡。字秉然。见《旧采访》，注云：道光初。 范禹琳 岁贡。字虚声。案：		

	进 士	举 人	贡 生	武进士	武举人
			<p>见余庆璠殊卷。庆璠为道光末举人。禹琳当系道光间贡。</p> <p>江维淇岁贡。</p> <p>案：《鸿陆夏谱》载：道光十八年，撰《夏陆载传》，自署子婿。岁贡。</p>		
文宗咸丰元年辛亥		叶萃梧有《传》。	<p>徐来受恩贡。见《上浦谱》。</p> <p>张泮岁贡。《新采访》。</p>		<p>尹光照见《张家埠谱》。</p> <p>胡庆元见《新坂谱》。</p>
二年壬子	<p>余撰贵州兵备道。见《恩铎》传。</p> <p>是年，为章鏊榜。</p>		<p>余右曾岁贡。字君弼。见《西湖谱》。</p>		<p>方金生见《旧采访》。</p>

	进 士	举 人	贡 生	武进士	武举人
			徐上环 岁贡。见 《丰塘山 谱》。 张国恩 岁贡。见 《旧采访》。		
三年癸丑			杨诵芬 恩贡。字绍 光。见《泽 远里谱》。		
六年丙辰	王日烜 号霞浦。广 西天河知 县。 是年，为翁 同龢榜。		方式金 恩贡。见 《前方谱》。 劳承暉 岁贡。有 《传》。		
十一年辛 酉			陆宗游 拔贡。字仰 观。《新采 访》。		
穆宗同治 四年乙丑					童树勋 见《塔石 谱》。

	进 士	举 人	贡 生	武进士	武举人
五年丙寅			<p>项栋材 恩贡。光绪庚子，重游泮水。见《泗塘谱》。</p> <p>钱宗颢 岁贡。见《曜塘谱》。</p>		
七年戊辰			<p>傅镜渠 岁贡。字吉舟。见《贺庄苏谱》。</p>		
九年庚午			<p>周锦 岁贡。见《凤山谱》。</p>		<p>潘世荣 见《下陈谱》。</p>
十一年壬申			<p>叶廷灿 恩贡。号荣光。见《三门源谱》。</p> <p>方懋槐 岁贡。字正卿。《新采访》。</p>		

	进 士	举 人	贡 生	武进士	武举人
十二年癸丑			叶元祺 拔贡。见《葦梧传》。		
十三年甲戌			汪典 岁贡。见《湖镇谱》。		
同治间， 年分无考			余煦 岁贡，号春煦。案： 煦是否岁贡，尚有疑， 姑存之。 徐焕 岁贡。 案：以上两人，均见徐 复贡卷。徐复为光绪二 年贡，则此二人当系 戚、同间贡。 叶万锦 岁贡。见《步瀛谱》。 案：光绪年 间，贡生大致		

	进 士	举 人	贡 生	武进士	武举人
			完备，万锦当为光绪以前贡生，姑附此。		
德宗光绪元年乙亥			张西铭 思贡。字载传。《新采访》。		
二年丙子			吴毓林 思贡。有《传》。 徐复 岁贡。字蕉石。有《传》。		张正亨 见《上张谱》。
四年戊寅			姜应魁 岁贡。字文照。见《水碓山谱》。		
六年庚辰			余跃龙 思贡。有《传》。 劳镜澍 岁贡。字逢源。见《清塘坞谱》。		

	进 士	举 人	贡 生	武进士	武举人
八年壬午			劳镜堂 恩 贡。见 《清塘坞 谱》。 余福楸 岁贡。字匡 之。见《高 阶谱》。		
十年甲申			叶怀芳 岁贡。字栽 培。见《下 叶谱》。		
十一年乙 酉			祝康祺 拔贡。字吉 安。河南新 野、温县、密 县、孟津知 县。		
十二年丙 戌			余宝森 岁 贡。见 《西圯谱》。 夏方承 府学贡。见 《华峰谱》。		



	进 士	举 人	贡 生	武进士	武举人
十四年戊子			季蓉镜 岁贡。见《乌冈谱》。		曹鹏云 《新采访》。
十五年己丑					何铠 太平县守备。见《何村谱》。
十六年庚寅			尹汝蟾 恩贡。号一枝。见《张家埠谱》。 童锦临 恩贡。号焕文。见《下童谱》。 王序兰 岁贡。号锡贡。见《新王谱》。		
十七年辛卯					朱鹏飞 千总。《新采访》。
十八年壬辰			叶树槐 岁贡。号子英。见《旧采访》。		

	进 士	举 人	贡 生	武进士	武举人
十九年癸巳					朱鹏万 见进士。
二十年甲午			王绶槐 岁贡。字福宾。见《湖镇谱》。	朱鹏万 蓝翎侍卫。	郑荣光 湖北荆州城守营守备。见《竺溪谱》。
二十二年丙申			方晋辰 岁贡。号拱枢。见《旧采访》。		
二十三年丁酉			汪荣封 拔贡。字定基，号纶园。见《湖镇谱》。		
二十四年戊戌			钱铤 岁贡。号钟壁。以下《新采访》。		
二十六年庚子			陈宝图 恩贡。字作球。		

	进 士	举 人	贡 生	武进士	武举人
			余文珪 岁贡。字圣如。		
二十八年 壬寅			杨渭恩 岁贡。见《旭传》。		
二十九年 癸卯			祝圣权 副榜。字葆谌。民政部候补主事。康祺子。		
三十年甲 辰			王迩英 岁贡。字印溪。		
三十二年 丙午			余庆龄 岁贡。福溥四子。见《恩铎传》。 余畅 岁贡。字种一。有《传》。 案：是年及三十四年有两岁贡，乃特例。		

	进 士	举 人	贡 生	武进士	武举人
三十四年 戊申			何庭藻 岁贡。字渭滨。 余廷瓚 岁贡。		
宣统元年 己酉			璩涛 拔贡。字孟白。 张景豪 拔贡，字伯伟。 案：是年，有二拔贡，亦是特例。		
二年庚戌		余绍宋 法政科。外务部候补主事。	巫宜祉 恩贡。字吉人。 俞弼康 恩贡。字燮臣。 吴际元 岁贡。字子培。 张仲因 岁贡。		

	进 士	举 人	贡 生	武进士	武举人
			案：是年，有 两恩贡、两 岁贡，亦特 例。		

## 《龙游县志》卷十六

县人 余绍宋撰

选举表 表三附 表 选举表三

明

武 职	援例儒士附	吏员出仕	新、旧《采访》所得仕籍诸人，两旧志未载者
杨顺	尹昌	翁琳	叶月枝
杨真福	长乐主簿。案：	故城主簿。	字景星。福建浦
杨璟	嘉靖《府志》列弘	徐愔	城教谕。见《八石
杨亮	治间例贡。	光禄监事。	坂谱》。案：
杨鹏	吕贵	吕绪	《谱》称其为洪武
以功进指挥金事。	王府纪善。	经历。	己酉选贡。考选
杨元	王昂	吕曦	贡始于弘治，其误
此据万历壬子	卫经历。	宗人府知印。	无疑，故不入正
《志》。	祝田	徐曷	表。

武 职	援例儒士附	吏员出仕	新、旧《采访》所得仕籍诸人，两旧志未载者
<p>案：以上五人皆杨顺子孙，世袭副千户。兹以何年袭职无考，故汇列于此。</p> <p>方濬 福建中卫指挥。</p> <p>徐大 杭州中卫指挥。</p> <p>案：以上二人，康熙《志》列席三牙之后。兹依万历壬子《志》次序。</p> <p>席南 洪武中，累功至美峪卫百户，世袭。</p> <p>席和</p> <p>席真</p> <p>席孟贵</p> <p>席志</p> <p>席勋</p> <p>案：以上五人皆席南子孙，俱袭百户。</p>	<p>永宁主簿。</p> <p>案：以上二人，嘉靖《府志》列正德间例贡。</p> <p>祝公度 琼州照磨。案：嘉靖《府志》嘉靖间例贡中有祝公庆，疑即为公度之讹。</p> <p>张文浩 龙江卫经历。</p> <p>龚崇源 琼山县丞。</p> <p>祝尔昌 新宁主簿。</p> <p>何普 徐州州同。</p> <p>余尚文 新兴县丞。案：康熙《志》此下有尹贞度，万历壬子《志》不载，是也。尹贞度已见正表</p>	<p>即墨县丞。</p> <p>项叔廉 程乡巡检。</p> <p>龚仁 丹阳典史。</p> <p>方志坚 典史。</p> <p>戴宗 司狱。</p> <p>祝元德 典膳。</p> <p>王朝裔 县丞。</p> <p>徐文明 县丞。</p> <p>祝启蒙 密云经历。</p> <p>余廷辉 江川典史。</p> <p>徐朝恩 六合典史。</p> <p>虞珍 主簿。</p>	<p>叶彦纲 字孟宏。广东安定知县。见《八石坂谱》。案：《谱》称其为洪武壬子举子。今亦有疑，故列此。</p> <p>范添与 明永乐十七年，任湖广石城巡检。见《下范谱》。</p> <p>曹进德 字宗彦。王府典仪。见《旧采访》。当是洪、永间人。</p> <p>李鸿 宣德元年，考选福清县丞。见《会泽谱》。</p> <p>张明 福建都司。见《盘谷谱》。成化时人。</p>

武 职	援例儒士附	吏员出仕	新、旧《采访》所得仕籍诸人，两旧志未载者
<p>兹亦汇列。</p> <p>席永 有《传》。案：万历壬子《志》席永列席南前。兹依康熙《志》。</p> <p>席俊</p> <p>席明 案：万历壬子《志》，俊、明为一</p> <p>席良辅</p> <p>席大宾</p> <p>席文</p> <p>席尽忠 以上六人皆席永子孙，俱袭指挥。兹汇列于此。万历壬子《志》注云：尽忠现任。惜康熙《志》于尽忠后未补入。</p> <p>席三牙 正统初，累功兴武</p>	<p>举人，自不必更列。又案：以上六人，嘉靖《府志》列嘉靖间例贡。</p> <p>叶天民 分宜主簿。</p> <p>尹邦大 光禄监事。案：嘉靖《府志》列嘉靖间例贡。</p> <p>祝云鹤 古田县丞。案：万历壬子《志》云淮安检校，与此不同。</p> <p>张文懋 儒士。案：万历壬子《志》云九江检校。</p> <p>何克初</p> <p>劳建</p> <p>徐镜 案：嘉靖《府志》</p>	<p>徐梦鲤 大使。</p> <p>章勤 大使。</p> <p>叶佐 兰州判官。</p> <p>徐荣邦 都司经历。</p> <p>李炳 都司都事。</p> <p>徐荣贵 县丞。</p> <p>徐大礼 县丞。</p> <p>徐大宾 乾州判。万历壬子《志》云卫经历。</p> <p>叶景魁 卫经历。</p> <p>徐良贵 卫经历。此与授例内同名者，未知是否一人。</p>	<p>钱学绣 广平府威县令。当是明中叶人。见《曜塘谱》。</p> <p>余淳 上津县典史。正德以后人。见《西圯谱》。</p> <p>徐有成 字时勉。扬州经历。中叶以后人。见《兰亭谱》。</p> <p>马尚贤</p> <p>马有禄</p> <p>马良桐 均嘉、万间把总。见《范坦谱》。</p> <p>陆仁 佐弟。太医院医官。见《旧采访》。嘉靖时人。</p> <p>陆煌 侯门教读。嘉、隆间人。见《城南谱》。</p>



武 职	援例儒士附	吏员出仕	新、旧《采访》所得仕籍诸人，两旧志未载者
<p>所百户，世袭。</p> <p>席晟</p> <p>席善</p> <p>席春</p> <p>以功调卫辉卫千户。</p> <p>席廷定</p> <p>案：以上四人俱席三牙子孙，俱袭百户。兹汇列。</p> <p>席廷贤</p> <p>天津把总。</p> <p>章以清</p> <p>胡彦昇</p> <p>刘宁</p> <p>案：万历壬子《志》作刘善宁。</p> <p>祖三</p> <p>金善才</p> <p>陆明宗</p> <p>刘益</p> <p>满永</p> <p>章以清下八人，皆</p>	<p>镜作境。</p> <p>祝之龄</p> <p>龚崇舜</p> <p>天启《府志》云县丞。案：以上五人，嘉靖《府志》列嘉靖间例贡。</p> <p>毛一阳</p> <p>万历壬子《志》云北京兵马指挥。汝麒子。见《毛村谱》。</p> <p>翁文聘</p> <p>案：嘉靖《府志》列嘉靖间例贡。</p> <p>方槐</p> <p>徐上达</p> <p>余有年</p> <p>雷州经历。</p> <p>尹贞夔</p> <p>王之辅</p> <p>上饶主簿。</p> <p>尹嘉议</p> <p>陆养初</p>	<p>徐守礼</p> <p>卫经历。案：《上浦谱》云万安县知县。吕子淳</p> <p>卫经历。</p> <p>李尚贤</p> <p>义勇卫经历。</p> <p>王家友</p> <p>卫经历。案：万历壬子《志》云吕子淳、李尚贤、王家友俱候选</p> <p>卫经历。</p> <p>徐志立</p> <p>扬州知事。</p> <p>邵邦政</p> <p>景陵主簿。</p> <p>席汝嘉</p> <p>阶州吏目。</p> <p>徐希夔</p> <p>龙云州吏目。</p> <p>邵禄</p> <p>吏目。</p> <p>邵希点</p>	<p>邵希政</p> <p>隆庆间，阳曲典史。见《续采访》。</p> <p>徐公軺</p> <p>余朝选</p> <p>二人并万历间鄞县学官。光绪《鄞县志》原案云：余寅《儒学碑》并称鄞博士，而间以周士荣以《序》核之，疑徐为教谕，余为训导，《表》中寅称公軺，姑蔑人；朝选，太末人，并今衢州之龙游县。</p> <p>张善言</p> <p>字应夫。万历间，西城兵马指挥司副指挥。见《横山谱》。</p> <p>童伸</p>

武 职	援例儒士附	吏员出仕	新、旧《采访》所得仕籍诸人，两旧志未载者
<p>募剿处州土匪，俱授巡检。万历壬子《志》满作浦。</p> <p>徐君辅 海南把总。此依万历壬子《志》列。</p> <p>李良缙 河南都司。</p> <p>徐大鹏 副总兵。有《传》。</p> <p>璩廷杰 守备。</p> <p>以上均康熙《志》。</p>	<p>长沙经历。</p> <p>周埕 惠□县丞。案：惠下原阙一字，万历壬子《志》无此四字，无从校补。嘉靖《府志》列嘉靖间例贡。</p> <p>曹叔靖</p> <p>叶天和</p> <p>张文金 九江检校。</p> <p>吕廷选</p> <p>吕廷诰</p> <p>祝如京 徽州经历。</p> <p>张文愈 惠州照磨。</p> <p>陆俊</p> <p>陆大成 经历。万历壬子《志》云佐子。</p> <p>陆大受</p>	<p>知印。万历壬子《志》云候选吏目，《续采访册》云河南颍川卫经历。</p> <p>叶景瑞 福安典史。</p> <p>祝尔学 典史。案：康熙《志》作典吏，误。明代，未闻有此称也。司道、府、厅、州、县之吏称典吏，盖始自清代，见《会典》。</p> <p>吕有声 税课大使。</p> <p>祝世翔 税课大使。案：万历壬子《志》翔作翱。</p> <p>朱应举 仓大使。</p> <p>徐荣陞</p>	<p>字古泉。万历时人。上海县丞。见《童冈谱》。</p> <p>曾同礼 金华训导。见道光《金华县志》。万历间任。今案：万历间，县人为金华训导者有曹闻礼，而《金华县志》不载曾同礼，疑即曹闻礼之讹。</p> <p>方遇宠 字葵卿。广东高州吏目。见《龙头谱》。万历时人。</p> <p>邵应宏 字宽量。万历间，信丰知县。见《续采访》。</p> <p>邵良望 万历间，宁都县大帽山巡检。见《续采访》。</p>

武 职	援例儒士附	吏员出仕	新、旧《采访》所得仕籍诸人,两旧志未载者
	<p>宁都县丞。万历壬子《志》云佐子,兄弟累延宾饮。</p> <p>徐学曾 案:以下康熙《志》有祝万宁。万历壬子《志》以已见正表,亦不载,今从之。</p> <p>刘潢</p> <p>张惟杰</p> <p>张铨 案:嘉靖《府志》有张琦,列嘉靖间例贡,不知是否一人。</p> <p>张应鹤 宿迁县丞。</p> <p>吕嘉礼</p> <p>尹贞议 案:《张家埠谱》云吏员出仕。</p> <p>余有光</p>	<p>场大使。</p> <p>李灼 巡检。</p> <p>余用德 巡检。</p> <p>徐大禄 审理正。</p> <p>徐梦日 典议。案:万历壬子《志》作典簿。</p> <p>曹良翰 典议。</p> <p>邵诚望 知印。万历壬子《志》云宁都巡检。</p> <p>尹学仕 东口主簿。</p> <p>尹见龙 南昌检校。</p> <p>尹允栋 全州吏目。</p> <p>方国柱</p>	<p>童尚勤 泰昌教谕。万历时人。见《续采访》。</p> <p>陆任远 字毅卿。泗州定远县尹。见《城南谱》。万、天间人。</p> <p>童尧选 金坛人。见《下童谱》。明末人。</p> <p>叶骅 兵部职方司主事。见《桥头谱》。万、天间人。</p> <p>余用昇 镇江府司狱。</p> <p>余用闵 扬州邵伯镇巡检。以上二人均见《龙丘谱》。万、天间人。</p> <p>王国启 南京水师都司。</p>

武 职	援例儒士附	吏员出仕	新、旧《采访》所得仕籍诸人,两旧志未载者
	张善行 徐良翰 劳日增 张仁志 经历。 曹有邻 徐良弼 上林苑署丞。 徐良幹 上林典簿。万历壬子《志》云太湖县丞。今并存之。 曹乐尧 案:万历壬子《志》不载,乐尧未见正表,故从康熙《志》录之,原注云有邻子。 徐嘉相 邑旌孝义。仕道州州同。 徐可效 舒翰冲	歙县典史。 周日华 丰宜典史。 周皎 姑苏驿丞。 陈文进 河西典史。 邵利祥 旗手卫经历。 邵圣龙 主簿。 朱崇焘 洪洞典史。 李景望 潜山典史。 张应乾 红心驿丞。 方瑛 巡检。 张尚衍 杨其馨 招宁司巡检。 徐瑞登	见《石院谱》。未详生卒年月,仅云因城破殉节,疑明末人。 王国增 云南守备。明末人。 范一坊 巡海总兵。 范一瓊 赣州副总兵。以上二人均见《鸡山谱》。似明末人。 钱大卿 兴国知县。见《曜塘谱》。明末人。 童志伊 山东布政司经历。天、崇时人。《新采访》。 邵希昌 崇禎间,南河汝宁府通判。《续采访》。

武 职	援例儒士附	吏员出仕	新、旧《采访》所得仕籍诸人，两旧志未载者
	<p>曹有翼 桐城县丞。</p> <p>徐邦贤 案：万历壬子《志》徐作余，未知孰是。</p> <p>祝锡祚</p> <p>陆大顺</p> <p>陆云锦</p> <p>陆云龙</p> <p>陆云梯</p> <p>陆云鹏</p> <p>陆云翔 字德辉。湖广江华知县。见《城南谱》。</p> <p>陆云鸿</p> <p>陆尔铉 万历壬子《志》云世彦子。《城南谱》云字元鼎，通判。</p> <p>胡之宁</p>	<p>临漳典史，升卫经历。</p> <p>祝世华 主簿。</p> <p>祝如松 御马大使。</p> <p>叶世瀚 候选典史。</p>	<p>李梗森 金吾卫经历。见《会泽谱》。</p> <p>李添 字宗显。兴化府知府。见《会泽谱》载陈敬宗撰《会泽堂记》。</p> <p>叶廷凤 后改名世荣。河南应山县典史。见《八石坂谱》。</p> <p>董佺 以儒士授铅山教谕。见《陇西谱》。</p> <p>李锦熊 锦衣卫指挥。见《会泽谱》。</p> <p>徐国琦 泉州同安县守备。《新采访》。</p> <p>张谏</p> <p>张淩</p>

武 职	援例儒士附	吏员出仕	新、旧《采访》所得仕籍诸人，两旧志未载者
	<p>方玉尔 案：万历壬子《志》不载。兹从康熙《志》录之。</p> <p>方一诚 徐继元 董一吾 祝锡玄 案：康熙《志》避玄作元，今正。</p> <p>祝锡祯 肇庆府经历。</p> <p>姜翼衷 祝锡祥 承天经历。</p> <p>余用光 余一儒 余一佳 太平府经历。</p> <p>余一傲 万历壬子《志》注云：皆用昌子。 案：万历壬子《志》</p>		<p>均按察司承使。</p> <p>张护 巡检。</p> <p>以上三人，见《盘谷谱》。</p> <p>祝华隆 长沙府同知。《新采访》。</p> <p>王承绪 饶州府税课司。见《新王谱》。</p> <p>王承望 礼部儒士。见《新王谱》。</p> <p>以上时代均不明者。</p>

武 职	援例儒士附	吏员出仕	新、旧《采访》所得仕籍诸人，两旧志未载者
	<p>此下有张应鹤，与前宿迁县丞张应鹤重复，又未注明仕历，未知是否两人同名。康熙《志》删去，亦未注明删削之由。</p> <p>张自谦</p> <p>邵之龙</p> <p>儒士。《续采访册》云四川卫经历。</p> <p>李正光</p> <p>虎贲卫经历，补《传》。</p> <p>叶国俊</p> <p>徐文华</p> <p>祝世俊</p> <p>案：万历壬子《志》祝作戴。</p> <p>尹振龙</p> <p>检校。万历壬子《志》云儒士。</p> <p>徐良宾</p>		

武 职	援例儒士附	吏员出仕	新、旧《采访》所得仕籍诸人，两旧志未载者
	<p>翁源主簿。</p> <p>祝有任</p> <p>曹以忠</p> <p>淮府典簿。案： 万历壬子《志》未 载。</p> <p>徐应雷</p> <p>案：康熙《志》未 载。兹依万历壬 子《志》增入。</p> <p>徐应椽</p> <p>祝世卓</p> <p>茂州卫经历。</p> <p>徐大本</p> <p>鲁府奉祀正。</p> <p>徐日起</p> <p>竹山主簿。</p> <p>徐肇进</p> <p>延平吏目。</p> <p>徐希贵</p> <p>宣化巡检。</p> <p>徐凤举</p> <p>儒士。</p> <p>徐希圣</p>		



武 职	援例儒士附	吏员出仕	新、旧《采访》所得仕籍诸人，两旧志未载者
	<p>徐起鹏</p> <p>尹嘉绪</p> <p>庠生。</p> <p>徐良弼</p> <p>都司经历。案： 与前上林苑之徐良弼，未知是否一人。</p> <p>劳钟英</p> <p>主簿</p> <p>劳希尧</p> <p>序班。</p> <p>劳希轼</p> <p>张仁惠</p> <p>张善式</p> <p>儒士。</p> <p>张仁懋</p> <p>张善应</p> <p>太医院御医。</p> <p>张应凤</p> <p>方拭</p> <p>太医院御医。</p> <p>汪懋易</p> <p>张学礼</p>		

武 职	援例儒士附	吏员出仕	新、旧《采访》所得仕籍诸人，两旧志未载者
	儒士。 龚承苞 龚尔任 龚尧臣 卢龙卫经历。 祝有学 汪士兰 张尚簏 广东高州府经历。 张倬 王府引礼。 徐庠 马龙州同。 徐志宏 福建经历。 徐希张 徐良贵 《旧采访册》云锦衣卫经历。 徐希达 徐道宏 严州教授。 龚尔位		

武 职	援例儒士附	吏员出仕	新、旧《采访》所得仕籍诸人，两旧志未载者
	徐大忠 刘师舜 童志道 劳希生		

### 清

援例内凡京官已分部属，外官已分省从者亦载之。

援 例	武 职
徐植	宋希圣补。
祝登云	案：康熙《志》未载。惟《续选举志》援例内宋兆勋下云其父希圣战歿，则希圣必为武职可知，惜未详何职耳。兹据补。
胡南瑛	倪文
以上三人，见康熙《志》。	字希昌。台州千总。清初人。《新采访》。
何文晃	余复裔
顺治九年，任广东罗定州东安县主簿。见《续采访》。	衢镇中营千总。见《南巷谱》。康熙时人。
宋兆勋	劳长元
其父希圣战歿，康熙十八年荫。	衢镇中营把总。《旧采访》。
严凤	徐熿
考授州同知。	
张瑞景	
考授州同知。	
汪广	

援 例	武 职
严昂	湖镇人。山东守备。见《续采访》。
考授州同知。	何处守备,未详。
徐汝塔	方绍文
叶锦辉	考授台州千总。见《续采访》。 以
庠生。考授州同知。	上乾隆时人。
徐汝圻	方殿颺
劳自任	守备。见《雅堂谱》。道、咸时人。
席刘昌	朱宝福
徐廷鋹	补用都司。见《旧采访》。咸、同时
王集梧	人。
侯麟趾	严作良
徐铨	衢镇中营千总。见《续采访》。咸、同
毛显祖	时人。
劳玉麟	严建旗
劳嘉章	武生。浙江抚标营守备。见《续采
余仔	访》。
余圣年	龚启华
王厚	补用都司。见《旧采访》。光绪间人。
袁公瓚	徐翼谋
周家培	松江千总。见《旧采访》。年代无考。
叶遇春	余宝琅
余本	字瑞生,宣和子。
戴世杰	余宝璜
徐梧	

援 例	武 职
余知问	徐树棠
余荣奇	方遂良
徐松	方葆良
叶必大	叶宗麟
翁绍言	傅济舟
余鹏年	叶庭玉
与乾隆十三年岁贡,疑是一人。	尹培
徐日晃	黄钟麟
邵乾正	尹械
余珏	汪绍熙
劳如琢	尹元熙
劳谦美	以上均咸丰末年殉难诸人子孙,部准承
祝文煊	袭云骑尉。案:咸丰末年殉难人赐袭
祝润洽	云骑尉或恩骑尉者甚多。其承袭之人
陈月恒	必不止此数。兹仅就有案可稽者录之。
徐瑞	吴福星
吴增麟	游击。有《传》。以下《新采访》。
严承谦	邹有传
劳嘉文	游击。
叶如通	姜佐周
张士龙	一名光先。世袭骑都尉,镇海安远炮
潘昶	台分带官。
劳元恺	刘大英
吴增麒	本县龙游县汛千总、寿昌县千总。互
	见《职官表》。

援 例	武 职
<p>劳稷</p> <p>龚铃</p> <p>劳元士</p> <p>以上均见徐起岩《续选举》，惜不详其官职。</p> <p>童尧勋</p> <p>字宏之。汤溪县学官，未详为教谕抑训导。见《下童谱》。 疑清初人。</p> <p>严睦</p> <p>考授州同知。见《驿前谱》。</p> <p>余作炅</p> <p>字日华。河南茆阳主簿。见《西湖谱》。乾隆时人。</p> <p>余钥</p> <p>字听金。河南郑州州判。见《西湖谱》。</p> <p>余鹤椿</p> <p>字仙龄。湖北襄阳巡检。见《西湖谱》。《高阶谱》则云应城县长江埠巡检。</p> <p>刘汝楫</p> <p>字予召，号肖岩。徐崑撰《传》云：晚岁，援例司训，未抵任卒。不详何处训导。</p> <p>余鸿</p>	<p>孙倬云</p> <p>太平江下汛把总。</p> <p>钱国樑</p> <p>本县龙游汛外委。互见《职官表》。</p> <p>叶志龙</p> <p>陆军炮科副军校。</p>

援 例	武 职
<p>字书青。廩贡。署定海训导。见《高阶谱》。</p>	
<p>余钟 两淮盐运司经历。见《新采访》。</p>	
<p>杨润宝 廩贡生。署昌化县教谕。 以上皆乾、嘉时人。</p>	
<p>余鸾 字彩昭。附贡。候补盐课大使。见《高阶谱》。</p>	
<p>余鹄 字庆侯。附贡。广东候补盐课大使。见《西湖谱》。《高阶谱》则云历署海山、隆井、小江等场大使。</p>	
<p>朱衣 字点三。廩贡。署缙云、浦江训导。见《旧采访》。</p>	
<p>叶锡宽 云龙州吏目。见《步瀛谱》。</p>	
<p>叶锡宾 号鹿苹。署荣县知县，候补知府。见《步瀛谱》。 以上均嘉庆间人。</p>	
<p>金应奎 字秉川。议叙州吏目。见《张家埠谱》。</p>	

援 例	武 职
<p>徐承宗 原名承恩。崇明县丞。有《传》。 以上皆嘉、道间人。</p> <p>祝其盈 附贡。淳安、秀水两县教谕。见《旧采访》。</p> <p>叶映青 字香湖。江西布政司理问。</p> <p>余训斌 改名正潮。贵州候补府经历。见《西湖谱》。</p> <p>叶树葢 原名树仁。补用知县，四川大竹县、石桥湖县丞。见同治十三年秋季《缙绅录》。</p> <p>叶树桐 原名槐。四川新宁典史。见《步瀛谱》。</p> <p>叶树榕 原名谷。云南白水司巡检。见《步瀛谱》。</p> <p>邱圣祥 廩贡。温州教授。 以上皆道、咸间人。</p> <p>汪广怀</p>	



援 例	武 职
<p>吴梦庚</p>	
<p>青田县尉。 以下咸丰以后人。</p>	
<p>吕咸亨</p>	
<p>江西玉山知县。</p>	
<p>吴继旭</p>	
<p>徐彬</p>	
<p>安徽歙县县丞。</p>	
<p>金章</p>	
<p>号九峰。卫府经历。</p>	
<p>以上七人均见《旧采访》。</p>	
<p>余福溥</p>	
<p>字滋泉。江西补用知府。见《恩铉传》。</p>	
<p>叶树森</p>	
<p>四川叙州盐场县丞。见《步瀛谱》。</p>	
<p>余正潮</p>	
<p>字洛斋。贵州松涛场盐大使。 以下俱《新采访》。</p>	
<p>余恭</p>	
<p>广东候补府经历。</p>	
<p>余士恺</p>	
<p>字子容。福溥长子。广东开建县典史。见《恩铉传》。</p>	
<p>林祖培</p>	
<p>改名作舟。江苏试用道。</p>	

援 例	武 职
<p>张芬 字诵先。江苏候补知县。</p> <p>胡廷杰 字士英。江苏候补县丞。</p> <p>张景诒 字伯循。芬子。太平县训导。</p> <p>张景澄 芬子。江苏候补知县。</p>	

《龙游县志》卷十七

县人 余绍宋撰

# 人物传<sub>传一</sub>

## 汉至元人物传一

汉

龙丘苴

吴

徐陵子平

晋

徐弘

南齐

徐伯珍

唐

徐安贞

宋

程汝士

吕防子斌 玄孙好问

刘鼎子赞

余惠斌 孙桂 袁倬 郭唯

祝昌宥

祝景先 孙逌

徐巖 弟峣

童用宾

余端礼 子嵘 嵘从孙景望

刘愚 子克

郑岩嵩

胡大昌

元

曹敏中

徐浩 弟济

徐有功

董时中

刘冠

徐徽言 从孙鑫

刘章 子之衡

祝次仲

刘甲

夏僕 周升 缪景仁附 从子蹈中

马天骥

徐泰亨

王仲修

徐益

## 汉

龙丘苕《后汉书·郡国志》注作长。太末人。《两浙名贤录》。

《后汉书·任延传》作吴有龙丘苕。案：章怀太子注云：太末县属会稽郡，今婺州龙丘县也。当时地属吴，《汉书》偶用古称耳。太末有龙丘山，其东有九石特秀，色丹，远望如莲花。《后汉书》注引《东观记》。峰际复有岩穴，外如窗牖，中有石床。《后汉书·郡国志》注引《东阳记》。苕隐居其中，见《后汉书》注。笃志好学，以耕稼为业。《太平御览》五百二引谢承《后汉书》。与严光、钟离意友善，两旧志。志不降辱。王莽时，四辅三公连辟不到。《后汉书·任延传》。更始元年，任延为会稽都尉，掾吏白请召之，案：《太平御览》五百二引谢承《后汉书》云：任延，年十九，为东都尉，折节下士，钟离意为主簿，自请苕为门下祭酒。与此微异。延曰：“龙丘先生躬德履义，有原宪、伯夷之节，都尉扫洒其门，犹惧辱焉，召之不可。”遣功曹奉谒修书记，致医药，吏使相望于道。积一岁，苕乃乘犂诣府门，愿得先死备录。延辞让再三，遂署议曹祭酒。寻病卒。《后汉书·任延传》。案：《两浙名贤录》“吏使相望于道”下，作“岁余，延躬诣苕，乃署议曹祭酒，寻谢病去”。与此不同。两旧志，寻病卒作寻去之病卒。均不知所据，兹依正史。又案：旧志，此下有“延自临殡三日，郡中贤士大夫争往观之”十六字，盖就《任延传》“延自临殡，不朝三日，是以郡中贤士大夫争往宦焉”数语而削改之也。此数语乃任延事，与苕无关，且一经改削，遂与事实乖戾，故不录。又案：《龙丘三贤碑》作年百岁卒。未知所据，似与事实不合，未敢录。祀乡贤。两旧志。

赞曰：县之得名由于先生。明成化时，乃以先生隐处析隶汤溪。然今日之龙游，犹先生之乡里也。高风可溯千岁匪遥，嗟我邦人可以兴矣。

### 三国吴

**徐陵** 字元大，太末人。见《三国志·虞翻传》。为县吏。万历壬子《志》。案：嘉靖《府志》、康熙《志》及《两浙名贤录》，均云：为县吏，众所未识。盖未细读《三国志·虞翻传》之过也。翻传云：山阴丁览、太末徐陵，或在县吏之中，或众所未识。本系单举偏列，非谓两人均为县吏、均众未识也。万历壬子《志》仅云为县吏，虽无佐证，然与史文尚不相戾，姑仍之。会稽虞翻一见，即与友善。康熙《志》。历三县长，所在著称。迁零陵太守。时，朝廷俟以列卿之位。故翻书曰：“元大受上卿之遇，叔向在晋，未若于今。其见重如此。”陵卒，僮客土田，或见侵夺。骆统为陵家讼之，求与丁览、卜清等为比，权许焉。子平。

**平**，字伯先。案：《两浙名贤录》、康熙《志》均作元。童龢知名，翻甚爱之，屡称叹焉。诸葛恪为丹阳太守，讨山越，以平威重，思虑可与效力，请平为丞。案：两旧志均作请于丞相，大误。稍迁武昌左部督，倾心接物，士卒皆为尽力。初，平为恪从事，意甚薄。及恪辅政，待平益疏。案：上云恪以平威重，思虑可与效力，请为丞。此又云待之甚薄，益疏，似相矛盾。兹以系古佚书，不便妄改，一仍其旧。恪被害，子建亡走，为平部曲所得，平使遣去，别为佗军所获。平两妇归宗敬奉，情过乎厚。其行义敦笃，皆此类也。裴松之《三国志》注引《会稽典录》。

### 晋

**徐弘** 字圣通，太末人。《东阳实录》。习《韩诗》、《春秋》。举孝廉，为汝阴令。县大姓多兼并，弘至官，诛锄奸桀，豪右敛手。商旅露宿，道不拾遗。童歌之曰：“徐圣通，政明公，平刑罚，奸宄空。”两旧志。迁扶风太守，讨里贼，战歿。乡人感其诚节，为立祠祀之。《东阳实录》。

## 南齐

徐伯珍 字文楚，东阳太末人。祖、父并郡掾史，伯珍常孤贫，学书无纸，常以竹箭、箬叶、甘蕉及地上学书。案：《建康实录》云：以铁丁画地学书。山水暴出，漂溺宅舍，村邻皆奔走，伯珍累床而坐，诵书不辍。叔父璠之与颜延之友善，还祛蒙山立精舍讲授。伯珍往从学，积十年，究寻经史，游学者多依之。太守琅琊王昙首、吴郡张淹并加礼辟，伯珍应召便退，如此者凡十二。征士沈俨造膝谈论，申以素交。吴郡顾欢摘出《尚书》滞义，伯珍酬答，具有条理，儒者宗之。好释氏、老庄，兼明道术。岁尝旱，伯珍筮之，如期而雨。举动有礼，过曲木下，趋而避之。早丧妻，晚不复娶，自比曾参。宅南九里有高山，班固谓之九岩山，后汉龙丘苕隐处也。山多龙须桤柏，望之五采，世呼为妇人岩。案：《南史》此下有二年两字，或即永明二年。但《南齐书》下文既云永明二年，则此处所云二年两字，当非永明二年矣。李清《南北史合注》本亦仅云二年，无注。兹以不能知为何时之二年，删之。伯珍移居之。阶户之间，木生皆连理；门前生梓树，一年便合抱。馆东石壁，夜忽赤光洞照，俄灭。白雀一双，栖其户牖，论者以为隐德之感。李清《合注》本《南史》。永明二年，《南齐书》。刺史豫章王嶷辟议曹从事，不就。家甚贫窶，兄弟四人，皆白首相对，时呼四皓。建武四年，卒，年八十四。受业生凡千余人。李清《合注》本《南史》。著有《周易问答》一卷。见《隋书·经籍志》，称扬州从事徐伯珍。祀乡贤。两旧志。《南齐书》、《南史》均有传。《南齐书》卷五十四、《南史》卷七十六。

赞曰：严陵钓台之旁有西台焉，谢皋羽隐处也。至今过其下者，咸知子陵，而知皋羽者盖鲜。徐文楚之隐德，方之龙丘先生，未之逊也，而知之者尤鲜于皋羽。信乎？地以人重，而人亦以地

重也。

## 唐

**徐安贞** 初名楚璧，案：两旧志作楚玉。今据《新唐书》改。字子珍，案：万历壬子《志》作子贞。今以珍与璧二字关联，从康熙《志》。信安龙丘人。《旧唐书》。以博学宏词举五言应制，一岁三上俱及第。两旧志。开元初，为武陟尉。时，马怀素请续王俭《七志》，诏以楚璧是正文字。见《新唐书·马怀素传》。同时，褚无量整比秘籍，表请以楚璧与卢僎等分部讎定。见《新唐书·褚无量传》。案：《唐会要》作分库检校。旋补丽正学士。两旧志。案：置丽正书院，是开元十一年事。安贞补学士年分未详。帝方好文，因敕供奉内廷，迁起居舍人，《旧唐书》作中书舍人。掌制造，有能名。见《旧唐书·席豫传》。拜工部侍郎，兼集贤院学士。两旧志。案：更集仙殿为集贤，是开元十三年事。《唐会要》载初任诸学士，无安贞名，是安贞兼学士当在后。帝每属文及作手诏，多命安贞视草，甚承恩顾。《旧唐书》本传。案：康熙《志》以制敕语入《传》，今以别见《文征》，不叙录。十九年二月，撰《文府》二十卷上之。《唐会要》。案：《唐会要》作礼部员外郎徐安贞，两旧志并新旧《唐书》及《进中书侍郎制》均未及安贞为此官，未知何故。寻进中书侍郎。两旧志。案：两旧志此下有赐今名三字。今考《新唐书》云：是时李林甫用事，或言计议多所参助，后更名安贞。不言赐名事，而两旧志《艺文》载《进中书侍郎制》仍称安贞，如果赐名，制中当及之。未审两旧志何据，兹故不录。方是时，李林甫渐柄用，稍露机牙，安贞心害之，惧不免，乃去。而自暗为佣于衡山岳寺者数年，寺僧不识也。会修寺宇，僧中选善书者题其梁，书二三人矣。安贞跨过之，掌事者怒杖其背，安贞乃画地曰：“某口虽不能言，固曾学大书者。”令试之，僧皆悦服，因遣尽书之。北海太守李邕，一日游岳过寺，观其题处，惊曰：“徐公乃在此耶！”召至，



握手言曰：“朝列于公已息议矣。”僧尝杖击者潜遁。安贞徐谓邕曰：“恐逢非罪，遁迹深山，僧辈安能识我？”邕因曰：“‘岷山思驻马，汉水忆回舟。’诸诗尚记忆否？”因载与俱还。行至长沙，谓其守曰：“潇湘逢故人，若幽谷之覩太阳，不然委填岩谷矣。”以上据《云溪友议》、《金华献征略》、王穉登《徐侍郎集》序、《全唐诗》纂辑。《金华献征略》谓安贞惧累弃官事在天宝中。《金华诗录》驳之云：开元十三年，登封泰山，北海上颂，帝悦。仇人构之，谪遵化尉，赴谪经岳麓寺。为之书碑是北海过岳麓，非天宝中事。且北海死在天宝六载，不应安贞于天宝中伪啗数年犹得与北海相见也。据史称安贞更名在或言协助林甫之后，则其惧累弃官出避之事容或有之。至与北海相遇，载之北归，恐未必然。今案他书均不言是天宝中事，《献征略》固误，《诗录》驳之是也。但不得因此疑及与北海相遇事，故仍采入《传》，而录其驳语于此，以资考证。帝念其贤，即其家封东海子。天宝二年，卒，赠尚书。两旧志。相传有集若干卷，久佚。明童珮重辑其遗文，名《徐侍郎集》云。见《艺文考》。祀乡贤。两旧志。新、旧《唐书》均有传。《新唐书》卷二百，《旧唐书》卷一百九十中。

赞曰：《府志》列安贞于《方外传》，谓安贞尝修真于本县九峰岩，岩前千丈无梯级，安贞飞步上下如履坦途。斯言未知其所据，而安贞他事悉不及焉。虽然安贞之足传，岂系其仙不仙哉？

## 宋

程汝士 字虞卿。性孝，亲歿，庐墓终丧。尝入太学，弃归不复仕进，锐意经史，学者景从。仁宗朝，士大夫荐为郡教授，讲论不倦。枢密陈旭、贤良王介与台府交章荐其孝廉，案：《宋史·选举志》，仁宗朝，复置制举六科及待布衣被举三科中，均无孝廉名目。未审旧志何据。想汝士当时必曾应辟荐，旧志喜用词章字面，遂亡其实耳。特赐粟帛。原文作布，此据《浙江通志》所引旧志改。英宗搜访遗贤，长史强起续食而

西，卒于山阳，还家易柩如生。学者称广平先生。两旧志。

刘鼎 佚其字。学问宏博，议论有远识，从学者百余人。嘉靖《府志》。同郡赵扑见而奇之曰：“君操履有古人风。”两旧志。及见其文，叹曰：“君当抗行韩、柳，非科目之文也。”子赞，亦以文学名。《浙江通志》引旧县志。父子俱多著述，今佚。嘉靖《府志》。案：嘉靖《府志》鼎与子赞并列，故加父子二字。

吕防 字大防。有学行。《明一统志》。嘉祐末，于县南山麓设义学，士之慕道从游者甚众。一日，登山，见鸡鸣棘丛中，张罗伺之，得白金十数铤，悉输之官。邑令义之，藏诸府，后以方腊乱，失金所在。嘉靖《府志》。案：康熙《志》云得金千铤，恐无若是之多也。万历壬子《志·山川志》中云得金数十铤，不言白金。兹姑从嘉靖《府志》。后人因以鸡鸣名其山。见两旧志《山川》。登熙宁六年进士。见《选举表》。先是，士举多由郡学，邑中登第自防始，当时称为破天荒。初授饶州刺史兼骠骑尉，赐大中大夫。奉祠归，讲学于家，从学者益众。卒祀乡贤。康熙《志》。子：斌、景蒙、景著。

斌，字全仲，政和二年，与景著同举进士。案：两旧志作与景蒙同举进士，误。授明州象山尉。时方腊构乱，县民有欲为响应者，斌亟捕而斩之，遂得无事。转建州刑曹，改宣教郎。靖康初，转奉议郎，知宜兴县。当维扬之变，能镇静不扰，众咸称之。未几，通判德安府。未抵任，转左承议郎，调秀州。旋转左朝奉郎，移平江。适金人犯境，帝亲征，驻蹕苏州，案：当是绍兴四年事。斌以迎扈功，加左朝请郎，通判临安。理繁治剧，绰有能名，帅臣咸荐之，迁两阶。时属邑民有杀旧□者，县以叛闻，朝廷命将遣师以斌监军。斌至，察其情，戮二三人，事遂定，民咸德之。卒赠少保、开府仪同三司。以上据两旧志并斌任南夫所撰《墓志》纂辑。《墓志》，见《文征》。景蒙，登绍兴五年进士。防从子南夫，登宣和六年进士。均见《选举表》。有司

揭其坊曰丛桂，人以为瑞应云。嘉靖《府志》。斌曾孙好问。

好问，佚其字。绍定间，历试经魁，登宝祐四年进士。授朝奉郎，历阶至中大夫，直敷文阁。特进显谟阁、户部侍郎，赐紫金鱼袋、大中大夫，案：吕好问《致仕制》称通议大夫，与此不同。《制》，见《文征》。兼权尚书事。封龙游县开国子，食邑五百户。好问智略超迈，久在兵间，总理财赋，精练明敏，为少年所不及。案：以上两旧志录《制》中语，别无事实。开庆元年，表乞致仕，敕嘉其行谊，特与复集英殿修撰，封如故。见《致仕制》。卒祀乡贤。子鼎亨，从事郎。两旧志。

余惠斌 字景斌，号凝定。生有异质。由荐拔除资治少尹，称职，除朝议大夫。在官日，不避权贵，敢于言事。钦宗末年，州郡多故，时有寇警，而公输繁重，民生不遂。惠斌因言于当事者，不听。退而叹曰：“世事如此，不可为矣。”遂辞职，不许。越明年，以疾辞归。会有蝗灾，里中十室九空，惠斌乃散家资赈恤。又明年复蝗，继以疫疠，道殣相望。惠斌绘《流民图》以讽诸当事，困惫之众得以稍苏云。以上据《旧采访册》载传纂。子宪，宣议郎。孙蚺，由进士除庆元路教授。曾孙桂。

桂，字伯芳，号丹山。淳熙八年进士。除奉议郎，庆元府昌国县知县。吏部考绩，称其称职无旷，抚字得宜，奉令守法，居心平恕。吏部尚书复言其英才足用，方略有加。见《授余桂承德郎制》。《制》，见《文征》。绍熙四年，除承德郎，主管劝农公事，兼管岱山昌国盐场，搜捉铜钱下海出界，带管本处弓手寨兵军政。旋迁建德府知府，禁豪强，抚良善，不期年政成。所交皆名士，如紫阳朱熹，同邑刘章、袁倬、郭唯，均与缔交焉。据《高阶谱》载郭唯撰《墓志铭》纂。案：原文仅云同年进士袁公，未著其名。兹以淳熙八年进士袁姓者为袁倬，故知之。清知县卢灿为改其所祀之寺曰余公祠，教谕沈圻为之记。记

见《文征》。案：两旧志不载。康熙《志·续艺文志》仅载沈圻撰碑记，今补传。

赞曰：沈圻固曾《续选举》之编矣，于龙游人物当有考索，乃其为余公祠碑记，慨然于史笔之失传，则犹未得见郭唯之志也。采辑之难于斯益信。而郭唯、袁倬既与朱子、文靖交游，其学行当亦有可观者，旧志无称，惜哉！

**祝昌宥** 字阅道。以力稿致费巨万，性好施与。所居当衢、婺之冲。有派溪者，为石塘源支流，洄湫奔放，不利于行舟。昌宥乃造大石桥，行人称便。凡费钱三百万，未尝资于人也。前后凡造石桥二十处，亦悉出己资云。政和二年，卒。子：伯瑜、伯圻，进士。据《沐尘谱》载范德冲撰《志》纂。《志》，见《文征》。案：派源，今在汤溪县境。惟宋时尚属龙游，兹故采入。案：旧志失载，今补。

**刘冠** 字仲元。年十三，以荐入太学。举政和八年进士，擢尚书郎，充吏部使者。以文学知名于时。两旧志。有《文集》一卷行世，周必大为之《序》云。康熙《府志》、万历壬子《志》。

**祝景先** 佚其字。靖康中，陈《治安十策》，朝廷咸为采录。孙逋。

逋，有祖风。案：景先传中，除陈策外，别无记述，而曰有祖风，殊不可解，姑仍之。以时多艰，不乐仕进。读书谈道，终老于家。康熙《志》。

**徐徽言** 字彦猷。少为诸生，泛涉书传。负气豪举，有奇志。大观二年，诏求材武士，韩忠彦、范纯粹、刘仲武以徽言应诏，召见崇德殿，赐武举绝伦及第。授保德监兵，迁武经大夫、抚按使。政和六年，夏人犯边，与吴玠统兵御之。其前军先掠武德，徽言夜半率精骑据险设伏。夏人至，徽言麾兵突击，擒其酋。寻复由银州入寇，命徽言统河西诸将讨之，夏师大败。靖康元年，为晋宁都统。金人围太原，据岚、石。徽言帅师渡河，一战破之。钦宗以京城受

围，割两河予金，又割西河三州与夏。徽言率兵复三州，复取岚、石等郡。俄两京二圣北狩，廩饷绝。徽言屯田并塞，大积刍粟，教士习水战。招集土豪数百人，皆以便宜指授，得众十余万。因奏言：将自统兵直趋太原，径取雁门，留兵戍之；命土豪得郡县者，各自为守，许以世袭；既定全晋，中原不日可平。议虽不行，敌深忌之，欲速拔晋宁以除害。建炎二年，金人攻晋宁城五月不下。城中矢尽粮竭，外援不至。乃叹曰：“吾不免矣，无以守具遗贼。”乃悉焚之。旦日，敌众蚁集，婴城之人疲于守御，坐受锋刃。徽言独奋大斧尽杀先登者，士气复振，敌亦稍却。会守将石斌受敌飞箭书，遂从其所守地入。徽言先置家属空室，积薪焚之。率兵战门下，手刃甚众，左右死伤殆尽。敌挟以去，犹惮其威名，不敢加害。娄宿使所亲说，使具冠鞞以见。叱曰：“朝章，乃觐君父礼，以入穹庐可乎？汝污伪官，我犹能杀汝。”娄宿从容语曰：“二帝北去，尔为谁守？”徽言曰：“吾为建炎天子守。今以死报太祖、太宗，庸知其他。”饮以酒，持杯掷宿。以鞞向之，即披腹迎刃，神色自若。射之，骂不绝口，死犹僵立不仆。时年三十九。上闻震悼，谓宰辅曰：“徽言临难不屈，忠贯日月，过二颜多矣。”赠晋州观察使，谥忠壮。郡邑争绘像祀之。子恭孙，同死于难。命录兄子玮嗣，授承信郎。淳熙中，从孙汉阳守瓚进本传，乞建祠。上批付史馆，下吏部太常议，寻官其孙诒。从孙嘉。

嘉，字吉卿。性质重。甫冠登第，令德安。尝谕使以人材荐，召对称旨，即改秩监都茶场。赵鼎荐嘉文儒，宜在清贯，除教授王邸。后为御史，累迁侍御史，遂擢贰户部兼权吏部。使馆伴。既觐，北使不肯以书授中使，嘉径夺书以进，北使大沮，上嘉之。孝宗立，以旧职守泉，最闻，泉人生祠之。徙帅越，俄移守平江，致仕。康熙《志》。 徽言并嘉传，不据他书订补，说详《序例》。

徐岫 字仲山。少以文章名，与梁溪尤袤善，袤甚称之。弱冠，登绍兴二十七年进士。著《绍兴圣政宝鉴》十卷以进，上嘉之。卒赠儒林郎。弟峤。

峤，字次山。隆兴元年进士，授国子监博士，学富才赡，尤长于诗。著有《竹溪集》十卷行世，人称家学。据两《府志》、两旧志纂。

刘章 字文孺，衢州龙游人。少警异，日诵数千言，通《小戴礼》，四冠乡举。绍兴十五年廷对，考官定其级在三，迨进御，上擢为第一，授镇江军签判。是冬，入省为正字。明年，迁秘书郎兼普安、恩平两王府教授，迁著作佐郎。事王邸四岁，尽忠诚，专以经谊文学启迪掖导，受知孝宗自此始。秦桧当国，嫌不附己，风言者媒孽其罪，出倅筠州。桧死，召为司封员外郎、检详枢密院文字兼玉牒检讨官。擢秘书少监、起居郎。《宋史》本传。二十七年十一月，充贺金国生辰使。明年三月，还，建言：“贺金国正旦、生辰，使下三节人从，每先推赏，多怀慢易，望依使副例，俟回日推恩。”从之。《建炎以来系年要录》。权工部侍郎，俄兼吏部，兼侍讲。郊祀毕，侍从，上《庆成诗》。初，章在秘省，尝议郊庙礼文，当置局讨论，诏行其说。正迁吏部侍郎。《宋史》本传。案：《建炎以来系年要录》作兼权吏部侍郎。先是，章在工部，时郊恩赏赉给绢，主胥欲以绢自入而下其直以与众，众不服，请于章。章语胥曰：“如所值以百缣可乎？”盖漫为词以折服之耳，胥遂诬章以实令市绢，有摘其语于言事者，侍御史朱倬乃劾章尝令小吏市绢，多所倍费。疏始上，上愕然曰：“刘章必无此事。”倬执不已，《建炎以来系年要录》。原注云：熊克小历载此事于绍兴三十年，盖差一年。罢，提举台州此二字，据《建炎以来系年要录》补。崇道观，举朝嗟郁。起居郎王佐讼其冤，亦坐绌。案：《芝溪刘氏谱》有《授刘左丞相制》，末云：绍兴三十年九月下。今以《宋史》及《建炎以来系年要录》均未言刘章为左丞相，兹故不录。三十一年，年分，据《建炎

以来系年要录》补。起知信州。未久，复请祠。孝宗受禅，念旧学，命知漳州，为谏议大夫王大宝所格。寻除秘阁修撰、敷文阁待诏，召提举佑神观兼侍读，遂拜礼部侍郎。奏禁遏淫祀，仍于《三朝史》中删去《道释》、《符瑞》志，大略以为非《春秋》法。朝廷议经略中原，调诸郡兵，民颇扰。少卿赵彦端指言非是。或谮彦端曰：“陛下究心大举，凡所图回，但资赵彦端一笑尔。”彦端惧不测。上因夜对，问章曰：“闻卿监中有笑朕者？”章不知状，从容对曰：“圣主所为，人焉敢笑，若议论不同或者有之。”上意颇解。彦端获免，人称章长者。诏询唐太宗所问魏徵德仁功利优劣，章上疏答复，且言：“太宗问徵在贞观十六年，陛下宅天命十载于兹，愿益加意，将越商、周，绍唐、虞矣，太宗非难到也。”进权礼部尚书兼给事中。对选德殿，问章：“今年几而容貌未衰，颇尝学道否？”章拱对曰：“臣书生，无他长，惟非俭自度。晏婴一狐裘三十年不易，人以为难，臣以为易。”上嘉叹久之。亲洒宸翰以赐，俾安职。章力告归，以显谟阁学士食祠禄。有周必大撰《制》，见《文征》。淳熙元年，子之衡由御史检法出守广德军，当陛辞，对便殿，问：“卿父学士安否？”抚劳再三，临退复谓曰：“卿归侍，为朕致此意。”旋遣阖祗候苏曦至家宣问，拜端明殿学士，赐银绢四百匹。四年，上表告老，以资政殿学士致仕。卒，年八十，赠光禄大夫，谥曰文靖。章容状魁硕，以周密自守，出入两朝，被顾遇，未尝泄禁中一语。《宋史》本传。又有文名，尝病王充作《刺孟》、柳子厚作《非国语》，乃作《刺〈刺孟〉》、《非〈非国语〉》各一卷；朱彝尊《经义考》引黄瑜语。又有《补过斋拙稿》若干卷。两旧志。《宋史》有传。卷三百九十。

之衡，佚其字。少颖敏，读书国学，深自敛饬，言笑不苟，人莫知其为贵介公子也。登绍兴二十四年进士。见《选举表》。初为县尉，凡十数迁，至预朝政。韩侂胄用事，势倾中外，之衡多所全护。

累官至吏部尚书，绰有父风。丐奉祠终，赠银青光禄大夫。康熙《志》。《宋史》附章传。

赞曰：《挥麈录》载讖语云：团石圆，出状元；团石仰，出宰相。此偶然耳。文靖大魁，忠肃入相，则固非偶然也。而吾乡人乐道之，何哉？

**童用宾** 字国相。绍兴中，与朱熹同赐进士，通判武冈军，迁中侍御史。弹劾不避权要，案：权要何人，弹劾何事，前志不载，遂无考矣。同列惮之。迁四川制置使。未几，谢归，筑室金湖，优游十年，卒。两旧志。

**祝次仲** 字孝友。工山水，《画史会要》。尤善草书。《书史会要》。朱熹最嘉其丹青，为之题咏。有题画诗六首，见《文征》。女嫁常山徐琪，亦善画。两旧志。

**余端礼** 字处恭，衢州龙游人。绍兴二十七年进士，知湖州乌程县。民间赋丁绢钱，率三氓出一缣，不输绢而折其估，一缣千钱，后增至五千，民不胜病。端礼以告于府，事得上闻，又自诣中书陈便宜，岁蠲缣钱六万。召对，时孝宗志在恢复，端礼言：“谋敌决胜之道，有声有实。敌弱者，先声后实，以蓄其气；敌强者，先实后声，以俟其机。汉武乘匈奴之困，亲行边陲，威震朔方，而漠南无王庭者，蓄其气而服之，所谓先声而后实也。越谋吴则不然，外讲盟好，内修武备，阳行成以种、蠡，阴结援于齐、晋，教习之士益精，而献遗之礼益密，用能一战而霸者，伺其机而图之，所谓先实而后声也。今日之事，异于汉，而与越相若。愿阴设其备，而密为之谋，观变察时，则机可投矣。古之投机者有四：有投隙之机，有捣虚之机，有乘乱之机，有承弊之机。因其内衅而击之，若匈奴困于三国之攻而宣帝出师，此投隙之机也。因其外患而伐之，若夫差牵于黄池之役而越兵入吴，此捣虚之机也。敌国不道，因其间而举之，若晋之降孙



皓，此乘乱之机也。敌人势穷，蹶其后而蹙之，若高祖之追项羽，此乘弊之机也。机之未至，不可以先；机之已至，不可以后。以此备边，安若泰山，以此应敌，动如破竹，惟所欲为，无不如意。”上喜曰：“卿可谓通事体矣。”复以荐为监察御史，迁大理少卿，转太常少卿。诏以来岁祈谷上帝，仲春躬耕藉田，令礼官讨论明道故事。端礼言：“祈谷之制，合祭天地于圜丘，前期享于太庙，视冬至郊祀之仪，此国初故事也。若乃明道之制，则以宫中火后考室落成，故于太安殿恭谢天地，此特一时谢灾之事耳。今欲祈谷而躬藉，必合祭天地于圜丘，必前期朝享于景灵宫、太庙可也。欲如明道之制行于殿庭，不可。”诏太常、礼部集议。中书有可以义起者。端礼曰：“礼固有可义起，至于大体，则不可易。古者郊而后耕，以其于郊，故谓之郊，犹祀于明堂，故谓之明堂。如明道谢灾之制，则与祈谷异。今以郊而施之于殿庭，亦将以明堂而施之坛壝乎？礼之失自端礼始，端礼死不敢奉诏。”上为之止。权兵部侍郎兼太子詹事，进吏部侍郎，出知太平州，奉祀。光宗立，召见，言：“天子之孝不与庶人同。今陛下之孝于寿皇，当如舜之于尧，行其道可也；武之于文，继其志、述其事可也。凡寿皇睿谋圣训，仁政善教，所尝施于天下者，愿与二三大臣朝夕讲求而力行之，则足以尽事亲之孝矣。”授集英殿修撰、知赣州，还为吏部侍郎、权刑部尚书兼侍讲，以焕章阁直学士知建康府。召拜吏部尚书，擢同知枢密院事。兴州帅吴玠死，端礼谓枢密赵汝愚曰：“吴氏世握蜀兵，今若复令承袭，将为后患。”汝愚是其言，合辞以奏，光宗意未决。端礼言：“汝愚所请为蜀计，为东南计。夫置大将而非其人，是无蜀也。无蜀，是无东南也。今军中请帅而迟迟不报，人将生心。”不听。后挺子曦卒以蜀叛，如端礼言。《宋史》本传。绍熙五年五月，寿皇不豫，疾浸革，彭龟年连三疏请对，不获命。属上视朝，龟年不离班位，伏地叩额久不已，血渍髻

璧。奏：“今日无大于不过官。”端礼曰：“扣额龙墀，曲致忠恳，臣子至此，为得已耶？”上云：“知之。”《宋史·彭龟年传》。诏诸路提举司置广惠仓。未几，端礼言福建地狭人稠，无以赡养，生子多不举。于是，福建提举宋之瑞乞免鬻建、剑、汀、邵没官田收其租，助民举子之费。诏从之。《历代通鉴辑览》。上以疾不朝重华宫，孝宗崩，又不能发丧，人情恟然。端礼谓宰相留正曰：“公独不见唐肃宗朝群臣发哀太极殿故事乎？宜请太皇太后代行祭奠之礼。”于是，宰执以请于太皇太后，留正惧，入临重华宫，仆地致仕而去。太皇太后垂帘，策皇子嘉王即皇帝位，王流涕逊避。端礼奏：“上皇违豫，大丧乏主，安危之机在于呼吸，太皇太后非为陛下计，乃为太上皇帝计，为宗社计。今坚持退让，不思国家之大计，是守匹夫之小节而昧天子之大孝也。”宁宗懼然收泪，不得已，侧身就御座之半。端礼与汝愚再拜固请，宁宗乃正御座，退行禫祭礼。进端礼知枢密院事兼参知政事。汝愚去右丞相位，端礼代之。始，端礼与汝愚同心共政，汝愚尝曰：“士论未一，非余处恭不能任。”及韩侂胄以传道之劳，浸窃威柄，汝愚等欲疏斥之，谋泄而汝愚逐。端礼不能遏。浙西常平黄灏以放民租窳，知婺州黄度以庇属吏褫职罢郡，二人皆侂胄所憾，端礼执奏，竟不免于罪。太府丞吕祖俭坐上书忤侂胄南迁，端礼救解不获。他日见上，言除从官中书不知，朝纲已紊，祸根已滋，即丐去，不许，进左丞相。端礼在相位期年，颇知拥护善类，然为侂胄所制，壹郁不得志，称疾求退，以观文殿大学士提举洞霄宫。居顷之，判潭州，移庆元，复帅潭。薨，授少保、郇国公致仕，赠太傅，谥忠肃。《宋史》本传。杨万里有《墓铭》，周必大有《挽词》，见《文征》。祀乡贤。康熙《志》。《宋史》有传。卷三百九十八。子：嵘、禮。

嵘，字景瞻。初补国子生，两旧志。登淳熙八年进士。见《选举表》。历官至大理太常少卿兼吏部侍郎、国子祭酒，以丐祠出知建

康等府、江东安抚及知潭州。晚进敷文阁学士、康熙《志》。案：《宋元学案》云：卒赠龙图阁学士。与此不同。兵部尚书，康熙《志》。案：《宋史·端礼传》云：工部尚书，与此不同。以光禄大夫致仕。赠少师、开府仪同三司，谥壮敏。康熙《志》。嵘幼学于同县刘章。端礼在庆元保全定策，国老平停，伪学禁锢，号南渡名宰。嵘接绪言而传心印，克为名卿，真西山、陈复斋尤敬重焉。《宋元学案》。著有《易启业》、《书说略》、《毛诗说略》、《春秋大旨》诸书。见《艺文考》。嘉定辛未，使金贺生辰，会有北师，行至涿州定兴县而回，撰有《使燕录》一卷。陈振孙《书录解题》。崧，淳熙十四年进士。见《选举表》。嵘子峴，承议郎。峴子录，承务郎。从孙景望，仕至兵部侍郎，侂胄当国，出知江州。康熙《志》。案：万历壬子《志》不载景望。康熙《志》谓：侂胄当国，出知江州。似与时代不合，不知所据，兹姑录入待考。

赞曰：旧志谓《宋史》称：嵘，其告君，必曰任贤去佞；告大臣，必曰开诚布公；言财利，必曰损上益下；言和议，必曰斩使焚币；论纪纲，必曰不可使中人预政令。孤直行意，始终一节，立朝如阳城孔戡，临边如羊佑、杜预。今考《宋史》，无此文也。度亦别有所本，因为著之。

刘甲 字师文，其先永静军东光人，元祐宰相摯之后也。父著，为成都漕幕，葬龙游，因家焉。案：《两浙名贤录》径作龙游人。甲，淳熙二年进士，累官至度支郎中，迁枢密院检讨兼国史馆编修官、实录院检讨官。使金，至燕山，伴宴完颜者，名犯仁庙嫌讳，甲力辞，完颜更名修。自绍兴后，凡出疆遇忌，俱辞设宴，皆不得免，秦桧所定也。九月二十三日，金宴甲，以宣仁圣烈后忌，辞。还除司农少卿，进太常，擢权工部侍郎，升同修撰，除宝谟阁待制，知江陵府，湖北安抚使。甲谓：“荆州为吴、蜀脊，高保融分江流，渚之以为北海。太祖常令决去之，盖保江陵之要害也。”即因遗址浚筑，亘四

十里。移知庐州。程松为四川宣抚使，吴曦副之，以甲知兴元府、利东安抚使。时蜀口出师败衄，金陷西和、成州，曦焚河池县。先是，曦已遣姚准源献四州于金，金铸印立曦为蜀王。甲时在汉嘉，未至镇也。金人破大散关，兴元都统制毋思以重兵守关，而曦阴撤募关之戍，金自板谷绕出关后，思挺身免。甲告急于朝，乞下两宣抚司协力扞御。松谋遁，甲固留不可，遽以便宜檄甲兼沿边制置。曦遣后军统制王钺、准备将赵观以书致甲，甲援大义拒之，因卧疾。曦又遣其弟收邀甲相见，甲叱而去之。乃援颜真卿河北故事，欲自拔归朝。先募二兵持帛书遣参知政事李璧告变，且曰：“若遣吴总以右职入川，即日可瓦解矣！”曦僭王位，甲遂去官。朝廷久乃微闻曦反状，韩侂胄犹不之信，甲奏至，举朝震骇。璧袖帛书进，上览之，称“忠臣”者再。召甲赴行在，命吴总以杂学士知鄂州，多赐告身、金钱，使招谕诸军为入蜀计。复命以帛书赐甲，曰：“所乞致仕，实难允从，已降指挥，召赴行在。今朝廷已遣使与金通和，襄、汉近日大捷，北兵悉已渡江而去。恐蜀远未知，更在审度事宜，从长区处。”二兵皆补官。甲舟行至重庆，闻安丙等诛曦，复还汉中，上奏待罪。诏趣还任，甲奏叛臣子孙族属及附伪罪状，公论快之。会宣抚副使安丙以杨巨源自负倡义之功，阴欲除之。巨源既死，军情叵测，除甲宣抚使。杨辅亦以为请，当国者疑辅避事，李璧曰：“昔吴璘属疾，孝宗尝密诏汪应辰权宣抚司事，既而璘果死，应辰即日领印，军情遂安，此的例也。”乃以密札命甲，甲镒藏之。未几，金自鹤岭关札金崖，进屯八里山，甲分兵进守诸关，截潼川戍兵驻饶风以待之。金人知有备，引去。侂胄谢，上念甲精忠，拜宝谟阁学士，赐衣带、鞍马。是岁，和议成，朝廷闻彭辂与丙不协，以书问甲，又俾谕丙减汰诸军勿过甚，及访蜀人才之可用者。盖自杨辅召归，西边诸事，朝论多于甲取决，人无知者。绍兴中，蜀军无见

粮，创为科余。孝宗闻其病民，命总领李夔以本所钱招余，惧不给，又命劝余其半，劝余之名自此始。久之，李昌国总计，复奏令金、梁守倅任责收余，而劝余遂罢。及是，宣、总司令金洋、兴元三郡劝余小麦三十万石，甲乞下总所照李夔成法措置，从之。明年，罢宣抚司，合利东、西为一帅，治兴元，移甲知潼川府。安丙既同知枢密院事，董居谊为制置使，甲进宝谟阁学士，知兴元府、利路安抚使，节制本路屯驻军马。朝廷计居谊犹在道，命甲权四川制置司事。先是，大臣抚蜀者，诸将事之，有所谓互送礼，实贿赂也。甲下令首罢之。凡丙所立茶盐柴邸悉废之。又乞以阜郊博易铺场还隶沔戎司，复通吴氏庄，岁收租四万斛有奇，钱十三万，以裨总计。从之。丙增多田税，甲命属吏讨论，由一府言之，岁减凡百六十万缗、米麦万七千石，边民感泣。嘉定七年，卒于官，年七十三。甲幼孤多难，案：原文云：母病，割股以进。今不录。平生常谓：“吾无他长，惟足履实地。”昼所为，夜必书之，名曰自监。为文平澹，有《奏议》十卷。理宗诏谥清惠。《宋史》本传。《宋史》有传。卷三百九十七。案：两旧志均未载，今补。又案：本传云：父著为成都漕幕，葬龙游，因家焉。颇疑在四川嘉定州旧县治，非指本县也。今以《浙江通志》及《两浙名贤录》均载《甲传》，故仍补入。

刘愚 字必明，衢州龙游人。幼警敏力学。弱冠，太学有声，受业者甚众，侍御史柴瑾、祭酒颜师鲁、博士林光朝深器重之。瑾每奏对称上意，则曰：“臣客刘愚为臣言。”师鲁尝奏愚行艺，上记曰：“此向者柴瑾所荐也。”上舍释褐，居第一。调江陵府教授，早晚为诸生讲说，同僚相率以听。愚益谦下，与叶适、项安世讲论不倦，每以隐居学道为乐。岁满，帅王蔺致书剡辟，固辞，贫不能归。外移安乡县令，邑逋赋万计，愚核实数，宽限期，民不见吏而赋自足。会岁歉，出常平米赈贷，邑佐持不可，愚曰：“有罪不以相累。”出缙

钱数千万，招商余他郡而收元直，米价顿平，犹积廩数千石以备饥旱。邑有范仲淹读书地，为绘像立祠，兴学，士竞知劝。诸司交荐，改秩，愚雅不乐仕进，遂致仕。丞相余端礼，乡人也，与愚有旧，且召堂审，愚竟舍去不顾。结庐城南，颓垣败壁，蓬蒿萧然，著书自适，《书》、《礼》、《语》、《孟》皆有解，《宋史》本传。发明理学之奥。年八十三卒。《两浙名贤传》。愚行己恭，与人敬，节坚而志厉，学必是古，尤邃讲说，能自浅入深，荆人闻者，欣朗开达，将校改服以听。叶适《刘靖君墓志铭》。《铭》，见《文征》。故友与其门人私谥曰谦靖先生。《宋史》本传。观文殿学士何公率尝同舍，故学徒更谥曰靖君。《宋元学案》。乡郡祠之。《宋史》本传。《宋史》有传。卷四百五十九。子：克、几、凡。

克，字佚。早以诗名，叶适尝称其可继陶、韦。《宋史》附《愚传》。有《诗集》一卷，已佚。见《艺文考》。又条列诸家诗解而系以己意，成《诗说》十二卷，其所纂辑家数视东莱《诗记》加详，亦互有去取云。克子坦《诗说跋》语。《跋》，见《文征》。

夏僎 字元肃。父一友，尝以私藏建和渠虹桥。蔡元定撰记，详见《文征》。僎与同县周升、缪景仁自相师友，时号三俊，以明经教授并举进士。并见《选举表》。立身清约，不喜阿附。时陈贾专政，议论不合，遂谢职归养。案：何职未详。与周、缪相与建鸡鸣书院，延乡里子弟讲论经典。及卒，私谥文教先生。归有光《鸿陆夏谱序》。僎尝语其徒曰：“古之学者，下学上达，今文虽小技，自有上达之理，但为科目所累，故判本末为两途耳。”闻者悚服。嘉靖《府志》。尝从建阳蔡文定治《尚书》，见元定撰《和渠虹桥记》。至精审，尝集孔安国、孔颖达、王雱、苏轼、陈鹏飞、林之奇、程颐、张九成诸说而折衷之，成《柯山书传》四十卷，见陈振孙《书录解题》并《四库提要》。行于世。明洪武时，诏与蔡沈《书传》并重云。《浙江采进遗书总录》。周、缪二人

亦有著述，今佚。嘉靖《府志》。子蹈规、侄蹈古、族侄蹈中，俱成进士。见《选举表》。

蹈中，字大本。父寅，进士，南雄知州。见《阙访》。蹈中以进士授长沙知县。长沙虽据湘江上游，厥田惟下，入赋以斛仅计四万三千有余。豪有力者兼并且善避役，役多在贫人。蹈中察其奸，令民自实田亩以定田赋，一县服其平。持己清约，每旦徒行入县署，野夫不识，与争道，不问。廷有斗民，立为疏直枉，皆免冠叩头谢。长子自沔阳来，越旬即遣归，惟一童给待朝夕。馭吏隶甚严，吏抱案立左右，惟其言是裁，不敢以意出入。隶数不逾九，凡冒隶名巡聚落以病民者，悉罢去之。淳熙元年，藩府以善治闻，诏遣使赐帛，时人荣之。据《前冈夏氏谱》载张斌撰《书夏长沙》纂录，原文见《文征》。案：两旧志蹈中无载，今补。

赞曰：诸志皆不及刘鼎父子并周、缪二人之著述，独嘉靖《府志》言之。嘉靖《府志》仅余残本，独此卷无阙，亦云幸矣。惜均不详其著述何书也。孔子曰：“吾犹及史之阙文也。”

郑岩嵩《浙江通志》引弘治《府志》，岩作庆。字如山，与西安徐霖友善。康熙《府志》。淳祐间，两旧志作淳熙间，误。今依康熙《府志》。由乡贡补入太学。两旧志。伏阙上书，为定远主簿，天启、康熙两《府志》。以廉介称。居母丧，日诵《孝经》。德祐乙亥，岁饥，余价腾涌，岩嵩发粟平糶，两旧志。活三千口。天启《府志》。县令舒渚上其事于秘书省，榜其门曰龙川义居，博士高镛为之记。康熙《志》。至元二十七年，宣尉史紫微史弼闻其义，复书龙川义坊表之。三《府志》。案：康熙《府志》此下尚有记载，惜脱简不可考矣。著有《龙川集》行世。见《艺文考》。

马天驥 字德夫，衢州人。案：《宋史》偶未举县名耳。天驥为龙游人，绝无可疑。观此知凡仅书衢州者，非皆西安人也。绍定二年进士，补

签书领南判官厅公事。迁秘书省正字兼沂靖惠王府教授。迁秘书省校书郎，升著作佐郎。轮对，假司马光五规之名，条上时弊，词旨切直。迁考功郎官，入对，言：“周世宗当天下四分五裂之余，一念振刷，犹能转弱为强。陛下有能致之资，乘可为之势，一转移间耳。”迁秘书监、直秘阁，知吉州。迁宗正少卿，以秘阁修撰知绍兴府，主管浙东安抚司公事兼提举常平。权兵部侍郎，授沿海制置使，差知庆元府。改知池州兼江东提举常平。改知广州兼广东经略安抚使。宝祐四年，迁礼部侍郎，兼直学士院，兼侍读，兼国子祭酒。拜端明殿学士、同签书枢密院事，封信安郡侯。五年，以殿中侍御史朱熠、右正言戴庆焯、监察御史吴衍、翁应弼等论罢，依旧职提举洞霄宫。景定元年，知衢州，以兵部侍郎章鑑论罢，有旨，依旧职予祠。起知福州、福建安抚使，以职事修举，升大学士。改知平江府。又改知庆元府兼沿海制置使，提举洞霄宫。褫职罢祠。咸淳三年，追夺执政恩数，送信州居住。四年，放令自便，《宋史》本传。乃归家，于县西南隅浚湖筑室，以娱晚年。康熙《志》。卒，祀乡贤。两旧志。《宋史》有传。卷四百二十。

胡大昌 字师言，端平二年进士。答策直诋朝政，抑不敢进，授衡州教授，擢监察御史，转资政殿学士，进户部侍郎。大昌性侃直，每上疏言得失，理宗尝语群臣曰：“若大昌行事，朝廷何患不治？”宝祐初，兼资善堂直讲。凡所训说，必以事君、事亲、正心、修身为先，故度宗在青宫以先生呼之。及即位，内侍卢董用事，抗章累劾，不报。依《浙江通志》引万历旧县志加及即位三字。两旧志并云：度宗在青宫以先生称之。内侍卢董用事，抗章累劾，不报。似卢董用事为度宗未立时事，恐误。俄出为太平守，京北运转副使并湖北提举，卒于官。祀乡贤。据两旧志并《胡大昌墓志》纂。《墓志》何人撰未详，后半段载因召还，余劾劾徐清叟事，惜已佚。



## 元

**曹敏中** 字讷斋。黄潜撰《墓志》作子讷。由儒学乡贡历官龙泉、永嘉两县教谕。会有诏行贡举法，首取江浙行省乡荐，登延祐二年进士。案：此与两旧志作泰定元年进士不同。比较可信，《选举表》已照改。授庆元路同知奉化州事，疏通水利，惠及于民。两旧志。秩满，调本路定海县尹。案：两旧志云：以进士任定海县尹，迁居同知奉化州事。与此不同，兹依黄《志》。莅官之明年，春多雨而夏苦旱，岁大饥，敏中殫力赈之，庾不足则继以帑，帑不足则继以俸，饥民赖以生，至尸祝焉。此数语，据《城南谱》所载黄《志》。县民包买食盐，三倍于元会计之数，行省以敏中所言下于转运司，减其虚增之额一千七百七十余引，民力以宽。丁母忧去。服阕，起为承直郎、宁国路总管府推官。凡所鞫问，咸得其平。系囚免寒暑、燥温、疾疫之苦。是岁，亦大饥，郡守谓敏中曰：“群黎命悬旦夕矣。闻君在定海救荒有法，敢以诿子，毋职掌拘也。”敏中闻命即行，还报曰：“义仓徒为文具，而劝赈未必能周，非得官仓之粟不可。”郡以其言上于行省，为发水阳仓米二万石往赈之，部使者大喜。会宣城县民亦以乏食告，复命敏中赍钞五千锭，晓夜给散，所活九万六千余人。秩满，受承德郎、中兴路石首县尹。便道回里，以疾卒于家。子宗端，以荫入官，任处州龙泉尉。黄潜撰《墓志》，见《文征》。

**徐泰亨** 字和甫。其先衢州龙游之徐，系出偃王。案：《浙江通志·经籍》、《千顷堂书目》、倪灿《辽金元艺文志》，均径作龙游人。不知两旧志何以失载？钱大昕《元史艺文志》作余杭人。今考嘉庆《余杭县志·人物志·寓贤传》中均不载，足证其确为龙游人。性笃厚，而遇事警敏。少嗜学，能为词赋。既又从师受经，用举者试吏平江，精思竭力，虽惫不休。人或讥其过，泰亨曰：“事无小，不可忽也。”军校有不法，事在

郡府，泰亨视其牍议不少贷。漕运官属恃其品级已高，尤恣横，凡奸私杀虐，执事者率畏惮，不敢竟其狱，泰亨一一具上论如律。民间以匿朱、张财物，多无辜坐逮者，力为辨析，免男女为奴婢者若干人。宪府以时所引用断例不一，求文学吏整比之。泰亨自中统迄大德为之纲目，条分理贯，简而易求，约而可守，览者便之。既书满行中书省，署归安县典史。白云宗僧沈某，冒名爵凌官府，有忤其意者两人，将真之死地。两人之怨家私邻女不得，杀以灭口，弃尸桑林中。事觉，阴使以他辞引两人传致其罪。泰亨将直其冤，吏持不可，曰：“此沈公意，孰敢拒也。”泰亨尽立群吏于前，语之曰：“吾能死，不能滥杀以求媚于人。”会使者行部，泰亨卒白出之。沈之徒有僧某者，通民家妇，为其夫所殴而衔之。适有遭劫杀者，贼弗得，僧为飞书诬其夫及有他怨隙者七人，故以书堕逻卒家。七人中，或以罪黔。卒得之，曰：“此警迹也。”因捕治不疑。泰亨察其冤。而七人者，苦卒虐，莫敢易辞。泰亨命去其桎械，始垂泣自言。令以左验已具难之，泰亨服敝衣佯为卖卜，至其处，悉得七人以己物实赃状，取其家余丝布数升析缕以比，无不合；釜灶及他物存者又合。僧乃伏罪，七人者得直。已而获真贼于武康，人始叹服焉。县狱旧有以男醉死、弟自经死，诬平人者，狱已成。泰亨亲为访求其实，悉生之。邻县安吉有逐其妻之子而夜死于盗者，意其子也逃。官捕系而煅炼成狱，且取他衣服为证。泰亨为纵迹其事，或警惧以实自首，乃出其子而坐巡卒及行货者。属岁大侵，泰亨日夜施其拯救之术，凡所给宁过厚，曰：“无以法害吾仁也。”已代去，省台犹以荒政委之。升平阳州提控按牍，以内忧去。服除，迁海道都漕运万户府提控案牍。方次里居而经理法行，泰亨以书论田不实、役不均之弊，累数千言。宰臣领其要者，得书大喜，俾乘传白于行省。时列郡守咸以田事期集，争欲约泰亨佐其事，遂佐常州，又佐池州。所

行一如其言，他郡咸取法焉。未几，以漕事至京师，中书奏以九品官，仍为本府提控案牍，兼照磨承发架阁。具漕法利病，下至占候探测，著《海运纪原》七卷。寻复以漕事至京师，诣都堂献书数万言，条陈漕运之弊，当更张者十事。执政得书，移行省，用其七。久之，以职官入福建帅幕田令史为提控，未列郡图籍，撰《福建总目》若干卷。用例授将仕佐郎、建德路总管府知事。言当世宜急行者其要六，府上其事，转达于中书。虽不报，而隐然用其说。时朝廷方选用重臣宣抚两浙、江东。泰亨摭时政阙失关大体者为九策以献。会其使迁他官，不果行。用覃恩授承事郎、池州路青阳县尹，为治务教养其民，县人方某为割地以广学宫，章某为捐地以建惠民局。有司岁征民输荒田租为四千四百顷，人甚苦之，泰亨为之限，募民垦辟，教以修方置闸，而核见田归其实；行视他民田之阻山濒江者，俾因地势为蓄泄，以备旱潦。岁饥，则出己俸倡众以赈之。民有告四十人同发其廩粟者，吏欲准强盗论，泰亨曰：“吾方忧其死而食之，彼乃以求生而抵重禁，当用法外意。”乃悉笞而遣之。旁郡邑事类此有瘐死者。邻县铜陵人争鱼池三十年，泰亨数语而决。满代而归，留居吴之闾门，无复仕进意，结庐植花竹，日与宾客觞酒赋诗，或乘兴独往，徜徉山水间，自号可可道人。元统元年，卒。泰亨读书务以致用，不屑屑于章句。作诗善体物写情，所著尚有《端本书》、《忠报录》、《自警录》、《可可抄书》各一卷，《历仕集》二卷，《效方》三卷，《诗集》若干卷，《史学大纲》、《折狱比事》各十卷。子：震，余杭县学教谕；良，绍兴和靖书院山长。黄潘撰《墓志铭》原文，见《文征》。案：两旧志均失载，今补。

**徐浩** 字伯清。淹贯经史，志方而行圆。举任遂昌教谕。归老，与弟济优游林下，更唱迭和，有集二卷。济，清献书院山长。康熙《志》。

**王仲修** 佚其字。初授巡检，从綦万户案：疑即当时防守武职綦囊古歹。平括寇，调木州筑城，以功升国子监丞，转祭酒。万历壬子《志·行略》。案：康熙《志》失载，今补《传》。

**徐有功** 佚其字。为父吮疽，母痿疾，扶持不倦，亲终庐墓。人称孝子，县檄旌之。万历壬子《志·行略》。案：康熙《志》失载，今补《传》。

**徐益** 字大邦，安贞裔。父孝，仕益州通判，因名益。幼岐嶷。弱冠，登元统元年举人。至正二年，授常山教谕，抚诸生极有法度。赋性淡静，不乐仕进。见常山山水秀丽，因家焉。其后子孙繁衍，分居常山东北，遂为楼里、东门二派云。康熙《府志》。案：两旧志均失载，今补。

**董时中** 字有辅。幼颖敏，年十四通经史。筑室于鸡鸣岩之左，发愤读书，题其斋曰逊志。性高尚，不屑应举。有劝之者，辄微笑不言，盖不愿仕元也。四方学者从游甚众。明初，徐备及西安管余庆、卞善应、虞天祥、吴佛应、范寿诸人，皆其弟子也。所著有《经史辨讹》、《逊志斋集》、《董氏家训》诸书。卒年七十九，时称龙德先生。据吴景著撰《传》纂。案：两旧志失载，今补。

《龙游县志》卷十八

县人 余绍宋撰

## 人物传<sub>传一</sub>

### 明人物传二

- |        |      |    |           |
|--------|------|----|-----------|
| 朱暉玄孙怀珠 | 附赵缘督 | 章濬 | 杨顺        |
| 江玉     |      |    | 夏源清       |
| 徐资     |      |    | 何同吴广成     |
| 夏文举    |      |    | 方伟        |
| 徐贵芳    |      |    | 许堪        |
| 蔡德政    |      |    | 胡荣孙超      |
| 祝松     |      |    | 周凯        |
| 徐履诚子珙  |      |    | 徐以昭       |
| 席永     |      |    | 余世规       |
| 翁敬夫    |      |    | 叶希学子茂坚 孙昌 |
| 余章     |      |    | 祝璋子望      |
| 余默     |      |    | 方冕        |
| 吕琇     |      |    | 何晋弟音      |

- |            |          |
|------------|----------|
| 祝品         | 尹蒙子照、焘   |
| 何耆         | 龚崇尧      |
| 叶敦         | 尹岑弟蒯 子礼继 |
| 陆佐弟瓚 瓚子世彦  | 毛汝麒      |
| 劳景贤        | 余湘       |
| 徐天民        | 童珮       |
| 王之弼        | 叶良相      |
| 龚世仰子承荐     | 余邦辅      |
| 陆顺中        | 祝致和      |
| 徐任道子应雷 孙国珩 | 何克讚      |
| 祝万宁        | 曹闻礼      |
| 释传灯        | 余崇文      |
| 叶文懋        | 张文介      |
| 张羽翔        | 余炜子日新    |
| 尹邦登        | 叶应武      |
| 徐大鹏        | 叶世龙弟世骏   |
| 祝锡范        | 余敦伦      |
| 翁祚         | 方鸣秋      |
| 何乔遇        | 吕之节      |
| 余一凤        | 袁应麟      |
| 李正光        | 王之玺      |
| 叶保泰        |          |

**朱晖** 字德明。善天官家。少从鄱阳赵缘督游，得其星历之学，并受其所著《革象新书》。赵缘督者，本宋宗室子，或曰名敬，字子恭，或曰友钦，其名弗能详也。一日，坐芝山酒肆中，逢丈夫修眉方瞳索酒酣饮。缘督异而即之，相与谈玄者颇久，遂出囊中书授缘督。缘督由是遂浪游东南海上，或乘青骝，从小苍头往来衢、婺山水间。案：两旧志云：宋学士濂、刘诚意基，咸相与从游。今以范一梁《赵缘督年世》，考证其误，说甚辨，故删去。范文，见《文征》。所止多龙游，卒葬县南鸡鸣山。晖既得其书，日夜研究，业遂精。大将军胡大海取金华，晖献平天下三策。大海异之，命领兵从攻衢州。所撰有《三辰显异经》若干卷。同时，有章濬，字季明，学于晖，为缘督再传弟子，精天文书。缘督既没，为刻其《革象新书》，而乞宋濂为之《序》。其后受知明太祖，任钦天监中官正，案：原文云擢任钦天监，不言任钦天监何官也。又云累官司玄大夫中官正。司玄大夫四字，遍考历代职官，无此称，疑系俗语。兹删去。又案：刘基有《赠司官夏官章濬》诗，见《文征》。是濬又曾为夏官正也。记此俟再考。称职，有敕命宝诰之赐。其后人世官司天。四世孙怀珠，有志理学，辞司天荫，读书谈道，悠然自适。巡按吴遵常以诗贻之，嘉其高节。据宋濂《〈革象新书〉序》并两旧志纂。

**杨顺** 字伯康，立德乡人。元末，明师克东阳，率众归义。命督一军当括寇，连战于灵山、安仁，皆破之。寻命从大将军常遇春攻衢州，斩万户一人，获百户一人，屡有银器、彩缎、名马之贄。旋命从大将军胡大海取江西信州，斩获无算，加武德将军，世袭归安卫正千户。已而，海上捕倭，驻师金山，感疾卒。两旧志。案：备倭，未审何年事，无考。

**江玉** 佚其字，龙游乡人。洪武初，以茂材举为河南鄢陵知县。案：两县志均云以儒士除为河南鄢陵知县，兹改正。时兵燹之余，民多流亡。玉招抚复业者，辄割己俸以贍。不足，劝富民出粟济之。

不逾年，归者五百余户。雍正《河南通志》。双泊河溢，造桥利涉。尽心学校、农商。两旧志。秩满去，民皆攀留不忍释。雍正《河南通志》。

**夏源清** 佚其字。洪武十六年，以孝悌力田举。奉使蜀府，克慎厥职。王有所馈，力辞不受。其家四世同居，百口共食云。康熙《志》。

**徐资** 字善观。案：《西徐谱》有夏元吉撰《源流序》谓：奎章生四子：长不花，字仲达；次按摊不花，字仲贤；三善观，字仲礼；四明善，一名资，字仲宣。今邑志称奎章字仲宣，资字善观者，皆误也。兹以旧志必有所本，而家谱多不可信，故不据正。记此俟考。永乐十六年举人，见《选举表》。拜南台大夫。案：明初，曾设左、右御史大夫，秩甚崇。寻改为都察院，无所谓南台大夫也。旧志喜造官名，以鸣高雅，类如此。宣德元年，遣御史分行天下，清理军伍，资独称职，有能声。两旧志。

**何同** 佚其字，灵山乡人。由人才选为监察御史。立朝正大，肃清纪纲。诚朴宽厚，鞫枉摘伏，每存矜恤。尝书座上曰：“求生于死不得，则生与死者皆无憾。”朝论黜之。时与同并荐者，有吴广成，太平乡人，字亦佚。除太平府知府，性刚方廉介。太平密迩建业，古称三辅之地，时天下初定，编氓未识向化。广成经理疆界，疏通沟洫，招抚流亡，教养士类，俗为丕变。去日，不携一介，民不忍其行。据两旧志并《两浙名贤录》、嘉靖《府志》纂。

**夏文举** 字彦聘，见《华峰谱》。宣教乡人。以人才荐为西安府知府，西安民族浇漓，号称难治。文举至，首擒巨猾数人，真之法，期月，民皆安堵。于是，大兴学校，士习彬彬。既去官，士民思之。两旧志。

**方伟** 佚其字，至德乡人。以太学生授刑部主事。奏当称良，选工部员外郎，擢延平府知府。兴革利弊，有古循吏风。两旧志。

**徐贵芳** 佚其字，太平乡人。以人才举授广西佥事。时岭表



初下，民夷杂处，贵芳介然自守，立法严明，奸宄屏迹，所部畏惮之，为士论所重。据嘉靖《府志》并两旧志纂。

**许堪** 字文可，至德乡人。永乐二年，贡入国子监。拜河南道监察御史，弹劾权要无所惮。有指挥某案：何不举其名？以外戚怙势，堪竟按其罪诛之。两旧志。案：嘉靖《府志》云：锦衣指挥纪纲恃宠怙权，逮置于法。纪纲，不知是否人名。学士杨士奇赠《序》，深致推许。《序》，见《文征》。案：两旧志原文有误，说详《叙例》。时工部尚书宋礼欲于宁阳筑坝，遏汶水尽入漕河。堪请疏泄卫河至海丰大古河入，凡四百五十七里。礼从之。自是漕挽京师，遂罢海运。天启《府志》。秩满，升开封府知府，严行刚决，吏不容奸，有包拯之风。《两浙名贤录》。扶弱锄强，兴利除害。卒于官，郡民思而祠祀之。自筮仕至宦成，清白之操，老而弥笃。为守三年，所余惟俸资七金而已，其忘私徇公盖天性云。嘉靖《府志》。

**蔡德政** 佚其字。嘉靖《府志·荐辟列传》中蔡得正，即蔡德政，《选举表》已辨正。穀水乡人。永乐初，诏举明经，县以德政举。称旨，擢福建道监察御史。德政自负感激，弹劾不避权幸。尝曰：“张纲埋轮彼何人耶？”时称贤御史。两旧志。

**胡荣** 字希华，龙游乡人。案：《两浙名贤录》儒硕类云浦江人，高隐类又云汤溪人，一人分入两类已可笑，一书中而自相矛盾尤可嗤矣。误为浦江人，未详其故。误为汤溪，则因荣为龙游乡人。明成化八年，龙游乡析入汤溪。高隐类，或据《汤溪县志》纂辑。其实，当胡荣时，汤溪尚未置县，未免太不深考也。从金华汪公若讲学，得其旨归，当道交荐不起。《浙江通志》引弘治《府志》。居家孝友，名动乡闾。搜猎百家，旁通九艺，乐潜味道，超然独立于尘壒之表，日拥书万卷，反覆披寻，更不知人世南面百城之贵也。守令高其行，每回车过之，逾垣不见。《两浙名贤录》。晚优游山水，自称穀溪渔者。两旧志。年七十，以微疾终，门

人私谥之曰文庄先生。所著有《穀溪渔唱集》。《两浙名贤录》。孙超。

**超**，字彦超。为诸生，有贤名。以贡入国学，中式应天第六人，登成化八年进士。授工部都水司主事，改虞衡司主事。奉使华阳王，馈遗皆不取。强之，勉取其一，出投之江，至今人以投金名其地。分理通州河道，隙地为豪右所占，言于尚书，案：何部尚书、尚书何名，均无考。悉夺还之。往时京粮廩庾岁修费甚巨，超尽剔宿蠹，约其十之五，永为定额。寻上书乞骸归。弘治初，覃恩进阶一级，岁给米四石。著有《耻庵集》。康熙《志》。

**祝松** 字世高，号雨湖。嘉靖《府志》作南湖。善盖一邑，荣以藩职不就。括苍应檟重之。天启《府志》。案：嘉靖《府志》亦有《松传》，以漫漶不辨，故据天启《志》。又案：两旧志无《传》，今补。

**周凯** 字希文。见《千顷堂书目》。为太学生，以母老恳辞归养。淹贯经史百家。案：嘉靖《府志》淹贯经史下有二字，板漫漶不可识。天启、康熙两《府志》并两旧志均不载，无从订补，兹以意改此二字。下至裨官小说，靡不采掇英华，以资文艺之用。嘉靖《府志》。依依亲侧，终身不仕。两旧志。尝著《周氏家规》八百余言。嘉靖《府志》。两旧志无《传》，今补。

**徐履诚** 号迂叟，《浙江通志》引弘治《府志》。案：《浙江通志》孝友类有徐履成，即履诚也，误为两人耳。《通志》注引万历旧志。今检原文，亦别无徐履成其人也。立德乡人。性笃孝，读书谈道，名士多出其门。康熙《府志》。精《春秋》，学者宗之。著有《城南集》。《浙江通志》引弘治《府志》。累辟明经，以母老不就。母卒，不食五日，几绝。既葬，庐墓三年。尝与修章皇帝实录，又尝纂修郡志，人称核实云。康熙《府志》。案：履诚修郡志，不知何年事。康熙《府志》亦有此语，但《艺文志》中并未著录其书，今以两旧志均载此语，姑录之。又以聚族宜有规，庶几可

理，乃摭前贤格言，增之周氏举要，参之义门楷范，合九十五条为一编，名《龙邱徐氏家规》。贝鲁瞻《〈徐氏家规〉序》。子珙。

珙，字廷璧。为诸生，性至孝。以善剪字、篆书闻。章帝时，以茂才召见，奏对称旨，帝大悦，命以冠带监生办事内庭，康熙《府志》。备顾问，恩眷殊渥。两旧志。正统初，条陈便民十事，权幸嫉之，除陕西都司经历。康熙《府志》。父丧，蔬食庐墓三年。服阕，改授常州通判，迎母钱氏就养。钱卒，合葬父墓，复蔬食庐墓三年。《明实录》。案：康熙《府志》、两旧志均言其曾任济南通判，嘉靖《府志》则言其任汝南通判。既未详其任官年月，又为《实录》所未载，故未敢录。以父平生爱莲，移植墓池，有并蒂之异，人以为孝感。事闻，旌表其门。康熙《府志》。案：《明史·孝义传》叙有其名，称常州通判徐珙。

徐以昭 字用晦，读书谈道不求仕进，所作文必有裨名教。著有《风月交谈集》。《浙江通志》引天启《府志》。案：两旧志无传，今补。

席永 字孟常，宣教乡人。祖贵，以功授小旗。正统初，永袭职。时，贼叶宗留、邓茂七相继反，寇福建漳、泉等郡。朝廷遣将讨之。永在伍中，大小三十余战，余字，依康熙《府志》加。生擒贼首数人，升总旗。寻随石亨北征，遇敌于雷公山，逐北三十里，敌为披靡，授百户。成化元年，案：两旧志作天顺初。今考《明史》，天顺初年，两广、荆襄均无事。唯宪宗成化元年，广西猺獠流剽广东，又越湖广、江西，有遣赵辅、韩雍征讨之事。其年三月，荆襄间有刘千斤、石和尚、刘长子等作乱，朝命朱永、白圭讨之。席永从征事，当在是时。今正。从征两广有功，升副千户。明年，从平襄，献俘于朝，进大宁中卫指挥僉事。子孙世袭。两旧志。

余世规 佚其字，端礼七世孙。善医术，凡经其诊治者，罔不效。求者盈门，无贫贱咸济之。两旧志。正统间，授医学训科。《浙江通志》引《府志》。今检嘉靖、天启、康熙三《府志》，皆不载。

**翁敬夫** 字朴之。父渔仲嘉靖《志》作涣仲，此依康熙《志》。客死济宁，藁葬城外。敬夫闻讣奔往，见暴棺盈野不能辨。焚香告天，期以酹酒不渍者亲尸，经旬遍历不可得。抱恨终身，不食酒肉，旦暮哀号，如始丧之日。据嘉靖《府志》、两旧志纂。

**叶希学** 佚其字。幼孤，育于母傅。既长，孝敬备至。兄死，抚其三子如己出。母卒，哀毁垂绝。子茂坚，亦以孝称。茂坚子昌。

昌，字亦佚。诸生。奉父尤孝。父歿，庐墓终丧，灵鹊来巢，人人称孝感云。年百岁卒，凡浆楸七十、宾饮三十余焉。万历十六年，诏建坊，曰孝子百岁坊。据两旧志纂。

**余章** 字达夫，立德乡人。励志理学，动履循礼。宗党有袒裼坐者，闻其至，辄反走。以无子，买妾杭州。闻其女言父母为怨家所陷，乃焚券遣归。得遗金道上，访其人还之。与兰溪章懋、开化吾昇友善，相与论正心修身、戒慎恐惧之旨。弘治二年，贡入国学，廷试第一。祭酒胡铎奇其文，方欲荐用之，会卒。两旧志。

**祝璋** 字器之，立德乡人。诸生。性明爽英迈，不屑与时辈伍。初从同郡吾昇游，已闻兰溪章懋谢政还，复游其门，学益进。屡试不第。成化十七年，以贡入国学。时广东陈献章以聘留京师，乃执经往拜，闻论大易，遂不复言进取，卒于家。子：望、弼。据两旧志纂。

望，字公望，号海鹤。少从父闻陈献章、章懋讲性命之学，案：望为璋子，见章懋撰《祝竹轩墓志》，康熙《志》乃列望于璋前，失考甚矣。章《志》，见《文征》。遂绝意仕进，结庐石处山隐焉。工于琴，为浙操之师。案：万历壬子《志》云：旧志以方技褒之，彼其淳心质行，气骨绝俗，百衲焦叶之技，特隐沦之寄兴云尔。康熙《志》即改之曰：工于琴，有百衲焦叶之制。误甚。又云：每于风月援琴豫占晦霁，群猿环而听之。恐亦无其事，兹不

录。诗饶神韵，尤善书。所至士大夫咸礼之，学使孔天颖表其间为古逸民焉。年九十四，无疾而卒，世称海鹤仙翁。据两旧志并《浙江通志》引天启《府志》纂。弼，有集二卷。两旧志。

**余默** 字克容，立德乡人。少师吾舜于江浦，凡八年。行履方正，大异流俗。弘治二年举人。授乐安学博，案：教谕抑训导，未详。补舒城，以经义授诸生，多所造就。历官寿府长史，尽匡救之道。及寿府河间、东海二王，皆有贤称，当事拟默为董、贾云。所著有《雪窝遗稿》。据康熙《志》纂。

**方冕** 字尚周，立德乡人。性孤介，事继母，抚昆弟遗孤，克尽其道，人称孝友。弘治十六年岁贡。授兵马副指挥。年余，念母老，上书乞终养。居官一无所取，尝却徐总戎案：何不举其名。五百金而寘之法，时服其廉。及母歿，朝夕哀恻，至于丧明。所撰有《永思集》二卷。子镗，以选授赣州宁都主簿。据两旧志纂。

**吕琇** 字彦夫。性沉毅，有智略。弘治七年，土匪窃发，琇奉檄魔兵擒其渠魁十数人，匪遂窜散。十一年，复有土寇之警，亦赖琇之谋略，得以无事。性复好施，弘治八年及正德三年之饥，琇均出粟赈济，全活颇多云。据胡公廉撰《墓表》、商大格撰《墓志》纂辑。案：两旧志均不载，今补。

**何晋** 字石川，穀水乡人。弘治十七年举人。卒業南雍，为章懋高弟。除福建兴化府通判，理粮饷，洗冤狱，以仁廉著称。工诗古文，诗宗少陵，文宗昌黎。著有龙、剑等赋，名《虫技集》；曾和杜诗千余首，名《和杜集》；又有《寓蒲集》，各一卷。弟音，正德十一年举人。任福建通判。案：何处通判，无考。亦以诗名。一时何氏人才彬彬称盛云。据康熙《志》纂。

**祝品** 字公叙，《浙江通志》作公叔，误。立德乡人。幼岐嶷不群，九岁为诸生，登正德九年进士。授刑部主事。是时，武宗久不

视朝，日游幸西苑，信任权贵，朝士箝口。品与同官应大猷、田登、范时倬咸以致身自许，至是上书切谏。帝怒，逮狱，寻贷之，帝亦即日还宫。直声大振，号七义士。升广东提学副使，取士尽岭表之俊。康熙《志》。复调巡视海道，风裁屹立。贼啸聚茂名古、兜两山，康熙府、县志均作南山，兹依万历壬子《志》。前郡县莫能擒制。品宣諭德威，咸相率效命。王守仁平思仁，品赞画机务，守仁甚器重之。晋福建左参政，乞归。康熙《府志》。度五岭，仅载图书百余卷。两旧志。子尔介，嘉靖三十五年进士，任太和县知县；尔庆，二十二年举人，任凤阳府同知。

**尹蒙** 字养正。早孤，事母以孝闻。性好义，急人之难，尝买棺瘞里中贫而死者。岁歉，辄免人租逋。尝于旅中获遗金，同行者欲分之，蒙执不可，里称长者。卒年八十九。两旧志《蒙传》多浮词，兹参子照所撰《墓志》纂。原文，见《文征》。子二：照、焘。

**照**，字灏南。此据俞樟《平寇序》，但是否其别号，仍俟考。嘉靖十年举人。任新会县知县。县与新宁接壤，竹源、古兜一带盗匪纵横，民皆避居城中，积年不能平。照至，不动声色，节浮费，密募武勇，请于大吏益兵为援。既得请，犹不告人。兵至，始发令进剿。其魁在竹源，一鼓擒之，解散胁从，地方遂以宁静，民咸感之。据两旧志《选举志》附注并俞樟《龙游灏南公平寇序》纂。案：序言他如回舟擒黄楼之贼以靖江门，假渡夺东冲之路以清海道，皆其政绩之彰彰者，惜其事实失考。原序，见《文征》。案：道光《新会县志·职官表》尹照下注云：以赂御史斥去。又注云：张《府志》作尹煦，福建龙溪人。照赂御史事，《新会志》既未详载始末，又有尹煦之讹，疑未可信。

**焘**，号觉亭。幼专志沉思，耽玩书史，几不知有尘世事。嘉靖二十年成进士。任浚州府知府，宽和仁惠，禁纲阔疏，诚意感孚，民消诈妄。以刚直不阿与时忤，罢官归家，城市罕睹其面云。据康熙

《志》纂。案：《张家埠谱》云曾任刑曹，未言何官，故不录。有向洪《赠焘序》，见《文征》。

**何耆** 佚其字。自幼以孝称。两旧志载割股和汤进母事，兹不录。道得遗金百缗，候其人还之。晚好《易》学。两旧志云占筮奇验，今不录。

**龚崇尧**案：两旧志作宗尧，兹依《浙江通志》，嘉靖、康熙两《府志》。

字宗仁。天性淳朴，笃于孝友，不私妻子，不蓄货财。案：嘉靖《府志》云：年十五，为父趋北，遭擒薊虏，甘心颠沛。为父趋北四字，意义不明，疑有讹舛，未敢臆改，故不录。父疾，汤药必亲尝，不解衣而侍于侧者逾年。父卒，哀毁骨立。母继歿，悲恸迫切，几濒于危。会邻人失火，风烈甚，四壁延烧，呼救弗及。崇尧抚棺号恸，将与俱焚，俄而风反，救至。是夕，凡延烧千余家，崇尧所居独免。葬时，有异鸟数百集于冢上，乡人以为孝感。庐墓三年。监司屡旌其门。案：嘉靖《府志·崇尧传》文义不佳，且后段漫漶不可读，兹参两旧志纂。

案：嘉靖《府志·龙游孝行列传·龚崇尧传》后尚有两行漫漶，甚不能辨为谁氏之传。天启《府志·里行传》亦然，附识于此，俟考。

**叶敦** 字子厚，宣教乡人。性至孝。知县涂杰旌之。年九十余，吟咏山谷间，不识县治。万历壬子《志》。

**尹岑** 佚其字。穀水乡人。天资颖敏，凡古今传记类皆浏览而析其旨趣。慕义好施，周恤宗党，尤敦于孝友。与弟荆不分财产，虽一卮一豆，荆不至不先御。岑卒，荆亦哀伤成疾，旋卒。至今其子弟亲睦，习先世之遗风焉。子礼继。

礼继，字世敬。嘉靖三十七年举人。襟度融鬯，雅慕王守仁良知之旨，务叩其奥，而不立门户。署福清县教谕，与试广西闈，首荐曹学程，评其文有正气，后学程果以骨鲠显。旋升顺天府教授，以

造士著闻。迁漳州府通判，有惠政，州人祠祀之。旋告归林下，二十年，日惟赋诗自娱。诗宗少陵，得其风韵，有集行世。据两旧志纂。

**陆佐** 字子翼，号南渚。嘉靖二十六年进士。选桐城县知县。刚介饶才气。桐城当两都冲途，供亿甚苦，佐求民利弊，力为兴除。籍豪强侵蚀之湖课，得千余缗，以苏邨困，而余以给寒士，岁为额。历官潮州府知府。念郡城多圯，浚濠修堞，不遗余力。已而流兵突至，藉以安堵，民甚德之。卒以劳瘁民事，卒于官。有文集行世。两旧志。弟瓚。

瓚，字邦器，号思庵。嘉靖三十二年进士。时，陆炳掌锦衣事，案：康熙《志》云时有陆姓为大金吾。考明时无金吾官名，以时考之，必是陆炳，故改正。下文严嵩，康熙《志》则称元辅严介溪，不知何故，必为此辈奸佞讳也。权侂宰辅。瓚计偕至京，不为折节，炳衔之。及廷对，已得鼎甲，陆媒孽其短于严嵩，遂易置二甲，授工部营缮司主事。案：康熙《志》仅云授工部，不知何官也，兹据《城南谱》补。督工大内，以指掌算诀查核匠役工值，锱铢不爽，岁所节省以万计。两旧志。升虞衡司员外郎，丁父忧。服阕，转营缮司。迁屯田司郎中。嘉靖四十一年，授雷州府知府。《城南谱》。案：康熙《志》云擢南雄府知府。今考《广东通志》南雄知府中不载，惟《雷州府志》有瓚名，《城南谱》亦云雷州，足证康熙《志》之误。宽简临民，尤励苦节。时当入覲，故事有夫马供亿，一切罢去。案：嘉庆《雷州府志》此下有“间拟□□。临行，悉取其券焚之”十二字。惜间拟下两字板漫漶不可辨，遂不知所云何事，记此俟补。及所余赎缓，皆蠲除之。在官三年，不携家属。去之日，行李萧然。《广东通志》。郡北十五里有泉清冽，人以比之，立碑其侧，号曰陆公泉。嘉庆《雷州府志》。转山东按察司副使，巡视海道莱州。隆庆二年，迁四川布政司参政。《城南谱》。所至拊循惠爱，民怀其德。年四十，



即乞归。居乡三十余年，为人长厚恬淡，无贵显容，乡评重之。时兄弟登朝，人谓佐有为，瓚有守，称二陆云。瓚子世彦，万历十九年举人，亦以博雅称。两旧志。

**毛汝麒** 字伯祥。嘉靖二十九进士。案：两旧志《选举》中列是年庚戌，而《人物传》则均作丁未，自相矛盾。《浙江通志》亦有按语云：旧《浙江通志》汝麒作洪麟，嘉靖丁未进士，未详孰是？观此，知误庚戌为丁未已久，两旧志《人物传》偶失检耳。至洪麟二字，则传录之讹，不足疑也。知番禺县。善抚字，加意兴文。案：此当是振兴文教之意，姑仍之。以忤监司，左迁常德府通判。未几，补广平，署五邑篆，五邑无考。全活饥民以万计。升赣州同知。贼酋章珽作乱，汝麒练兵讨平之，以功加四品俸。旋擢西江兵备道，案：两旧志作江右兵备金事。兹依《浙江通志》。尤多擒剿之功。倡明理学，谋于中丞陆稳，刊《阳明年谱》行于世。寻告归。番禺、广平祀名宦，豫章则祀之三贤祠云。据两旧志纂。

案：原文称其议修龙州塔、造凤翔洲神庙，以镇水口，今以涉堪舆，不录。

**劳景贤** 字仲子。幼好读书，善画，效唐小李将军笔法。旋与王畿、钱德洪游，泛舟出海，见波涛汹涌、山色杳冥，叹曰：“真我画笥也！”自是笔势奔放，苍苍莽莽，在荆、关之间，遂号海山子。晚与徐渭善，渭愤世独处，景贤访之，写竹以赠，书其上曰：“竹箨潇潇墨色新，只因苦热扫炎尘。高巾忽到龙邱客，正是清风来故人。”所藏书多经渭题跋云。据康熙《志》纂。

**余湘** 字毓灵，号东衢，立德乡人。生而颖异，经史过目勿忘，两旧志。善属文，案：《浙江通志》引天启《府志》云：为文飞扬跋扈。万历壬子《志》则云：文辞颖脱一时。康熙《志》则云：文辞超脱。三本互异，故不录。然薄时艺。好为古文辞，尤长于诗，诙谐俳调，倜傥不羁。《浙江通志》引天启《府志》。性疏旷，不慕声华，曾游邹守益之门，明濂洛之学，尤精《易》旨，旁及天文地理、阴阳律历，靡不研究，尤有心当世

之务。嘉靖三十四年，以贡授临武县知县，有贤声。居家孝友，好周急。治丧，尽革陋习。晚与同县徐天民辈商订执中之旨，多所发明，著有《鮒窥廛摺》十二卷。康熙《志》。万历四年，与童珮同纂《县志》十卷，搜采旧闻，参以新得，芟其繁芜，补其阙遗。其有未尽之旨，复为论列。为目凡十九：曰舆地图，曰分野，曰疆域，曰山川，曰沟洫，曰建置，曰防御，曰祠祀，曰古迹，曰田赋，曰物产，曰风俗，曰灾祥，曰官师，曰选举，曰名宦，曰人物，曰艺文，曰杂记。尹焘撰万历丙子旧志《序》。今志已亡，姑叙崖略，备考稽焉。

徐天民 字邦中，号水南。自幼天才英拔，甫弱冠，闻塾师余姚人某者言王守仁之学，惊曰：“丈夫在世可弗闻此乎？”乃不告父母而随之之余姚。塾师，伧父也，不引之讲王学者，而引之于所亲以为利。天民知之，乃告其师曰：“天民不告父母而来，为王学也。岂为举业而冒此不韪哉！”明年，遂从吴仁讲良知之学。又明年，遍访范引年、王艮、钱德洪、王畿诸人，相与讨论，学益大进。时，县中有方梦熊、余湘者，亦讲王学。案：方梦熊学行如何，两旧志均失载，今无考矣。天民与商榷，而尤与陆顺中、王之弼契合。其学以立诚为主，以万物一体为用，与人洞豁底里，无贵贱、亲疏、长幼，而一于爱。见人过，爱而教之；见人善，爱而奖之。遇有笑之者，则自反曰：“爱之未至乎？抑诚有可笑乎？”其淳笃类如此。父先歿，事母尽孝，每以家贫不得甘旨为憾。遇一味之甘，必怀归以奉之。依依五十年不衰，则天性然也。喜交游，偶一相思，无远近即赴之。在县主叶昌、杨冕家，案：叶昌、杨冕，两旧志亦未载。入郡则主金都御史王玘家。案：原文作徽，当为玘之误，今改正。兰溪潘孝子琢、胡山人授，皆折节与之忘年交。徐参政用检每集讲，天民僇焉，以老不及深造为恨。用检亦曰：“与水南言必入，真生平第一知己也。”以其弟用襄从之游。至豫章，则主万廷谦、魏时亮家，相与讲明理学，

其子弟无不师事之。万历二年，以贡入京师，馆学士赵志皋家。志皋与天民为布衣交。当是时，大吏恶闻正心诚意之学，讲理学者辄落职。志皋得天民至，喜甚，日与江西刘士璠、丁此吕，辽东萧汝芳，湖州费攀龙讲学不辍，大吏侧目弗顾也。南归，每遇知识，如嘉善、平湖间，辄停车大集，随处以国士隆之。据王之弼撰《徐天民传》纂。原文，见《文征》。其后，丁此吕复之京师，天民送之行。会此吕病，天民怀药饵送至彭城始归，人尤叹其侠义。当时名公巨卿如冯维讷、陆光祖辈皆雅重之。万廷谦《水南先生遗稿序》。卒年六十九。学者称水南先生。万历间，知县万廷谦为梓其遗集行世。祀乡贤。见康熙《志》。

赞曰：吾读旧志，以为水南不过好学之人而已。及读王之弼所为《传》，则固纯然儒者而又倜傥不群之士也。最后得万廷谦所为遗书《序》而读之，则奇侠之气发于良知，益信其得于王学者深矣。幸哉！水南也。志中诸人之学问、事功，经旧志删落而无从补订者何限？愿读吾书者，勿以《传》文之详略定其人之生平也。幸哉！徐水南也。

**童珮** 字子鸣，穀水乡人。家贫，从其父为书贾，往来吴越间。父名彦清，最称儒雅，不寝然诺。珮喜读书，手一帙坐船间，日夜不辍。历岁久，流览既富，所为诗风格清越，不失古音，为他文亦工。尤善考证书画、金石、彝敦之属。以上据《四库总目》、康熙《志》、王世贞撰《童子鸣传》、归有光《〈童子鸣集〉序》纂辑。原文，并见《文征》。其游多梁溪，梁溪诸公子心慕之，争欲得珮一顾以重。珮不为逆，时时有所过从，至欲拉珮不能也。王世贞《童子鸣传》。尝游昆山，问学于归有光，有光为赠《序》，道其依依相慕之意。久之，学益富，诗歌日益有名，与王世贞、王穉登交甚笃。康熙《志》。最后，太保朱忠僖与其兄恭靖王闻其名，而使其交相善者挟之至都，珮为一再过，焚香啜

茗，评鹭书画而已，不复及外事。二公既重珮，谋客之。一夕，竟遁去不顾。珮既以文行重交游间，而高淳韩邦宪尝一识于逆旅，器之，又数从交游，习闻珮名。会出知衢州，首行部过其家。龙丘山坞中人，不识太守卤簿，皆拥门眈观尉史游徼。旁午，顾见案上一拌蕨菜羹脱粟，邦宪与珮共而乌乌吟，至夕始去，咸莫测何谓。珮久之始一人郡报谢，邦宪亟欲捐俸钱为珮寿，难发言。而珮恒自谓田父甘田中食，不忧馁也。台使者以邦宪故，请见珮不得，大索其所著书，珮谢亡有。退而上其所辑唐故邑令杨炯、邑人徐安贞集，邦宪为梓行之。邦宪遂下教邑纲纪：“南州杜门，文举首骖，北海为政，康成标里。龙丘逸民之藪，前莠后珮，千载两贤。莠犹托迹功曹，一试綦组。而童君毕志云萝，声迹俱挫，可谓矚然不缙瞻之在前矣。间者一造其庐，谈讨松桂，寥廓之士，邈焉寡俦，太守不德，白驹用慨，其树楔左闾，以风在野。”珮固辞，王世贞撰《童子鸣传》。请为祠以祀龙丘先生，县有龙丘祠自此始。邦宪卒于官，徒步送其丧归，逾岭病惫，未几卒，年五十四。康熙《志》。案：王世贞撰《传》作卒年五十五。珮藏书万卷，皆手自雠校。古韵素心，超然尘表。笃于交谊，有所期，虽千里不爽。薄田数十亩，割其租以创村塾。县素有溺女之俗，复捐羨粟以给举女者。康熙《志》。为人孝友自天性，其侍父舟车间，虽寝溲必躬亲，养母尤谨。兄珊为诸生，以长者闻。珮游多浮期，顾归就兄书舍，买升酒相劳苦，共枕达旦。至再夕，不强之入不入也。即贯镪尺缕，亦以推其兄焉。生平冒雪游九华山，登南岳祝融坐云气间，上泰山日观峰候夜半出日以为奇，遂有《九华游记》、《南岳东岱诗》。王世贞撰《童子鸣传》。性喜撰述，闭户属草，必屡易而后出。出则使人弹射其疵，往往未愜，并其草削之，不存一字。存者，又散置床头，漫不甲乙，鱼蠹虫啮之略尽，珮敝帚弃之勿恤也，以是所存不多。嗣经秦汝操、汝立、朱在明、安茂

乡、黄清辅诸人讎订，得诗四卷、文二卷，称《童子鸣集》，谈思为刊以行世，王穉登《〈童子鸣集〉序》。王穉登为之《序》。又能画花鸟，与吕纪相似。冯津《历代画家姓氏便览》，未详所据何书。其与余湘合纂《县志》，已详湘传。

赞曰：余藏先生手札一通，朱卧庵、钱箴石旧藏也，中及与百谷往还事。即其简札之美，字体之超逸，亦可想其为人。

王之弼 字以忠。神情超迈。初闻王守仁之学，专意向之。故生平无日废学，无日废讲学，亦无日废游。从徐用检、祝世录集讲，则游终南，游齐云。赴万廷言谈道之约，则游豫章。因访刘卢萧，与之剖析名理，居安福者三年。未几，故人赵志皋入相，延之署中，稍烦以应制，案：两旧志均作稍烦以应製，疑有误，今改制字，未知合否？忤然曰：“归乎！枋榆蹄涔吾固有之。”遂归里不仕。工诗古文辞，知县万廷谦为梓一集，仅什一云。据两旧志纂。

叶良相 字邦佐，宣教乡人。诸生。两旧志均云攻制艺，此不足传者也，故删。受学钱德洪，与闻良知之旨。居家，以孝友立训。案：两旧志载倡立宗祠事，今以不必入志，删之。滕督学伯轮遴良相与徐天民为天真书院长。万历二年，案：两旧志云明年。上文既未叙遴良相、天民为天真书院长系何年事，忽云明年，殊欠明了。兹以《选举表》天民系万历二年贡，故据改。良相当贡，力让天民，更十二年始贡。选婺源县训导，讲诵亶亶，士乐从焉。擢庐州教授。未几，致仕归，尽出其宦囊，分给族中之能学者。两旧志。

龚世仰 字惟仁，号晓峰。嘉靖三十七年举人。初任鸡泽教谕，以孝悌勉诸生，恒指其堂而语之曰：“此以明伦名者也，可不念诸。”转望江县知县。望江地饶鱼盐畜植，岁有税额。前县官多取赢，以什之五奉当道。世仰曰：“剥下以奉上，身冒秽声，非计也。”一切裁罢之，所蠲如额外税至千余金。无赖啸聚山谷，世仰单骑从

一二卒往捕，咸伏其辜。望江界宿松，道旁古松亘百余里，行路者资以荫憩者也。上官议尽伐而鬻之，为郡城除道费。世仰抗争之，事始寢。望江人推贤县官前唐后龚。唐名佚，亦以赈饥有功于其县者也。然世仰竟以此失上官意，谪广平县教谕，再徙辉县知县。辉为潞藩封国，中贵人张甚，上官不敢抗。世仰行意自如，终不以遭蹶故有所挠诎。辉旧有五闸，灌溉田亩，中贵人欲擅以为利，世仰力持不可，事亦寢。值岁饥，多逋负，世仰不忍催科，坐左转。归家，行李萧然，饘粥仅给。居脉元村，足迹不履城市。年七十三，卒。望江人闻之，祀于学。本县祀乡贤祠。以上据叶向高撰《墓志》、康熙《志》纂辑。子承荐。

承荐，字彦升，号湛源。万历四十一年进士。初授兵部职方司主事，转武选司郎中。量才授任，号称得人。除福建延平府，转建宁府知府，举治行第一。康熙《志》。故事，知府视监司皆方面得不拜，拜非古也。承荐犹行古礼，尝长揖备兵使者于阅武场。其人始虽杰傲，终亦无如承荐何。黎元宽撰《墓志》。擢广东监屯道副使。案：黎元宽《墓志》记承荐治鲑及索帷事，两事本可采入，以文义不明，疑有舛脱，未敢率录。迁湖广下荆南道参政、四川按察使。所至有清声，兴利除害，抑强扶弱，民咸怀之。在广东，时值海道缺，前任多以秽闻，当道特委令摄篆。旧日，澳夷贸易，船过省会五羊驿，辄指为私货，籍其资；又盘验银两，以意为多寡，设法婪取。承荐一切禁革，夷人感之，以番字勒碑颂德焉。至于讞狱，遇有矜疑，辄婉转开释，全活甚多。会以楚藩事诘误，去官。案：黎元宽撰《墓志》载承荐折狱数事并岷藩暴薨事，亦以传钞本，舛讹颇多，难以据录。居乡，慕范文正之风，捐田贍族，族人赖之。闭门却扫，足不入城。晚益好学，披览不辍，所著有《征蛮录》、《啸歌集》、《抒愤集》，各若干卷。康熙《志》。

余邦辅 号松野。嘉靖四十年举人。授胶州知州，案：康熙

《志》云以丙戌副榜，授胶州知府。考辛酉距丙戌前，为三十五年，时代相去太远，疑不足信，兹删。改郑州。州临大道，使车辐辏。邦辅加意撙节，以甦民困。又城东贾鲁河，岁溃决，为民害。邦辅筑堤捍御，民被其赐。以忤权要，去官。权要何人，失考。里居日，倡议于泊鲤滩下建桥，阅六年，桥成，即文昌桥是也。案：康熙《志》原文语涉堪舆，兹不入传。子用昌，字希文。万历十六年举人。官儋州知州。康熙《志》。

**陆顺中** 字裕文。自幼笃学。大母余、母劳，皆孀居，顺中事之，定省甚恪，务在承颜。居母丧，寝苫枕块。自始殡至虞禫皆循制，三年不入内寝。为诸生，好折节读书，与徐天民至好。著述甚富，传者有《西岑堂集》六卷。惜用世之志不究而卒。女敬姬，善诗文，别见《列女传》。据康熙《志》、王之弼《天民传》纂。

**祝致和** 字达卿，号在阳，立德乡人。家贫，资笔耕以供薪水。昆弟连席诵读，食必共尝。登万历八年进士。为兴化府推官五年，清白明恕，士民戴而祀之。迁刑部主事。丁父忧，哀毁骨立，继丁母忧。服除，再补刑部主事。凡刑名章奏，推阅无冤。暇则讲究性理之学。元宰穀阳公未详何人。案：此种称谓甚不合史法，而旧志必喜用之，未知何故。高其行，欲以女妻其子，谢不从。顷之，卧疾，述母氏状，乞铭于元宰。状成，悲恸呕血而卒。囊无余资，仅一银带，遗命销以治棺。治丧之资，悉由赙助。闻者哀之。致和历仕凡十六年，清操如一日，人以原宪比焉。祀乡贤。据天启《府志》、康熙《志》纂辑。

**徐任道** 字仁卿。万历丙戌进士。宋双侍御史柎、杓后也，由西徐迁居郡城。案：今衢县下营徐祠称联秀厅，即系迁居后所建，以柎、杓为始祖。少有文誉。起家为河南固始令，多惠政，罢民间税七百余缗，所浚均济河延袤百里，度以长虹，而不费民力，称永赖焉。及应征召，入为御史，构羸疾，志郁勃未尽展也。以封公有孽子，疾且革，强瞋目曰：“弟方幼，吾未及抚其成，无以见先人于地下。凡先

人所遗悉以属之。”于是，其子应雷敬承父志，悉如所命。应雷，字震伯，太学生。性至孝，侍御史之丧抚榇南旋，哀毁骨立。事继母吴氏，尤尽色养，内外无间言。子国珩，字鸣玉。以明经任枢部郎。道德文章籍甚，海内四方知名之士闻风向慕者，每不远千里而至。尤留心经济，以民生利病为己任。捍灾御患，有功桑梓甚大。以既隶西籍，不复详载云。康熙《志》。案：此《传》悉仍原文，不加增改，说详《序例》。

**何克讚** 字畏斋。隆庆元年恩贡。案：原文作选贡，兹依《选举表》。入京师，海内名士多与之游，而兵部尚书郭子章尤器重之。选福建泉州通判，廉静自持，泉州人士诵之不绝。两旧志。

**祝万宁** 字安卿，立德乡人。事亲以孝闻。笃于友谊，饬同志数辈读书别业，卒相继荐于乡。何人耶？惜不载明。初任封川县知县，清介有风裁。以最调高要。时采使横行，力为裁制，惠政良多。未几，海上获福建商船，以倭报，当事者檄万宁覆讯。监司嗾之：“必无没吾功。”万宁曰：“奈何杀人以自树乎？”竟辨其冤，两县士民追思不忘。两旧志。

**曹闻礼** 字肖蒙。以岁贡授金华训导，训士有方，多所造就。《城南谱》。著有《绿萝馆集》十二卷。万历四十年，知县万廷谦纂修《县志》，闻礼校补之功为多。今有重刊本。案：旧志无传，今补。

**释传灯** 俗姓叶，号无尽，别号有门，见《生无生论》。东乡下埠人。幼慧悟，业儒，一试辄弃去。年十九，康熙《志》、余际熙撰《传》。从进贤映庵禅师削发。随谒百松法师，开讲《法华》，恍有神会。次听《楞严》，中夜入室，问《楞严》大定之旨。百松瞪目周视，因即契入。百松以金云紫缕袈裟付之。一生修《法华》、《大悲》、《光明》、《弥陀》、《楞严》等忏无虚日，自此讲声远播。冯司成梦楨、陆太宰光祖施买山资，因卜居幽溪高明寺，立天台祖庭，学侣辐辏。传灯



御高广车垂甘露辨，因著《生无生论》，明往生净土义。《历朝法华持验记》。凡在道场四十余年。见《生无生论》。万历三十二年，案：《历朝法华持验记》仅云甲辰，今考定。应守庵禅师请，于新昌大佛前登座竖义，阖众咸闻石室中奏乐铿锵类丝竹，非人间所有，讲毕乃寂。每岁修四三昧，身先率众，精进勇猛。每注经卷，必披戒衲。《历朝法华持验记》。前后应讲席七十余期，所至听者如云。《猗园杂录》。晚年归里，开讲于东安寺。知县姚孙榘案：原文仅云桐城石岭姚公，今考其时知为孙榘。拜尊台教，名贤翕集，如何乔遇、叶良甫、余日新，案：原文何乔遇、余日新俱称字，今改。惟叶良甫，未详何人，然绝非叶良相之误，盖时代少差，又原文不称名也。与何、余同时者，有叶世龙，字光甫。疑良字为光字之讹。注此俟考。皆受法戒。康熙《志》、余际熙撰《传》。年七十五，豫知时至，临示寂时，以手向空书“妙法莲华经”五大字，复高唱经题者再，泊然而化。天台僧谛闲所录行略。生平著述甚富，传者有《天台山方外志》、《天台传佛心印记》、《华严经注》、《楞严会解》、《楞严玄义》、《楞严圆通疏》、《楞伽经注》、《阿弥陀经略解圆通疏》、《维摩经无我疏》、《观无量寿佛经图颂》、《诸经疏义》、《永嘉禅宗集注》、《吴中石佛相好忏仪》、《般若融心论》、《菩萨戒忏》、《性善恶论》、《幽溪大师文集》、《幽溪别志》诸书。见《艺文考》。缙素皈依，推为龙象，海内耆宿无不乐为方外交，咸顶礼赞颂焉。考台志四贤咏，在晋为孙兴公，在宋为谢康乐，在唐为李太白，在明即幽溪传灯。上接龙树大智尊者，下开桐松二溪，为天台十九世祖师云。康熙《志》。余际熙撰《传》，原文见《文征》。案：天台僧谛闲所录行略则云为天台正传三十世祖师，未知孰是。兹姑依康熙《志》。又案：《生无生论》有略传，云其生平履踐行实，具韩求仲太史所著《高明寺碑》与《教私记年谱》，今碑文及年谱均未见，俟考得后再补。

赞曰：与无尽同时名僧，有黄蘗禅师深有，号无念；博山禅师

大赦，号无异；俱浊界医王，人天正眼，号三无大师云。

**余崇文** 号质庵。万历十年举人。性宽厚，与人交，不见愠怒之色。横逆当前，犯而不校。为浔州府推官，迁平乐府同知。治狱平允，皆以恺悌称。据康熙《府志》、康熙《志》纂。

**叶文懋** 号翼云，本姓曹。母叶，母舅无子，袭其姓嗣焉。万历十年举人。以国子监学录，迁武昌府同知。天性仁恕，掌理捕务，不徇盗口妄陷良善。两摄府篆，又署武昌、蒲圻两县知县，皆以廉洁著称。署黄州税课司，案：原文仅云署权黄司，今改。尤恤商困，税取足额而止，不苛索奇羨。有忌之者，以大计阴中之。去官之日，人人洒泣攀送，几不得行。居乡，敦古道，以尊祖睦族为先。两募修通驷桥，为民兴利。既歿，县人奉其像于发祥庵祀之。据康熙《志》纂。

**张文介** 字惟守。诸生。娴于词赋，澹雅秀逸，卓然成家。尝游益藩，礼为重客，分题授简拟于邹枚。所著有《代贽》、《题行》、《醉吟》、《孤愤》、《湖上》诸集，选入明朝十二名家中，钱谦益撰《列朝诗集》亦采入焉。据康熙《志》纂。

**张羽翔** 字仪明，穀北横山人。性至孝，立身正直，一介不苟。万历十九年举人。父母早世，每至讳日，水浆不入口，危坐思慕，至老无异，自号曰有怀。初任蒲州知州，执法不挠，人不敢干以私。凡陋规积弊，可充囊橐者，悉屏去，丝毫无所染。大计，赐清廉宴，为天下有司第一。旋以忤贵人意，降调陕西苑马监正。案：似御马监之官，则明代非宦官不与。又明代上林苑有监正，亦无陕西苑马监正也。此当系陕西马政太仆寺所属之官。今姑仍之。转云南寻甸府通判，抚平爨焚诸蛮，军民赖以宁集。迁柳州府同知，摄思恩府及宾州、象州等篆。所至有惠政，锄豪剔蠹，奸宄敛迹。历官二十年，俸入之外，不赢一钱，家徒四壁，挥弦自娱，晏如也。年七十，卒。清初，知县

张昌期者，蒲州人也。夙闻其在蒲之德政，既莅任，即求拜其遗像。则其清风遗泽之入人心，可知矣。据康熙《志》纂。

余炜 字明之。夙负隼才，博综典籍。弱冠，补诸生，知县涂杰深器重之。前后事两继母，纯孝。性严毅方正，不乐谐俗。人有过，辄廷斥之，不少假借。长日正色，虽甚亲昵未尝见其惰容，学者称成吾先生。案：原文有：叠丁四艰，读礼者十载。万历辛卯省试，几得隼而复落。此不必入传者也。又云：遂弃经生业，究心青鸟家言，探厥秘奥，营葬三世，咸得吉壤。窆窆之费，悉自任，不累昆从。其后，叔子日新以进士官至同卿；次孙恂，辛卯发解联捷，官至宫谕，世谓堪舆之奇验，亦孝友之发祥也。事涉荒诞，且似日新及恂均非以学行显者，侮蔑前贤，莫此为甚。故悉削而不录。祀乡贤。子日新。

日新，字君又，号瞿父。天资明敏，力学好古。为文沉郁峻茂，洞枢抉奥，俗儒惊怪，独为西安方应祥所赏。性孝友，备极笃挚。天启元年举人。崇祯七年成进士。授福建漳浦县知县。先教化，严保伍，筑戍镇，绥寇盗，清课税，复食盐，汰羨金，减贖缓，善政历历，详《金浦名宦志》中。案：日新为县人，《县志》不详载其事实，而曰详《金浦名宦志》中，窃所未喻。又《金浦名宦志》是否即《漳浦县志》，抑别为一书，亦无考，故仍其原文。时，黄道周直节重海内，以其操履清介，深加器重，成石交焉。其初度也，道周为之《序》，深致推许。原文，见《文征》。十五年，擢监察御史。未几，迁山东巡按。时方被兵，驰至德州固守；解严，六郡坊社无鸡犬声，谋国者犹日督纲课不休。日新奏请捐逋，疏凡三上，其词甚切。又为陈三府俵马之害，止开宁米豆之供，停胶莱海运之议，当事韪之。荐起名臣刘宗周、惠世扬、郑三俊、黄道周、章正宸等，弹劾陈启新、赵之龙等，皆言人所不敢言者。寻加太仆卿。十七年，怀宗殉国，差事适竣，洁身还里。县有大赋役、大利害，必出而力争。其最著者，旧例里役有差米之累，十

年一盃，盃辄破产。日新力主厘革，改为官解，乡里至今颂之。清顺治十五年五月八日，奉其父木主人乡贤祠。越三日，自剋时日，无疾而逝。生平仁厚，未尝以意气加人。晚好读史，尤精《周易》云。祀乡贤。以上据康熙《府志》并康熙《志》纂。子：忱、恂，以入清，别立《传》。

尹邦登 字春台。万历四十六年岁贡。善属文，从学者甚众，科第多出其门。官滁州通判，有惠政。时，州人金拱敬方偃蹇不遇，邦登深器其才，延训诸子，厚待之。后拱敬显，案：原文云：拱敬登第为铨部。未详吏部何官也，故改。人服其识鉴云。据康熙《志》纂。

叶应武 字武子。美仪观，善骑射。万历四十三年，武闈乡试第一。四十七年，以武进士授京营游击，数获大盗。时，蜀中蔺酋、藿酋相继叛，请援于朝。范景文、李应昇交荐，遂调入蜀。督师朱燮元深器之，每与同行阵，克复遵义等处。天启七年，调辽东塔山，援师救锦，屡著战功。寻权蓟镇副总兵，数上书言边事，不报。崇祯二年，清兵入大安口，围蓟州。应武以孤军奋勇格斗，力不能支，死焉。明年，督师孙承宗闻其事于朝，赠左军督府同知，赐祭葬。康熙《志》。

徐大鹏 字翔云。少负膂力，嗜酒任气。闻朝廷令麻贵、刘綎将兵讨倭，荷戟从之渡海，屡战悉捷。播酋反，案：原文上有明年二字，不知何年，兹削去。朝令刘綎征蜀，大鹏为前驱，直入娄山，平其地。寻又从熊文灿征郑芝龙。芝龙降，以功授副总兵。崇祯二年，清兵入关，大鹏守平子门。兵既退，上书斥兵部尚书张凤翼误国。书三上，不报。后劾温体仁党庇，帝大怒，诏系狱，将杀之。会张凤翼得罪去，大鹏乃上书自理，诏从末减，遣戍榆林，旋赦归。年九十四，终于家。据康熙《志》纂。

叶世龙 字光甫。幼事父母以孝闻，亲歿，抚幼弟，曲尽友爱。

福建苏濬有人伦鉴，甚奇之。博通群籍，而屡试乡闈均不第。天启五年，始以岁贡历长兴、汶上两县训导，案：康熙《志》云：历训西吴、东鲁。未详何县，今据《擢桂里谱》改。转江西吉府教授。所至造士有法。督师熊文灿剿贼屯其地，会檄致四方问能文者于刺史，案：词章家以刺史代知州，吉安是府非州，未知又何指矣。兹不欲以意删改，姑仍其旧。刺史以世龙荐。倚马草檄，慷慨清亮。文灿深赏之，欲携同行阵，以疾辞归。生平志行高整，好拔单寒，门下士千余，多成英彦。弟世骏。

世骏，佚其字。力学有逸才。从世龙授业，文誉甚著。亦以数奇不遇于世。据康熙《志》纂。

祝锡范 字克举。崇祯元年岁贡。授襄阳通判。时流贼蹂躏中原，荆、襄、鄖阳尤甚。卢象昇督师讨贼，案：原文云晋督七省，误。崇祯八年八月，以卢象昇总理江北、河南、山东、湖广、四川军务，讨流贼。无七省也。凡糗粮刍茭悉仰给焉。会朝议遣使招抚，象昇特举锡范往。贼初见时颇加礼，后闻象昇改授总督宣大、山西军务，贼曰：“天下事可知矣，我将入蜀，君能从我，我富贵君。”锡范恸哭曰：“滔滔江汉，明鉴余心。”遂自缢于锡莪山。贼叹曰：“忠臣也。”悬标于尸上，诘朝拔营去。襄王亲书“尽忠报国”四字，送其柩归葬焉。据康熙《志》纂。

余敦伦 字敬敷，号百原。早岁失怙，事母尽色养之道。中崇祯三年举人。以国子监学正迁刑部司务。寻迁四川司主事。调工部营缮司主事，督修历代帝王庙及神枢营房。趋事克敏，著有劳绩。以同僚齟齬，改补调外。案：调外何官，未详。寻致仕。澹约性成，不妄取，亦不妄予。居林下十余年，杜门却扫，长吏罕睹其面，盖近于古之狷者云。据康熙《志》纂。

翁祚 字子长。少游吴中，与张西铭、杨维斗、张受先诸人友

善。笃学嗜古，终老不辍。家甚贫，处之晏然，不问家人生产。案：康熙《志》云：有言及阿堵者，面发赭，辄挥使去。今不录。每岁教授生徒，束修外，虽片纸寸管亦不妄取。其耿介独行，近古未有也。朋友有过，以正义相规，或面谯让之，不少回护。崇祯九年，新例选贡，扃闱再试之，同于乡举，祚中选，以遭乱不仕。古文宗两汉，诗学昌黎，有集藏于家。据康熙《志》纂。

**方鸣秋** 字元驾。诸生。事继母以孝闻。工诗古文辞，顷刻而就。沉毅果决，胸饶智略。为人排难解纷，不责其报。与余日新交至笃，日新子恂事之如父。精于天文、奇门遁甲术，独得其秘。惜不早遇，晚年始以荐辟授通判，时已不可为矣，辞不就。年八十，卒于家。据康熙《志》纂。

**何乔遇** 字人徒。博览洽闻。少与王思任交甚笃，同在郭青螺舍中讲习经义。思任旋登第，而乔遇拓落不遇垂三十年。虽三世为通判，家贫甚，衣食恒不给。藏书数千卷，无不贯综涉猎。以岁贡司教甬东，案：甬东，名称甚古，不知乔遇司教何县，姑仍之。俄转宣平。问奇字者，屦满户外。后思任在越中，荐乔遇待诏阙下，案：此事实不明，姑仍其旧。不就。著述甚富，以兵燹散佚。据康熙《志》纂。

**吕之节** 字次公。天启元年举人。以新昌教谕擢广州同知。广州地处岭表，不逞之徒往往煽乱，之节密计讨捕，反侧遂安。寻知高州府，擢岭南道参政。时中原板荡，粤东盗贼益甚。之节机警有余，因时制变，民咸赖之。明亡，归里。年七十，卒于家。据《广东通志》、康熙《志》纂。

赞曰：康熙《志》云之节入本朝输诚归里。异哉！归里不仕，而犹曰输诚也，蔑先贤矣。夫志者史之流，发潜阐幽，史氏之职也。胜朝遗老不为表其高义，犹曰当时所忌言也，无端而指为输诚，使之节贰于清，独何心哉？君子于是谓康熙《志》失职。

余一凤 字孟威。五岁丧母，事继母至孝，待异母弟尤笃友爱。天启四年举人。年才弱冠，康熙《志》。署建德县教谕，善于诱掖。学宫朽敝，力为修葺。《建德县志》。寻转武乡县知县。时，县数被兵，百姓转徙，闾里为墟。一凤劳来安辑，民襁负来归。其为政，务以德化民，不事击断，民怀其惠。任三年，报政为三晋最，直指案：直指亦曰绣衣直指，是汉时官名，明代所无也。不知此处是指何官？以意度之，当指彼时特派讨贼之官而言，兹未便臆改，仍之。特荐调知太原县。未之任，会李自成陷河东，遂徒步间道归，襆被外，无他物也。家居二十年，甘守困约，几不能举火。晚慕陶渊明之为，人，自号宗陶居士。据康熙《志》纂。

袁应麟 字拱之。诸生。博闻强记，专治《毛诗》，有志节。明末，流寇起，应麟时号泣。及闻怀宗殉国，遂不食而死。《赤亭谱》。

案：康熙《志》不载，今补。

李正光 字际熙。崇祯时，为北京虎贲左卫参军。十七年，李自成入京师，正光合门死节。《浙江通志》。案：康熙《志》失载，今补。

王之玺 字汉光。天资高迈，俊朗不群。性嗜酒，涉猎书史，以酒佐之，著《史醉》二十卷。又好游览，登山临水，必有清吟，著有《胜酬集》。陈函暉称其隽才藻思，文囿之凤。明亡，不仕，卒于家。据康熙《志》纂。原文云：以明经不仕，卒于家。今不书。

赞曰：之玺，清初岁贡也，何以不书？曰所以成其志也。顺治三年，龙游始入清版图，而之玺适以是年贡，此与入清后应试者有间矣。贡后不仕，其志可知也，故曰成其志也。

叶保泰 佚其字。工于接骨之术。人有折足断臂者，保泰为剖解刮洗，敷以药，妙合湊理，不数日平复如初。康熙《志》。案：保泰何时人，失考。康熙《志》列《方伎传》最后，疑明末人。

《龙游县志》卷十九

县人 余绍宋撰

# 人物传<sub>传一</sub>

## 清人物传三

祝登元

叶秉

余恂兄忱 子勉 附：徐复

陆长卿

姜载

董斌

翁新久

叶芳春

杨圣脩子昶

余学礼弟叙功

钱鑑

徐允璠

曹纬

姜廷举

余嵩

汪映模

范芝室

徐漳子应宸、应棠 应棠子荣组 漳侄孙始然 余作沛

徐文熹

余兆年

汪岐品

袁嘉增

方上魁

童应复族弟应赏



祝占恒

尹国均

余华叶淳 余可大

徐振玉

徐崑子金生

余习

尹子南詹阿双 刘秋才

余铿弟辮 从孙嗣曾

杨旭孙渭恩

徐承恩子本元

曹寿先叶锡元

姜懋槐弟懋松、懋楷 子绉纶、福纶 徐来受 王梦熊 陈禎

附：汪锡珊

余恩鏊子福溥 堂侄撰 孙士恺 庆椿 庆龄

叶萃梧子元祺 附：冯一梅 林巨伦汪广怀

祝聪田

傅珍劳承斐 戴瞻云

徐复弟楫

吴福星

傅元龙子文错

余跃龙

叶泮林子鸿钧

吴毓林

徐光容

余畅兄润

祝登元 字茹穹。幼嗜学，弱冠为诸生。崇祯十七年选贡。平生淡于仕进，又值世乱，乃闭户著书，思以泽今传后，刻有《镜古编》八十卷、《心医集》六卷、《入道始终》四卷、《功医合刻》十二卷、《日用必需》六卷、《静功秘旨》二卷、《字学考》十四卷，一时声名藉甚。清顺治三年，龙游既入版图，于是台府交荐，聘为浙闽参谋，旋授延平府推官，擢兵部主事，授福建漳州府知府兼署监军漳泉道，政简民安，称盛治焉。复著有《署闲诗稿》六卷。未几，解组归田，颇尽心地方之事。尝游京师，名公巨卿争相结纳，金之俊、杨廷鑑、严我师诸人咸有赠答。登元既负盛名，凡显宦道经龙游，必询知县以祝先生安否云。据《沐尘谱》载余以享撰《传》纂。案：传中有云：其敦睦宗族也，则德盛礼恭。其剪除豪恶也，则去疾务尽。其济困扶危也，则挥金若土。其排难解纷也，则雪消冰释。而且医人胜卢、扁，相地并曾、扬，挥毫善怀素，弹棋如奕秋，赋诗压元白，静功学纯阳。谈经济则口如悬河，作文章则思倅造化云云。惜无事实可证，故不入传。登元才能，乡人多知之者，亦无事实可举。案：康熙《志》无《传》，今补。

叶渠案：此据康熙《志·建置志》，《纂修姓氏》作渠。字文鬯。留心经世之学，与修康熙《志》。康熙十年，大旱，曾上知县许瑄一书，切中时弊。其文曰：今夫布衣之士，岂乐以言闻于有位哉？邑中非有危急之事，则不必言。在上非有仁爱之长，则不轻言。即事所当言，上可与言，而士亦既言之矣。顾言之而或以迂鄙之末议无补大猷，又或谓当事之深心自有至计，徒漠然轻置也，亦可以不尽言。何也？言亦自有体也。若今日者，安得而不言，又安得而不尽言？盖龙邑荒灾已甚，待哺啼饥之声，日闻于耳，而邑侯之忠信慈惠又素孚乎众志，此曩者敢以一言进于左右也。乃朝进书而夕拜命，亲承咨询，深悉同患之怀，有侯如此，而言犹不尽，当亦士之过矣。虽然岁之饥也，犹人之疾也；长人者之补救周恤，犹医人者之调剂护

持也。药施于医手，方传于古人。士不师古，而徒以无稽之言进，在上者亦安用此哓哓罔益为哉？考古来荒政，大约有三。三者维何？曰备，曰救，曰养。备则于未荒之前，救则于方荒之际，养则于既荒之余。顾备之原非一朝一夕之图，养之当在既安既定之后，此当预备于平时，而非骤谋乎临事者也。况夫可备之时，政柄未操；宜养之日，休息有待，则所当为贤侯尽言，惟有救之之一策也。不观古今救荒者乎？有申请未遑发粟以济者矣；有司牧自出粟米以为粥食者矣；有向富民劝分者矣；抑或大兴土木，召募丁壮而用其人，因以给之食也；又或出金钱运谷食以行平糶，而民饥获济也。虽代不一人，人不一事，而此数端，其彰明较著者。今欲擅发公帑，则司农之执法可虞；尽出私藏，则廉吏之所入有限；只谕劝分，则守钱惜费之辈未必肯为，仗义乐施之人，且时诎难于举赢，而土木何能兴？庙堂方议减饷，而丁壮何可募？金粟交荒，资本奚出？零星分散，贸易谁人？而平糶又何以得行？然则斯民终不可救，将坐视此一方之困乎？而非也，惟在有位者之诚心为民耳。诚心为民，则虑患既无不周，而处事自极其当，非必一一泥古而遵之，亦时或取法于古。粥可煮也，米亦可给，曷虞全活之无方？富可劝也，商亦可通，奚忧施济之不广？凡所以救于方荒者，有其具矣。而复加抚养于小康之月，谋预备于大有之年，将古来荒政无不悉举。异日颂贤良能救荒者，断以吾侯为称首。是龙邑固赖吾侯而获全，吾侯亦因荒灾而愈著也。用复纂辑前闻，恭进披览，以听采择。若夫米粥之宜分设者几何处，大户之可劝募者几何族，富商之足委任者几何人，则在有位与贤乡绅之裁度区处矣。盖识近不谋远，位卑不及大，虽尽言而究不敢妄言，亦士之体然也。见康熙《志·建置志》。案：康熙《志》无《传》，今补。

赞曰：今考康熙《志·选举表》无渠名，而自称布衣之士，殆

明末人而入清不仕者欤？吾故特为之《传》。文云：朝进书而夕拜命，亲承咨詢。则当日县官之敬其人可知。吾甚惜其学行之不传也。

**余恂** 字孺子，日新次子。生而颖敏异凡童。年十五，为诸生，名噪胶庠。凡子史百家无不毕览，每试辄冠军。案：康熙《志》此下云：是年，有特典授明经，恂恋晨昏，不愿赴闕，以让其次。是年，不知何年。其次，不知何人。故不采录。顺治八年，举浙江乡试第一。明年，成进士。授翰林院庶吉士。凡阁试、御试辄第一。十一年，散馆，授翰林院检讨。是时，世祖最重翰苑之臣，常简选五六人，皆老成宿望，恂资叙最后，得与其选。世祖察其朴诚，宠眷尤渥。十三年，一岁三迁，遂拜左春坊、左谕德。同僚以恂天怀坦白，尝戏呼为天机子，恂遂以自号。有自传，见《文征》。世祖闻之，亦欣然拊掌也。恂虽被知遇，然性纯孝，欲乞假归省。而是时尚靳侍臣予告之例，每于宰执前涕泣陈请，其语亦稍闻于上。会十四年乡试，世祖谕知科场积弊，以恂清慎，命为福建学政，亦隐体侍臣孝思，使得便道归里也。入闈后，严绝私窬，所取士多知名者。是科考官多罹重谴，惟闈闈无指摘。事竣旋里，年仅三十三，遂引疾固辞，未几乞休。恂素性淡于仕进，尝以出处之际比诸无心之云、倦还之鸟，故自号岫云，亦曰还庵。家居二十年，于地方利弊悉心讲求，知无不言，言无不尽，当事以见诸施行，如崇学校、革弊俗、蠲逋赋、筹荒政、省徭役，其有功于桑梓者甚大。承其父清俭之后，自奉不异寒素。然好施之怀，老而弥笃。族党之中赖以举火者数十家，赈恤殆无虚日。凡县中簧序、桥梁、坡堰，皆捐资兴复。生平为人，居家孝友，待物仁恕，持己谦和；教训子孙，以敦厚退让，乡论翕然。康熙十三年，耿精忠事起，县民皆逃散，独誓死不去。至十五年，以寇未靖，忧愤得疾卒，年五十二。恂少时，诗宗汉魏，文法先秦；通籍后，则出入唐宋大

家，文师昌黎，诗学少陵，而间出于元、白。著有《敦宿堂文集》十卷、《燕吟南蓬诗草》一卷、《止庵手抄》十二卷。据《分省人物考》及康熙《志》纂。又为知县卢灿撰《县志》十卷，未观成而卒，详见卷末《旧志源流》篇。即今康熙旧志是也。志文不尽雅驯，疑尚未经恂审订。然自万历壬子迄康熙癸丑六十年间，县中文献赖以考征焉。祀乡贤。兄忱。

忱，字士元。亦嗜学好古，每刻阴程课，至老年犹不懈。淹贯经史百家言，作为诗文，沉雄高古，天真烂然。康熙《府志》。尤善交结名流，尤侗、韩荃、李渔诸人，咸有赠答。《旧采访》。至其仁孝友爱，则一门性习攸同，人无间然。待人接物，恺悌慈祥。接其言笑者，皆如坐春风中，如饮醇不觉致醉也。好施与，告以急难，辄倾心营助，惟恐不及，亦无德色，远近皆敬爱之。康熙《府志》。性喜营建，曾筑楼藏书甚富，颜曰书种。又于城西北隅筑镜园，穿池引流，结构闲雅。晚年优游其中，赋诗为乐。有徐复者，字赤城，上虞人也。工于诗。遭鼎革之变，转徙流离，与忱、恂至洽，遂移家于龙游，为龙游人。《两浙輶轩续录》径作龙游人。与忱昆弟唱和诗最多，具见所著《旅吟稿》。据《旅吟稿》纂辑。

恂长子勉，字汧公，号易庵。豪迈有大志，善属文，千言立就。康熙十一年拔贡，入太学，为徐乾学所器重。其明年，耿精忠作乱，李之芳以制府督师衢州，勉条上《济时八策》，悉中肯綮，备蒙采纳。人谓李之平闽乱，其谋半出于勉云。十八年，诏举博学宏辞，之芳首荐勉，勉以母老力辞再三，至于涕泣，始得请。兵燹后，流亡载道，勉尽出家财赈济，所全民命至多，而于地方利弊尤多建白。当是时，知县卢灿锐意兴革，如修筑北泽堰、清查田亩、建文昌桥诸役，勉皆力赞其成。性尤友爱，其幼弟庶母所出，待之逾于同胞，宗闾无不叹服。所为诗多宗汉魏，文多法先秦。晚年，于城南筑别业

曰宜园，优游自适。年六十一卒。据康熙《府志》并《南巷谱》载郑开极撰《行状》纂辑。案：康熙《志》仅有《恂传》，余补。

**陆长卿** 字效如，佐之孙也。少耽学，神仪明秀，不蔽外物。甫冠，为文沉博绝丽。登顺治十八年进士。授江华县知县。江华苗民杂处，夙称难治，长卿抚治得宜，苗民由是畏服。会吴三桂作乱，欲污以伪官，长卿矢志不从，投岸自尽，家人亟救之，已折伤左足，竟以忧愤卒。据康熙《志》纂。康熙《志·人物传》止此，以下新撰。

**姜载** 字渭来，号车公。工于绘画，人物花鸟，无不擅长，于山水尤为精良。康熙《志》卷首十二景图，即其手笔也。据童谦亨撰《传》纂。

**董斌** 字天闻，一号二允。邑诸生。《两浙輶轩录补遗》。父汉臣，字湘臣。有义行，曾以私财两次修筑章家堰。子斌撰《行状》，见《文征》。康熙十三年，闽事起，斌奉父母避居村落，力田以供甘旨。父母病笃，吁天请代，双目流血。父患疾，气上涌不能卧，斌抱持之，如是者二年余。母病久，日夜调护，凡五年不懈，至于肢体骨立。父母相继卒，庐墓三年。雍正六年，诏旌纯孝，建坊于门。据《浙江通志》所采《公举事实》并叶武彩撰《纯孝述》纂。

**翁新久** 佚其字。邑诸生。康熙十三年，耿精忠作乱，府、县男女被兵掳掠入闽者不计其数。诸被难者乞还，悉遭驳。新久为之吁求，并详列都、图、里、甲、亲属、邻里，始得请，获生还完聚者不下千人。又当时，有以竖旗领札诬陷人者，新久乃请用保结法，得免死者亦甚众。又曾条陈本县积弊十八款，惜已佚。请当道禁革，其后膳夫、城工诸弊卒藉以革除云。此据《旧采访册》所录龚捷撰《传》纂。惜原文文义不佳，且多费解处。兹择要纂录，尚待续访。

**叶芳春** 字奏熙，号鹭峰，世居蒲塘村。性刚方，富谋略。为诸生时，知县许瑄、卢灿及余恂咸推重之。清初，浙省有水师提督

王某者，性贪酷，尝以八棍毙人，时因号王八棍，惜佚其名。辄以舟载盗，沿河诃有富户，则纵盗入其家，伪以兵为追缉之状，以窝盗治其罪，籍其财以为常，罹其害者甚众。以次及于芳春家，芳春见兵盗入门，即设计脱去。愤甚，赴省控诸当道，得直，并通令所属严禁兵役扰民，人咸服其义侠焉。康熙十年，大旱，芳春曾以己赀募饥民浚其村之蒲塘，以代赈济，全活者亦不鲜。据丰乾撰《传》纂。

**杨圣脩** 字瑞芝，号巽峰。喜读书，尤喜读《易》，著有《周易解义》若干卷。居恒韬精自藏，不露圭角，而喜急人之难。康熙十三年之警，人心惶惶，居民迁避一空。圣脩亦已他避，然犹惧不免，既而曰：“等死耳，不得其正非丈夫也。”明日，驰入城，与卢知县灿等商进剿之策，复为图北乡形势，定三路进剿方略，不五日而寇难悉平。所著尚有《蝶园间笔》若干卷。以上据《泽远里谱》载严我斯撰《墓志》及子昶所具《行略》纂辑。子昶。

**昶**，字光生。康熙九年进士。十九年，选授广东合浦县知县。时寇乱初平，百姓甫离汤火，恻然以抚绥为先务，《廉州府志》。招徕休息，井井有条。设立乡约，使之劝诱其愿耕者免役，愿归者给路费。又值裁兵之际，米价涌贵，兵民汹汹，昶与孔守备佚其名。昼夜巡逻，不辞劳苦。县西归德、万安二乡，万山丛杂，与广西横州、兴业、贵县、郁林等处毗连，盗匪出没，民不安其居。昶乃多方招徕，设法措置，设立保甲，酌量捐给牛种，宽征免役。催科则设立限单，不事追比，其他如均粮米、省杂派、除夫徭、修城堡，地方赖以安谧。以上事实，据《旧采访册》所载合浦贡生吴充阁等、商民黄文耀等、乡民朱礼受等、里老陈忠等、难民郑复国等数百人留呈纂辑。两造盈庭，片言可决。置学田，建义学，即联珠书院。施药饵，瘞遗骸，善政种种。《廉州府志》。如是者三年，积劳成疾，乞归田里，士民不忍其行，合同吁请留任，卒得请。又三年，乞归，丁父丧，遂不复仕。《旧采访》。合浦

教谕陈徵纶《学田碑》阴有曰：今以凋敝琐尾之民，变而为平定安集之民；弄兵潢池之民，化而为卖刀弦诵之民，孰非公七年中劳心焦思经营而奠定者乎？皆实录也。《廉州府志·官绩传》昶弱冠能文，颖异卓绝，清词丽句，飏发泉涌。余恂撰《杨光生自订文稿序》。有自订文稿若干卷，余恂为之《序》。

**余学礼** 字友周，号南溪。读书任侠，人有疑难事就之质，片言剖决。知县闻其能，恒敬礼之，事无大小，悉造而访焉。地方利弊，他人不敢言者，则挺然建议于当事。当事或不即行，则倾囊以成之。终身不仕，时称南溪处士。据《高阶谱》载信安刘昂撰《传》墓。弟叙功。

叙功，字函九。诸生。笃于兄弟，亦喜任侠。当时，曹少宰鑑伦、汪侍读澐咸称许其高义云。据《高阶谱》载姜文举撰《传》墓。

**钱鑑** 字心止，别号衡斋。幼从父侨寓太仓。性明敏豪迈，好读书。康熙二十三年举人。授江南怀远县知县。前知县某者贪，凡讼者每投状必责金若干，遂以为例，更数县官不能革，民甚病之。鑑莅任即曰：“朝廷设县官以亲民，使民有冤得陈诉也。今不问曲直，辄先责金，非法意。”即下令革除，士民德之。然好饮，卒以此去官。归乡后，悉以宦囊分给宗族，以亲疏为等杀，不以自私焉。初，鑑为诸生，知县卢灿曾从其问俗，鑑首以禁革溺女陋俗为言，并请立法，有溺女者坐如故杀亲属之律，邻里知而不首者同坐。灿从之，请于大吏，令行禁止，全活者甚众云。据《采访册》载童应复撰《传》墓。

**徐允璠** 佚其字。事母孝，虽甚怒，母一言即止。家素饶，允璠性倜傥，喜施与。贫不能偿其债者，率焚其券；人有急难时，质产以济之。如是者数年，大亡其财。乃游四方，事商贾。先是，允璠娶妻吴，无子。吴卒，未更娶。一日，携子金归，嫂氏璠即率家人持



以去，曰：“尔无子，焉用此？”允璠曰：“吾亦将谋娶耳。”嫂曰：“娶当反金。”于是，娶于方，举一子。璠卒，允璠哭之，恸曰：“赐吾子者，嫂氏也。”乃诫子孙曰：“祭，毋忘璠孺人。”据《灵山谱》载沈圻撰《传》墓。

**曹纬** 字天士。性孝，母久病，侍疾，衣不解带者几阅一年。康熙十三年之变，人有密以千金寄托者，为之多方藏护。越四年，事平，悉还之，咸称其义。《旧采访》。弟统。

统，佚其字。性亦孝友。十三年，奉父母避乱，会霖雨，溪水暴涨，欲济无梁，统乃鼓奇勇，负母渡之。母寻病卒于避乱所，统经营含殓，备极况瘁，人以为难。生平持躬谨饬，闾里少年聚饮或狂饮叫呼，统辄避去。余恂时乞休家居，重其学行，乃聘为塾师，馆宜园者二十年，多所造就。恂子勉赠诗曰：砚北丹铅横典籍，城南桃李尽门墙。杭州黄无傲赠诗曰：平阳醇饮宜兄弟，邺下文章迈等伦。皆其实录云。据《城南谱》载余勉撰《传》墓。

**姜廷举** 字士雄，别号古民。康熙四十三年岁贡。平生刚方喜任事，勇于为义。康熙末年，胥吏散法为患乡里，廷举乃条列宿弊于知县谢汝梅，请其禁革。汝梅，俗吏也，袒庇胥吏，寝其事。廷举愤甚，上书督抚道府，慷慨陈词，卒得请。一时豪蠹屏窜，吏治肃然，而汝梅寻亦以事去，士民称快焉。据童谦亨撰《传》墓。

**余嵩** 字正中，号南村。阮元《两浙輶轩录》。雍正四年岁贡。为人倜傥不群，藏书颇富，而天资敏异，一览便记。工草书，笔法峻峭，然善自矜贵，非至契不能得，故流传较少。诗则长于五言古体云。《旧采访》。阮元《两浙輶轩录》曾录其五言古体诗。

**汪映模** 字师周，别号第庵。乾隆六年岁贡。选桐庐县训导。桐庐学舍久圯，学官赁民舍居之。映模乃以己资构若干椽，不请帑修建。又曾以数百金捐修学宫，诸生贽仪悉不纳，而训士务以尽伦

植品为先。诸生中有放荡不羁者，时召而诫之，士风为之整饬。年余，以足疾乞归，士子挽留不获。行之日，至有涕泣送之者。据桐庐知县沈金达《赠序》纂。

**范芝室** 字罄元，别号东峤。性肫笃。芝室未生时，其父养有义子。父卒，芝室仍以资产均分之，人称其义。乾隆十六年，浙东西大旱。明年饥，大吏檄劝出粟救赈。芝室捐貲出力，全活颇众。事已，奏请奖励，芝室曰：“调恤分也，不自为政而受命于人，愧已多矣，又冒其功，不重吾耻乎？”卒不受。据《旧采访》纂。

**徐漳** 字清源，号云渠，居县南山村。读书有志节，慕马少游之为，不乐仕进。家素雄于貲，乃发愤为善行。文庙崩圯，漳于乾隆三十一年倡修。明年，又修泮池。灵山南通温、处，西达衢州，为县治孔道。自白石山下至扁石岭，数十里地势卑下，向为泥路。三十三年，大水，几不能通行。漳乃独力出貲，购石于淳安之茶园村，筑成石路。遇沟洫则筑桥，其逼仄处则从下广其基，使之方轨，所费凡数千金。又以灵山路通处州，行旅苦渴，乃建茶亭于道旁，置田租八石以为常费。尝读史传，见范文正公以义田贍族及其子忠宣助麦连舟之事，恒啧啧以为难，乃置一义庄，名曰景范。谓其家塾师余作沛曰：“此田必归公，顾未得当。”而作沛寻以举人铨授广东惠来县知县，往复函商，皆以康熙以来科第不盛，由于士子穷困，无力应试，乃以义庄所收腴田一百亩，请于学官与诸士绅明立规条，以其入息为赴省应试士子之补助，名曰佐宾兴。详见《掌故》。明季童珮所建龙邱先生祠久圯，漳捐貲重建于学宫之旁，颜其堂曰怀贤，复置田以共祠事。所居数里内，有古井堙塞者，悉为修浚。庙下、寺下、派溪头、灵山等处，皆置义冢，掩埋胔骨。俗例买田必增租，佃人甚以为苦。漳买田多仍旧主之额，且择其瘠者量减之。自六十岁后，好善益力。以缓急来告者，几无虚日，皆有以塞其意

而去，于三党尤加意焉。生平谦益不自恃，遇积学能文之士，虽贫，必折节下之。闻人有善行，辄誉之不容口。年八十三，卒。以上据费淳撰《传》、余作沛《徐氏捐科举田记》、童锡嘏《灵山大路碑记》、秦既坚《灵山茶亭碑记》并《龙游县儒学呈请褒嘉事实册》纂辑。余《记》，见《文征》。子二：应宸、应案。

应宸，字中枢，号紫亭。性喜俭约，布衣蔬食，不殊寒素。次应案，字维恭，号鹿苹，尤勇于为善。漳所施为，应宸兄弟皆能克承其志。通驷桥圯，各以千金为之倡。又其乡有檀木堰，亦其兄弟所修筑。嘉庆十七年，大水，应案曾施棺施粥，给棚给粮。十九年，旱，则减租平粜。又捐米于城中灵耀寺设厂赈饥，全活甚众。有锯岭者，其乡至县之孔道，从前温、处人至省亦所必经，崎岖如锯，故名，行旅苦之。应案乃捐资悉砌为坦途焉。以上据高家骏撰《应宸传》、潘恭宸撰《应案传》纂辑。

应案子荣组，字锦三。亦善承父志。嘉庆十七年，水灾；二十五年，饥，均尽力赈恤，全活不少。《旧采访》。应宸、应案均受业余作沛之门。作沛，字汝霖，号慵楼。乾隆二十四年举人。历任广东石城、电白、惠来、曲江、海阳等县知县，佛山、澳门同知，云南邓川州知州。县中人士出其门者不少。著有《晚香堂全集》。案：作沛宦业阙访，兹附传于此。漳族侄孙始然者，字达泉，亦作沛弟子。母姜氏守节，诏建坊崇祀学宫。时节孝祠已圯，始然乃以己资重建，并捐田以供祭祀之用。据范作哲撰《传》纂。

赞曰：县人称有德业名望者曰某相，未知其取义也。当时维恭相之名震于郡邑，岂惟当时至今百五十年，无老幼犹知有维恭相云。

徐文熹 字功安。性孝。母早歿，父继娶方氏。父临死，谓之曰：“汝伯父有废疾，且无子，其善事之。继母性怵急，且有前子吉

南，须善处之。”文熹如所命，事伯父母如所生。未几，相继卒，丧葬悉如礼，人以为难。方本曹姓妇再醮者，文熹父卒后，即欲携其前子复归于曹。文熹苦留之，且曰：“父死未几，而母欲去，人其谓我何？”至于哭失声，不听。洵其族中长者相劝，亦不纳，竟席卷其财以去。居数年，吉南死，财亦荡尽。文熹复欲迎归，方亦悔之，顾无颜复归。文熹不得已，岁致膳金以养，人尤以难能也。据吕敦伦撰《传》墓。

**余兆年** 字履泰，别号泛舟。诸生。为文务闳肆，诗宗盛唐，性好仗义。乾隆二十七年，学政李因培受江山县有力者之请托，将以龙游、江山两县学额互易。故事龙游为大学，额定文二十人、武十五人；江山为中学，则文十六人、武八人。当时视此事最重，以为地方荣辱所关。李既奏请下部议，部下其事于地方官议可否。檄到，县人士奔走错愕，不知所措。兆年乃愤然集绅士十人，请于衢州府知府明禄，力陈其不可。明禄为所动，用其议呈复，易额事遂寝。据童应复撰《传》墓。

**汪岐品** 字级升。性善施与，戚友以急难告，无弗应者。积久，贷券盈篋。一日，尽召其人，语之曰：“汝等既不能偿我金，而留券于此，是贻汝等以后日忧也。吾不忍利人资以为子孙计。”因尽焚之，众皆泣拜去。岐品甚高雅，栽花甚多，又喜棋颇精，县中人无出其右者。《旧采访》。

**袁嘉增** 字天益，号裕亨。乾隆二十一年优贡。性甚俭约，而喜施与。每岁春间米贵，必出藏谷，散之乡里。秋成收之，不取子谷。乾隆五十三年，岁大侵；明年，益甚。嘉增焚借券，凡三百余石。乡人感之，为之歌曰：“谁活我？袁天益。春出谷，秋而入。陈易新，不取息。券已焚，无德色。”六十年，诏举孝廉方正科，知县漆成美以嘉增荐，辞不就。据朱兆熊撰《墓志铭》墓。

**方上魁** 字斗文。诸生。性孝，母嗜市之糗饵，每晨起即亲往市而进之，虽风雨不辍，如是者五十余年。据高家骏撰《传》纂。

**童应复** 字来占。乾隆四十七年岁贡。居北乡石村，遂以石村自号。《旧采访》。少倜傥豪放，中岁折节读书，足不履城市者十余年，诸子百家莫不究览。书法遒劲，逼真颜、柳。阮元《两浙辖轩录补遗》。所为诗颇得老杜气韵，著有《一舛诗稿》行世。《两浙辖轩录补遗》选登其感怀诗二篇。其余著作，经乱散佚。课徒数十年，成就者不少。而制行立身，尤为乡里所钦服。虽甚强悍者，见之亦帖然畏敬。即妇人女子，亦不敢诟谇使之闻见也。据童应赏撰《传》纂。其同族弟应赏者，亦知名。

**应赏**，字懋源，号蔗田。乾隆五十四年拔贡。授青田县教谕。未几，丁父母忧。服阕，署玉环厅教谕。玉环滨海，民俗顽梗。有同知某以催粮到乡，忤乡人，乡人扃诸室，将戕之，应赏亟驰往晓谕，乡人感其言，抗粮事遂已。寻署台州学官。教授或训导，未详。初抵任，适有贡生戴某者，其子与台州府阍人有隙互殴。至府署，知府某袒其阍人，既褫戴学籍，复欲以他事中之。而戴夙驯谨，诸士咸信之，遂纠数百人于学宫谋为昭雪。知府闻之益怒，几兴大狱，赖应赏调解，得无事。后补平昌县教谕。平昌于清代未有科第，应赏朝夕训导无倦容。次年，吴涵举于乡，是为平昌登第之始。比去官，平昌人士思之不置云。据《塔石谱》载陆模撰《传》纂。

**祝占恒** 字药园。诸生。弱冠，游余作沛之门，有文誉，顾无意于讲取。居乡，乐于为善，曾设济耕会，春间贷谷，秋收还仓，不取其息。村有月潭，处州支流也，占恒为设永济渡。于是，民无徒涉之苦。据《沐尘谱》载秦淳熙撰《传》纂。

**尹国均** 字维岳，号定庵。乾隆四十四年武进士。授扬州营守备，擢参将。才具明敏，督捕勤劳，尤能弭盗缉枭。嘉庆十七年，

一岁中查获湖北三帮粮船私盐四十一万余斤。二十一年，于焦山江面查获私盐尤夥。总计，先后所获盐斤数百万，犯者百数十人，皆积年巨慝。每值粮艘往返，坐卧河干，不避风雨。丁弁或有馈赠，悉却不受，故飞挽之速冠于他处。运河淤垫，转运维艰，国均曾自出心裁，捐廉制浚河器具，名曰混江龙，尤著成效。扬州昔为南北通道，五方杂处，宵小最多，国均每夜率队巡城，寒暑不间。夜间饮博，皆所严禁。尤勇于救火。在任凡十九年，闾里赖以安堵。二十五年卒。国均居官镇静，廉隅自守。扬州夙号繁华，仕路尤尚酬应，国均除延纳文士外，未尝有所征逐。暇时，择伍中有才智者，教以骑射，勉以廉耻，一时军纪肃然。卒之日，兵民有痛哭失声者。以上据阮元《赠序》及《扬州合郡绅士公举名宦事实册》纂辑。

**余华** 字佩斋。生而躯体魁硕，膂力过人。性颖敏善书，工于篆隶。弱冠，精骑射，遂不应文试而应武试，为武庠生。然嗜诗酒，又弃弓矢，折节读书。与诸生叶淳、武生余可大交至笃。淳，字伟三，号质生，与开化戴敦元至好。敦元贫，淳恒资助之，过龙游必主其家。由是敦元与华亦相得，尝序华诗，甚相推许。淳工草书，神采俊逸，水墨画亦擅长，收藏书画、金石、碑帖颇富，尤精于赏鉴考订。华与讨论，辄至夜分。筑室于城西南隅之西湖，日以讲求书画为事。湖中有堤，名星堤，因自号星堤，乃倩同族可大为作《星堤步月图》。可大者，字圣业，号宽夫。弱冠，能诗文，尤工草隶，亦不应文试而应武试者也。入武庠后，不求进取，潜心绩事，师宋元而无板滞之习。偶作宋元小景，风致独绝，山水、人物、花鸟各擅其能。尤喜以墨笔画鹰，极为生动。赠徐应棠《老子图》，仿元人墨笔小景、墨笔画鹰，谨藏于家。曾一游苏州，声名藉甚。晚年，画益精到。既为华作《星堤步月图》，一时唱酬诸诗，文人辄为搁笔。华所居有见山楼、柳堂、芸辉书屋、纫雪山房、倚南草堂、卧花窝斗庐。适与余恂

宜园比邻，风景绝胜。晚年，与淳、可大酬唱其中，殆无虚日。然性刚介，不事干谒，毅然以振厉末俗为志，未尝以此标榜声气，故乡间咸钦敬之。所为诗，清和深秀，出入唐宋，著有《星堤诗草》八卷。淳与可大亦有诗稿，乱后散佚。以上据莫晋、戴敦元《星堤诗稿》并《〈星堤步月图〉序》，吴应拔撰《叶淳传》，章鋆撰《余可大传》并《旧采访》纂辑。

赞曰：此三公者，以文字交而相尚，以风雅轶事留遗，父老犹能道之，合而为传，所以见吾乡乾、嘉时风气也。西湖为宋马枢密故第，当年实称胜地。发匪乱后，室庐皆尽，至今风烟掩映，迹往名留，过者莫不慨叹云。

**徐振玉** 字金其。诸生。案：原《传》云飞声簧序，当系庠生，故云然。嘉庆十七年，案：原《传》仅云壬申，不著朝代。考《灵山谱》，振玉生于乾隆三十五年，卒于道光三年，故推定为嘉庆朝。南乡一源发水，由双溪口交汇于灵山港，沿岸浮尸无算，流亡甚多。振玉尽力拯救，全活不少。且为请于县官，给房屋、谷种，豁免空粮浮米焉。二十一年，大旱。振玉为赈灾董事，草拟章程。凡贫而强壮者，减价平粜；其孱弱者，粜而兼赈；案：粜而兼赈者，盖许其平粜复加以赈恤也。兹未便率易，故仍其原文。鰥寡孤独者，则按日给粮，至秋收米贱而止。处理尤称得宜焉。据《灵山谱》载胡敬撰《传》纂。

**徐崑** 字玉山，一作崑山。号星槎。嘉庆六年进士。授叶县知县。首清漏籍之田，削无民之税。暇与民讲解乡约，恂恂如父子家人，以是民乐亲之。嘉庆十八年，大饥。崑举当年所积，悉行发放，不足则继以粟，全活者甚众。又红鬃匪窃发，此事未详。崑两次剿缉，卒获匪首，境赖以安。寻调商邱县。丁父忧，回里。性爱溪山，遂不复仕。藏书至富，为一县冠，惜尽为发匪所焚。子金生。

金生，字琛航。幼颖敏，有神童之目。嘉庆二十一年，顺天举人。铨选云南，历任恩乐、建水知县，擢知永昌府，调东川府知府。

旋奔父丧，未至里，即卒。金生在云南久，曾绘辑《云南矿厂工器图略》一书，于采铜方法言之甚详悉云。据叶元祺撰《传》纂。

余习 字学时，号心白。廩贡生。署会稽县训导，迁桐乡、黄岩、缙云诸县教谕。故事士子入学，必具束修，习悉以购田租为其县宾兴经费，不自私也。尤工书画，学董其昌。每遇岁歉，辄竭资助赈。据余撰《子春氏遗稿·题心白遗照诗注》、叶元祺《余心白像赞注》纂辑。《两浙辘轩录补遗》，习曾与采选之役，于乡先达遗诗采入颇多，且有按语略述生平。今日修志，亦得赖以窥其崖略焉。

尹子南 南乡十五都江潭乡人。家贫，父以制豆腐为业。子南性至孝，年十五，母齐久病，侍奉维谨。及母卒，哀毁逾恒。母葬后塘，子南遂往庐墓。后塘距城几五十里，荒僻甚，且时有虎豹，子南毫无所恐。其兄劝之归，不听，竟卒于墓所，计庐墓凡二十八阅月。地方绅耆徐权等为之申请，诏旌其纯孝，给帑建坊焉。据徐权等原原及《事实册》纂辑。其后，有詹阿双者，亦以孝闻。阿双，五都农民。同母弟阿东有妇未成婚，养于家，与同族纨绔子某者有私而孕。母知之，畏其势，弗敢较，亟令阿东成婚，冀寝其事。纨绔子反憾之，阴唆其弟妇谓通于夫兄而孕，讼诸官，大归焉。母愤极自尽，阿双庐墓昼夜哭，三年寒暑不辍。纨绔子之父某者，潜于知县，毁其草庐，勒令阿双更衣剪发，阿双遂不知所终，知县寻亦被劾去。据《旧采访册》纂。案：此是嘉庆季年事，彼时知县被参者有黄恩培，见《职官表》考证。但此是否黄恩培事，无佐证，故《传》中不著其名。更数十年，东乡周坞农民刘秋才，亦以庐墓三年闻。《新采访》。

赞曰：僻壤细民，往往有至行奇节过于所谓士大夫者，若尹子南、詹阿双，皆其伦也。然子南犹得旌，阿双则并县官亦党恶而摧残之，复谁为之表彰者？而修志家又恒略细民而重士大夫，则此辈之得寓名简策者鲜矣！今传阿双幸其遇，所以深悲夫不



遇者也。

**余鏗** 字黥文，号眉州，又号春沂。父作沛已见《徐漳传》。鏗，嘉庆十八年拔贡。选新昌县教谕，在任凡十八年，多所造就。迁金华县教谕，未莅任卒。鏗长于诗，才笔高特，尤善五言古体，得魏晋人神旨。著有《白华楼诗稿》二十卷、《花深吹笛词》八卷，《姑蔑考古录》、《春雨词》各若干卷，惜乱后散失，存者仅什一耳。据潘衍桐辑《雅堂诗话》并《旧采访》纂。弟鏘。

**鏘**，字璆鸣，号怡柯。诸生。亦长于诗，并通医学，所著有《抱梓山房诗稿》四卷、《百衲集》二卷、《医筌》十二卷。据《旧采访》纂。从孙嗣曾。

**嗣曾**，字孟沂，号鲁斋。父千里，由城迁居莲塘。嗣曾，道光十七年拔贡。不乐仕进，生平不预闻公事，不妄谒官府。莲塘距城仅二十里，岁惟至日入城祀先，平时非要事不入也。咸丰十一年，发匪既陷县城，耳其名，执以去。抵永安门，誓不入，自触死。匪怒，弃其尸于河。据《旧采访》纂。

赞曰：《姑蔑考古录》已亡矣，以鏘文之博学好古，度必于旧志多所考订，此征其命书之名而可知者也。嗟乎！此亦故乡文献之厄也。

**杨旭** 字曙堂，号海霞。道光十二年岁贡。十五年，大旱。知县毕华珍畀以赈济之任，旭平均分配，视其庄之丁口多寡为衡，乡民无敢较者。事竣议叙，不肯受。其余地方事务，尽力亦不少云。著有《海霞诗集》若干卷。据《泽远里谱》载余撰撰《传》纂。孙渭恩。

**渭恩**，原名莪生。幼孤贫，赖母舅余撰抚育，故改是名。字念劬。弱冠，随撰游北京，从王鹏运、方畧问学，凡六年始归。先人所遗旧居，以让其季父六瑞，而自馆于撰家，课徒自给，成就不少。光绪二十八年岁贡。旋卒。生平不轻然诺。非公事，未尝出入公门。

性诙谐，晚年喜作歌词，多道俗情，粗知文义者咸能诵之。《新采访》。

**徐承恩** 号丽江。其先江西临川人，祖某侨居龙游，遂为龙游人。治法家言，有才干，官丹阳主簿。道光二十七年，擢崇明县知县。崇明孤悬江海之表，号难治，而官河尤为其要务。自乾隆后失修，遂至淤塞。承恩乃倡议疏浚，并主其事，亲往履勘，丈量签桩。凡浚竖河之巨者，曰当沙头港，自海口至马桥十五里，二激至鲁筠镇十二里，六激至向化镇十里。支河之巨者，曰六激，大港十二里，茅家港六里，北大港五里，大通河十里，茅家滨河七里。又令民各以其力浚诸民沟，凡三十余处。于是，雨止即泄，无积潦之患，而自县治至海口十里，可通舟楫，民咸称便焉。子本元。

**本元**，字登瀛，号仙槎。长于诗歌。七古于论断、步骤，绰有余裕；五言真挚可诵；近体诗，则清淑而多远神。所著有《耕心斋诗抄》二卷，又《文抄》一卷，《皇朝名臣事略》、《曲阿丛载》各若干卷。以上据舒化民《赠徐母序》、《徐本元重浚崇明东八区河道记》、刘永之《〈耕心斋诗抄〉序》并《旧采访册》纂辑。

**曹寿先** 字祝嵩，号箴史。父以采，增广生，著有《秋水山房集》。寿先，幼慧，五岁即能作擘窠书，有“秋水”二字镌石传世，为知县涂日耀所嘉许。日耀尝与诸文士宴集鸡鸣山，属县丞张文照绘《鸡山小集图》，命寿先为之标题，时寿先仅六岁耳。八岁侍父游杭州，谒见梁同书。时同书八十有六矣，见寿先极叹赏，以“秋水”二字传观于杭城，声名大噪。寿先年十岁，作《劝学文》以自勉。十四为诸生。汪学使名待补。耳其名，命书“真实不虚”四字，意谓其实足以副名也。然寿先虽以善书得名，而诗古文辞亦质学俱优，悉能取法乎上。秋闱备荐不售，归里益刻苦研求，至忘寝食。竟以咯血卒，年仅十七。著有《丁丑遗草》、《文赋》各一卷，被窃不传，惟

《箴史遗诗》二卷行世。以采哭之恸，为刊遗集，并成《哭子诗》八十首附刊焉。同时，有叶锡元者，淳之子也。《淳传》已别见。锡元，字汝调，号梅墅。聪颖过人，九岁能诗，每伸纸长吟，有宿学老成所不逮者。未弱冠，即卒。淳亦为刊其遗稿，读者悲之。以上据《两浙輶轩录补遗》并《旧采访》纂辑。

赞曰：之二人者，皆以神童称。而寿先之文才尤为卓越，今读其遗诗，不类弱冠手笔也。而皆不永其年，皆父为铸遗集，伤哉！

**姜懋槐** 字荫三，号肃廷。附贡生。咸丰十年，发匪警至，即与徐来受、王梦熊、陈桢并弟懋松、懋楷，子缙纶、福纶等举办团防。懋槐雄于财，乃以万余金购置军火，联合东乡一百三十余庄，得乡勇数千人，朝夕训练，屯于南乡芦莲冈。又作六莲冈。明年四月，伪侍王李世贤窜常、开。十六日，遂由西安全旺窜入南乡石廓。十七日，懋槐始与贼遇，胜之。适知县龙森因贼攻城甚急，檄调助守。盖贼与懋槐战时，分股由官潭攻扑县城也。懋槐乃率二千人赴援。未至，城已陷。贼复以轻骑绕灵山袭其后，懋槐亟反救，与战，不利，退至冷水村。一说在白石山麓。贼聚益众，诸团勇闻县城已陷，又非夙练之师，遂有溃散者。懋槐乃鼓勇再战，以马陷淖中，遂被害。子福纶、缙纶驰救，亦死之。懋松、懋楷，则死乱军中。时王梦熊正督战，贼自后斫之，而喉未断，匍匐行二十五里，至甘谿堑，气始绝。此死事之最惨者也。当懋槐等之激战也，徐来受、陈桢殿后，及闻懋槐战死，团勇遂无斗志，不能成军，二人无如何，亦不欲生，乃驰贼中死焉。时知县龙森亦在城殉难。于是，贼长驱而陷汤溪、兰溪、金华诸郡县矣。懋槐生平慷慨好义，曾于咸丰四年，助饷银千两；五年，助四百两；六年，助六百两；八年，助钱二千贯，又谷六万斤、米五万斤；十年，复助米二万斤；十一年，助钱一万贯。而

筹办团练所费犹不计焉。事平，以案牍无稽，未邀特恤，时论惜之。梦熊，字渭泉，廪生；徐来受，佚其字，咸丰元年恩贡；陈楨，字亦无考，则监生也，例得并书。以上据陈宝图乡团节录、姜懋棠请恤懋槐呈文并《旧采访》辑纂。先是，咸丰七年，粤警之初至也，龙游已办团练。南乡泊鲤保南局事务，皆王锡珊主之，昼夜操练，且出货制备军械。及八年三月十九日，伪翼王石达开犯草鞋岭，将窜处州遂昌，锡珊乃退至灵山，伤亡颇众。匪大肆焚掠，锡珊犹聚众百数十人，扼守凤凰山，冀以卫避难男女，终以众寡不敌，战死。此先于懋槐因团练而殉难者也。锡珊，字佩声，号丹墀，安徽绩溪人，因为附传。据郭雅註撰《传》并《旧采访》纂。

赞曰：是役也，懋槐等以新练之民军，当久战之强寇。虽一战而溃，无裨于事，而见义忘身、勤于王事，同志诸人闻懋槐之死，相率授命而不悔。虽古之烈士，何以加焉？锡珊以寓公而为龙游尽力，尤足多云。

**余恩鏊** 字镜波，原名銮，字听韶。可大第四子也。《可大传》已别见。恩鏊，资质本中人，刻苦力学，至忘寝食，业始大进。道光十三年优贡。明年，中式顺天乡试举人。又明年春闱报罢，以资尽徒步数千里归家。掌教凤梧书院及江山文溪书院者二年。复赴京，馆于许尚书乃普家。师友既多，学益富，诗文日益有名。咸丰三年，大挑一等，以知县铨发广东。会洪秀全倡乱广西，西宁县与连界，大府檄恩鏊往。抵任后，筑堡设防，匪不得逞。收降匪首郑绍忠，郑后官至广东水师提督。而办城乡团局一事尤著成效，曾上郭巡抚嵩焘一书，洞中利弊，他县仿行之，亦多收效。以文繁，载入《文征》。在西宁凡十七月，心力交瘁，大著能声。调署海阳县知县，兼饶平。海、饶两县，皆潮州属。粤省匪多，潮属尤甚，号难治。恩鏊至，擒治首要，解散胁从，地方赖以安谧。在任年余，有犯必

愆，不畏强御。时惠潮嘉道钟某之戚横行不法，恩鏊向钟指索，钟不悻。恩鏊索益坚，至以冠掷钟前，请其劾罢，曰：“官可去，法不可不申也！今日公不交犯人者，某不复出公署矣。”钟不得已，始交出惩办，一郡肃然。去之日，潮人士怀其德，辑其政绩刊之，原书未见。此据章蓂《〈励志书屋诗文稿〉序》。并为立长生禄位于韩文公庙，盖隐然以昌黎拟之也。合肥李鸿章，恩鏊同年也，巡抚江苏，闻其能，累招之。而巡抚蒋益澧留之，遂不果行。历署东莞、德庆、南雄各州县绥谿理事。在南雄时较清简，与金锡庆、杜承濬、沈润身、李联珠四人唱和为多，刻有《凌江唱和诗》二卷。距州东南百里，有村曰鸟径，村民习于械斗，历任未能决。恩鏊亲往鞠理，遂以定讞，能声益著。时邻省江右之民，有越境赴诉者。旋补文昌，甫到任，调补南海。南海者，广东第一优缺也，谋者甚多。两广总督瑞麟性贪鄙，既以恩鏊强项不阿不便于己，又受人货贿，乃讽两司保恩鏊升授连州直隶州知州，所谓阳迁阴黜者是也。在任四年，两次大计卓异，免补知府升道员，督办广东善后局。尝言：“古人七十致仕，有知足知止之义。”遂于光绪六年，请假回籍。十三年，年八十，重游泮水。又六年，卒，一郡人士知与不知咸为太息。恩鏊长于折狱，每于清晨讯鞠，有叩以何必坐早堂者，恩鏊曰：“凡审案，对于两造，必察言观色，方得实情。今之从政者，率于夜间问案，灯下朦胧，兼以暮气，安能无枉纵之情？吾之为此，求矜慎而已。”又喜以地方之财办地方之事，虽用之竭罄，亦非所惜。尤喜培植人才、鼓励士气，凡书院经费不敷，辄捐俸足之。听讼之暇，即与士子讲习文艺，娓娓不倦。所为诗文，辑有《励志书屋课艺》四卷，皆历任课士子之作，当时粤中盛行焉。每莅任，必先署联于门云：“除暴可安善良，誓不宥行凶之命；为官若念孙子，岂敢贪造孽之钱？”然因疾恶太严，不免见愠群小，百端谗构，险阻备尝。卒以清刚夙著，媒孽不行，上官不

敢以众人遇之也。生平不蓄财。在粤时，故乡有亲戚来奔者，无不偿其欲而厚其赆以归之，至今尚多能举其名者。广东省垣金衢会馆久圯，恩臻倡议重建，捐资最多，遂以复旧。尝言：“官有富名，祸也。贵而能贫，福也。”宦有余资，悉以购置名人书画、金石，又精于考订，撰有《藏拙轩珍赏》六卷。善画，多作米家云山，然不喜为人作。又喜钞书，即在官时，未明即起，秉烛钞数页，然后治事，无间寒暑，垂老不辍，所钞书逾四百卷。归田后，卜居府城，布衣蔬食，一如诸生时。即于府城建家祠，集士子为文会于其中，号曰萃文社，讲求实学。又辑所为诗文四卷，名曰《励志书屋续稿》。康熙旧县志板毁于兵，乃与堂侄撰出资重刊，即今通行本是也。光绪间，知县高英夙有循声，甫下车，即诣衢州，询恩蝶以地方应兴应革诸政，恩臻乃为《地方利弊议》一文与之。其后英治龙游，能声卓著，多本于此。其文曰：龙游上接衢州，下达兰溪、汤溪。地方利弊之废兴沿革，载在旧志，斑斑可考。迨咸丰之季，发匪窜扰，占据稍久。克复后，人民寥落，户口凋残，利无从兴，弊无由革也，非一日矣。今贤司牧既有志兴革，辱承咨询，谨举大略以备采择。自来地方莫大于水利，民田之旱荒有备，全资灌溉。龙邑之水堰不一处，惟十七都姜、席二堰关系尤重，计溉田五万余亩，派分子堰七十有二。倘堰为洪水所坏，则修筑固不容缓。然非审其形势，则泉流壅滞不能下者有之；非固其堤坊，则砂石淤积不能通者有之。一遇小旱，沃壤尽成赤土矣。是在洪水泛涨之后，察冲决之处，善疏导之，方俾潴泄有时，灌溉无缺，即古人尽力沟洫之遗意也。惟修筑已竣，每年必责成堰长巡视，渗漏呼工补塞。虽南乡竹木经此过往，向例以六月朔日封堰，至八月秋稼告成开坝通行。奈水利归县丞管理，其胥役人等背地视为利藪，蒞工一到，有费则放行，欲求涓滴不泄入大河，难矣。有治法尤在有治人，则水利之当兴者，其一也。

龙之地與，东西蹙而南深北广，南乡山多田少，东、西、北三乡田亩较多。从前烟居稠密，田无旷土，户无悬耜。自发逆窜扰，丁壮逃亡，契券散失，业户无几。嗣于同治年间，逐处丈量，承认之业主十无四五，内兼力能完粮者，半多书役桴签冒为己业，此外业称为荒田，虽鳞册编有字号，并无承耕之佃户。外来如台、温客民，乘机而入，欺土著单弱，占据井庐，开垦田亩，有租无粮，霸为固有，间有差保背地略收租息了事。数年以来，利不归公，而客民愈聚愈多，客民强而土著所由贫也。计今日清厘之法，须责成就近绅耆，查耕氓之姓氏，核田亩之多寡，稟县准其管业，发给清单。田归公佃，租归公收，按岁纳息完粮，不准差保包庇。庶业各有主，田无旷额，此地利当兴者，又其一也。至论弊端，首在除匪。窝藏窃贼，向闻北乡之莲塘稍多，而盗窃耕牛，勒赎私宰，则东乡之湖镇为最著。司其土者力不能禁，甘收漏规，不敢举发，类皆温、台积匪啸聚为奸，耕农受害为日已久。甚至行李往来，连遭劫夺，非烈如猛火者，未易诛其党也。则弊在贼匪之当革者，一也。次则禁赌。先在密拿，花会南乡为甚，西乡次之。其窝藏地方多在交界处所，此拿彼窜，东避西逃，往往以蠹役之私通，汛兵之包庇，作彼之耳目为护身符。非严密查拿，声东击西，出其不意，未易究治也。则弊之在花会当首革者，又其一也。究之外来之匪，类多无业之游民。至开垦客民，目今颇有身家，应知自爱。若每乡仿保甲之法，举一甲长，遇同乡游手之人迹近匪类，准其驱逐出境。若庇匿容留，为窃为赌，一经破获，送案送匪赔脏，惟甲长是问，则良苗不参恶莠，各锄非种，比户可封，斯盗源不涸而自清矣。若弊既革其太甚，则利方渐次可兴。龙邑旧有岑峰、盈川诸书院，原置田亩若干，为修金膏火等费，嗣归县书管理，有名无实。迨道光年间，贤邑宰秦公介菴莅任，独重斯文，岁捐廉俸五百金先行培植，一面设法劝捐，筹足经费，建造

凤梧书院，兼作考棚。先是，科甲几至绝响，嗣从癸卯以后，掇巍科、开甲榜者，不一其人。兵燹后，无复继起，田产亦无可稽查。若私垦之荒田，租息归公，管理有人，则文教可兴，而隐占之弊不革而自除者，其一也。邑之东门，旧有两桥：一为东家桥，以便民人往来；一在鲤鱼滩，为新桥。乾隆以前，两桥皆有石墩，上铺木板，各建桥屋数楹，屡毁于火，板易朽坏。嗣有富人，只知便民造通驷大桥，高过城门以丈计，而新桥遂废。忆从嘉庆元年竣工，沿城诸水潭一变沙滩，城内富家巨族，日渐凋零，并驿前民居亦半为洪水冲削。至新桥虽废，岁修之田产尚在，乃改为通驷桥之业。其初洪水一过，收租息者尚雇工略为修补。后浸懈弛，至道光年间，坍塌两虹，便民者民究不便矣。谓宜于鲤鱼滩仍建石桥，东家桥则仿浮桥之式建木桥。虽拆桥造桥不无劳费，然一经移易，两得其宜。是在修水堰、理荒田有余力而次第举行，则桥梁之利所宜兴者，又其一也。要之，兴革诸大端，非一朝一夕之功，亦非一手一足之力。官斯土者，诚具有热肠，不辞劳瘁，倘生斯土者，尚狃于积习，漠不经心，谁与共事？是又在相助为理之有人矣！生平著作约十数种，惜自粤归中途被窃不传。子福溥。

福溥，字滋泉。幼岐嶷，七岁时，《仪礼》已成诵，师大奇之。稍长，状貌魁硕，声如洪钟。咸丰十年，洪杨之乱，福溥奉母叶避居衢州，年仅十五。衢州坚固可守，各处难民麇集，而门禁甚严，无保不得入。龙游亲友，经其作保入城者，百数十人，人钦其义侠。明年冬，乱稍定，而游勇土匪滋扰，道路多梗。仲兄美玉卒于衢，福溥冒险扶柩归葬龙游。时恩饯官广东，葬事毕，即奉母由闽转赣入粤，途中历尽艰险始得达，人尤服其孝友过人也。既抵粤中，不便返浙就试，遂援例得选上海县主簿，旋改官两广盐运使经历，继入广东抚署办折奏，为上游倚重，奉檄劝办晋省赈务，集款二十余万，奏保



同知、晋知府，分发江西，归尽先前补用。尽先前者，当时铨补班次最先者也。福溥以父母年迈，不欲远离，遂奉养乡居，不愿仕进。有劝之者，福溥曰：“吾年未四十，恐报国之日方长，养亲之日苦短也。”承欢膝下垂二十年，依依然如孺子，无一日离其侧。父病歿，哀毁逾恒，竟至咯血。光绪十年，中日战起，张之洞移督两江，贻书招之甚急，福溥仍以服未闋辞。明年，卒，年仅四十九。福溥豪于饮，善画山水，尤喜画牛云。子十人，知名者长士恺、次庆椿、四庆龄。

恩鏊堂侄撰，字詠沂，号子春。咸丰二年进士。改翰林院庶吉士。散馆，补刑部广东司主事，升山东司员外郎、直隶司郎中，旋授大名府知府。大名府生员严培基、田绍修颂德诗有云：忆昔盗贼如蜂起，告诉纷纷来名府。目下如何策万全，先生筹画良有以。先生莅任不曾间，自甘辛苦济时艰。轰雷隐隐朝观政，风雨潇潇夜察奸。大名家家奉生佛，三月大治同迅速。皆云父母恩泽深，安然共享太平福。兹录以供参证，惜事实已失考也。历署安顺、遵义等府，贵西兵备道。在遵义时，设桑蚕所，劝民人植桑养蚕，成绩颇著。自幼从恩鏊学，所为诗文亦清新可诵，著有《播州杂事诗》五卷。

士恺，字子容，又号庸伯。曾一任广东开建县典史，顾性高傲，遂弃去，以画为生。善画花卉翎毛，粤中声名藉甚，然非其人，虽显宦或赠以千金，夷然不屑为也。年五十一，以豪饮卒。

庆椿，字延秋。优廩生。幼从祖训，治《说文》、《尔雅》，经籍、掌故之学致精，所为词赋及古近诗体别有风格。二十四岁后，游学四方，五年始归，学益进。龙游书院自发匪乱后无山长，学风甚敝。既归，知县邹寿祺乃聘为凤梧书院山长，一时从学者颇众。会丁父丧，哀毁致疾，五阅月而卒，年仅三十，时人咸为叹息。著有《读书随笔》四卷，已佚。今存者《延秋轩偶存稿》二卷。

庆龄，字与九。光绪三十二年岁贡。龙游公租，自知县张炤整顿后颇有起色，然自炤没，悉归县丞、典史分收，租金半归私囊。光绪二十九年，庆龄改凤梧书院为学堂，讲求新学，而经费支绌，乃不许县丞、典史经收。县丞、典史以妨其私利，百方梗阻，庆龄卒请于道府，改归地方绅士经收。于是，设公租局于学堂，即以其租金充学堂经费，即今学款。详见《建置考》学校篇并《掌故》。贡后，曾援例以知县改分江苏。未几，清逊位，遂未仕。年五十二，卒。著有《龙华楼诗存》二卷。

叶莘梧 字鸣冈，号凰巢，原名梧生，字莘周。咸丰元年举人。笃学励志。会粤匪扰乱，匪首耳其名，聘以礼，莘梧坚不受。匪首怒，将围其居索之，莘梧先避去获免。寻卒。著有《卧月山房诗钞》一卷。据其孙佩荃所开《节略》纂。子元祺。

元祺，字祈曾，号吉臣。同治十二年拔贡。世居大公殿村，距城甚远。发匪之乱，家藏书籍幸未被焚。光绪二十三年，知县张炤聘慈溪冯一梅继余庆椿为凤梧书院山长，兼修志事，元祺乃发其书，与一梅互相考订，本县掌故赖以考征者不少。一梅旋辞去，炤乃聘元祺继为山长。二十六年，知县杨葆光复议修志，聘元祺董其事。不二月，江山匪起。及乱平，葆光去任。未几，元祺卒，事遂寝。《新采访》。元祺生平廉介，非其义不苟取。而笃学嗜古，自幼至老，手未尝释卷。虽严寒酷暑乃至疾病，亦未尝废读也。读书喜加墨，所藏书丹黄粲然，几无隙纸，用力之勤，可以推见。临卒，犹喃喃诵书，无一语涉及家事云。著有《话雨草堂文集》若干卷、《杂存》一卷。据其子佩荃所开《节略》纂。性复恬逸，不慕荣利。《集》中有言志一则云：吾辈居山，惟宜种田数十亩，春及而耕，秋至而获，仓箱所存，青黄不至不接。置山一二处，令一春饱笋，入夏成竹，腌料造纸，估值而售，计所入之钱正用而外差足酬应。妻未必贤而亦

能缝纫，子未必肖而亦可负薪。男婚女嫁，不出村里，到老相随，几不知人世有别离事。至门闾无用高大，老屋三间，可蔽风雨足矣。往来之侣，非剧谈稼穡，即闲话桑麻，时事从不挂口。骑马乘舆之客，终岁不一至。闲居无事，或临水而渔，或登山而猎，或弹琴一曲，或饮酒数卮，或凉竹簟之暑风，或曝茅檐之冬日，或赤足科头倚树而坐，或绿蓑青笠藉草而眠，兴之所至，无乎不可。彼世之求富贵利达者，立身扬名，名纵能存，人生易灭，何如知止知足，萧然无累哉！见《话雨草堂杂存》。读此可以知其品格矣。

一梅，字梦香。光绪二年举人。为德清俞樾高弟，长于汉学。在龙游任修志事年余，采得事实哀然七十余册，即今所谓《旧采访册》是也。虽其时，一梅与元祺均未从事纂述，搜剔固已勤矣！爰为附传。

赞曰：今所撰述，于清一代文献多资《旧采访册》，然漏略尚不少也。使冯先生不去，乱事不作，叶先生不死，更阅数年，相与秉笔论定，其成就不益可观哉？惜乎！其不半途而辍也。

林巨伦 字乐庭。其先汀州人，父名佚，乾隆间来县，以纸槽为业，卜居南乡勘头，遂家焉。父歿，巨伦承其业，刻意经营，积资累巨万。性好行善，尤喜筑造石桥，其大者如石虹、塘寺、马戍、石凉亭、竹溪诸桥，皆其独力建者也，详《建置考》津梁篇。所费凡八千金。又以三千金修通驷桥。其他善举亦乐输将，一县称善人焉。年九十余卒。据章霏撰《记》并高英详请旌表文。与巨伦同时者，有汪广怀。广怀，字子宽，号鉅源。以廩贡纳资，为天台县训导，任未久辞归，锐意教读。而志高气盛，于地方兴革事宜，恒与巨伦共商任之，尤不为长吏屈，历任知县亦推重之。《新采访》。

祝聪田 字春魁，居南乡露兜村。幼孤，事母至孝。母氏戴，性刚正，督过甚严，偶失旨，即遭呵斥，甚且挞责。聪田顺受无少

忤，旋市果饵作憨态以献，必俟母色霁乃已。躯干魁伟，膂力绝人。当发匪肆虐时，其世父名德泰者，老而病，匪指为富户，勒其助饷，不能应，则縶以去。聪田愤然，求助于族人无应者，乃深夜伺匪守懈，率健佣负以归。匪侦知为聪田所为，率众来索，势汹汹。聪田知不免，挺身出，亦被縶。久之，脱归。人钦其义侠焉。据洪承鲁撰《墓志》墓。

**傅珍** 字聘之，号珠船。道光三十年恩贡。家故饶于资，所居村名露兜，与遂昌县接壤，距城甚远。山深林密，民俗淳朴，耕樵以外无他业。珍独好学，悯地方野而无文，设塾于家。时劳承奕有文名，乃延之为师，凡十四年，所造就者甚众，风气为之丕变。会发匪扰乱，家乃大落，然宗祠毁，犹倡捐修复之。性喜风雅，与承奕、戴瞻云辈时相唱和，不屑为家人生计。晚年境益窘，而气度从容，犹昔富裕时也。乡人谓其“盛时无富贵气，衰时无穷酸气”，咸尊敬之。年七十五卒。

承奕，字煜青，号葵卿。同治五年岁贡。世居溪口村。笃学励品，事母甚孝。家故贫，藉教授以供甘旨已。遭发匪之难，流徙中，母所需，犹竭力致之。而与傅珍、戴瞻云诸人唱和亦不废也。性褊直，其族中有倚势作威者，见辄语侵之。光绪初，知县朱朴者，金人也。以酷暑时来溪口催科，纵役责供应。承奕意不平，往见之，数其不应庇役虐民，语甚激。朴怒曰：“汝乃敢辱我，必详革汝衣冠！”则报之曰：“革则革耳。我守分，汝越分，不汝惧也。”于是，众为扶之出，朴虽惭恨，卒以其人望，无如之何。案：承奕遗稿中，有《偶题》一首云：可笑龙邱一正堂，下乡全不守关防。兵差多带烦供亿，田亩清厘勿审详。庖代半年无善政，时当六月尚征粮。为民父母宜知勖，威猛缘何似虎狼？即为此事而发，录以参证。尝作伐蛟说，众信而行之，二十余年无水患。晚年，仍设教，先后凡三十余年，门下人才辈出，而尤以

余畅、杨渭恩、祝康祺为最著。

瞻云，号曲吉，为诸生。世居梧村。亦以诗名。珍及承奕、瞻云唱和诗，今存《鄂不草堂录存稿》中。据祝康祺撰《传》纂。

赞曰：绅士畏县官，畏其凌耳。然以朱朴之险恶，卒不敢凌劳先生，则劳先生有以自处也。呜呼！劳先生可以风矣。

徐复 原名楷，字蕉石。光绪二年岁贡。性耿直，能任事。咸丰兵燹后，力任善后局事，其后修姜、席堰，五社坝；重修儒学、城隍庙及城垣；创设育婴堂、从善堂，皆与其役。历办地方公事垂五十年。卒年七十八。弟楫，有文名，早卒。《新采访》。

吴福星 字寿卿，西乡水亭圩村人。年十二，为发贼所掠。稍长，亡归，投募为兵。同治初，隶左宗棠部下，从征回疆，攻金积堡，保至游击。事平，不得缺，需次河南，供保甲局事。光绪二十八年，曾署考城营游击，一年代归，仍回保甲局。未几，局撤，贫甚，几不能自存，卒死于河南。县人祝康祺，时侨居开封，乃为理其丧，赙恤其妻子。子外出，久不归，妻复死于疫，亦康祺为之殓葬。生平战功颇多，遍身受创。尝语康祺曰：“我以性命博得功名，战功出我下者，名位反居我上，则我不善逢迎之过也。”据祝康祺撰《传》纂。

赞曰：祝先生为余言，寿卿官考城时，辕门供膳鼓吹，而寿卿并其妻若子乃不得食肉。此今世武人所未闻也，寿卿固足多，亦世变矣！

傅元龙 字心田，号午楼。其先汀州人，父鹏鸣，始以纸商迁居溪口村占籍焉。元龙性颖敏，以承父业，不克专意读书，然未尝废读也。所为诗，名《雪香斋稿》。工书，宗董其昌。生平于地方事业颇能尽力，建凤梧书院，修通驷桥、明伦堂、鸡鸣塔诸役，咸与焉。年六十卒。子文错。

文错，字友仁，号石帆。廪生。余跃龙弟子也，跃龙深器之。

跃龙无子，既歿，文错岁时必拜其墓，数十年无间，人咸称之。清季，风气渐开，趋重学校，文错乃于其村创设中和两等小学校，擘画经营，二十年无懈色。性恬淡，不慕荣利，尝颜其居曰息庐，以寄意。年五十九卒。《新采访》。

**余跃龙** 字海云。光绪六年岁贡。掌教金兰书院，造士颇多。性笃厚，女兄寡居而贫，跃龙始终赙济之。其师尹幡然家甚贫，既卒，遗妻及二子无以为生，跃龙迎至家养之，且教其二子成立焉。卒年五十四，无子。跃龙本无兄弟，嗣遂绝。人咸疑天之报施也。《新采访》。

**叶泮林** 字钟鲁，号春园。廪生。性孝，遭母丧，哭泣几丧明。发匪之乱，田野为墟。事初平，左宗棠驻兵龟塘山，泮林乃倡议约乡绅谒之，请给耕牛、谷种，卒得请颁发焉。子鸿钧，字行健，有文名，劳承奕常称之。其从弟鸿志，孤苦无依，鸿钧抚之成立。《新采访》。

**吴毓林** 号崧甫。光绪二年岁贡。发匪之乱，左宗棠驻军龟塘山，曾一游其幕。龙游既克复，毓林即辞归，不求仕进。家居授徒，娓娓不倦。生平极留心故乡文献，于旧志颇有辨证。惜其稿已佚。光绪间，冯一梅采访志稿时，毓林多所赞助，一梅《赠序》极致倾倒云。据冯金恩、冯一梅《赠序》纂。冯《序》，见《文征》。

**徐光容** 字来宾，世居东乡七都。父起元，曾从姜懋槐击贼，负伤死，母复病卒，流离中葬其两亲备极艰阻。及乱平，贖产已尽，卒赖劳瘁智虑复起其家。然性好施，老而弥笃。其粟米与贫人，恒贱其值，每银一元必较市多一斤。遇荒年，则更益之以为常。一乡称善人焉。年六十三卒。《新采访》。

**余畅** 字达泉，晚号翀一。恂九世孙。祖本始，由城迁居南乡沐尘。父宝，有子四人，畅其仲也。幼学贾，然不废读。年二十，遭

发匪之乱，本、宝相继歿，流离颠沛中，犹手一卷不释。乱既定，躬耕奉母，旋与兄弟设肆制豆腐，并沽酒于露兜村，亲自操作。年二十七，始发愤读书，从劳承瑛游。为诸生，旋补廪生。至光绪三十二年始出贡。在乡设馆教授，晚年曾为县立高等小学校长。未几，以老辞。其教不尚严厉，循循善诱，门墙之盛，为一时最。生平不妄言、无遽色，动作有恒，与人交必以信，而性尤孝友。母氏祝，性严整，子妇或失其意，辄怒不食，坚卧不起。畅与兄润、弟涣、旭互相责，各率其妇罗跪床下谢罪，愿受朴。母不应，则更恳戚党缓颊，阅三四日得解乃已。初，宝有积逋二千金，畅悉偿之。家渐裕，而所入馆谷一以奉母，不自私。兄润与两弟则任酒肆，俾畅一意授徒。其后，母以丁口日繁命析居，犹怡怡如昔。母年既耄，每夕与润更番拂榻陈衾，同扶就寝。有时，畅一人为之，终其身如一日，不假手家人。妇女子孙习而化之，动循礼法，时称一门孝友焉。年七十九卒。据祝康祺撰《传》纂。

赞曰：祝劫庵先生为先生《传》云：处穷乡之中，当大乱之后。处境甚贫，求学已晚，奋厉刻苦，卒成通儒，教授乡里，泽及后人，吾乡仅先生一人而已。盖实录也。

《龙游县志》卷二十

县人 余绍宋撰

## 人物阙访

### 宋

**袁梦文** 《大治谱》云：太学生，两试副榜。授进贤县尉。有赵抃赞，称其体伟面颀，博文约礼；孝于事亲，恕以推己；达哉斯人，翩翩遐举。案：抃非妄赞人者，其言自可信。惜事实无征。

**吴斌** 《坊门谱》云：朝议大夫、尚书屯田郎中、直史馆，轻车都尉，赐紫金鱼袋。有宋宣和五年制敕，原本藏石巨吴际元家。敕，见《文征》。案：敕中称其拱著有恪恭之诚，临民怀安静之美。而两旧志并斌所任官名亦不载，事实益无考矣。

**祝威** 《沐尘谱》载：宋建炎四年，赠祝威朝奉郎敕云：尔以文吏为尉曹，钱塘寇戎犯阙，奋不顾身。朕何尝识卿，卿乃能为寡人宣力，虽古忠烈殆无以加。案：两旧志均不载威名，事实仅此数语，殊不明了，敕中忽称朕、忽称寡人，亦罕见。姑录于此，疑是伪撰。

**蔺敏修** 朱彝尊《经义考·论语解》下云：黄学佺曰：“敏修，龙游人。绍兴中进士。官至朝奉郎。著《论语解》。时称中山先生。”案：两旧志失载。兹已补入《艺文考》及《选举表》中。以其学行失



传,更列此待考。

**刘葵** 遂昌县旧志云:字崇三,号春晖,龙丘江潭人。元世祖朝,以宣议大夫继乃祖恬守遂昌之河头。闽寇扰境,率兵守隘于牛角尖之山脚,旁有深潭,杀贼至千余人,遂名为千人潭。终以敌多兵寡,退保于叶坦岭下,力竭自刎。其尸不僵,贼骇不敢犯。邑人异瘞城东,立庙祀之,名其地曰慕恩衢,盖不忘当日御寇恩也。案:葵为南宋绍兴二十一年进士,断无至元初尚在之理,其误无疑。闽寇扰境是何年事,亦未载明。惟御寇事,非可捏造,当时必有此一段事实,特年分有误耳。故录以俟考。

**徐伯忱** 两旧志《选举志》伯忱下注云:莆田令,以亲老弃官归,孝宗赐其里曰移忠。案:观此则伯忱学行当有可传者,惜语焉不详,今不可考矣。

**胡刚中** 《旧采访册》载胡大昌《墓志》云:祖父刚中,以道德性命之业为乡里师,学者称礪谷先生。事实无考。

**章成永** 两旧志《选举志》成永下注云:以直谏康熙《志》改諒字。忤权贵,改姓张,隐嵩山。万历壬子《志》并云:寻避居官塘。案:成永曾任何官,两旧志均不载。开端即云以直谏忤权贵,似觉不伦。考成永为庆元间进士,当时权贵应是韩侂胄,惜旧志又不明言,复不详其因何事与忤,今遂无考。窃意当时情事必有可载者,作志者宜详为记述,标其风节,以示后人,乃竟不为立传,而以不明不白之语了之。然则又何贵有此《县志》哉?力求高简之效如此,可慨也夫!

**夏寅** 《鸿陆谱》云:目穷经史。子蹈中、侄蹈规,相继登进士,时以三俊称之。授岭南太守。嘉定间,郡内大旱,寅焚香斋戒,设坛祷祝,忽甘霖暴注。今存有《甘霖重应诗卷》。案:《甘霖重应卷》载寅为南雄知州,非岭南太守也。惜卷中未叙其政绩,祷雨事亦近

无稽。有《夏太守甘霖重应事记》，见《文征》。

**杨瑾 杨绍达 杨继达 杨璿 杨华 杨理** 两旧志：杨侯祠尚书省疏，疏中言：瑾，荆湖北路兵马副都监，主管修宣文字；绍达，东京两路转运使；继达，转运使，雍州驻扎；璿，知乌江县、两浙节制金事；华，知兴化县事；理，进士。世居龙游县六都杨村。而两旧志中绝不记载，可谓疏漏之甚。疏中言政和、开禧祷雨并应，则皆宋季人也。

**余峰** 万历壬子《志》行略云：承议郎，通判信州。弟冈、子洪琇并承奉郎。事实今已无考。

**虞彦夫** 万历壬子《志》行略云：两任缙云、铅山主簿。剿山寇，御叛将，人称健吏。案：山寇何人，叛将何人，如何剿御，是何年事，是缙云事抑系铅山事？均不载，后人何由知之。是载犹不载也。

**王维康** 嘉靖《府志·选举表》维康下云：任宝章阁秘书，文行为时称重。案：亦系空言，然犹愈于两旧志之一字不提也。

**范楠** 新出土《墓志》，其子应玘撰。谓：乡之所苦者役法，楠殫谋毕虑，创为义役，务在保护乡井，咸嘉赖之。宝庆三年，天子有事南郊，以秀邸戚属，恩补登仕郎，亦泯意荣进，退处恬如云云。别无事实可考。又据《墓志》，应玘为饶州余干县主簿。其弟应琦徽州祁门县主簿云。原文，见《文征》。

**季可** 《乌冈谱》云：字允若，咸淳乙丑年进士，同邑马天骥、胡大昌咸深器之。官至右正言。德祐乙亥，乃与陈过、潘文卿请斥贾似道之党。致仕后，以元兵日迫，忧愤卒。案：季可为进士，《浙江通志》、三府志、两旧志均未载，殊可疑。劾似道余党事，他书亦未载。

**卢珊** 《三元谱》云：字廷润，号屏南。为卢仪见《选举表》。之

孙。当宋季干戈纷扰，有司举公金充社长，训练义勇，保障地方，时人为之歌曰：“我有子弟兮，赖卢公生之。我有庐舍兮，赖卢公成之。我有衣食兮，赖卢公植之。我无报德兮，年年颂祝以谢之。”事实无考。

## 元

**徐崇** 《灵山谱》载何同撰《传》云：字处仁。菑畲经训，绍宋儒理学之传，行谊卓越，称于里党。至正间，以荐辟仕婺州为广文。是时，兰溪金仁山、金华许白云相继卒，后进无所遵。崇至官，存心乐育，设教以立品为先，一时士风大振。案：既讲宋学，则学宗何派，学说如何，必须略叙，方可采录。兹故不立传。

**徐濂之** 即崇子。祝致和撰《传》云：字君奉。尝随父至金华县教谕任。是时，金华诸生方甚讲理学，接踵宋儒。见公幼年立操，品行端方，翔步不苟，相得甚欢，所交皆一时名士。案：此均是空言。《传》后尚载析产事，亦寻常事实。

**徐牺** 即濂之长子。方林撰《传》云：字尧佐。事母甚孝，冬夜预为暖衾，晨则先起暖衣服。夏日，拂扇抑搔，夜扑衣被，驱去蚊蚋。沃盥，亲捧盘匱，饗飧尝而后进云云。细玩词句，难免缘饰。

**祝善** 《沐尘谱》有《传》云：字以仁，号南崖。慷慨好义，遇里党有不平者，辄以大义折服。故无籍之民每曰：“宁废于县官，毋使祝君知也。”别无事实可考。

**徐宝 徐思** 《灵山谱》载翟瑛撰《宝传》云：东阳主簿。至正十八年，浙东道委平开化岭西程寇。十九年，大明改元。正月十五，凯回，复遇寇战死。方用宾撰《思传》云：西安东平寨巡检，与兄宝同战歿。案：程寇事无考，纪载太简略，不能入传也。

**徐梦吉** 著有《琴余杂言》，已录入《艺文考》。《千顷堂书目》

云：常熟儒学教官。学行无考。

**董珩** 《陇西谱》载其裔孙琪撰《传》云：字楚珍。喜读书，不求闻达。所居茅屋三椽，一储书，一卧室，一书室，一釜一瓮，外无长物。妻亡不再娶。年五十，独游江西庐山，五阅月始归。年六十，则自制一棺，对之吟咏，人罕睹其面。又十余年，一日，召其族孙某，授以所著《月令》六卷，无疾而卒。遗命即所居为墓，人号白石先生云。案：珩为何时人，失考。琪则清初人，既自称裔孙，则珩必为宋、元时人矣。兹姑列此俟考。

**董伯良** 《陇西谱》载其裔孙斌撰《小传》云：字定智，号东墅。肄业龙德先生之门。龙德，即时中，已见《传》。肄志经史，后继龙德设教于东山。东山文人，至今彬彬蔚起，盖启于龙德先生而盛于公也。案：斌为孝子，已入《传》。其言当可信，惜无事实可征。又考伯良为明初进士董儒之父，故列此。

## 明

**徐奎章** 两旧志有《传》，今删。说详《叙例》，复录于此，冀其尚有他事可传也。凡删旧志《传》者，皆同。

**徐梦麟** 《横堰谱》云：元进士，以兵乱隐居。明初，征起授司书职。未几，复以老辞。张文愚为之赞云：龙丘之北，横堰之徐，东海苗裔，增光里间。名登进士，官至司书，未几辞职，从容自如。案：明代无司书之官，疑系指吏部之属。《周礼》天官之属有司书。两旧志《选举志》亦不载，姑列此俟考。

**徐圆** 《灵山谱》载王旒撰《传》云：至正间，天台县尉。大明改元。五年，集义兵敌杨顺德，战死。案：杨顺德事未详，纪载太简略，可憾也。

**汪瑞** 《团石谱》载开化金实撰《墓志铭》云：字仲祥。明初，中

书左丞曹公城严陵，籍旁郡之富民役之。有金华民与越国胡公交私，曹嫉其贰己，以缓工斩之。瑞抗言力争，曹怒，系瑞将致之死，会破诸暨遇赦，得免。案：此事实甚含糊，无从考证。

**余雅** 《西湖谱》云：字子彬，号质庵。漳浦县令。秉性刚介，人不敢干以私，坐是不洽于上下，以事谪戍广西云云。事实无考。

**郑鑑** 《鲤渊谱》云：字景明。父名文嗣。洪武中，值红巾余党复乱，衢、婺一带匪徒响应。鑑策剿除，极著劳绩。案：此事实殊不明了。又案：文嗣，即元时县尉郑珪子，侨寓龙游，为鲤溪郑氏始迁祖。此谱卷首有总序，谓鑑曾赠奉议大夫、骁骑尉，追封浦江县子。亦未详何年事。

**叶景亨** 《桥头谱》载叶士魁撰《赞》云：孝友性成，强毅天赋。闵父充军，挺身代赴。万里崎岖，长往不顾。迨替得还，年已及暮。里巷优游，人钦雅度。案：景亨为洪武间人，惜其父何名、因何事充军，均失考。

**项彦礼** 万历壬子《志·仙释传》载之，今删。

**徐讲** 万历壬子《志》行略云：与弟谅并以明经称。案：学行无考。

**徐谅** 案：两旧志著述目录，明代首列谅所著之《遗安县》，此书《千顷堂书目》、《浙江通志》亦著录。万历壬子《志》行略称其署本邑。其学行亦未详也。案：以本县人署本县教谕，亦殊可疑，姑仍之。

**徐备** 万历壬子《志·选举志》备下注云：耀州判，佐守有开建功，升上海县丞，民思其德。康熙《志》削而不载。又考《上海县志》，县丞中无备名。

**徐以昭** 万历壬子《志》行略云：著作多资名教，惜散不存。案：既多资名教矣，何并其所著之书名亦略之也？

**方銓** 万历壬子《志》行略云：性耿介，多义行，监司尝旌其门。

事实无考。

**钱康** 万历壬子《志》行略云：广信同知，威德并行。案：亦是空话。

**徐敏恭** 嘉靖《府志》并万历壬子《志·选举志》敏恭下注云：山东佾事，升陕西布政使，以廉介见称。案：康熙《志》并其仕历削之，未详何故？《新采访》得其《家传》云：事父母极孝顺，待昆弟则怡然而尽其友爱。又云：在任数年，以勤民、恤刑、爱民著称。亦未详其事实。

**王德** 嘉靖《府志·选举志》德下注云：袁州同知，有廉能。案：两旧志不载有廉能三字，盖无考矣。

**叶成广** 两旧志《选举志》成广下注云：鄞州同知，存心简恕，为政平易。案：此计荐考语也，不图于《县志》见之。

**劳德** 两旧志《选举志》德下注云：长山知县，吏畏而民不欺。亦不详其事实。

**祝忠禄** 《沐尘谱》载吾舄撰《传》云：字天赐。政有不便，忠禄辄率同志尽言匡救，多见纳用。乡有纷争，必即公质曲直，至今乡有讼者，必曰：“使忠禄公在，安有此也？”惜未详其事实。又云：景泰间，奉诏输粟五百石于通州给边饷，获拜七品散官。案：祝忠禄，即两旧志义民之祝禄。两旧志云输粟三百五十石，此云五百石，当系两事。盖两旧志义民下注云：歉岁，捐赈米谷多者，纪其名。若如吾舄撰《传》所云，则是纳粟入官矣，何义之有？

**刘善惠** 两旧志《选举志》善惠下云：新昌县丞，在任十年，上官贤之。案：上官贤之者，其人必贤耶？以此誉人，直毁之耳。或曰：“安知两旧志非言外贬辞乎？”曰：“两旧志称善不扬恶，故知其意在称许也。”

**夏思齐** 两旧志《选举志》思齐下注云：郑州同知，兴革利弊，

民俗一新。案：兴者何利？革者何弊？今已无考。

**方文彬** 两旧志《选举志》文彬下注云：淮安推官，详慎决狱，民无冤抑。案：亦是公牍考语。

**叶辅** 两旧志《选举志》辅下注云：户科给事中，封驳详允，事无留滞。亦绝不著事实。

**袁懋** 两旧志《选举志》懋下注云：有文名。案：懋所作文今未见。

**祝兰牧** 《沐尘谱》载其《生圻志》云：字士爰，号菊泉。言信行悫，为乡人所依。读书尚义，守君子之道，惟务孝悌。非义所在，丝毫不妄取。而无事实可征。《生圻志》何人撰，亦未详。

**徐有成** 《旧采访》云：字时勉。庠生。为扬州经府，以清慎见称。正德七年，流贼压境，抚按委公备御，遂奏肤功。案：流贼扰扬州事，未详。别有《送徐经府凯还诗图序》，亦不载其事实。

**祝兰宸** 《沐尘谱·行传》云：字拱之。岁贡。初授咸宁训导，转授崇安、乐昌教谕，大兴教化。当时谢迁、王华、李旻、吴宽诸人，悉有诗赠之，以彰其素行。案：两旧志贡生中未载兰宸名，疑非岁贡。谢、王诸诗，今亦未见。

**吕仕龄** 《续采访》载慈溪姚模撰《墓志》云：处族以仁，睦邻以道。所施为，必自揆曰：“于古道得毋是乎？”是以父老宗族咸称其德。事实无考。

**吕荣** 《续采访》载商辂撰《岑峰处士生圻记》云：字居仁。尝受《诗》于兰溪姜金宪仁夫，得闻章枫山先生之学，乃益惇本实，略浮华。又云：余尝与扬榷古今人物，事理上下。其议论灼有所见云云。惜其学行不传。案：此墓规模甚为壮丽，至今犹巍然可观。

**徐华** 万历壬子《志·选举志》华下注云：全椒知县。移禄养亲，蝗不入境。案：移禄养亲乃分内事，不足称许。蝗不入境，未详

何年事。

**何鑑** 万历壬子《志·选举志》鑑下注云：韶州通判。尝立大庙营，人咸称便。案：大庙营，未详。以此为高简，窃所未喻。

**王廷臣** 两旧志《选举志》廷臣下云：龙泉知县。学识赅博，一时科甲咸出其门。卒于官，民立祠祀之。案：龙泉知县有疑，已有考证见《选举表》。服官之地，尚为祠以祀，本县志书乃不为立传，可异也。

**胡钦** 万历壬子《志·选举表》钦下云：鲁府伴读。秉性刚介，人称其守。而无事实可征，康熙《志》并此数字亦削之。

**何音** 万历壬子《志·选举志》音下注云：福建通判。致仕经年，民犹冀其至。案：福建何处通判，亦未详。乃曰民犹冀其至，何处之民冀其至耶？不载其实绩，而以此囫囵语了之，君子曰：失志职矣！

**尹连** 《张家埠谱·行传》云：受教于章枫山，长于性理之学，著有《天台记》行世。年九十七卒。其详不可考。

**祝廷贤** 《沐尘谱》载徐可求撰《行实》云：字希圣。以孝悌树家范，以恩义结盟□。闾里有谦退之称，姻娅无睚眦之怨。口无漫言，身无过举，虽横逆之来，亦处之坦然。案：可求亦非妄语者，所言当可信，惜不举其事实。

**张文愚** 两旧志《选举志》愚下注云：新淦知县。未几，罢任，人惜其才未竟厥施。案：此亦是囫囵语。

**祝尔昌** 万历壬子《志·选举志》尔昌下注云：新宁主簿，有政声。事实无考。

**祝云鹤** 万历壬子《志·选举志》云鹤下注云：淮安检校。征倭有功。案：征倭何年事，未详。淮安检校何以有征倭功，亦不解。

**毛一阳** 万历壬子《志·选举志》一阳下注云：北京兵马指挥，



廉能著声。事实无考。

**方镗** 万历壬子《志·选举志》镗下云：临都主簿，有贤声。事实无考。

**徐敞** 《河东谱》有《像赞》云：居步瀛坊，创治火墙以御火灾，合邑从而效之，火患顿减，因名其里曰火墙里。以经学名家，选授福建布政司都事，辞不就云云。别无事实可考。

**方廷相** 《龙头谱·行传》云：弱冠以圣贤自期，严辟佛老，余东衢先生规之，遂退自修省，备贽谒徐水南先生，一见，前席曰：“他日增光吾道者，方氏子一人耳。”相与论究，识益进而行益力，著《经济策略》十万余言。旋以父丧哀毁卒，年二十五，水南曾哭以诗。案：《经济策略》今未见，其他学行亦无考。

**祝尔耆** 两旧志《选举表》尔耆下注云：应天武学教授，得师模体。别无事实。

**祝尔介** 两旧志《选举志》尔介下云：太和知县。性孝友，动循古道。以狷介不合，故仕不显。事实未详。

**祝廷炽** 《沐尘谱》载史邦彦撰《传》云：字东麓。少聪慧，博学尚志，以麟经驰誉黄宇。然则固长于《春秋》者也，未知有著述否？

**余天禄** 万历壬子《志·选举志》天禄下注云：南城训导，以学行擢安义知县。学行，未详。又《西湖谱》云：字金荣，号保定，又号月塘。以明经任学博，转安邑令，皆有政声。亦无事实可征。

**陆仁** 《城南谱》载王—源撰《墓志》，称其赴朝阳迎弟丧。案：此分内事，不足记。又称其赋性耿介，执守刚毅。多所树立，不为人所挠；多所创造，不徇人所见。绝未举事实为证。案：仁，原名经，字子恒，号南泉。

**祝勤** 《沐尘谱》载遂昌应韶谱撰《墓表》云：字玉川。居恒励勤敏之操，敦恭俭之节，阐广施之仁，习诗书之训，而杜机息虑、涵

冲导和、游适陶真、敛退谐俗。又云：倜傥有大志。既是泛语，又觉前后不相侔。

**金溱** 《张家埠谱》载康永韶撰《行状》云：字朝卿，号鸣山。夙为藩司冯镐、臬司沈锐所重。又称其性刚毅不屈，尝以讲书拂都宪彭公意，至反复辩论不少屈。所讲何书，彭公何名，均未详。又称其古文深奥而简洁，诗律不亚盛唐。今亦未见其遗著。

**董用良** 《陇西谱·行传》云：字硕左，号光庵。善阐《易》理，尤精天文、星历。万历间，曾捐米五百二十石。未知是否赈饥，余无别证。

**祝永寿** 《沐尘谱》载有曹闻礼撰《隐君南陵公传》，南陵为永寿别号。颇致推许，惟无甚事实。既称为《传》，则必在永寿卒后。闻礼为修万历壬子《志》之人，而此《传》又作于乙未，先于修志十八年。如果可《传》，则闻礼撰志何为不录？此不无可疑者也。

**祝启周** 两旧志《著述》内均列启周著书两种，而《人物志》中不详其学行。今无考矣。

**马洪品** 《范坦谱》载胡应麟撰《传》云：字汝质，号潭溪。涉猎古诗歌及百家书，手不释卷。时，孔博院、程金宪素与往还。壮龄，游武林，与诸豪俊结侠。诸豪俊奇其才足以用世，力荐居藩掾，洪品辞至再，则檄札及门矣。案：孔、程何名，诸豪俊何人，藩掾何官，均无考。

**徐良选** 《灵山谱》载钱梦松撰《传》，称其任侯官知县，有政绩。又谓其去之日，邑民攀辕卧辙，遮留不能前。而未详其事实。又大学士徐本撰《赞》，则骈俪语，尤无事实可征。《灵山谱》言其有诗文集，已著录于《艺文考》矣。良选，字子仁，号斗南，又号宇廓云。

**金百鍊** 《张家埠谱》载邹元标撰《行实》云：字子刚，号如我。

任太平府通判一年，声名卓卓然。无事实。又载吏部右侍郎裴应章赠《序》云：先是，簿书行检，有优无劣，张生、赖生中飞语，学使者责其市恩，文屡下，尤令刑官督署，叹曰：“杀人以媚人，吾不为也。”竟以小过报免。温生、陈生考绌，李生远游，廩当罢。矧上有别示，孰不染指乎？坚谢。暮夜遗不改，傍郡邑闻淑效。又云：廩生旧多分耗，到即更新加惠，例垂奕世，新生贄雁礼也。闻其自行自止，或讽之，戚然曰：“吾留有余不尽以贻子孙。”云云。案：明季，文章多以艰深，文其固陋而抄录又难免脱讹，遂至不甚可解。然固事实也，录以俟考。

**龚世赞** 《新采访册》云：廩生。祖母胡病，躬汤药，自为殓，人以顺孙呼之。母胡卒，哀毁几陨，庐墓三年，不荤食。父丧，复庐墓三年。本邑大令涂于万历戊寅年亲书“庶几纯孝”四字悬于门，宗师乔复给以百行本原匾云云。案：世赞事在万历初年，万历壬子《志》不载，或其人尚生存。康熙《志》何以不录？又万历戊寅为六年，其时知县为江濯之，并非涂杰，疑有舛误。

**刘应举** 两旧志《选举志》应举下注云：兰溪教谕。性恬雅，善迪士。今案：《兰溪县志》无《传》，事实无考。

**陆世彦** 两旧志《选举志》世彦下注云：醇谨，有文誉。而无事实。

**祝锡楨** 两旧志《选举志》锡楨下云：肇庆府经历，有吏才。居家，慷慨好义乐施。事实未详。

**杨鼎** 《泽远里谱》载《杨圣脩行略》内云：祖父鼎，规模宏远，器宇深沉。慕王文成性命之学，受业邹守益、钱绪山之门。参考互证，更为阐明。然未见著述传世。

**王继瑢** 《韦塘谱·行传》云：字敬湖，号东泉。明季，两浙渐兴师旅，徭戍征缮无虚日。继瑢每与贫家代输公税，又与人赎子

女。惜未详何年、何人事。

**余国柱** 《高阶谱》载祝利润撰《传》云：字上公，号鼎石。务施济，尚慈和。又排乡邻之纷难，无远近，皆称长者。又其族人欲图其产，幼时几为所害。及长，人有言其事者，辄曰：“未必如是。”其长厚尤可风特。其他事实未详，列此待补。

**叶有芳** 《新采访》载徐应秋撰《传》云：字蕙实。性至孝，曾刲股疗父疾。已载《别录》。又云：晨起，道拾遗金，候其人至，询之，则鬻子以输官也，恻然还之，仍赠以赎子之直。余无事实。

**叶仕魁** 即有芳子。曾与妻汪氏刲股疗母疾，已载《别录》。《新采访》得余日新撰《传》，称其任江西进贤知县时，发奸摘伏，明察如神；剔弊惩贪，猾胥齿击。时南昌、临川两邑皆欲得之而治，绅耆请于当事，进贤绅耆恐其去，亦相率署名公牒以争。又载其完人伉俪两事及拾金不昧事，皆盛德。所疑者，仕魁以顺治十四年卒，距修康熙《志》不过十数年，而斯《传》即为余恂之父所撰。何以当时余恂不为立传？故兹亦仅列于阙访。

**徐良贵** 《旧采访册》载张子槐撰《传》云：字国本，号高南。锦衣卫经历。居官十余年，行谊卓卓，有政绩。然无事实可考。又称其父死，庐墓三年。

**方遇知** 康熙《志·选举志》遇知下云：广宗知县，狷介有政绩。事实无考。

**席廷贤** 两旧志《选举志》廷贤下注云：天津把总，有防海功。案：此与前祝云鹤下云征倭有功，疑皆当时任意载之者。检校把总纵有功，亦不甚著也。

**徐君辅** 万历壬子《志·选举志》君辅下注云：征罗旁功，海南把总。事实未详。

**曹叔靖** 两旧志《选举表》叔靖下注云：志行不苟。案：行，不

苟可说也。志不苟，稍费解矣。叔靖，号龙岗。有《龙岗集》，已著录于《艺文考》。惜不详其行事。

**陆大受** 万历壬子《志·选举志》大受下注云：佐子。诚敬世其家。案：诚敬，非实事。而曰世其家，殊费解。

**张应鹤** 万历壬子《志·选举志》应鹤下注云：宿迁县丞，有惠政。事实无考。

**徐嘉相** 万历壬子《志·选举志》嘉相下注云：邑令万嘉其孝义。康熙《志》云：道州州同，有惠政。均未详其事实。

**方一诚** 两旧志《选举志》一诚下注云：倜傥有气节。事实无考。

**徐秉义** 《新采访册》载其弱冠拾金不昧。别无他项事实。

**徐瑞登** 康熙《志·选举志》瑞登下注云：以才干称，治家整齐有法。事实未详。

**张应凤** 康熙《志·选举志》应凤下注云：笃孝嗜学，家训肃然。事实未详。

**陆维斗** 《城南谱》云：字元枢，号华岳，又号雪岭道人。邑诸生。曾著《龙丘风雅集》，已著录《艺文考》中。学行无考。

**陆大刚** 《城南谱》云：字君直，号克宇。邑诸生。曾著《吼剑集》，《艺文考》已著录。惜学行未详。

**范文科 范文卫** 《鸡山谱》载二人皆诸生。曾编《范氏家事录》十四卷，已存其目于《艺文考》。学行无征。

**劳于王** 康熙《志》仅云其著《十经汇纂》。不详其学行。

**陈敬** 康熙《志》仅云其著《陶山小集》。不详其学行。

**余用循** 康熙《志》仅云其著《华阳隐诗集》。不详其学行。《龙丘余谱》亦仅云：字见卓，号酉阳。邑增生。

**徐允迪** 《灵山谱》云：字吉甫。邑廩生。曾著《努鸣草》二卷。

惜学行不传。

**徐希颐** 《灵山谱》云：曾著《竹素堂稿》。不详其学行。

**叶铎** 《桥头谱》载叶鲁撰《传》云：梦刘居士，纯孝性成。母丧哀毁，几不欲生。遭时变乱，锐意功名。韬铃术数，无不究心。遭时变乱，募兵勤王。大臣交荐，监军楚藩。知事莫挽，辞职而还。葛巾藜杖，泉石徜徉。明哲保身，见几贤良。事实未详。

**徐彦** 康熙《志·选举志》彦下注云：周急困乏，善气迎人。事实未详。

**王国启** 《续采访册》载：崇祯间，授南京水师都司。知县黄大鹏等均有题赠。后因城破，以身殉节。案：殉节未知在任所，抑在龙游，无考。

**王大义** 《韦塘谱》云：字季由。明末人。至孝，善体亲志。亲疾，食不下餐，衣不解带。及卒，哀痛欲绝，庐墓终丧，灵鹊来巢，人称孝感云。案：后三句袭两旧志《叶希学传》中语，疑非事实。

## 清

**曹仕能** 《城南谱》载：仕能，字良仲。具韬略。顺治年间，南寇窃发，邑令程擢为都长，领兵进剿。招抚难民，群感戴归诚，余党悉散，寇赖以平。又载：曹国裕为仕能仲子，亦云顺治间，山寇窃发，邑令程举为都邑长，削平寇难。所叙大略相同，疑有误。防南寇事，亦未详。

**童之宪** 《新采访册》载：字又思。多才博学，兼工书法，明伦堂圣经即其手书，骨力似柳公权。至咸丰时，因朽蠹易去。余无考。

**余际熙** 《两浙轶轩续录》选录其诗两篇，注云：字伯平。《西湖谱》云：字孔初。授教谕，奖掖人才，培植后进，有苏湖之遗范。

授何处教谕，未详。仅知其曾协修康熙《志》而已。

**姜应显** 《续采访册》载杨鼎新撰《传》云：字达卿，号逸溪。博览群书，精通典故，精于医术，更善属文，娴于诗画，又善鼓琴。每游京都、苏、杭，所至士大夫咸敬服之。全无事实可征。

**余文炜** 《高阶谱》载刘昂撰《传》云：字士登。国柱子。当我朝定鼎之初，余氛未靖，文炜策于官指挥御寇方略，乡邻赖以安堵。天下既定，各郡县修废举坠，而龙邑疮痍未复，其城郭、池隍、桥梁、道路应修理者，当事罔知所措，一切仗文炜为之调度，民忘其劳而事皆就。顾深自韬晦，诸工告竣，长官将叙其庸以闻于大吏，先令人示意，文炜作色曰：“某之为此，固为邑之人，非有意求闻也。自揣庸陋，愿以布衣终。”谨案：此绍宋十世祖也，今以昂所为《传》，于兴复各端未明指何处及其大略情形，故与九世祖讳国柱均列是编，以俟博访。不敢私于所尊缘饰事实，以自诬先人而自贬其书也。

**曹斯文** 《城南谱》云：字圣系，号念兹。年十三，父歿，哀毁骨立，事母备极孝养。与从弟师典，友于甚笃。均无事实可证。

**余敬明** 《新采访册》载敬明《九十自序》，略云：自揣生平，兢兢自守。言必由衷，行无枉曲。赋性刚方，不畏不侮。如巨寇陈贤、祝贤，则捕诛之。旗丁造靴害民，则立毙之。甲申之变，寇盗蜂起，道路充斥。与内侄王鹤天设策防御，贼不敢犯。庚午冬，司铎永康，学宫陋规，一切禁革。与弟子切劘道义，厘正文体，数年之间，士风丕变，习俗蒸蒸，翕然向化。如是者十四年。告归，两袖清风。永康士民攀辕涕泣不忍舍，有追随百里而始返者。案：陈贤、祝贤并旗丁造靴事，语焉不详，今已无考。甲申事变，亦嫌记载太略。所革永康陋规，是何名目，并无从考证。而《序》中自夸过甚，前辈所不肯为，故此《序》是否伪撰，尚有疑也。

**姜一佐** 《旧采访册》载王肇初撰《传》云：字天符。上下古今，

矢志坟典，子史百家，无不毕览。中顺治辛卯副榜。晚授馆多所成就，著述以兵燹散佚。案：一佐诗文，今未见。又著述何书，今亦无考。

**何一清** 《新采访册》载其于顺治五年，括寇入境，一清往川山殿谕以理，冀其不扰地方。贼不受，遂遇害。别无事实。

**何元泰** 《新采访册》载其于顺治十年，抗括寇遇害。别无事实。

**夏美文** 《华峰谱》有《传略》云：英明果锐，膂力超群。广东兵备副使闻其名，使充千户。时值契丹淆乱，上命统兵，征剿有功，升游击。后于康熙乙卯失机，被围边境，不获全生。案：千户，当指千总。清初，亦无所谓契丹。康熙乙卯为十四年，时有尚藩之乱。美文殉难，或系事实，惜原文含混不明。

**祝之瑶 毛凤飞** 之瑶，字子玉；凤飞，字千仞。均见康熙《志》纂修姓氏。惜两人学行未详。

**刘师尹** 康熙《志·选举志》师尹下云：嘉定知州应举孙。历官数任，屡著惠政，后以罪谪，士论惜之。案：既著惠政矣，何不立传？并其历任何处，不记载也。后以罪谪四字，尤不明显。果其罪耶，何以有惠政？非其罪耶，何不详述其事以称之？

**叶黎** 《两浙輶轩续录》选录其诗一篇。惜学行无考。原注云：世龙子。案：康熙《志》纂修姓氏中有黎名，字文若。康熙《志》载其诗颇多，今已录入《文征》。

**曹凤翔** 《城南谱》载徐文撰《传》云：字千仞，号卓萃。事母以孝闻，母病笃，吁天以身代。及卒，哀痛几绝。余无事实。

**范邦逵** 《鸡山谱》载徐起岩撰《传》云：字公球，号飞涛。任松阳训导，居官廉明勤谨，郡太守贤之。属邑缙云缺宰，即以先生署其事。期月间，政清民和。归田后，解衣推食，济困扶危云云。未



详事实。余详叙上方山得丹灶、丹鼎事，则不能入志者也。《选举表》中邦逵下尚有考证。

**叶鲁** 《两浙轺轩录》曾录其诗一篇，注云：号东岩。新采得其玄孙志庆所开节略，亦仅云：字德容。尝师事杨大鹤。登进士第。复居京师七年，驰名当道。别无事实。近又采得王文龙《哭叶鲁诗》六律，亦无甚事实可采。惟第二首有云：南巷高风亲串在，往来雪月肯辞频。两园暇日娱文酒，四郭春风藉草茵。第六首中有云：文社几人兰臭合，吟豪分赋墨华飞。知君牛耳应谁执，此事鸡林见者稀。案：南巷，指余恂家；两园，指余忱镜园、余勉宜园。读此知鲁与忱、恂为亲戚，曾与当年文宴之盛而长于诗者也。

**余励** 《南巷谱·行传》云：余恂次子，字可远，号萼斋。学问赅洽，工于书法。康熙五十五年，岁贡。性孝友，与长兄唱和不辍。案：励所作诗及字，均未见。

**余邀** 《南巷谱·行传》云：字嗣雅，号也亭。《传》中泛称孝友，别无事实。

**余逊** 《南巷谱》载孔传锦撰《传》云：字敬五，号梅轩。所为诗古文词，直追唐、宋。卒年仅三十四。遗诗充栋，足传后世云云。诗今未见。

**董士炳** 《续采访册》云：治《毛诗》有声，著有《小学题解》。又曾操选政于吴门，选有《诗艺昭华》云云。《题解》，今未见。所选当系试贴诗。又云：隐居不仕，时人以高士目之。亦无事实。

**刘国典** 《芝溪谱》载余作沛撰《传》云：字君瑞。居乡，恂恂不妄言笑，专务推诚劝迪，里中有悍鸷者，率化于公议者，至比之王彦方云。性爱闲静，自岁时伏腊外，或累旬日不出户，市中绝足勿往云云。别无事实。

**董琪** 《六都谱》载杨伊川撰《传》云：字东灿，号敬斋。孝子斌

之长子。文学渊深，叶东岩尝以国士目之。又尝集瘞骨会于东郭，立放生池。余无考。

劳宏达 《旧采访册》云：字履上，号公烈，双溪下厅人。国学生。钦褒纯孝，给帑建坊。事实无考。

张光进 《续采访册》云：字康侯。历署盐山、乐亭等县知县，俱有循声。案：《选举表》光进下仅云：直隶试用。或徐起岩编《续选举志》时，光进犹未署缺也。《续采访册》云光进曾著《吾山近草》及《燕游鄙言》，惜未见。

王京 《石院谱》载童应梧撰《传》云：字鹤天。年十五，为诸生。嗜书，博通今古。又善医，名噪甚。时人方之扁鹊、秦和。余无考。

邵岷 杭世骏《词科掌录》云：字百峰，本吾浙龙游人，侨寓元和，后迁虎邱。为武生。屡游学幕，太仆常熟蒋公所荐牍误列附生，为部所驳，不准试。与秀水张庚皆工五言古诗，而百峰登览之作尤胜。案：乾隆时，开博学鸿词科，吾县人与荐者仅岷一人，而不得与试。其诗，除《词科掌录》所载外，亦未见。生平事实，亦无考。

曹宪 《城南谱·行传》云：字王度。博学洽闻，于书无所不窥。康熙壬午，学使颜曾聘校金华试，多所识拔。别无事实。

杨海平 《泽远里谱》载何棣撰《传》，称其在丽水训导时，表正胶庠，德业尤彰，彰在人耳目间，而不详其事实。案：棣为丽水人。

童珪 《塔石谱》载费淳撰《传》云：自少至老，跬步不苟，与人言惕惕，惟恐伤其谦，抑殆天性。或以巽懦可乘，稍有犯者，匪特不与较，更善遇之。或因是惭悔无地，立自痛悔。又云：虽弗显其德，实应《传》。然无事实，何以《传》也？

余长泰 《新采访册》载费淳撰《传》云：字永升，号竹溪。好为古文，下笔千言立就。书法钟、张，尤精小楷。援例州判，游京师，

一时翰苑名士咸乐与交。案：长泰所作字，今未见。余无事实可征。

**余鹏年** 《新采访册》载费淳撰《传》云：字翥南，号天池。《传》中泛称其孝及任地方义举，差无事实可录。

**杨宗赐** 《泽远里谱》载童应复撰《传》云：号君贶。奉母至孝，事兄备极敬恭。无事实可证。

**金德恒** 《张家埠谱》载胡邦盛撰《传》，称其事父母以孝，待兄弟以爱，处宗族以敬，处乡党以和，历历俱不朽事。但无事实可征。又称其乐善好施，亦属空泛。姑录入《别录》。

**汪映柏** 《团石谱·行传》称其孝行，念外祖无子，为之置产营祀，每重九必挈子侄拜于墓。又其外舅无子，亦为置产供祀。仅此二节，不能立传。

**徐梧** 《灵山谱》载江松撰《传》云：字良材，号恒兴。本邑学宫暨岑峰书院年湮倾圮，梧出资为倡。通驷桥、育婴堂，先后捐金。案：何年事，未载。捐金若干，未详。又载其出谷济馁事，已入《别录》。

**夏时行** 《鸿陆谱》载蒋泰潮撰《传》云：字宗寅。以文章见重于时，生平著述甚富。案：著述，今未见。并书名亦不传。

**尹武** 《新采访册》载其内侄翁一揆撰《事略》及鲍鑑赠《序》，均空言其孝友，别无事实可据。武，字岐山，张家埠人。武进士。

**汪映松** 《团石谱》载其字茂如，号书田。妻死，义不再娶。余无事实。

**曹世庆** 《城南谱·行传》云：字锡光。性笃谨，励清操。日记至勤，一言一动皆记入。卒年仅二十九。案：日记，今未见。

**金有光** 《张家埠谱》载饶用撰《传》，称其孝友性成。十岁，丧母，卧灵帏三年，足不出户。十六，丧父亦然。别无事实。

**项文灿** 《新采访册》云：字锦堂，号斐然。精于医学，曾著有《症治实录》一卷，已著录《艺文考》中，余未详。

**杨维伯** 《泽远里谱》载吴文熙撰《传》云：其戚刘照入都铨选，维伯助以二百金俾成行。其后，刘卒于厦门官所，贫不能归葬。越数年，照子始归，复与三十金，使归其槨。案：此固今人所难，然仅此一节，不能立传。

**詹杰** 《五都谱》载姚翀撰《传》云：字轶凡，号嵩斋。留心绘事，出入荆关马夏，晚乃专宗恺之。案：顾虎头画久失传，安从摹仿？殊未可信。所画亦无流传者。又称其孝友，亦无事实。

**徐文耀** 《灵山谱》载徐振冈撰《传》，称其字有聚，号古源。尝于途中拾金，待其人还之。未详何年何处何人事。

**徐权** 《灵山谱》载陈杲撰《传》云：字秉衡，号讷斋，崑之父也。崑，见传。乾隆十八年，叶县旱灾，崑适为知县，大吏募宾俱以南路从无办赈成案，议格不行，权飭崑以纵忤长官毋负小民，漏夜通报，请给发口粮，全活无数云云。别无事实。

**余保泰** 《新采访册》载其玄孙畅所述轶事云：字定侯。诸生。少精拳术，恒自晦。尝薄暮过五排山，遇盗数十，辄前与搏战，盗竟不敌。好为诗词，尤善鼓琴。案：诗词，今未见，余无事实。

**余时泰** 《新采访册》载徐崑撰《传》云：字与宜，号可庵。《传》中泛称其友爱及任地方义举，别无事实。

**余志林** 《新采访册》载其玄孙廷琛所为《节略》云：字竟成，号他山。善书能画，得晋宋人笔意，现尚存有墨迹。兹以尚未得见，录此待考。

**范世燧** 《鸡山谱》云：字金左，号云樵。曾著《修凝堂家训》五十二条。余未详。

**王洪惠** 曾著有《丹山分馆集》、《王氏考》，已著录于《艺文

考》。学行未详。

**童应梧** 曾著有《学庸讲义》，已录入《艺文考》。《新采访册》载余嗣曾撰《传》云：字梁材，号琴浦。其事后母江氏甚孝。后母所生二弟，视如同胞。父母之丧，哀戚尽礼。以岁贡选会稽县训导，未之任卒。余无考。

**童九峰** 《新采访册》载余玉琪撰《传》云：字峙青，号醉六。《传》中称其秉性仁厚，凡事不肯以贤智先人乡党言坊行表，且谊笃孝友云云。别无事实。原文谓其为漆邑侯器重，漆当是漆成美，乾隆时人，故列于此。

**余开泰** 字启君。诸生。《两浙輶轩录补遗》采录其诗，今已入《文征》。余习注云：启君先生精于讲《易》，曾见其诗稿哀然成集，今存者十不及一。案：开泰诗，今得见者仅此，未能详其造诣何若也。

**曹致祥** 《城南谱》载周光霭撰《传》云：字景云。作文出入汉魏，工诗词。与学博周墨涯、秦碧山唱和。案：诗文，今未见。

**叶世璇** 《步瀛谱》载：《棠棣图记》，孙大夏撰，称其自安俭朴，不尚奢华。平居，酬酢往来，虽一介不苟取与。案：世璇，字舜占，号在庵。事实无考。

**曹一飞** 《旧采访册》载余甸方撰《传》云：字轩其。年弱冠，折节读书。所为文，纵横挟奇气。既游庠，益自励。邑侯谢公，当是谢恩。川中名宿也。耳其名，每延至署中，对酒论文不倦云云。今其诗文，均未见。

**刘汝楫** 《旧采访册》载徐崑撰《传》云：字予良，号肖岩，初名梦弼。诗古文俱卓然名家。今亦未见。

**祝治岐** 《旧采访册》载丘圣祥撰《传》云：字宇西，号凤岗。读书过目成诵，受业于马惟一。为文精切典雅，朝夕手一编不辍。尝

与王鹿苹明经、余霁堂孝廉游，多所进益。案：文，未见。

**徐汝述** 《新采访册》载项栋材撰《传》云：字申言，号肯堂，后徐下宅人。举人大挑知县。历任江西分宜县，署永宁、高安、石城、上饶等县知县，署饶州府知府，授广东海康、临高各县知县。有惠政，执法不挠，锄豪剔蠹，奸宄为之敛迹，人不敢干以私。凡陋规积弊，可充囊橐者，悉屏去。卒于临高任所。事实无考。

**严应霖** 字雨苍，一字喜亭。诸生。《两浙辘轩录补遗》曾选录其诗，今已入《文征》。余习注云：天性孝友，笃于行谊。书法苍劲入古，诗极清新俊逸，逼近唐音。案：应霖曾著有《信吹集》，已入《艺文考》。书法，未见。

**杨允升** 《旧采访册》载周邦缙撰《传》云：邑庠生。精于医学。凡疑难之病，他医不能治者，允升诊治，辄奏效。案：未著事实，不能入传。

**劳如琇** 字石台，号定山，南乡双溪村人。因名其集曰《双溪集》。学行未详，集已著录。《两浙辘轩录补遗》曾选其诗一篇，今入《文征》。

**劳湘** 《旧采访册》云：字楚三，号水云。邑诸生。晚年，自号松隐道人。养一鹿，使一僮，苦吟清啸，烟霞自适，以无疾终。所著有《松隐诗集》。今《集》已著录。惜事实太简略，不能立传。

**劳涵** 《两浙辘轩录》选其诗五篇，未详有无著述。《辘轩录》注云：字德纯，号粟海，官布政经历。事实缺访。

**余鏐** 《两浙辘轩录补遗》载其诗，余习案云：世父菊区先生善写兰竹，书法宗苏、米。时与劳粟海、孙春皆朝夕唱和，为词坛所推重。案：鏐，字金声，号菊区。诸生。其诗存者，仅《辘轩录补遗》所载两篇，已录入《文征》，余未见。所画兰竹，亦无传。

**吴元灯** 《旧采访》载余甸方撰《传》云：号青谷。廪生。曾刳

股疗父疾，已入《别录》。能为诗。馆于某氏，有妇私奔，严拒之而勿泄。余未详。

**邵宸** 《两浙辘轳录》选登其诗一篇，今已入《文征》。学行无考。

**周光葆** 《两浙辘轳录补遗》余习注云：霁园先生精神疏朗，谈论风雅，交游皆名士。案：光葆为乾隆五十四年举人，已载入《选举表》。惜学行无考也。

**王国宾** 著有《鹿苹诗草》，已著录《艺文考》中。鹿苹，其别号也，居南乡八坡山，又自号八坡山人。余无考。

**余鹤年** 字昂立。诸生。《两浙辘轳录补遗》录其诗一篇，今已入《文征》。余习注云：家昂立先生，少负诗名，尝与遂安毛时益、建德宋丹林相唱和，诗宗放翁。屡荐不售，寻以病卒。案：鹤年诗，仅此一篇，余未见。

**余甸方** 《新采访册》载余照撰《传》云：号西岑。岁贡，《选举表》作恩贡。设塾宜园。课徒之暇，与二三知己饮酒吟诗，终日不倦。晚年，尤好抄读史汉。案：甸方在嘉、道时颇有文名，惜其事实不可考见也。

**何谨** 字香圃。国学生。案：嘉、道间，典史翁肇椿在任最久，其叔燁，字湘客，来龙游依之。燁长于诗，在龙游与曹以采、余甸方及谨诸名士往还，著有《荆树堂稿》，见涂日耀《序》及朱兆熊《跋》中。是谨在当时颇有文名，惜其学行无考。又谨曾为余恩鏊师，见恩鏊硃卷。

**刘梦麟** 《芝溪谱》载余习撰《寿序》云：字圣兆，号绂书。生平隐人之恶，扬人之善，敬老慈幼，出于天性。案：《龙游攀轳诗》为梦麟等所哀集，当嘉、道时在乡颇有声望，惜学行不可考矣。

**潘锦虹** 《鲤渊谱》载严秉忠撰《传》云：号云根。好古，尤喜艺

菊，曾著《菊谱》，题其斋曰慕陶。又云：云根喜施药。邑有徐先生号太和者，良医也，师之，专业儿科诸症。备药，有求药者，详问与之。别无事实。徐太和，何名，亦失考。

**严秉忠** 著有《枕溪书屋课诗》二卷，已著录于《艺文考》。案：《自序》言“设帐鲤渊，选学徒唱和古近体诗，以活字板印行”。读其诗，可见其门墙之盛。然别无事实可考。

**姜美琼** 著有《绿葱草堂诗抄》，已著录《艺文考》中，并有考证。仅知其为马富源姜家村人，馆于浙源里黄氏颇久。余均无考。

**姜美璠** 当系美琼昆仲。见黄秉智所编《醉墨轩诗抄》，编中美璠诗最多，《艺文考》中已有考证，惜其学行不传。

**潘煦** 著有《枕溪书屋学吟》、《星峰小草初集》，已入《艺文考》。余无考。

**余秉宽** 《续采访册》载王宝华赠《序》有云：生而敏达。弱冠，擅文名，而淡于荣利。博览史书，尚论古人事迹，了然指掌。每当良朋聚晤，则据榻高谈，风发泉涌，声彻内外。家中产，而轻财尚义，不计家有无，至日用不继，而处之晏如，终不言贫云云。是亦有道之士也，惜无事实可征。

**叶大纶** 《续采访册》载周锦撰《传》云：字济之，号凤池。持己以敬，接人以恭。端方以植品，廉静以养心。嘉言善行，至今犹啧啧人口。但无事实可证。

**吴枫** 《两浙辘轳录》选枫诗一篇。注云：字晚香，诸生。著有《梅坪诗稿》。案：枫为东乡厚成吴村人。村有坪坂，稿因以名。此外，无他事可记。

**黄静斋** 佚其名。著有《鸿雁山房诗草》，有徐本元《序》，称其隐居奉母，不事帖括。盖亦有心人也，惜无事实可考。

**戴禄满 戴文忠** 《新采访册》采祝康祺撰《传》云：字维祥。



性仁慈，不忍苛索逋负以致亏累。咸丰后，所业渐有起色，卒致小康，然终俭素自守无矜色，以此长者之称，遐迩共信云。文忠，即禄满子。余畅撰《传》言：咸丰之季，以山居得免寇难。然于避难来者，殷勤接待。燹后，尤喜济人。于亲友有逋欠者，不忍苛索。平生喜为解纷。惜均无确实事实可证。

**邹有传** 《新采访册》载其为西乡鲤鱼塘村人。九岁，为发逆掠去，寻逃出。初投效鲍超营，后改入左宗棠大营，效力积功，保至游击，赏戴花翎。历充转运、抬车、紫草、窑工、城工各局差，并督带和闾营云云。案：此当有战功者，惜无从查访。又采得其自喀什噶尔提标稽查总局致其侄信两通，拳拳于宗族乡党，深以无子及不能还乡为恨。文词虽拙，意甚恳挚，盖亦有道之人也。吾县人罹发匪之难，以武功闻者，今得吴福星及有传两人，而乡人知者甚鲜。福星已入《传》。疑尚不仅此两人也，是在采访者之留意矣。

**余玉瑾** 《旧采访册》云：号荣堦，又号元圃。历任温州府学教授，乐清、奉化等学教谕，所至有文名。解组授徒，四方名士争从之，余撰、叶摹梧皆其门下。咸丰十一年，城破被害。案：玉瑾颇有文名，今乡人多知之，惜未见其著作，其行事亦鲜能详之者。

**鲁芹** 《旧采访册》载其应试十余次不能入泮，半生抑郁，只徒安分守己。后遇发匪，剖腹死。《续采访》则云：发匪闻其才，遣人再三招之，不赴，乃挟以去，亦默而不言。匪首以为未谙粤语也，付笔令书，芹乃大书云：“谋反大逆，人人得而诛之，吾恨不能杀汝等，况降汝乎？”匪怒，乃以铁钉钉其手足，碎其尸。兄弟五人、女二人俱殉难。两册所载各异。《续采访册》并云：同治间，由大宪奏请优恤，奖云骑尉世职。今考《忠义录》亦未载，疑《续采访册》未免缘饰附会，故列此俟考。

**王日烜** 《旧采访册》仅载其以咸丰丙辰进士，署广西天河县。

又发匪扰龙游时，曾办劝捐。余均无考。

**詹邦沛 詹炳辉** 邦沛，字汝平，号禹门。炳辉，字楚珍，号仞千，邦沛子也。《续采访册》载吴毓林撰《节略》，谓闻其父言，盛称邦沛之德行及炳辉人品之佳，父子俱殉发逆之难，深致惋惜。殉难事，《浙江忠义录》已载，业据以入别录。余无事实可证。

**汪典** 《湖镇谱》载吴毓林撰《传》云：字慎五。同治元年乱后，民艰于食，典不忍坐视，赴左文襄营祈请赈济，蒙给米数千斛，且于各要道添设粥厂，一县民困，藉以得甦云云。别无事实。

**吴锦城** 《坊门谱》载周锦撰《传》，称其事亲颇孝。生平重礼法，崇信义，举止必端，语言必谨。事实未详。锦城，字丽春。

**夏谟** 《鸿陆谱》载夏艺林撰《传》，称其慷慨好义，济急救危。性甚刚方。每诋人曲直，不事依阿；见人患难，屈于势者，必力为救援。事父母以孝称。事实未详。谟，字序功，号懋斋。

**王嗜书 杨晟 余述曾** 《旧采访册》均未采访其事实。各有著述，已见《艺文考》矣。

**杨六吉** 《泽远里谱》载叶元祺撰《传》云：字集益，号筠卿，杨旭次子。十三岁，应童子试时，秦知县淳熙得卷，击节称赏，拔置第一。后从余玉瑾游，学益进，不幸早卒。生平诗古文词及骈体著作甚富，遭兵燹散佚。案：六吉诗文，今未见，故不附《旭传》，仍入《阙访》。

**张福德** 《旧采访册》载：幼失母。性至孝，为父吮痂。强年丧偶不再娶，人称其义。余未详。案：何时人，未详，姑列于此。

**杨学曾 余元荃 童履丰 余士铉 余琦 翁纯修 赖荣奎 戴永丰** 新、旧《采访册》均空言其精于医学。其有无著述及治愈何人之疾，均无实证。

**马世楠** 《旧采访册》载王凤藻撰《传》，称其当发逆乱时，避居

横坂塘，见沿途妇女苦雨，乃施雨笠数百。又在北乡前桥地方见二妇人投水，乞贼目释之。余无可记。

**童树勋** 《新采访册》载杨渭恩撰《传》云：字佐周，号元功。为人倜傥不群，不屑为文士，中咸丰己未武举。居乡，以整顿地方为己任。见北乡武风不振，乃设厂授徒，游其门者多获售。北乡武风之盛，实树勋有以启之。案：所云整顿地方，未详何事。

**余正潮** 《新采访册》云：号洛斋。并载大定府十八家地方碑文，称其任该地关税时，修复税关，平治道路。余多溢美语，未能据以立传。

**童寅直** 《新采访册》戴余跃龙撰《传》云：字典三，号芥舟。《传》中称其博古通今，名噪当世。又云其精于医学。均空泛，无事实可征。

**金长启** 《新采访册》载余畅撰《传》云：字广源。以善治伤寒名于时。尝谓人曰：“医所以寄死生，性不近即不可学。吾仅一子，不敢令学医。”故其术不传。著《喉科症治论》，多发前人所未发云。年九十一卒。书，今未见，已录其目于《艺文考》中。

**巫荣** 《新采访册》载余畅撰《行传》云：字馥桂。其先闽上杭人。父宝德，始迁龙游大坞。于地方公益事，输捐不稍吝。亲友困顿，亦周济维殷。又云：其于济困扶危之举，恰如己事过往，不避嫌怨，不计利害。即重案株连，他人不敢援手者，亦必为设法，非但费财力，即冒不韪名，亦所不惜。案：畅非妄言者，所言当可信，惜无事实可征。

## 人物别录

两旧志以歉岁捐赈米谷多者为义民，附于《选举志》之末。兹录于此，凡六十八人。

祝安 祝龄 余希哲 方彦宗 胡道荣 章伯诚 以上正统四年，各出粟二千一百石。

陆孔熙 余克诚 龚仲礼 案：《新采访》录《龚氏谱》载景泰四年出粟十四人与此同，惟无龚仲礼而有龚显，字仲彰，疑即一人而传写致误者。

陈文哲 陈文达 余詡 李广顺 龚仍茂 胡福祿 徐叔良 汪濬 舒永坚 祝祿 胡永益 以上景泰四年，各出粟三百五十石。

叶尚 吴宗益 吕华 余宗荣 周显广 袁豫三 吕周 陈时贤 陈时玉 郑高 汪仕宇 祝文维 徐宁 以上天顺二年，各出米一百石。

祝实 劳克勤 方贤良 杜势举 钱胜宗 胡广福 舒玠 祝召穆 徐孔云 项宗昇 郑仕杰 陆仕龄 余鲁宗 尹颢 以上成化元年，各出粟二百五十石。

张里仁、邵寄养 以上成化二年，各出粟六百石。

方文淳 陆球 余有庆 徐联芳 徐廷瑜 以上万历年，各出粟二百斛。

劳九章 万历十七年，出谷三百石。二十七年，又出谷一百石。

方遇宠 万历二十七年，出谷一千石。

尹薰 陆大本 徐源 劳日新 以上万历二十七年，各出谷三百石。

余邦哲 余邦靖 汪若江 董用德 以上万历二十七年，各出谷二百石。

龚承蔚 龚尔倬 余学瀚 以上崇祯九年，各出谷赈济。

王朝卿 杨国器 詹文衡 以上顺治十三年，各出谷赈济。

采访所得岁歉捐谷或银两赈济者，凡四十八人。案：此项多未详所捐谷米、银两实数。兹不欲没其名，姑为列入，故仍一一标明出处。

袁源 仁宗时，助米千石，旌匾尚义。《大治谱》。

祝大成 建炎四年七月十五日，封大成为户书，《制》中称其出粟以济群生，捐金以助国课。《沐尘谱》。 以上宋时人。

曹进德 洪武间，以家财助饷，万里转输、不辞劳瘁。据《城南谱》。 以下明时人。

祝宗源 永乐间，出粟助官赈济，朝廷命有司立石刻碑表厥宅里。《沐尘谱》。

龚文富 永乐中，曾输粟赈饥。《续采访》。

祝默 成化二年，值岁歉，输粟六百斛。二十二年，饥，复输二百斛。《沐尘谱》。

祝兰敏 岁歉，散粟济急。《沐尘谱》。

尹仕瑢 成化间，大饥，输粟以赈。《张家埠谱》。

龚仍恕 储谷赈饥。《新采访》：高格撰《序》。

吕富 正德间，饥，曾出粟助赈。《续采访》。

郑文贤 万历二十八年，捐米赈济二个月。《续采访》。案：两旧

志未载是年有灾，姑存之。

姜继芳 每凶年，焚券蠲租。《续采访》王钟祥撰《传》。

曹允昇 顺治十八年，饥，设粥厂于百子阁一月以赈。《城南谱》。以下清人。

童志实 叶春芳 康熙十年，均煮粥赈饥。《续采访》。

尹长新 家有麦百余石，岁饥，减价出粜。《张家埠谱》。

徐钧 岁饥，以己谷按户贷之，有不偿者不责。《灵山谱》高家骏撰《传》。

曹裕溱 每岁歉，出谷平粜，全活甚众。《旧采访》叶起撰《传》。

张爱三 岁饥，捐赈二百石。《续采访》。

徐梧 乾隆辛未、丙子，岁饥，出谷济馁，存活甚多。《灵山谱》江松撰《传》。

尹继俊 尹元新 王德广 王御屏 俞夏元 袁士炳 方士昇 袁公瓚 马廷选 徐振崇 徐日晃 张碧九 乾隆十六年，旱灾，均赈济饥民。旧、新《采访》。

徐兆旛 嘉庆七年，饥，输粟一百石，知县曾给好义堪型匾额。《新采访》。

徐翼龙 嘉庆八年，饥，各殷户多按粮数多寡，平粜救赈。惟翼龙以所粜之钱复买贵米贱粜，周而复始，自三月至六月，所济甚多。高家骏撰《传》。

杨秉乾 嘉庆十九年、二十一年，旱，减价平粜。《泽远里谱》。

姜徵魁 叶梧栖 姜应昌 袁济舟 以上皆嘉庆二十一年，赈济饥民者。《续采访》。

姜康谟 嘉庆间，曾粜谷平粜。《续采访》。

詹南省 嘉庆二十一年、二十五年，荒旱，均从下游买米数百石，减价平粜。《五都谱》。

叶大纶 邵泰安 傅讚言 傅昌言 傅南恒 均于道光十五年，捐资赈饥。《续新采访》。

叶祖谦 道光二十七年，旱灾，出资赈济。《步瀛谱》。

邱长茂 咸丰二年，捐平糶银四百两。同治元年，捐军米五百石。《横坑谱》。

采访所得乐善及尽力公事者，凡六十九人。案：此项多属空泛，今不欲没其名，姑为录出，并详其出处。

徐清之 辛有光撰《传》，称其凡义所当为，虽艰巨，挺然以身当之。又云：间里有困乏，岁终给之银米。《灵山谱》。 以下元时人。

祝仲宏 郡邑以万石长不得其人，金举仲宏司其事。秉心至正，秋毫无私积。《沐尘谱》。

徐泰享 好施与，为乡间推重。《兰亭谱》。 以下明时人。

汪霖 好善乐施。《团石谱》。

祝宗振 勤于举事，尽帑倾囊，而不吝惜。《沐尘谱》。

祝珪 其生圻铭称其周穷恤匱，靡不尽其欢心。《沐尘谱》。

祝琳 尝为万石长，征纳公平，不愆于期，不剥于下。《沐尘谱》。

曹璫冕 知县涂曾以“善耆”颜其堂。《城南谱》。

徐璧 县治南为通处、温之孔道，山径崎岖，乃捐资平治，近里居十数里，皆成坦途。《灵山谱》。

祝公维 吴邦彦撰《传》，称其好行其德，出饶羨以周人急而济人困。《沐尘谱》。

尹文元 平生乐善好施，倡修后溪桥，未竟而卒。《张家埠谱》。

祝公裕 祝公烈 祝公佐 吴邦彦撰《公裕传》、周朝贡撰《公烈传》、尹继礼撰《公佐传》，均盛称其行善。《沐尘谱》。

张廷璋 万历十五年，移归仁、保义二仓于城北，廷璋力襄其

事。《新采访》。

**马洪德** 助桥筑塔，赈济丈量。衢州府知府张所望给额“好善”。《范坦谱》。

**马孔明** 余国宾撰《传》，称其急人颠厄，贫交姻族，不惜倒橐，毫不责偿。《范坦谱》。

**刘圣棣** 汪可灿撰《传》，称其邻里乡党有困乏者，不惜蠲赀以相周济。《芝溪谱》。

**范元登** 乐善好施，曾于东华庙施粥，五里牌创建凉亭。《鸡山谱》。

**范元奎** 通驷、文昌二桥，县署、儒学、城隍庙，罔不捐重赀、勤董率。《灵山谱》。

**叶有葵** 好义乐施。崇祯十六年，督修文昌桥。《步瀛谱》。

**方文义** 乐善好施，曾捐赀修学宫。《新采访》。

**董一涛** 首倡捐修通驷桥。其他桥梁、道路、水利、城隍与夫赈粥、棉衣、棺木之施，无不倾囊殫力。《陇西谱》。

**邵以祐** 生平乐善好施。《续采访》。

**袁启兆** 疏财仗义，暮年不倦。种种善举，更仆难数。《大治谱》。

**尹良信** 后溪患水，创石桥，不辞劳瘁，越五年告成。《张家埠谱》。

**姜继志** 姜凤翱撰《传》云：凡乡邑公事、义举、桥梁、道路，不靳赀费倡率。《续采访》。

**蒋廷彰** 孙大夏撰《传》，称其捐金建东桥，以便行旅。其他施棺舍药、平治道路，凡一切有利于人者无不为。《旧采访》。以下清时人。

**徐思敬** 康熙十年，知县艾赠“崇善敦义”额。《续采访》。



**童琪** 性好善，喜施与，见孤苦者辄周之。《旧采访》。

**余遵** 田间来撰《传》，称其夏则赐药，冬则捐絮；饥则倡赈、施粥。凡有桥梁，无不捐修。《新采访》。

**汪濂** 徐之颐撰《传》云：平居，好义疏财，周贫济困，建桥设渡，筑凉亭，修颓路，一切善事绝无愷吝。《团石谱》。

**金德恒** 胡邦盛撰《传》云：为地方修道路，为凶岁赈贫穷，为无祀培义冢，为远近建桥梁，皆捐贖为之。《张家埠谱》。

**何象贤** 尚义乐施。凡遇贫乏者，济之；遇危难者，解之；遇婚姻未娶者，以贖财而成就之；遇丧葬无倚者，以棺冢而殡殓之。《旧采访》。

**吴祖仁 吴祖任** 乾隆十二年，文昌桥圯，兄弟合捐重贖。又十四年，合助育婴堂田百余亩。《吴仪宾谱》。

**汪宜显** 施舍药饵，赙恤亲邻。有金某欲嫁妻度日，宜显赠以金，使寝其事。《团石谱》。

**方有毅** 尹际洲撰《传》云：捐金修堰西石桥，砌村前石路。《旧采访》。

**余廷瑗** 乾隆十六年，岁歉，力劝大户出粟赈饥。《敦本谱》。

**徐元凤** 余熹撰《传》云：施药不倦，修桥砌路。康熙六十年，减价平糶。《灵山谱》。

**刘开鼎** 徐崑撰《传》云：乐善好施，若修建大成殿、明伦堂、尊经阁以及通驷桥、文昌阁，皆襄其事。《芝溪谱》。

**尹文政** 输金助通驷桥，发粟建红塘坝。《张家埠谱》。

**尹文集** 袁济舟撰《传》云：急于善事，凡祠庙、桥梁、道路之数，恒不吝数十百金修举。《张家埠谱》。

**曹象乾** 倡修通驷桥、文昌阁，督修文峰塔，监筑五社坝。《城南谱》。

杨栗 何林撰《传》，称其好行善事。凡婚葬未举者，必解囊以赠之；倾颓坟墓者，必担土以培之。《泽远里谱》。

叶祖纯 于邑之善举，皆踊跃先之，督修通驷桥尤力。《步瀛谱》。

夏钧 周锦撰《传》，称其城乡善举，捐赀最为慷慨。《鸿陆谱》。

尹芑 余恩鏊撰《传》，称其急公捐赈，以及建庙、建桥、置渡、施棺诸举，均无小吝。《张家埠谱》。

尹藩 叶莘梧撰《传》云：好施与，轻财重义，修道路，造河船，乐善不倦。《张家埠谱》。

胡礼南 汪荣封撰《传》，称其造桥，施衣，凡有善举，靡不为之。《续采访》。

叶茂春 龚玉涵撰《传》，称其居乡，乐善好施。《上阁谱》。

姜康义 姜康功 金玉瑾撰《传》，均称其乐善好施。《续采访》。

王元杰 袁松撰《传》云：嘉庆二十一年、二十二年，岁祲，均捐赀救济。又凡邑中修治黉序、桥梁、道路之类，均经捐助。《新采访》。

杨国华 杨文启 造邵麻车、双溪石桥，均倡首捐赀，并董其事。《泽远里谱》。

叶锡庸 杨旭撰《传》，谓其赈恤劝输，督工修姜、席堰。《步瀛谱》。

童凤冈 叶元祺撰《传》，称其乐善好施。所居白革湖，岁久沙淤，凤冈鸠工疏浚，独任其事。《新采访》。

尹光典 王绶槐撰《传》，称其乐善好施。《新采访》。

徐珩佩 道光十七年，知县黄赠“乐善好施”额。《续采访》。

杨六安 叶元祺撰《传》，称其轻财好义，家不中赀，而趋人之

急、济人之难，倾囊相赠，毫无吝色。《泽远里谱》。

**邵鉅源** 咸丰后，施医药、棺木瘞葬以及捐造桥亭，自同治迄光绪季年，所施不下千余金。《旧采访》。

**夏俊清** 咸丰间，知府文赠“乐善好施”额。《续采访》。

**董炳光** 同治间，清厘田亩。光绪间，募捐积谷，甚著勤劳。《新采访》。

**陈典** 咸丰兵燹后，凡修文庙、堤岸，清厘田亩等事，均协同林巨伦为之。《新采访》。

**张西铭** 杨振烈撰《传》，称其拯恤穷困不稍吝，见有溺女者，则每口给布、谷，劝勿溺。地方公事，如保甲、劝捐、文庙、考棚、书院、城垣，均赞襄其事。《新采访》。

**项栋材** 有《自叙》一首，言发匪乱后，曾在善后总局，帮办抚恤，访拿游勇贩卖妇女、宰杀耕牛等事。又同治十年，周洪海之乱，亦曾集民团助剿。《泗塘谱》。

**吴时喜** 凡邑中公事，无不躬先倡率。桥梁、沟洫、道路有湮废者，随时修举。以下二人，见《旧采访》。时代未明。

**余沛年** 叶起撰《传》，称其好行阴德，凡修桥、补路无不勉力奉行。

**吴载榜** 光绪二十六年，匪警，曾为保甲团练总，颇为出力。又曾捐银一千五百十一元，修金峰岭路。《新采访》。案：载榜，为福建寿宁县人。光绪十年，始随其父来县服贾，本不必入志，今以其有功地方，姑附之，以劝好善者。

旧志并采访所得割股疗亲疾者，凡三十人。

**王钦** 幼割股疗亲疾。两旧志《选举》。以下明时人。

**何耆** 年十五，值母病剧，医药不效，割股和汤以进，母饮之甘病愈。两旧志《孝行传》。

何偁 何僖 何备 皆何积子。积病，偁割股进之，愈。后复病，偁与僖、备俱割股进，复愈。县旌一门三孝。《旧采访》。

龚邦经 割股疗亲疾。万历二十六年，钦赐匾额。《新采访》。

叶有芳 徐应秋撰《传》云：父病，几危。夜割股肉，投缶中和糜以进，所苦遂除。《新采访》。

祝有彦 母疾，割股疗之。《沐尘谱》。

叶仕魁 叶仕昌 皆有芳子。徐应秋撰《传》，谓其母病，兄弟并仕魁妻汪氏不谋而合，咸割股以进。《新采访》。

江德 父母有疾，割股凡三次，时称孝子。《旧采访》。

龚世远 龚岱 均割股疗父疾。《续采访》。

陈贞奇 父得危疾，药饵无效，乃焚香吁天，割左股以进，卒不救。居丧，泣血哀毁，匍匐不能起。既而母病垂危，复泣拜于庙，重割右股，母病随愈。常语人曰：“神之佑我，能愈我母而不能愈我父，是初念犹未诚也。”每嗟悔泣下，人称其孝。康熙《志·孝行传》。

王世荣 割股疗母疾。《韦塘谱》。 以下清时人。

徐万吉 年十二，父病危，割股以进。《灵山谱》。

支世俊 曾割股疗父疾。《赤亭谱》。

余岳亭 割股疗亲疾。《敦本谱》。

余宗瑞 父疾笃，割股疗之。《庙下谱》。

叶康积 童文俊 曹裕浩 均割股疗父疾。《旧采访》。

徐时润 割股疗祖母疾。《下大街谱》。

徐垣 母病危，割股疗之。《灵山谱》。

吴元灯 曾割股疗父疾。《旧采访》。

蒋呈魁 王寿康 均割股疗亲疾。《续采访》。

余家驹 幼侍父疾，割股以进。《旧采访》。 以下三人，时代不明，然均为清代人，则无疑也。

张于官 董珍荣 均刲股疗父疾。《续采访》。

《浙江忠义录》列入《绅士表》者，凡七十人。案：《忠义录》，据请恤次第列表。兹以不便省览，以时日次之。其同殉之妇女，则别入《烈女略》。又凡殉难者，其名已入《传》或《闾访》者，不复重列，下并同。

傅相荣 咸丰八年三月十一日，殉难。

戴世清 同年四月初一日，殉难。

张家珠 同年七月二十二日，殉难。

祝锡林 咸丰十年三月十七日，殉难。

尹右文 同年十二月初六日，殉难。

尹光照 咸丰十一年二月，殉难。

叶志荃 方明宝 余梅 余述 余松鹤 余宝林 虞拱成名  
协华。 陆锡龄 徐育化 余宣英 虞巽修 余祥初 余拱 徐  
甲 一作徐甲九。 王庚照 王燮之 严克俊 杜观澜 余凤笙

董大纶 董殿华 方日耀 陆瑶 以上俱同年四月十七日，殉难。

尹莘 尹乐尧 尹乾盛 尹乾明 尹乾忠 尹乾德 以上俱同  
年六月初九日，殉难。

余景轼 方明秀 范株林 一作珠林。 冯宇田 徐登标 郑  
书典 祝赏灯 徐维藩《忠义录》作雄藩。 余宣顺 余宝荃 余钟  
秀 余鸿第 余书绅 方映庚 以上俱同年同月二十二日，殉难。

项秉璩 同年同月二十四日，殉难。

汪鸿 同年同月二十六日，殉难。

叶鹤舫 叶敬熙 叶锦标 以上俱同年七月，殉难。未详何日。

余宣和 同年同月初六日，殉难。

姜镛 同年同月十一日，殉难。

严美中 同年九月初十日，殉难。

尹夔 同年同月十五日，殉难。

姜碧华 同年十月二十一日，殉难。

尹淮 同治元年五月十七日，殉难。

尹光典 同年七月十三日，殉难。

尹安澜 即尹栋之父。 尹栋 以上俱同年同月十七日，殉难。

尹芑 尹光杞 尹光梓 同年同月二十四日，殉难。

尹丙照 同年八月初九日，殉难。

尹淇 一作琪。 尹超元 同年同月十三日，殉难。

尹光第 同年同月三十日，殉难。

《浙江忠义录》列入《义民表》者，凡三十人。

余祥鹤 余祥声 余全寿 余振家 余长发 余祥升 余春  
狗 黄阿顺 曹受禄 虞卸吉 郎彩龙 柳高龙 郎彩龙、柳高龙，  
《旧采访》均无龙字，疑《忠义录》误以龙游人之龙字，属上读所致。 谢耀  
显 以上咸丰十一年四月，阵亡。

方寿山、丁荣庆、钱忠聚、钱月宝、钱品玉 以上同年六月，阵亡。

叶必登 同年七月，阵亡。

余广禄 《旧采访册》作广源。 邓满祥 邓永耀 邓永誉 邹寿  
福 邓永海 胡樟富 以上同治元年三月，阵亡。

夏信来 赖儒林 王作儒 以上同治元年四月，阵亡。

方志桂 同年八月，阵亡。

《浙江忠义录》列入《人民表》者，凡三十六人。

虞忠美 余友松 余倍三 余起高 余良发 许金龙 余庆  
姓 余庆瑞 祝阿田 余贤有 余玉堂 张九如 余瑞光 劳之  
升 钱招财 以上同治五年三月，旌恤。

汪有容 汪樟有 汪文印 汪樟荣 汪振连 汪成之 徐安  
庆 以上同年九月，旌恤。

张双英 邵秋苟 祝天禄 余阿瑛 余国发 余国澄 余国

庭以上同治九年，旌恤。

袁广聚 徐斯猷以上同治十年五月，旌恤。

陈加云 何山 何嘯 徐山 何仁有以上同治十三年十一月，旌恤。

《浙江忠义续录》列入《义民表》者，凡二人。

祝樟林 颜有福同治九年三月，旌恤。

《浙江忠义续录》列入《士表》者，凡二十三人。案：内有余拱、冯宇田与正录复，故删。

陈锡龄 方麟若以上京畿道监察御史朱澄澜奏恤。

徐达都察院奏恤。

徐殿樑 徐廷琅 范兆奎 徐俊垣 官士纶 余大益 王承烈 余驹宾 徐殿梧 余鹿宾 徐培森案：《旧采访册》载：璩培森，同治九年六月十七日奉旨旌恤，未审是否即表内之徐培森？冯一梅先生注云“培森子兆荣，笃实君子也。自述其父实未遇害，当日系禀报其母吕氏殉节。称璩培森之妻吕氏，辗转相传，遂误报兼及其父”云云。兹故不录璩培森；而徐培森之姓是否有误，尚俟考，因仍列之。 劳镇邦 官文豹以上二十二次案奏恤。

钱上选 徐兆魁 袁浩以上二十七次案奏恤。

尹良佐 尹大观 尹逸民 尹济川以上三十六次案奏恤。

《浙江忠义续录》列入《绅士续表》者，凡二人。

姜懋华 黄增惠以上俱三十五次案请恤。

《浙江忠义续录》列入《绅士续表补》者，凡六人。

璩润 余瑞元 余玉珩 劳经邦 余国钧 范树琪以上俱二十二次案奏恤。

案：龙游虽小县，而为通金华、严州、杭州、处州之要区，用兵者所必争也。计自咸丰十一年四月十七日失守，至同治二年正

月十三日始行克复，迭作战场，村落为墟，人民遭害，全县几无人烟。而《忠义录》各表所载寥寥百余人，岂吾县人忠义之气独逊于他县耶？此固事后官绅采访之疏。然合村、合族、合家，同时遭难，亦复谁知之，而谁为报之哉？呜呼！此其中亦大有幸有不幸者矣。

《旧采访册》载咸、同间殉难绅民已旌恤，而《忠义录》未载者，凡六十四人。

袁绍宏 余达 余宝和 余美中 余右文疑即尹友文。 邹永海疑即邓永海。 以上见同治七年，知县黄汝梅告示。

姜维城 姜集珍 姜小辛《县册》作小兴。 姜樟秀 姜凤栖  
姜唐有 姜阿苟 邵日松 姜樟盈 李唐寿 邵光前 叶阿富  
王右元 童克金又作克勤、克全、克贞。 吴世立 陈顺坚 陈国忠  
王耀森 朱阿福 胡国泰 周天宝 徐世勋 徐忠本 徐贞  
幹 徐阿六 童发生 童立本 童秀山 叶辅清 王锡宠 杜金  
声 杜新发 陈立功 陈老和 张天进 叶秀芳《县册》作芝芳。

案：以上三十六人为高山姜团丁随姜懋槐父子战死者。见同治十一年八月十九日，浙江巡抚杨昌濬批。

祝和卫见第四十三次恤案。

尹光离 邹寿福 尹璜以上见同治四年六月，请旌案。

徐育仁见第六次请恤案。

尹淮见第七次请恤案。

项挺枝 邵天美 邵士彩 邵冬福疑即邵东福。 邱景通以上见第四十次请恤案。

赖儒珍同治元年四月初一日，阵亡。

徐上环 余梦庚又名如玠。 余长魁 邱明发 朱桂林 朱桂攀 劳绍基 黄大成 劳绍廷 余如璠以上十人，见《学册》。



《旧采访册》载咸、同间殉难绅民未旌恤者，凡一百二十四人。

邵东福 金福寿 项唐福 邵士雄 邵永通 邵秀富 邵唐魁 邵唐玉 邵绶书 邵洪富 邵唐才 邵秀冬 尹金龙 尹钧 尹林林 尹三三 尹五五 尹四四 尹春春 尹云云 尹唐奶 范金榜 范金云 范金富 范永发 范永庆 范连荣 范明高 范唐寿 范贵云以上三十人，均在斗潭山战死。

邵勇高 余樟友 俞寿登以上三人，御匪死。

尹衡 虞学鹄 张邦贤 杨志崇 袁钦宝 方国瑞 张上林 张东运 夏俊 周登榜 周尧祖 周嘉猷 周福基 周桂荣 周树芹 叶松茂 叶标 叶松清 叶英茂 汪贞祺 王章奶 余汝金 徐赞襄以上二十三人，均不为贼屈，或骂贼死。

余一魁 余庆珏 余希曾 余学文 余锡疆 余锡桐 余加连 余加琴 余嘉明 余家燧 余家煊 余廷选 余嘉瑞一作家瑞。 余宝琮 余宝珩 余懋功 余柏松 余国光 余国堡 余国增 余国琛 余宝瑾 余宝璿以上二十三人，均守城殉难。

卢吉临 卢修安 卢平安 卢长安 卢载舟 傅扬州 傅坤舟 李有贵 傅汝舟以上九人，咸丰十一年十一月初七日，在大虹桥口御匪死。

劳芳咸丰十一年十月十二日，殉难。

赖联兴 何永兴 郑政新 郑曜明 郑桂梅 张初州以上六人，同治元年四月初一日，御匪死。

劳鸣凤在长田坂御匪死。

余宝琳 曹锦江 曹文照以上三人，均带团勇，城陷殉难。

黄以宽 黄景松 汪文旺有两人，此字泰德者。 徐国兑 邱明发 余作霖 余樟佑 何秉文 何春德 张有光 余金鳌 余

淦 吕宝琳 尹汝舟 尹睢 方长安 尹义林 祝珍舟 汪文懋  
汪财富 汪祖培 汪武绳 汪江右 虞慎修 虞肖吉以上二十  
五人,《旧采访册》仅云殉难。

案:《旧采访册》载《团石汪氏谱》殉难人名,男子凡七百三十二人。妇女称是。今以事实未详,不得概谓之殉难,故不具录。其中,如汪文懋、汪武绳等已录入。然一族之丧亡且如此,他族可知,合全县以计之,其数不更可惊乎?当时杀戮之惨,可以想见。而殉难不蒙旌恤未及采录者,正不知几许人也。

《续采访册》载咸、同间殉难者,凡二十四人。

杜尔任 咸丰八年,殉。

余恩圣 咸丰十年,殉。

丁薰琴 方招魁均同年四月,在汤溪殉。

周用毅 周继功 高全清 童聚福 支锦标 马继清 叶有  
青 鲁恒让 鲁圆三 祝万钟 黄喜章 蒋麟振 陈来宾 张新  
发以上十四人,均咸丰十一年,殉。

杨国本 同治元年八月,骂贼死。

余文正 邱寿登 曹招弟 以上三人,同治元年,御匪桃源桥,战死。

项聿修 袁廷柱 同年殉。

《新采访》所得咸、同间殉难者,凡十八人。

余圣功 咸丰八年,殉。

傅相彬 咸丰九年,战死于贺庄。

姜祥璞 咸丰十一年四月十七日,城陷,被执,不屈死。

蔡肇奎 蔡兆忠 均同年四月十八日,御匪死。

尹一飞 同年五月二十一日,骂贼死。

徐会沂 同年六月二十一日,殉。

陈长有 同年,随高山姜懋槐战死,未蒙旌恤。尚有胡居归,亦同战死,

但非本县人。

方佩莲 潘启富 周长银 管余芳 劳苦 以上俱同年殉。

袁起鹏 傅乃庠 傅文兴 俱乡勇。同治元年，与匪战于元鱼坝，被难。

胡肇乾 同年殉。

邓政辉 疑即郑政新。同治元年四月朔日，与赖联兴等御匪死。见邓鹤林《杂记》。姑存之。

光绪庚子年，乡勇被难者，凡六人。附。

徐阿告 周鹤荣 邓康 徐老实 马文秉 马春安

《龙游县志》卷二十一

县人 余绍宋撰

## 列女传<sub>传二</sub>

宋

徐氏祝昌宥妻

叶十娘

徐氏刘愚妻

朱氏汪景清妻并其女

元

何氏女

夏氏四节

明

黄氏夏道顺妻

周菊娘

杜氏陆奎妻

徐氏余克量妻

徐氏余瓘妻

吴氏项永实妻

王氏尹泗妻

徐氏张魁洪妻

劳葵

徐玉姑

董桂贞

徐莲姑、叶禄姑

徐仪姑

傅氏叶饶宗妻

吕菊姑

钱氏徐荣广妻

张氏尹恢妻

何氏双节

黄玉莹

李氏毛一清妻

汪氏方昊祖妻

周锦姑

叶玉娘

徐氏余炜妻

叶氏张恒妻

翁氏

苏氏祝兰宁妻

舒荣娟

蒋氏双节

李氏罗经甫继妻

张氏龚承勋妻

陆氏双节

陆静专

李庆

徐氏张季芳妻

詹氏刘敦厚妻

吕氏徐琼玢妻

祝氏余世澜妻玄孙媳鲁氏

赵氏叶应武妾

清

徐氏陆长卿妻

胡氏张旭初妻

徐氏余爨妻

舒氏陈世炳妻媳余氏。康熙《志·烈女传》止此。以下新增。

钱瑞姑

方氏席廿二妻

徐氏汪禹德妻

劳氏杨静斋妻

童氏双节

曹氏吴孙貽妻子妇张氏 孙妇余氏

徐氏余长泰继妻

余氏曹双泰妻子妇余氏 侄妇杨氏

周氏汪邦燿妻

高氏柴凤林妻

徐氏汪圣嘉妻

张氏舒明逸妻

徐氏汪懋典妻媳祝氏

师氏王淑斌妻

杨氏汪熊徵妻

张氏叶应亮妻

夏氏徐士珽妻

钱氏叶宗长妻

童氏方上魁妻

徐氏汪家溇妻

袁氏余铿妻子妇徐氏

戴氏祝德立妻

金氏陈连三妻

郑氏张邦本妻

王雪姑

龚贞英

徐氏董元美妻、劳氏夏俊卿妻 方氏双节附：方双增妻徐氏

徐氏叶际三妻

邵氏董国鏊继妻

杨氏支理平妻

劳氏余美士妻

童氏、余氏两烈女

余氏梁汝乾妻

黄氏姜绉纶妻

叶氏张芳妻

邵海英

余氏罗增祥妻

## 宋

**徐氏祝昌宥妻** 兰溪人。有贤德，家有遗孤数人，悉抚育。逮长，毕为婚娶，倾奁具以助，无吝色。奉己素约，长于治生，卒相其夫，积资累万。昌宥好客，座无虚席。徐躬亲厨饌，未尝惮烦。昌宥性慈善，喜筑桥梁。见《昌宥传》。徐亦然，竹溪、马报两桥，即徐所独建也。案：竹溪，疑即筑溪。昌宥既卒，益乐行善，谓诸子曰：“东郭大桥，向以木构，殊非久计，吾欲易以石。汝父起家辛勤，犹有余赍，其为我成之。”由是费金万余，工垂成，而方腊乱起，遂被毁。又以乡人不识浣沐，往往逾时，乃即所居西南隅辟室数椽，旬具汤水以施之。案：《古今诗话》：唐制，十日一休沐，故曰上浣、中浣、下浣。白居易诗“公假月三旬”，韦应物诗“九日驰驱一日闲”，是也。读此诗，知北宋时犹沿其制。此事甚有益于公众，故特著之，并注所见于此。宣和三年卒，年七十七。据《行状》纂。案：两旧志无《传》，今补。

赞曰：通驷桥，两旧志仅云绍兴中，县令陶定建；淳祐间，马天骥易以石。不知北宋时已有易石之议，且其事乃创于一妇人也。此可补两旧志之缺失。

**徐氏刘愚妻** 在家时，其母将以嫁姑子之富者，徐泣曰：“为富人妻不愿也。”遂归于愚。居破屋中，一事机杼。愚尝怀白金归，徐怒曰：“我以子为贤，而若是。亟具归。”愚出书以示束修得也，乃已。有梁鸿之风焉。《宋史·刘愚传》。

**叶十娘** 袁国佐之妻也。年三十一而国佐卒，子梦文甫五年。其父母虑其不能守志，欲再嫁之。十娘泣曰：“一身二夫，烈女所耻。妾可无生，可无耻乎？且舅姑俱迈，子又幼稚，妾去将谁依也？”乃断发以誓志，父母不能强。姑病凡十六年，十娘侍奉如一日，不少怠。事闻，赐节孝孺人。淳熙十三年，卒，年六十二。据刘

鼎撰《传》纂。案：两旧志无《传》，今补。

**朱氏汪景清妻** 韦塘朱村人。生一女。宋末，避难，为乱兵所追逐。至亭埠潭，度不能脱，因谓其女曰：“与其被污而生，毋宁洁身而死。”遂相携投水。越数日，两尸俱浮，颜色如生。里人并葬之，号曰双烈墓。时朱年三十，女年十六云。据《旧采访》及《学册》。

案：《学册》载朱氏生于淳祐十年，至宋末，适三十岁。《旧采访》云：汪宜铎采访，谓事在元武宗至大元年。考至大时无乱事，疑传闻之误也。案：两旧志无《传》，今补。

## 元

**何氏** 不知谁氏女，亦未详嫁何人。至正间，衢州陷此据两旧志《杂识》所引《草木子》，《烈女传》则云至正末大乱。为兵所掠，不夺，乃裂帛题诗绾衣带间，投水死。诗曰：妾长朱门十九春，岂期今逐虏囚奔。失身无补君王事，死节难酬夫婿恩。江静从教沉弱质，月明谁与吊孤魂。只愁父母难相见，愿与来生作子孙。时年十九，闻者伤之。据两旧志纂。

**夏氏四节** 王氏，夏应保妻；袁氏，夏文达妻；邵氏，夏文质妻，咸年未三十，相继夫死，同志守节。当元季流离之时，无少玷。洪武初，父母述其事于朝，表其门为夏氏三节。又应保母马氏，亦早寡守志，当时谓之四节。两旧志。案：《鸿陆谱》载《节妇传》与两旧志颇相歧异，兹不敢率改，故录两旧志原文，并录《鸿陆谱》原传云：文质妻邵氏茶娘，因夫偕弟文资商外不归，不知其存亡也。家资巨万，族利其财，逼之令嫁，茶娘大散家财，没齿守节。应保母童氏，早寡守志。应保妻袁氏禧娘，亦年未三十，夫死守节。洪武初，述其事于朝，表其门谓之三节一门。又考，文质、应保，《鸿陆谱》均无其人，并识此，以俟考证。又案：《明一统志》所载与两旧志同，惟无应保母马氏，又文词较简括耳。



## 明

**黄氏夏道顺妻** 归二年，道顺客死。《浙江通志》引弘治《府志》作嫁末期，道顺出为商。越三年，病归，卒。族人利其资，勒之嫁，黄以死自矢，守节终身。据两旧志纂。

**董桂贞** 劳载实妻。《续文献通考》作字贵珍，劳载是妻。未详孰是。年二十，嫁载实，载实病足，不三月而卒。服阕，姑怜其少无子，劝更适。桂贞取刀断发，泣曰：“宁死，弗失吾天也。”贞静自守，不妄语笑。年六十卒。有司奏闻，建坊于县之西门。据《续文献通考》、康熙《府志》、两旧志纂。案：《续文献通考》作孀居三十七年，与此微异。

**周菊娘** 叶延庆妻。年十八，嫁延庆。甫一年，而延庆卒。《浙江通志》引弘治《府志》云客死。菊娘矢志守节，终老不出户庭，诏旌其门。据康熙《府志》、两旧志纂。

**徐莲姑** **叶禄姑** 徐莲姑者，灵山乡徐娄记之女也。年十四，字方钟。钟行不检，父逐之，流落他方，几及十年，相传已死。莲姑闻之，即缟衣举哀，誓不再嫁。父母怜其年少，欲夺其志，莲姑泣不可。父母更令女兄弟劝之再三，终不听，以死自励。且请于方氏之姑，求筑室为终身计，姑难之。其明年，有生员杜谦者，求为配，父母复强之。莲姑先断其发，以誓必死。谦他日复给府帖，假公吏胁之，莲姑大骂，毁其帖。度终不免，佯许，入具膏沐，从容缢于室中。家人夺门救之，环守不去，莲姑婉辞给之出，别以绳缢死，时年二十八。嘉靖间，按察使任维贤上其事于朝，诏立贞烈祠祀之。据嘉靖《府志》、两旧志纂。阅百余年，而有叶禄姑。两旧志作六姑，兹依方鸣秋撰《传》。禄姑者，民家女也。性刚烈。幼颇知书，能读《列女传》。字方世荐。世荐亦能文章，病瘵经年。禄姑闻之，忧形于色，心计

守节事甚周。旋闻世荐卒，恸哭几绝。父母抱之泣，或灌以浆，即夺瓿击地曰：“所不行吾志者，视此瓿。”启笥更服，则麻缕已夙具矣。取平日女红，悉付一炬，曰：“今后不复为容矣。”乃跪告父母曰：“愿归方，侍姑守志。”父母大惊曰：“恶是何言？吾固未闻此，且汝曾识方子为谁何，而自苦乃尔？”禄姑曰：“贞女节妇势迫自为耳，岂待闻而效之？且妇人从一之义定于片言，不得以未嫁为辞也。固知父母必不我许，计此非一日矣。”即入卧内，取一篋以出，曰：“吾志决矣。”启视，则赫然匕首也，众惊夺去之。其从兄孝廉某者，惜佚其名。欲成其志而惧不坚也，诡曰：“从容就义，古人所难，何言之易也？”即变色曰：“诸兄读书，思正身以率人。我虽女子，乃不能持一身乎？且礼义出于贤者，兄不能以礼告我父母以成我之节，反为我父母游说以败我节乎？”孝廉曰：“吾非不知，但方氏子早孤而贫，而守义非旦暮事，吾惧汝之不能终也。”乃仰天叹曰：“所以为此者，岂为偷生图富贵乎？凡以方氏子无兄弟，寡母无依，故不欲死。冀入方门，为之终养，且为立嗣以延其宗祀耳。不然，我何爱一死？死且不惜，何有于贫？今日死生，惟兄决之。他日令终，吾自保之。”孝廉知其诚，遂主其事。方族中乃备礼命舆，率子弟往迎之。时勺水不入口者，已四日矣。闻礼至，即易吉服登舆去，道旁观者数万人，尽为凄惨。既入门，先祀祖，次拜王姑及姑，次遍拜其族之长者，乃易衰经拜于夫之灵，伏地痛哭几绝。姑掖之起，成服，遂奉姑入室。时观者满堂，多挥涕且有失声者。知县郁德据闻其事，乃登堂致敬焉。禄姑既归方，起居不离姑侧。月余扶柩命葬，筑茔为四：舅姑处中，夫域已圻介其侧，而少却焉，人尤叹其嫻于礼度也。既葬，取夫像悬卧内，日必焚香，注泉以相对。辟纟治生，每膳必具，恐其不继，己则茹素以给之。时年仅十八耳。寻以从子名学书者为嗣，教养备至。姑疾，侍汤药不少懈。疾笃，执姑手泣曰：“儿

力竭矣。若不讳，惟相从地下耳。”姑抚而命之曰：“毋然，孙方幼，尔死则方氏之鬼馁矣。惟我死，则事更难于昔，汝其勉之。”乃受命，送死葬祭尽如礼。葬之日，入域中伏柩不肯出，每一哭则一绝气，闻者无不堕泪。后数年卒，年三十三。万历间，题请旌表。乡人以与莲姑俱字方氏，而贞烈后先媲美，遂并祀于莲姑之旁，俱建坊祠前焉。据方鸣周撰《传》纂，原文见《文征》。

赞曰：吾昔读顾亭林先生所为其母王硕人行状，怦怦然深感于心，以为亭林成名资于母教。今撰《禄姑传》，其贞孝与顾母相似，心亦怦怦然也。而方学书无闻焉，则顾母出于世家，能读书明大义，而禄姑则出自寒微，仅能读《列女传》也。呜呼！诗书礼义之教，盖可忽乎哉？

又曰：今人谓贞女远于人情，不可为训，似矣。然其纯一不贰，执信不疑，其志可哀，其行亦可嘉焉。推斯志以行己立身，其效岂可量哉？吾为此《传》，非以奖借贞女也，将以愧夫世之不诚信且为夫妇而不卒者。

**杜氏廩生陆奎妻** 归三年而寡，家人强再适，因剪发示志，时年仅二十三。孝事舅姑，内外无间言。至八十五卒。凡守节六十二年。事闻，有诏旌表建坊于湖湾莲姑祠北。据两旧志并嘉靖《府志》纂。案：嘉靖《府志》云守节三十余年，疑误。

**徐仪姑** 湖镇湾口人。年十八，嫁余久龄。越岁，生子，名莛，甫七日而久龄卒。惧其夫弟辈不能抚其孤，两旧志均云惧族人夺其志，康熙《府志》引嘉靖《府志》亦云然。检嘉靖《府志》，固无此文也。今以夺志语太泛，故从嘉靖《志》录之。乃以其孤归母家，屏膏沐，躬俭约，抚其子成人，始归于余。年六十，卒。嘉靖《府志》作年五十五，天启《府志》作年五十，今从两旧志。赐、璧、玺，皆其孙也。据两旧志、两《府志》纂。

**徐氏余克量妻** 克量死时，徐有娠三月，家人以药堕其胎，将逼嫁焉。徐大恸，归母家。母家贫，复虑为所夺，因蓬首垢面，扃一室独居，佯狂避人，始获完节。卒年八十三。据两旧志纂。

**傅氏叶饶宗妻** 年二十三，而饶宗卒，遗二子。人利其嫁，为之议婚。傅断发，持两儿，恸曰：“是覆叶宗，必欲吾嫁，有如此发。”其人惭而退，竟以节终。据两旧志、康熙《府志》纂。

**徐氏余瓘妻** 年三十，夫死。终身缟素，延师教子，务底于成。临武知县湘，即其次子也。据两旧志纂。

**吕菊姑** 祝公廉妻。公廉父以里胥，输赋死南京，公廉寻亦以忧卒，菊姑时年十九，有遗腹已三月矣。乃货簪珥，遣人至丧所，迎其舅之柩归。事姑至孝。据两旧志纂。

**吴氏项永实妻** 永实客死广东，吴闻，以手抓地痛哭，至于十指血流。丧归，誓以身殉，家人共守之。少怠，即沐浴，服斩衰，内外衣手自联缀，自缢死。年二十四。据两旧志纂。

**钱氏徐荣广妻** 年二十五，而夫亡，幼子复殇，族人勒之嫁，大骂。年七十卒。据康熙《志》纂。

**王氏尹泗妻** 泗病经年，王日侍汤药，因大伤其左目。泗垂危，数顾王不能舍。王泣曰：“君欲与妾同死耶？妾不即死，欲具君后事耳。”因先自缢于床后。先是，泗兄濬妻吴氏亦以节终。县以双节旌之。据两旧志纂。

**张氏尹恢妻** 年二十，恢死，贫甚，恃织纴以为生。性严肃，亲族鲜识其面。卒抚其子成人。知府为旌其门。据康熙《志》纂。

**徐氏张魁洪妻** 早寡守节，抚育遗孤。年八十余。据康熙《府志》、康熙《志》纂。原文甚简略，年几岁夫亡，无考。康熙《志》并早寡二字亦无之，前人每以此类为高简，不知湮没几许事实也。

**何氏双节** 王氏，廩生何克誉妻，归一年，克誉卒，王自缢，以

救免。克誉弟克兴妻叶氏，年十五，克兴病瘵，日祷以身代。及卒，抚遗孤，日督课之。与王并以节歿，县旌之曰一门双节。两旧志。

**劳葵** 陆荣妻。知书史，年二十，归陆。八年，而荣卒。时子顺中在妊，哀恸屡绝。先是，生子皆不育。及生顺中，忧不弥月，病郁成瘵，常指誓曰：“吾身视此子为存没。”比长，病亦渐间。欲延徐右山为顺中师，人曰：“行峻难近。”对曰：“严师所以尊道也。”卒延之。年五十九，卒。与姑余氏并以节称。据钱德洪《陆节妇传》、嘉靖《府志》、两旧志纂。案：嘉靖《府志》云：事舅姑而克供养之。诚是其尚有舅也，姑何以称节？殊不可解。

**黄玉莹** 西安人。字周天宠。天宠病瘵将危，玉莹知不起，请于父母，求往侍疾。父母不能止，听之。天宠死，玉莹年十九，恸哭尽哀。送葬中途有高崖，欲投之，赖侍婢扶持得免。既归，悉以其财致于娣姒。图其夫像，朝夕相对悲哭，事舅姑以礼。如是者数年，郁郁成疾，呕血死，年二十六。据嘉靖《府志》、两旧志纂。

**徐玉姑** 王绅妻。绅死时，有子五岁，玉姑以纺绩自贍，誓死不嫁。人有劝者，辄厉刃相向。康熙《志》。案：夫死时几岁，守节几何年，均不载。今遂无考。

**李氏毛一清妻** 年二十，嫁一清。一清客死广东。丧归，将以身殉，获救免。三年躡踊一室，姑勒之嫁，誓死不从。死之日，肌骨无复人形。据两旧志纂。案：既云肌骨无复人形，不知其中含有几许事实，惜一字不及也，今遂不可考矣。

**汪氏方昊祖妻** 年十八，昊祖卒。其姑王氏亦早寡，汪乃含哀承顺，曲尽妇道。后王卒，二子已成立，汪哭谓之曰：“吾向之不哭尔父者，惧伤姑心也，亦虑人议我不安于室耳，岂忘尔父哉！”卒年九十五。据康熙《志》纂。

**张氏龚承勋妻** 年十九，承勋卒。家贫，藉纺绩以养姑。其夫

兄强之嫁，避迹不从。抚其孤成立。年八十卒。据康熙《志》纂。

**周锦姑** 字胡松。松商于外，久不归。其父往觅之，亦死于道。讣闻，锦姑奔归侍姑，哀恸几绝。姑念其少，将诺他聘，锦姑泣曰：“妇方痛夫与舅，奈何夺妇志耶？”遂辞归母家，纺绩养亲，至老犹盘丝若处子。年七十余，一日，沐浴更衣，端坐而逝。诏旌其门曰孝烈。据两旧志纂。

**陆氏双节** 陈氏，字陆世扬。世扬死，哀号几绝，乞奔其丧，父不得已命往，遂留不去，事姑以孝称。时，世扬弟世明妻叶氏亦早寡，娣姒共居一室，县以双节旌之。及姑歿，既葬，陈恸哭曰：“妇道毕矣。”瞑目坐游若羽化焉。后其继子尔钊之妻据《城南谱》。余氏，亦以寡居守节，与姑同建双旌贞节坊于文昌桥之西。据两旧志纂。

清康熙十五年，复建坊于新桥头，名姑媳双淑坊。

**叶玉娘** 龚世亨妻。生一子弥月而世亨死，玉娘因以节名其孤，且曰：“子若成立，庶与未亡人之节俱完矣。”凛凛冰操，历七十年如一日。后节以善行著闻，府县交嘉之，乃旌母之节。据康熙《志》纂。

**陆静专** 字敬姬。父顺中，已见《人物传》。静专生而颖异，警悟过群季。顺中甚爱之，苛于择婿，最后得兰溪舒大猷，遂归焉。于归后，益肆力群籍，与大猷考古证今，分题授简，闺阁之间不异良友。胡应麟者，大猷妹婿也，方负盛名。一日，大猷以静专诗给为已作示应麟，应麟甚赞之。大猷以实告，则曰：“吾固知君不及也。”大猷时游学余姚，静专居家奉姑，备极孝谨。大猷旋举于乡，入京应春试。其姑忽遭危疾，静专日侍汤药，衣不解带，吁天求代，且割股和羹以进。姑疾愈，而静专竟以创甚卒，年仅三十四。静专意态冲夷，雅擅文艺，即箏笛小技亦晓其意，尤长于琴，每自制新曲谱之。所为诗古文辞，博雅俊逸，著有《兰雪稿》三十卷。又喜读史，

于古今疑义多所阐发，撰《读史评》若干卷，惜均毁于火。今止有《焚余稿》一卷，仅存诗词，则其孙士麟所搜辑云。据康熙《志》纂。

**徐氏余炜妻** 炜已有《传》。徐天性仁孝，备极柔顺。王姑姜氏性严厉，待子妇寡恩，徐事两代，曲意弥缝，卒能感格，人以为难。家贫，好行其德，叔姑有婢以失衣惧责，将投河，适与徐遇，诘以故，乃解衣与之，曰：“吾此衣与汝主人所制，同一机丝，持此足补亡也。”相夫教子，率以仁恕为先。晚年，困约，益刻厉修省，无几微怨尤之色。里中言闺范者，必以徐为法焉。据康熙《志》纂。

**李庆** 寿昌李茂春之女，翁应兆未婚妻也。应兆以暴疾卒，庆年仅十八。闻讣引刀，欲自杀，母徐氏救止之。因谢母归翁，执妇礼甚谨。茂春寻补颍州通判，又迁福建都司经历，均挈庆之任所，冀从容夺其志。庆遂断发，继谋自缢，卒不易其初衷，设计辞归。中途，舟遇暴风，他船多覆没，庆所乘小舟独无恙。时溺尸满江浒，庆乃出篋中所携百余金为棺殓殓埋之费。归家后，下键楼居，虽娣姒亦罕见其面。一夕，邻家火作，几延及楼，庆奉木主危坐不为动。俄风反，楼巍然犹存，人以为有默相之者。年五十六，卒。万历间，敕赐建坊旌之。据康熙《志》并翁祚撰《传》纂，原文见《文征》。

**叶氏** 横山民张恒妻也。恒卒时，叶年二十，矢志自励。居一小楼，婢仆年过十三即摈不用，不下楼者五十余年。巡按萧重望题表节寿之门。卒年八十六。据康熙《志》纂。

**徐氏张季芳妻** 十六岁，嫁季芳。十八岁而寡。清贫守志，以女工自给。独居一室，足迹不逾阃外。年八十五卒。据康熙《志》纂。

**翁氏** 佚其夫名。明末，为乱兵所获，欲污之，誓死不辱。兵欲挟之登骑，大诟詈。兵怒，截其躯为三，乡人目击其惨，私谥曰烈娘。据康熙《志》纂。

**詹氏刘敦厚妻** 适敦厚甫两年，生一子弥月，而敦厚歿。奉姑

抚子，备极艰苦。家有田数亩，族人欲其再嫁，尽鬻之，冀以夺其志。詹甘贫，缙绩以自给，卒抚其子成立。知县黄大鹏旌其庐。年五十六卒。据康熙《志》纂。以上悉两旧志所录明代列女，以下补访所得者，说详《叙例》。

**苏氏祝兰宁妻** 遂昌苏汝标女也。十八岁，归兰宁。三年生一女，而兰宁卒。临卒，属其再适，苏曰：“若然，吾不如马矣。马能一鞍，吾反二乎？”案：此或当时谚语，兹故仍而不改。哀毁几绝，卒不移其志。嘉靖二年，年五十二卒。据郎滋撰《传》纂。

**吕氏徐琼玢妻** 年十九，归于徐，生一子。二十七岁，琼玢卒。事舅姑尽其道。无何子殇，或怜其孤贫，劝其改适，则泣曰：“我去，则舅姑谁养，夫墓谁祭扫耶？”食贫守志。至隆庆三年，年八十二卒。临卒，叹曰：“余事毕矣。”据吕一良撰《传》纂。

**舒荣娟** 童德缙妻，清化乡舒晟之女也。年十七，归于童。未期，而德缙商于外，三年以丧归。荣娟无出，抚棺一恸，谋殉志，以救免。其舅泣谓之曰：“吾老而汝姑病，子幼未婚，汝死，将谁恃者？愿汝顾我三年，待汝姊来归，则生死任汝矣。”荣娟乃不死守志。晟不谓然，谓之曰：“无子，孀守何所望？宜早计，无致后艰。”荣娟泣曰：“妇人之义从一而终，若再适人，狗彘之行也。”晟犹不谅，复谋于其舅姑，荣娟直拒之。又使人密讽之，亦不纳。晟始知其不可夺，不复敢言。荣娟性至洁，每食必供夫像如生时，衣不令垢，室不容尘，人因称为净仙姑。舅卒，侍病姑曲尽妇道者二十余年。叶氏女来为之姊，相爱如女兄弟，中馈之劳一以身任，抚其子如己出。年九十三卒，时天启五年也。据陈旦撰《传》纂。

**祝氏余世澜妻** 年十八于归，不一年而世澜卒。有遗腹子，祝抚之成立。守节凡五十九年。足未尝及户外，遇可喜事亦未尝一笑也。清顺治六年，年七十八卒。玄孙知言娶于鲁氏，三年而知言



卒。鲁矢志守节，而母必欲迫之嫁，竟以殉焉，年仅十九。据刘昂撰《传》纂。

**蒋氏双节** 徐氏，西塘村人。嫁同村蒋明诚，生子甫一岁，而明诚卒，徐年仅十九耳。号恸几绝。既甦，念舅姑老子弱，不以身殉。孝养舅姑尽其道，抚孤成人。年七十九卒。明诚之弟明湛，亦娶于徐，则寺前村人也。明诚卒不数年，明湛亦卒，徐无出，人劝之再嫁，徐曰：“一与之齐，终身不改，义也。宁以有子无子异乎？”由是足迹不出闺门，虽至戚罕见之者，惟与徐如形影相守，或抱孤相向哭，无旦夕欢者。每夜操作，一灯荧然，隔舍相望，数十年如一日。年六十一卒。似节，闻于朝，有诏旌表。娣节，则仅府、县旌之。时称蒋氏双节。据孙大夏撰《传》纂。

**赵氏叶应武之妾** 有殊色。崇祯二年，应武之殉难也，事详《应武传》。赵痛哭求死，卒殉于汉庄城下。明年，督师孙承宗闻其事于朝，赠一品夫人，与应武同赐祭葬。康熙《志·应武传》。

**李氏** 扬州罗经甫妻也。幼通诗书，继室于罗。前子曰都，六岁；女曰宦姑，年十有二。李生女始期，扬州围急，李谓经甫曰：“君上有母，下有稚子都，妾生而存，则虑有所牵，吾自择死所矣。”乃积薪楼下。未几，城破。市人惊呼曰：“兵入矣。”李上堂泣且拜曰：“吾不能复事姑。”乃别其姒刘氏及经甫妾梅氏、李氏。时李有身八月矣。抱幼女持宦姑而语众曰：“吾多见古书中妇人遭乱而求生者，忍以身试乎？”众皆哭，从而登楼者凡十人。命一婢下举火，火发，亦奋身跃入。兵定后，众骨藉藉，惟婢一足尚存。始经甫计犹豫未有所决，俄而烟尘蔽天，楼中声如乱鼓，乃搏膺而呼，负母挈子以奔，卒皆免。家复起，子孙盛昌。时同命者，凡十一人。刘、梅、李外，惟婢得其名曰鞠华。焚宅，在新城广储门内樊家园云。方苞《罗烈妇墓表》，原文见《文征》；并有厉鹗《李烈妇赞》。案：苞文作于康熙六

十一年，原文曰：都之弟国桓有子曰慷，行四方，遇文儒，辄流涕述烈妇事。以时考之，当是明末时事，故列此。 以上七人，康熙《志》均失载，今补。

## 清

**徐氏陆长卿妻** 康熙初，随长卿之江华县任所。长卿既以忧愤卒，事详《长卿传》。徐从干戈扰攘中，间关千里，扶柩以归，时人难之。康熙《志·长卿传》。

**张氏舒明逸妻** 年二十余，明逸卒，将以身殉，念遗孤在抱，欲抚之成立，遂身刺“守节”二字，深入肤里。年四十余卒。溧阳陈名夏为之《传》。据康熙《志》纂。 案：陈《传》未见。

**胡氏张旭初妻** 横山村人也。归二年，旭初卒，将殉，舅姑以有遗孕四月慰止之。及生女，姑贫，欲夺其志。度不免，投药酒中饮之，垂绝救甦，谓其妯娌曰：“必不复生矣，幸毋苦我。”复饮热水二瓯而死，年仅二十。案：《浙江通志》作三十。时康熙八年也。据康熙《志》纂。

**徐氏汪懋典妻** 未嫁时，懋典患风疾不能起，父母舅姑皆欲离婚，徐矢志不从，遂适懋典。一年生子，而懋典卒。徐苦节自甘，年逾七十，言笑无苟，足不逾闾，里中咸敬慕焉。媳祝氏亦少寡守志，人称双节。据康熙《志》纂。

**徐氏余爨妻** 年二十二，爨卒。家赤贫，徐抚遗孤，并日而食，志操不变。卒年七十八。据康熙《志》纂。

**舒氏陈世炳妻** 世炳早歿，父母俱老且多病，舒矢志守节，孝事舅姑，宗党咸称之。媳余氏，亦以少年早孀，守节训子，与姑媿美云。据康熙《志》纂。 案：以上五人，康熙《志》均列入明代。兹依《浙江通志》改列。 康熙《志·烈女传》止此，以下新增。

**师氏王淑斌妻** 家贫，事舅姑孝。康熙三十六年，淑斌卒，无

子。师视含敛毕，祭于祖庙，伏毒死。《浙江通志》。

**钱瑞姑** 钱瑞姑者，光保女也。母张，生瑞姑而早卒。光保继娶于高，生子而病，其子亦以乳竭而垂毙。瑞姑忧之，潜托人购刃，夜半潜割其臂，肉落而晕绝，良久乃甦，遂潜投之药以进。高疾良已，子亦得乳。顾瑞姑以创故，日就羸瘦。邻媪疑之，潜诘以故，终不言，以告高。高诘之，亦言无他。媪与高谋，俟其寝潜察之。高如其言，则创长几三寸，广乃二寸，犹新痊也。事为知县卢灿所闻，手书旌之。瑞姑后适同邑王依文。据《续采访册》、《横堰谱》纂。

**杨氏汪熊徵妻** 杨氏，泽远里杨晓昇女，团石汪熊徵妻也。年二十五，熊徵卒，子方五龄。杨事舅姑尽孝，抚孤成立。康熙四十六年，年六十一卒。当杨之新寡也，舅鸣玉虑其年盛而志未固，乃举所蓄貲以畀之，杨谢曰：“媳孤孀，焉用此？”固却不受，卒成其志云。据叶闻性撰《传》纂。康熙《志·续选举》有其名。

**方氏席廿二妻** 廿二置酒宴客，同席有尹春广者，知廿二与妻异室而寝。席散，即于是夜潜入方室欲犯之，方惊起大呼，持刃力拒，春广夺刃伤方咽喉而死。时雍正二年七月二十五日也。狱成，闻于朝，诏建坊旌之。《浙江通志》据《旌表册》。

**张氏叶应亮妻** 年十六于归。二十三岁，应亮卒，遗腹生一子。时应亮之母已死，应亮之父邦富年五十余，家贫室隘，虑起居不便，乃徙居戚家以避其嫌。张独居十数年，其子成立，始迎其舅归，孝养无间。据《旧采访》纂。

**徐氏汪禹德妻** 徐氏，父名恭盛，团石里汪禹德妻也。年二十六，而禹德卒，恸哭气绝者再，抱其遗孤守于棺侧，水浆不入口者数日。舅姑虑其殉，防之甚密，忽憬然曰：“吾何可死乎？白发在堂，黄口在抱。俯仰之间，皆吾责也。吾当抚兹藐孤，以承一线之宗祀，吾何可死乎？”舅姑察其诚，始释防护。未几，舅亦卒，徐乃告于

宗长，请为治丧于外，而内则自主之。自始丧至于殡虞，无不尽礼。由是以事姑训子为务，门庭肃然，亦不闻其愁叹之声也。卒教其子成立。乾隆四年二月，有诏建坊旌焉。据《旧采访册》载《徐氏贞节传》及教谕沈圻《申详事实册》纂辑。康熙《志·续选举》载其名。坊为乾隆二十年建。

**夏氏徐士琏妻** 年二十于归。未一年，士琏病，自知不起，颇以夏改嫁为虑，夏即誓守志。士琏卒，遗腹生子，夏抚之成立。乾隆二十三年，卒。据徐兆圣撰《传》纂。

**劳氏杨静斋妻** 其父富于资，遣嫁时畀以田产。其后，劳家渐落，劳乃以田五十亩还其弟，以供其父母祠事。知县徐起岩闻之，榜其堂曰巾幗孝让。年九十五卒，时乾隆三十七年也。据曹以采撰《传》纂。

**钱氏叶宗长妻** 鑑女也，有贤德。归宗长二十年，始生子而夭，乃劝宗长纳妾。后为奸宄所欺，几涉讼，宗长憾甚，绝意不更纳姬矣。钱乃于婢中相其宜子且贤者，饰之使居一室，而请于亲友与宗长夙密者，醉宗长以酒，扶入婢室，使侍寝。宗长觉，始知之，而适居忧，惧招清议，而归怨于钱。钱曰：“君知不孝以无后为大乎？君今将五十年矣，昵燕婉不孝，绝先嗣亦不孝，吾权其轻重而为之，毋太固也。”于是，宗长然之，卒生子。宗长旋卒，论者以为叶氏之不绝其宗，咸出钱之智谋云。据童应复撰《传》纂。

**童氏双节** 徐氏，厚徐村人。父名鸣高。生十九年，归塔石村童兆麟。生一子，曰应亨。二十五岁，兆麟卒，一恸几绝。既甦，哭于舅姑曰：“二大人年已垂暮，不幸遽此，既无伯叔可分老人忧，遗孤茕然，媳敢以一死了之乎？”于是，茹疏苦寝，终其身素服，不与戚族燕会，言笑未尝露齿，事舅姑曲尽其道。徐故知书，居恒与人道古往今来之事、福善祸淫之理，受其感化者不乏人焉。应亨既成

立，娶于蓦然村龚氏，父廷宠亦读书人也。龚性明敏，克修妇道。既归于童，徐以其贤，委以家事。而应亨体素羸多病，不能治生，内外事遂由龚主之。无何兆麟之父死，家故贫，龚乃向其母家告急，始得金，勉营丧事，而葬费又告绌矣。应亨丁此惨痛，病益深，乃往苏州求医，又死于中途。龚闻讣，欲以身殉。时兆麟之母犹在，乃挥老涕谕之曰：“妇死固宜，然尔孤何依，尔女谁抚耶？吾止一孙，今已死，妇若殉之，如吾两世何？”徐亦泣阻之。一堂哭泣之哀，闻者陨涕，龚乃绝殉志之念。治丧既毕，以三世无葬地，乃设宴于宗祠，长跪诸亲族之前，痛哭求于祖莹之旁画地营葬事。众初难之，旋感其诚，族长某者故钦其节孝，力为陈说，卒得许。龚由是稍慰，上事祖姑与徐，各极孝养，抚其孤成立，为名诸生。龚治家勤俭，蚕桑织纫，不辞劳瘁，卒以此兴其家。既不嗟贫，遂好施与。其里中有田家贫欲鬻其妻者，告于龚，龚即与以积资无难色。后其人卒，遣其妻持金来偿，龚掷还之，谓不屑受也。乾隆五十一年，卒，年五十六，凡守节三十年。后七年，徐始卒，年八十五，守节至六十年。时称童氏双节云。据蒋泰清撰《传》纂。

**童氏方上魁妻** 三都农家童瑞祯女也。年十六于归，事舅姑先意承旨。舅姑有疾，屡割股和药以进，疾竟瘳，顾不以闻于人。年三十，患痘，姑视其臂，始见有创痕，凡四，痕甚深，姑询之始悉。年逾六十，事老姑犹以身先，不委诸子妇手也。据高家骏撰《传》纂。

**曹氏石亘吴孙貽妻** 年三十而寡，教子有法。石亘村故无泉，汲水必出村外三里许。曹乃于宅旁凿井以供众需，一村称便。村距官道，路不平，行人苦之，曹独力修筑，遂成坦途。乡里中有无力嫁娶者，曹为成之，与之衣，且为具酒食，召邻里而食之，一乡无怨旷焉。家故小康，然自奉甚约。蚕桑之事，年逾七十，犹身亲之。年八十二卒，守节凡五十二年。据叶锡第撰《传》纂。 一作年七十七

卒，未详孰是。又《旧采访册》注云：已旌。亦未详何年事。子维周娶于张，维周有疾，张割股疗之。维周卒时，张年三十五，亦守志不嫁，逾十九年而卒。见《旧采访册》。先是，维周次子际盛，娶余氏。父名学夔，为名诸生。故余亦略通经义，年十七于归。三年，而际盛卒，无子。余绝粒数日，将以身殉，维周及张苦劝得免。未几，维周卒，案：原《传》谓舅姑相继卒，殊不合，盖张亦曾守节十九年也。维周之长子亦卒，遗一子才八年，余乃与其姒何氏未详。抚之成立，兼祧两祀焉。年至八十六岁，卒。据徐焕撰《传》纂。

**徐氏余长泰继妻** 西安徐怪女也。归逾年，而长泰卒于京师，无子。徐闻而号恸，几不欲生。以长泰前妻子以鉞尚幼无依，乃矢志抚之成立，备历艰苦。嘉庆十五年，有诏旌表建坊，逾年卒。据《旧采访》纂。

**余氏曹双泰妻** 余元达女也。少娴礼节。年十九，归于曹，事舅姑以孝闻。舅卒，双泰亦卒，时余年二十九，无子，乃抚其从兄子兴仁为嗣。双泰有弟邦泰，时尚幼。于是，余上事姑，下抚嗣子并未成立之夫弟，劳苦备至，至于成人。兴仁甫娶妻而亡，亦无子。邦泰子之谦仅八年，而姑与邦泰复相继死。兴仁之妻亦余氏，兴仁亡时，余年仅十九，结缡尚未及期也。家贫，姑及子妇两世孀居，茕茕无倚，复抚之谦成立，其困苦可知已。之谦娶于杨，不久又死，复与杨抚孤守志以终。姑于嘉庆十年卒，年六十七，时子妇年已四十七矣。其卒年与杨氏守志年数，均无考。据高家骏及余本谦撰《传》纂。

**周氏诸生汪邦燊妻** 性慷慨好义。乾隆五十五年，曾捐田一百亩，以其入为士子赴省应考之费。今公租中称龙科阁、龙科甲两户者，是也。据《旧采访》纂。

**徐氏团石村汪家湜妻** 西安徐庭坚女也。年十七，归于汪；十

九而家溘卒，临终谓徐曰：“吾无子，命也。吾深知君性烈，然殉节，非所望也。兄子维容能抚为嗣，以延宗祚，则深感君德耳。”言之再三始瞑。徐一恸几绝，水浆不入口，数日始进饘粥，旋起治丧，营葬一如礼度。嗣子四岁，卒抚之成立。道光二十四年卒，年八十有五。据夏元吉撰《传》纂。

**高氏琴坞高绍贤女** 年十七，归里亭柴凤林。家贫，能承舅姑欢。舅姑卒，凤林病，又值岁饥，以针黹易药饵，侍疾三年，而凤林卒。柴年仅二十四，遗一女二岁。族人欲夺其志，赂媒氏使恬之，妇坚不可夺。母闻之过慰，柴以女属母抚之，奠夫人室，严妆自经死。比入棺，颜如生时，嘉庆七年三月也。朱登《盈川小草·柴烈妇诗序》。

**袁氏余铿妻** 钱唐人。父树，以进士官广东肇罗道。袁幼慧，为树所钟爱，随之官，教以读书吟咏。既归铿，铿固长于诗，闺阁唱和之乐，一时称羨。当是时，袁之世父枚，喜吟咏。袁浸其风，益耽韵语。洎铿为新昌训导，留袁在家侍养，克尽妇道，而与铿书信通问，亦多作韵语云。已铿迁金华教授，未抵任，卒于杭州。袁闻讣奔丧，迎棺归里，葬祭循礼。抚四子成人。咸丰十一年，发匪陷龙游，袁不食死。其子妇徐，则投池以殉。徐，铿长子庆珏妻也。十七岁，归于余。居六年，庆珏赴衢州，中途遇风，舟覆溺死。徐年才二十三，仅遗一女。徐矢志苦守，抚女奉姑，夙著贤德。至是，殉难，人称节烈俱全云。事闻，命入祀节孝祠。据《旧采访册》纂。

**徐氏汪圣嘉妻** 徐志鹏女也。年十九，归于汪。未一年，而圣嘉卒，号泣不已，泪尽继之以血。其舅姑百计劝慰之，始寝殉志之念。抚其从子帝临为嗣，苦守历数十年云。据《旧采访册》纂。

**戴氏祝德立妻** 戴维鹤次女。年十六，归于祝。逾年，而德立卒。遗孤聪田，生甫逾月。遂有劝其改适者，戴泣曰：“苟无此呱呱

者，吾志早决矣。何来此不入耳之言耶？”自是深居不出，事舅姑尽孝，妯娌间亦无间言。析居后，仅供馐粥，戴茹苦含辛，措资以供聪田学费。凡十年，家犹壁立，乃令聪田弃读就耕，训督甚严，聪田遂以成立。发匪乱后，斤米百钱，蔬食不能自给，犹为淖糜以食蒙袂者，人以为难。居家尚勤俭，常谓聪田曰：“多用一钱以求人，不若少用一钱以求己。”同治八年，年六十三卒。据杨微撰《传》墓。

**金氏陈连三妻** 俗例，凡女字人而抚于舅姑待年而婚者，谓之童养媳。金年七岁丧母，十二丧父，遂为童养媳于陈氏，居三年而婚。婚四年，而连三死，有遗脉仅三月。无何连三之两兄相继卒，其舅遂为析居。又六年，舅亦卒。于是，家益困。遗腹子百福欲求学而无资，赖金之妹归张氏者招与其子共读。不数年，百福学渐成，金心始慰。卒无考。据徐本《金节妇传》墓。徐撰《传》时，金犹存。《传》中云今年四十五岁，而寡居已二十六年云。

**郑氏张邦典妻** 郑书典女也。十九岁于归。性凝重，寡言语。邦典夙有瘵疾，郑侍汤药，寒暑无间。三十二岁，夫卒，遗一子二女。郑以频年侍疾，羸瘦甚。至是，绝粒欲以身殉，舅姑谕以儿女幼弱，殉节则无人抚育，乃勉进饮食。居常，每言：“不死者，不欲以儿女累堂上也。”咸丰八年，舅卒。明年，又遇火，次女焚死。郑遂挈其子居母家。十一年，粤寇猝至，乃随母避居南乡沐尘。同治二年，左宗棠克复县城，音问始通，始知老姑已避居衢州客死，郑遂悲不自胜，不食二十三日死。年四十四岁。据《旧采访册》墓。

**王雪姑** 王雪姑者，县北街头农家女也。父日升早卒，无子，家赤贫，雪姑乃披蒲织席以供母。母老病瘳，手足不能自运，饮食汤药，悉雪姑侍之，未尝一日离左右，始终无倦容也。有问名者，则辞曰：“老母在，未敢以身许人也。”咸丰十一年，粤寇至，雪姑年二十八矣，以母病不能他徙。贼涎其美，欲污之，雪姑诡言奉茶，贼信



之。雪姑遂自后门出，门外有塘曰东义塘，自度不得脱，投塘自溺死。及尸浮，村妇知其事，乃以贮米器瘞于塘侧。月余，寇退，村人为改葬，启视面如生，尸亦不朽。时当盛夏，村人莫不奇之。据王树熙撰《传》纂。

**龚贞英** 诸生龚景涛之女也。景涛早卒。咸丰十一年，粤寇至。景涛子联城被害，贞英与其嫂王氏亦被掠至项家村。贞英有姿色，贼逼贞英不从，且哭且骂，以死自誓，贼乃使王反复劝之，竟一夕卒不可夺。平明，贼遂杀贞英。据续、新两《采访册》纂。

**徐氏董元美妻 劳氏夏俊卿妻** 元美家素裕。咸丰间，粤寇至，举家避居南源小连之山中，寇踵至，一家二十余人流离四散。事平，存者惟徐与侄雄飞而已。值岁饥乏食，徐有同产弟某劝之改适。徐慨然曰：“妇人从一而终，义也。吾于里中某妇，因其夫佣于军营，妇欲改嫁，吾且劝止。吾奈何自蹈之乎？吾但祈汝姊夫早归，饥无悔也。”弟曰：“姊夫已死于贼，尸犹在东门隅，姊未知耶？”徐讯于人果确，乃恸哭。同侄至尸所，则已为施瘞者掩埋，不可得矣。徐痛不欲生，继念董氏宗祧赖侄尚存足延一线，遂归家引侄至后园，发窖藏钱二百余贯付侄，急为授室，并使就傅习武艺。不数年，雄飞入武庠，生二子焉。据《旧采访册》纂。同时，有劳汝翼女，嫁北乡夏俊卿，所生子女俱夭。三十一岁，俊卿死，矢志守节。咸丰十一年，粤寇至，避乱山中。寇退归家，复遭大疫，家人悉毙，惟劳独存。劳思族人死亡殆尽，尚存侄孙立意一人，乃招之来家，妻以使女。明年，生一子，名如意。未几，立意又死。劳乃抚如意成人，夏氏之宗赖以不绝。光绪二十二年，卒。如意已有孙矣。据杨渭思撰《传》纂。

赞曰：丁流离丧乱之余，举目无亲，而能为夫守志，已甚难矣。况艰难顿挫，以期兴废继绝，存不绝如线之宗祧，求诸须眉

亦不多覲，若徐、劳者，岂徒以节概见耶？

**方氏双节** 洪氏，方双标妻，于归三年，而粤寇至，双标与其弟双润咸及于难。时，双润娶妻郎氏，仅三月耳。洪、郎乃随其舅姑奔避。中途，而舅姑又卒，所遗有夫弟二人，俱幼，乃属之同族诸长者，而各随其父奔避焉。寇既平，相率归方家，居同室，寝同席，相誓守志。而家贫甚，族人有劝郎嫁者，郎曰：“翁姑生五子，所存者二耳。吾与姒誓必抚之成人，以延宗祀。敢相背乎？”洪亦谓然。历尽艰辛，卒抚以成立。洪年五十三，自剋时日卒，人咸异之。越二十年，而郎氏始卒，年七十三。时称双节云。双标族人双增亦死于寇，其妻徐氏年二十四，亦守志至六十八年而终。因为附传。据《新采访册》纂。

**徐氏叶际三妻** 徐荣陞第三女。年二十三，归于叶。越三年，而际三卒，遗孤才四月，矢志守节。居数年，粤寇至，提携避难，百苦备尝。寇退，继之以疫，徐、叶两家死亡殆尽。母子相依，饥饿不能出门户，或有劝以改嫁抚子者，徐乃奋然趋至其族侄家曰：“改嫁，吾不屑为也。然欲全节，则母子坐毙，亦无以存先夫之祀。今日惟汝稍亲，敬以藐孤相托，汝若念先人一线之延，而抚之成人，则吾死亦瞑目也。”其族侄曰：“丧乱至此，一己生死犹不可知，敢轻诺乎？然义无可辞，成立与否，则非敢必矣。”徐闻言，即归家，尽变其劫余什物，得白米若干斤，命子负至侄家，以示决意，遂自杀。自是其子与侄同居，侄为之教养，逾十余年，遂为诸生，更为授室，送之归，别成家焉。据《旧采访册》纂。

赞曰：徐氏当饥饿时，若变节以曲全其孤，揆诸经权之义，君子犹或谅之。而权衡利害，不惜一死，以保其贞，而延其宗祀，虽古之烈士何以加焉？读其托孤之言，慷慨激昂，可为处乱世而贪生者愧矣。其族侄不负徐之所托，亦庶几古人之风，叔世而有斯

人，吾甚惜其名之不传也。

**邵氏璩村董国鏞继妻** 同治二年，国鏞卒，无子。一日，母迎以归，劝之嫁某氏，邵不可。某闻其归宁，即来相妇。邵入房，裂面毁容，入床泣曰：“母欲吾速死耶，何相迫如是？”母启帟，已不忍视，乃曰：“吾为汝终身计耳。既不从，则亦已矣。”邵居数日归，矢志守节，越七年卒，年三十八。据《旧采访册》纂。

**杨氏支理平妻** 理平久病，杨侍疾数年无倦色。理平卒，杨痛不欲生，家人劝慰始止。当殡葬时，与其长子诚意入圻痛哭。诚意性孝，哭至厥，家人负以归，禁之室。既甦，复哭不已，夜深始止。疑其已寝，启视，则眼际血泪模糊，气已绝矣。人念其孝，葬于理平墓旁。杨益悲恸不能自胜。自是闭门守志，邻里罕见其面，日事针黹，夜勤纺绩，卒抚其二幼子成人。晚年，其子妇为更衣，见其左臂有创痕，始知其曾割股以治夫疾也。年八十，无疾卒。据《旧采访册》纂。

**劳氏余美士妻** 溪口劳明哲女也。于归后，即遭粤寇之难。美士适有疾，避难衢州，未几卒，无子。时，其舅恩鏊方官粤中，夫弟福溥适迎其姑往粤，劳因依之同往。福溥妻早卒，劳佐其姑治家，咸称礼度。立福溥长子士恺为嗣。其后，恩鏊致仕，挈家归，寓居衢州，劳亦归。而士恺仍需次广州，未能返里。舅姑既歿，依福溥以居。无何福溥及从子庆椿相继卒，家道中落，分产析居。士恺三十年中仅归省二次，仍至广州，以书画为生，虽时致甘旨，而道远不能以时至。僦居衢州家祠后堂，孤苦历三十年。而士恺复以豪饮卒，丧不能归。士恺复无子，乃立从子庆增之子为后，年才弱冠，又商于兰溪，未能奉养。而薄产，复以士恺卒后迁眷回衢，耗去大半。迨眷归，不二年，而劳遂卒，年八十三。盖终其身，未尝有一日之喜慰云。《新采访》。

**童氏、余氏两烈女** 童氏，北塘童士元女。貌美。咸丰十一年，年十九，发贼至，童出避，行至山下桥头，遇贼。贼即下马，相携要其同去。童不从，贼即扶之上马而驰。童乘不备，拔其刀滚下马自刎。贼恨甚，别以刀磔之。时四月十二日也。《旧采访册》云：当时其族人童毓秀曾目见。其明年为同治元年，有余阿理女，幼许北乡莲塘璩同福为童养媳。年十八，尚未成婚。九月十八日，李秀成率贼至，余出避，行近四份塘，猝与贼遇，胁之。余度不能脱，给之曰：“此处人多，且择僻静之所何如？”贼信之，从行至四份塘，遽投入自尽。据杨渭思撰《传》纂。

赞曰：以弱女为强暴所侵，而能从容就死，以完其贞，此非深明义理者不能也。而此两女者，尤能济以智谋，岂不异哉！

**余氏梁汝乾妻** 余氏，余恩鏊女，嫁广东番禺梁汝乾。二十八岁于归。未逾年，而汝乾卒，无子。以从子鼎蕃为嗣。鼎蕃之兄鼎芬，时年十一，失怙恃，余并抚之如己出，教养兼至。鼎芬弱冠即成进士，旋以劾朝贵罢归讲学，余翻喜慰，以为能以气节自见也。鼎芬待之亦如所生母。其后，起官武昌府知府，余随之任，家事一以主之，严整有法。未几，鼎蕃卒，复无子，乃立鼎芬子劬兼祧，自是依鼎芬居焉。清虽逊位，帝号犹存，鼎芬矢忠皇室，为帝师，乃请赐封如所生母。岁丁巳，有复辟之役，鼎芬与其事。及京师被兵，鼎芬命其子奉余移居天津避之。余曰：“事苟不济，汝曹死忠，我何生为？”竟不去。帝闻嘉叹，赏赉优渥，时赐存问，余感激恒至涕零也。后三年，鼎芬卒，余感伤甚。及闻得谥文忠，心稍慰。终以老不支，不二年亦卒，年八十一。《新采访》。

**黄氏姜缙纶妻** 黄氏，东乡黄家埕头村黄沛沾女，高山村姜缙纶妻也。年二十于归，而发匪警至，其年为咸丰十一年四月。缙纶遂从其季父懋槐战死于芦莲冈，距结缡仅月余耳。黄闻耗，痛不欲

生，仰药数四，均遇救不死；绝粒数日，复不死，乃矢志守节。乡邻有欲夺其志者，以泥涂面，以火燎发誓之。家为贼毁，遂致赤贫，惟以针黹度日，或采野菜煮粥充饥，自少至老，安之若素。卒年八十，守节历五十九年。《新采访》。

**叶氏张芳妻** 叶氏，叶芾棠女。年二十，归张芳。事姑以孝闻。芳病，侍奉衣不解带；病笃，割股以进，终不效。叶誓以身殉，家人劝止之，乃请立夫后。于是，以夫兄芬次子景澄为嗣。议既定，仍不食旬日卒，遗嘱犹殷殷以嗣子为托。殁时，面色如生。光绪十六年，礼部题准旌表建坊焉。据《旧采访册》纂。

**邵海英** 陈谷祺妻，志棠村人。邵金奶之女也。金奶早死，无子，海英赖母陈抚之成人。谷祺，本与海英为中表兄妹，自幼约为婚姻。谷祺之父开达，家故小康，已遭粤寇乱，与其妻张相继死。及乱平，谷祺幼无知，所遗产悉荡尽。海英归于陈才一月，而谷祺卒，至于无以为殓，赖其族人陈志坤为理其丧。海英本欲殉志，念母老孀居，贫苦无依，乃号泣归家，誓不再适。有讽劝者，辄厉声拒之。母子相依赖以存者，薄田五亩而已。不足，则纺绩以继之。母卒，孤居食贫，不改其志。今年七十一矣，犹康强不衰云。据续、新两《采访册》纂。

**余氏罗增祥妻** 余氏，余庆椿次女。年十六，嫁绍兴罗增祥。增祥夙有瘵疾，逾年即卒，无子。余求殉者屡，皆遭救。其姑至仁爱，余亦夙得姑欢，姑因谓：“汝若殉夫，吾惟有殉子。”余始寝殉志之念，抚其夫兄之子为嗣。罗本巨富，营商于西安。自增祥卒后，商业顿衰，不一年家大落。余事姑抚子，食贫守节无怨言。又五年，姑复病，余侍汤药昼夜不懈，遂致虚疾。姑卒，感伤不自胜，而家境益窘迫，夫兄之妇有痼疾，家事悉余主之，又为教养诸侄，竟以忧劳卒。年仅二十九。拙撰《哀辞》，见《文征》。

《龙游县志》卷二十二

县人 余绍宋撰

## 节妇略

### 元

吴氏汪奕忠妻 至正二十二年生。十六岁，夫故。守节四十二年。明正统三年，旌表建坊，坊址在清都一图团石汪。《团石谱》有《传》。

### 明

毛氏徐文侑妻 洪武七年生。西安毛自知孙女。二十岁，夫故。守节三十四年。《灵山谱》有劳孟仙撰《传》。

姜氏徐景衍妻 洪熙元年生。三十五岁，夫故。守节四十二年。《灵山谱》。

杜氏汪渤妻 正统时人。二十岁，夫故。守节四十年。《团石谱》。

徐氏蒋思镇妻 天顺六年生。二十九岁，夫故。守节五十年。《西垣谱》有吴士凤撰《传》。

陈氏余宗胜妻 景泰时人。二十九岁，夫故。守节三十八年。

《西圯谱》。

方氏李时凤妻 弘治四年生。二十七岁，夫故。守节五十四年。《龙门桥谱》。

翁氏王铨妻 弘治十二年生。二十一岁，夫故。守节四十一年。清咸丰二年，汇旌。《学册》。

张氏王云妻 正德四年生。张龙女。三十岁，夫故。守节三十八年。清咸丰二年，汇旌。《新王谱》。

何氏徐赵武妻 正德六年生。三十三岁，夫故。无子。守节四十九年。《灵山谱》有朱映星撰《传》。

王氏邵良奎妻 正德六年生。二十八岁，夫故。守节四十四年。《志棠谱》。

劳氏徐涓妻 正德六年生。二十二岁，夫故。无子。守节三十八年。《灵山谱》。

余氏徐天秩妻 正德九年生。二十岁，夫故。无子。守节四十九年。《灵山谱》。

王氏汪电妻 正德十三年生。二十一岁，夫故。守节五十二年。清咸丰二年，汇旌。《因石谱》。

袁氏季维孝妻 正德十六年生。三十五岁，夫故。守节五十一年。《乌冈谱》。

王氏邵希镇妻 正德时人。十九岁，夫故。守节五十九年。《志棠谱》。

张氏范文达妾 嘉靖元年生。三十二岁，家主故。守节十五年。《鸡山谱》。

严氏余文隆妻 崇文母。三十岁，夫故。守节五十余年。《南巷谱》。案：严氏约生于嘉靖初年，故列此。

方氏季维姻妻 嘉靖八年生。二十五岁，夫故。守节三十二

年。《乌冈谱》。

王氏徐桂妻 嘉靖十九年生。十七岁，夫故。守节三十四年。  
《灵山谱》。

项氏季维脩妻 嘉靖二十四年生。二十五岁，夫故。守节五十一年。《乌冈谱》。

席氏邵良塾妻 嘉靖三十四年生。三十一岁，夫故。守节四十一年。已旌。《志棠谱》。

祝氏范一奉妻 嘉靖四十二年生。三十四岁，夫故。守节四十六年。《鸡山谱》。

徐氏范元纶妻 嘉靖四十四年生。二十五岁，夫故。守节四十八年。《鸡山谱》。

季氏叶子远妻 嘉靖时人。三十岁，夫故。守节三十五年。  
《续采访》。

童氏叶汝宠妻 嘉靖时人。三十四岁，夫故。守节三十一年。  
《续采访》。

陈氏童锚妻 隆庆二年生。二十七岁，夫故。守节三十五年。  
《下童谱》。

徐氏季仲明妻 隆庆四年生。三十四岁，夫故。守节四十七年。《乌冈谱》。

叶氏陆宗成妻 隆庆四年生。二十四岁，夫故。守节五十四年。《城南谱》。

袁氏范邦兴妻 隆庆五年生。二十六岁，夫故。守节三十一年。《鸡山谱》。

翁氏徐应新妻 隆庆时人。二十三岁，夫故。守节五十余年。  
《续采访》。

胡氏王选妻 《旧采访册》注云：万历以前人。二十二岁，夫



故。守节五十三年。《石院谱》。

刘氏陆宗儒妻 万历二年生。二十三岁，夫故。守节十九年。  
《城南谱》。

童氏方琪妻 万历九年生。三十四岁，夫故。守节四十二年。  
《新采访》。

徐氏范元凯继妻 万历十七年生。二十一岁，夫故。守节二十  
十年。《鸡山谱》。

杨氏叶应第妻 万历三十一生。二十三岁，夫故。守节六十  
六年。《桥头谱》。

童氏张国绵妻 万历三十四年生。童日章女。三十四岁，夫  
故。守节四十年。清咸丰二年，汇旌。《横山谱》。

汤氏童尧元妾 万历四十五年生。十九岁，家主故。守节四  
十六年。《下童谱》。

徐氏余桧妻 万历时人。二十三岁，夫故。守节五十余年。  
《旧采访》。

袁氏叶茂明妻 万历时人。二十七岁，夫故。守节三十四年。  
已旌。《新采访》。

周氏叶良学妻 天启时人。二十八岁，夫故。守节五十九年。  
《新采访》。

范氏童志守妻 崇祯四年生。二十六岁，夫故。守节六十五  
年。《续采访》。

吕氏曹国裕妻 崇祯五年生。二十八岁，夫故。守节四十二  
年。《城南谱》。

范氏祝有纲妻 崇祯七年生。二十三岁，夫故。守节五十四  
年。《沐尘谱》。

许氏尹良富妻 二十五岁，夫故。守节五十七年。案：《旧采

访》云：系明时人。因列此。

**周氏支廷旺妻** 年未三十，夫故。守节五十余年。《赤亭谱》有陈芝燮撰《传》。

**陈氏方斯德妻** 十九岁，夫故。守节三十七年。《新采访》。

**徐氏陈继尚继妻** 三十一岁，夫故。守节三十二年。《新采访》。以上三人生卒年月虽无考，而确系明时人。故列此。

## 清

**徐氏祝利宾妻** 顺治二年生。三十二岁，夫故。守节四十六年。《沐尘谱》。

**钱氏李日壮妻** 顺治七年生。三十二岁，夫故。守节五十二年。《会泽谱》。

**姜氏徐一凤妻** 顺治八年生。二十四岁，夫故。守节四十三年。咸丰二年，汇旌。《旧采访》。

**方氏姜凤诒妻** 顺治十一年生。二十一岁，夫故。守节二十年。《泽山谱》。

**姜氏汪义九五名佚妻** 顺治十三年生。二十八岁，夫故。守节四十五年。咸丰二年，汇旌。《团石谱》。

**舒氏童资妻** 顺治十四年生。二十三岁，夫故。守节四十二年。《桐冈谱》。

**王氏吕安道妻** 顺治十七年生。二十一岁，夫故。守节六十年。《十都谱》。

**翁氏刘用盛妻** 顺治十七年生。二十七岁，夫故。守节四十五年。《刘家谱》。

**俞氏范益鯤妻** 康熙二年生。二十九岁，夫故。守节四十二年。《下范谱》。

徐氏王肇禧妻 康熙五年生。二十一岁，夫故。守节五十九年。《王家谱》。

吕氏马世德妻 康熙六年生。十九岁，夫故。守节五十二年。已旌。《范坦谱》。康熙《志·续选举》有其名。

祝氏詹贞百一名佚。妻 康熙七年生。二十三岁，夫故。守节四十七年。《五都谱》。

章氏江天玫妻 康熙九年生。三十五岁，夫故。守节三十年。《兑门谱》。

朱氏叶凤祥妻 康熙九年生。二十八岁，夫故。守节四十一年。《旧采访册》载有叶廷树撰《传》。

张氏毛志孝妻 康熙十二年生。二十七岁，夫故。守节五十四年。咸丰二年，汇旌。《毛家谱》。

陈氏徐光六妻 康熙十三年生。二十六岁，夫故。守节四十八年。已旌。《高塘谱》。

汪氏姜凤羽妻 康熙十五年生。二十四岁，夫故。守节十八年。《泽山谱》。

黄氏徐渭妻 康熙十六年生。三十岁，夫故。守节四十八年。《灵山谱》有徐文穆撰《传》。

叶氏蒋廷宣妻 康熙十七年生。三十四岁，夫故。守节四十二年。《续采访》。

叶氏曹裕浩妻 康熙二十年生。三十四岁，夫故。守节二十八年。《城南谱》。

叶氏周世彦妻 康熙二十一年生。二十六岁，夫故。守节四十三年。《前桥谱》。

张氏范一妻妻 康熙二十二年生。二十二岁，夫故。守节二十九年。《鸡山谱》。

**范氏童希曾妻** 康熙二十二年生。三十二岁，夫故。守节六十年。《续采访》。

**金氏余建昌妻** 康熙二十四年生。乾隆间建坊于学宫前西湖沿。《旧采访》。案：夫故及守节年数虽不详，以其坊址及年代尚可稽，故不入别录。建昌，一作建康。

**王氏张文达妻** 康熙二十四年生。二十二岁，夫故。守节五十三年。《上溪头谱》。

**余氏何国韬妻** 康熙二十五年生。二十岁，夫故。守节七十三年。《西河谱》有《行略》。

**杨氏张惟珍妻** 康熙二十六年生。二十五岁，夫故。守节六十四年。《续采访》。

**张氏徐士珍妻** 康熙二十六年生。三十三岁，夫故。守节二十九年。《旧采访》。

**王氏童锦文妻** 康熙二十六年生。三十三岁，夫故。守节四十年。《下童谱》。

**严氏吕光国妻** 康熙二十六年生。二十七岁，夫故。守节六十三年。乾隆三十八年，旌表，建坊在县西二十五里，十都一图岑阳里。今尚存。《十都谱》。

**严氏何光岳妻** 康熙二十七年生。二十七岁，夫故。守节四十三年。《旧采访》。

**叶氏马桂生妻** 康熙二十八年生。二十九岁，夫故。守节六十年。乾隆二年，旌。《范坦谱》。康熙《志·续选举》有其名，桂作贵。

**张氏夏彦平妻** 康熙二十九年生。二十六岁，夫故。守节四十九年。咸丰二年，汇旌。《夏峰谱》。

**钱氏童光荣妻** 康熙二十九年生。二十四岁，夫故。守节四十九年。咸丰二年，汇旌。《下童谱》。

吕氏曹夔妻 康熙二十九年生。二十七岁，夫故。守节五十年。《城南谱》。

席氏黄鲁玉妻 康熙三十年生。三十三岁，夫故。守节五十六年。《鸛头谱》。

叶氏马维章妻 康熙三十年生。二十八岁，夫故。守节五十八年。乾隆三十五年，旌。《范坦谱》有叶闻性撰《传》。

余氏童元珍妻 康熙三十一年生。二十五岁，夫故。守节四十八年。乾隆六年，旌表建坊，坊址在东乡三都三图五里牌村之西北隅。《新采访》。

姜氏汪兆熊妻 康熙三十一年生。二十九岁，夫故。守节五十一年。咸丰二年，汇旌。《团石谱》有汪映模撰《传》。

吴氏袁公球妻 康熙三十二年生。二十六岁，夫故。守节三十九年。《三处谱》。

袁氏张维荣妻 康熙三十四年生。二十七岁，夫故。守节五十四年。咸丰二年，汇旌。《横山谱》。

祝氏汪邦焕妻 康熙三十四年生。三十二岁，夫故。守节十八年。《团石谱》。

袁氏张长寿妻 康熙三十四年生。二十七岁，夫故。守节五十四年。《横山山顶谱》。

姜氏徐秘妻 康熙三十五年生。二十九岁，夫故。守节五十六年。咸丰二年，汇旌。《旧采访》。

盛氏胡有光妻 康熙三十五年生。三十岁，夫故。守节五十六年。《太平里谱》。

刘氏马家瑞妻 康熙三十七年生。二十七岁，夫故。守节六十四年。乾隆五十三年旌。《范坦谱》。

宋氏江锡颖妻 康熙三十九年生。十九岁，夫故。守节四十

一年。《旧采访》。

方氏徐琰妻 康熙四十一年生。二十二岁，夫故。守节五十八年。咸丰二年，汇旌。《旧采访》。

童氏李作梅妻 康熙四十二年生。三十三岁，夫故。守节三十七年。《会泽谱》。

诸葛氏邵乾亨妻 康熙四十三年生。二十三岁，夫故。守节三十四年。《志棠谱》。

金氏范廷升妻 康熙四十三年生。二十七岁，夫故。守节四十六年。《下范谱》。

张氏叶秋魁妻 康熙四十四年生。二十九岁，夫故。守节五十三年。咸丰二年，汇旌。《旧采访》。

余氏徐琯妻 康熙四十四年生。二十九岁，夫故。守节六十一年。咸丰二年，汇旌。《旧采访》。

王氏李应雷妻 康熙四十五年生。三十一岁，夫故。守节四十三年。《会泽谱》。

徐氏刘五喜妻 康熙四十五年生。三十五岁，夫故。无子，守节二十六年。《芝溪谱》有楼宗燧撰《传》。

童氏徐永增妻 康熙四十六年生。十九岁，夫故。守节四十八年。《西圯谱》。

范氏徐橹妻 康熙四十七年生。二十九岁，夫故。守节四十一年。《灵山谱》有童谦亨撰《传》。

叶氏徐国鼎妻 康熙四十七年生。二十八岁，夫故。守节五十六年。咸丰二年旌。《旧采访》。

鲁氏徐沛妻 康熙五十年生。三十五岁，夫故。守节四十五年。《灵山谱》有叶久大撰《传》。

叶氏徐璋妻 康熙五十年生。二十八岁，夫故。守节十六年。

咸丰二年，汇旌。《旧采访》。

鲁氏王汝淳妻 康熙五十年生。二十六岁，夫故。守节四十三年。《儒门谱》。

李氏张守埴妻 康熙五十一年生。三十五岁，夫故。守节五十一年。《横山东坞谱》。

范氏周德寿妻 康熙五十一年生。二十九岁，夫故。守节四十八年。《湖镇谱》。

严氏夏全福妻 康熙五十二年生。二十三岁，夫故。守节四十四年。咸丰二年，汇旌。《蒲塘下谱》。

金氏江静菴妻 康熙五十二年生。二十四岁，夫故。守节四十七年。已旌。《柴埠谱》。

徐氏叶文彩妻 康熙五十二年生。二十四岁，夫故。守节四十七年。《八石坂谱》。

柯氏何廷璫妻 康熙五十三年生。三十一岁，夫故。守节四十二年。《西河谱》有《行略》。案：璫，一作敬，又作俊。

余氏汪岐隆继妻 康熙五十三年生。二十六岁，夫故。守节三十四年。《旧采访》。

王氏方作云妻 康熙五十四年生。二十三岁，夫故。守节四十余年。《雅村谱》有童应复撰《传》。

余氏汪邦蒸妻 康熙五十四年生。二十四岁，夫故。守节四十九年。乾隆四十二年旌。《旧采访》。

詹氏汪周玉妻 康熙五十四年生。二十二岁，夫故。守节二十九年。已旌。《上下汪谱》。

詹氏汪岐俊妻 康熙五十六年生。二十八岁，夫故。守节五十九年。咸丰二年，汇旌。《团石谱》。

徐氏袁嘉福妻 康熙五十六年生。三十四岁，夫故。守节三

十一年。《大治谱》。

范氏季绍元妻 康熙五十六年生。三十四岁，夫故。守节四十四年。《乌冈谱》。案：元，一作光。

叶氏严震元妻 康熙五十六年生。二十三岁，夫故。守节五十二年。乾隆三十八年，旌表建坊，坊在驿前村口大路旁。《新采访》。

陈氏王崇妾 康熙五十七年生。二十七岁，家主故，守节四十七年。嘉庆十二年，旌。《新采访》。

余氏杨杏平妻 康熙五十七年生。三十岁，夫故。守节三十二年。《泽远里谱》。

叶氏王文斌妻 康熙五十八年生。二十八岁，夫故。守节三十八年。咸丰二年，汇旌。《新玉谱》。

徐氏范九韶妻 康熙五十八年生。三十四岁，夫故。守节十九年。《鸡山谱》。

陈氏徐志元妻 康熙五十八年生。三十三岁，夫故。守节三十年。咸丰二年，旌。《旧采访》。

余氏朱雯彩妻 康熙五十八年生。二十一岁，夫故。守节五十七年。《湖城谱》有吴兆元撰《传》。

尹氏童光序妻 康熙五十八年生。三十岁，夫故。守节五十五年。《下童谱》。

王氏江锡诏妻 康熙五十九年生。二十七岁，夫故。守节十八年。《旧采访》。

何氏汪宜颂妻 康熙五十九年生。二十六岁，夫故。守节四十八年。咸丰二年，汇旌。《团石谱》。

余氏汪连美妻 康熙五十九年生。二十六岁，夫故。守节四十八年。咸丰二年，汇旌。《团石谱》。



余氏陆阳春妻 康熙六十年生。二十八岁，夫故。守节五十六年。已旌。《城南谱》。

王氏江纶音妻 康熙六十年生。二十七岁，夫故。守节十七年。《柴埠谱》。

姜氏徐棫妻 康熙六十一年生。二十七岁，夫故。守节六十二年。乾隆三十九年，旌表建坊，坊址在灵山下街永安坊东首。《灵山谱》有费淳撰《传》，即始然之母。

马氏曹世庆妻 康熙六十一年生。二十三岁，夫故。守节三十二年。《城南谱》有叶世璇撰《传》。

叶氏徐国幹妻 康熙时人。二十一岁，夫故。守节六十七年。《续采访》。案：国幹，一作国翰。

支氏龚元宪妻 康熙时人。二十四岁，夫故。守节三十九年。咸丰二年，汇旌。《续采访》。

王氏方定侯妻 康熙时人。二十三岁，夫故。守节四十余年。《雅村谱》。

钱氏龚望晝妻 康熙时人。二十四岁，夫故。守节六十一年。咸丰二年，汇旌。《脉元谱》。

赵氏邱嘉会妻 康熙时人。二十四岁，夫故。守节六十年。咸丰二年，汇旌。《金钩里谱》。案：一作维宗，其别字也。

张氏方宽妻 康熙时人。三十一岁，夫故。守节五十余年。《续采访》。

徐氏黄芝桂妻 雍正元年生。二十七岁，夫故。守节三十七年。已旌。《高敬谱》。

杨氏徐文旭继妻 雍正二年生。二十八岁，夫故。守节五十四年。《灵山谱》。

徐氏祝生宏妻 雍正三年生。三十一岁，夫故。守节二十六

年。《沐尘谱》。

**璩氏徐烜妻** 雍正五年生。三十一岁，夫故。守节五十五年。  
《灵山谱》。案：即范氏，徐楠妻之媳妇，时称双节。

**叶氏劳瑞芳妻** 雍正六年生。二十五岁，夫故。守节二十四年。咸丰二年，汇旌。《双溪谱》。

**徐氏余仕亨妻** 雍正七年生。二十四岁，夫故。守节六十四年。《外湖城谱》。

**钱氏张庆霞妻** 雍正八年生。二十八岁，夫故。守节六十二年。咸丰二年，汇旌。《彦塘谱》。

**马氏汪邦燮妻** 雍正八年生。二十七岁，夫故。守节四十一年。乾隆五十五年旌表建坊，坊在县西二十里清都一图团石汪，今尚存。《团石谱》有童应复撰《传》。

**姜氏王绍秀妻** 雍正八年生。三十岁家主故，守节二十七年。咸丰二年，汇旌。《新王谱》。

**杨氏祝厚鼎妻** 雍正九年生。二十九岁，夫故。守节三十六年。《沐尘谱》。

**徐氏余之宝妻** 雍正九年生。二十五岁，夫故。守节三十二年。嘉庆三年，旌。《南巷谱》。案：即余向方祖母。

**章氏徐名佚妻** 雍正九年生。十七岁，夫故。守节五十年。见余华《星堤诗草》中《徐节妇》诗。夫名无考。

**胡氏张峻妻** 雍正十一年生。二十八岁，夫故。守节三十年。《续采访》。

**周氏余琛继妻** 雍正十一年生。西安周高桂女。二十六岁，夫故。守节五十五年。嘉庆四年，旌表建坊，坊在大北门外百步许，镌有“古井无波”四字。尚存。《高阶谱》。案：即余可大之母。

**余氏邵继武妻** 雍正十三年生。二十三岁，夫故。守节五十

七年。《志棠谱》。

**诸葛氏王焕猷妻** 雍正十三年生。二十八岁，夫故。守节四十九年。《回源谱》。

**叶氏蒋澹园妾** 雍正十三年生。三十四岁，家主故，守节四十二年。《西垣谱》。案：《谱》载：叶氏，乾隆乙卯年生。乾隆实为雍正之误。查澹园卒于乾隆三十三年。乙卯，则为乾隆六十年，其谬显然。

**周氏夏期昌妻** 雍正十三年生。三十一岁，夫故。守节二十四年。《鸿陆谱》。

**张氏徐文炎继妻** 雍正十三年生。三十二岁，夫故。守节三十年。《灵山谱》。

**吴氏余长发妻** 雍正时人。二十七岁，夫故。守节五十余年。乾隆五十九年，旌。《新采访》。

**宋氏杜良瑞妻** 雍正时人。二十余岁，夫故。守节五十余年。《新采访》。

**龚氏王廷猷妻** 雍正时人。二十五岁，夫故。守节六十八年。嘉庆十三年，旌。《上阁谱》。

**徐氏曹联芳妻** 雍正时人。二十七岁，夫故。守节四十二年。案：徐生卒无考。《城南谱》有高家骏撰《传》。高为乾隆末年训导，当时徐已卒，则必雍正时人也。故列于此。

**余氏何邦祥妻** 二十八岁，夫故。侍俸孀姑薛氏，白头相守，垂四十年。乾隆四年，旌。

**余氏刘经济妻** 已旌。

**钱氏徐鳌妻** 已旌。

**徐氏邹元标妻** 已旌。案：《续选举》作子标。

**鲁氏钱兢训妻** 咸丰二年，汇旌。案：即钱济母

**姜氏刘经学妻** 咸丰二年，汇旌。

邵氏翁元仁妻 咸丰二年，汇旌。

徐氏方载扬妻 咸丰二年，汇旌。案：即方淇母。

张氏翁文运妻 咸丰二年，汇旌。案：以上九人，均见康熙《志·续选举》。其生卒年月无考，以《续选举》为乾隆初年所编，因汇列于此。其已考得生卒年月者，已依次编入。不入《别录》者，为其甚可信也。

吕氏范芝域妻 乾隆元年生。二十四岁，夫故。守节四十四年。嘉庆七年，旌表建坊，坊在桥东鸡山范氏祠右。尚存。《鸡山谱》。

叶氏汪御元妻 乾隆元年生。二十九岁，夫故。守节五十一年。咸丰二年，汇旌。《团石谱》有《行略》。

胡氏童景文妻 乾隆元年生。二十六岁，夫故。守节四十六年。《续采访》。案：此与明末童景文为二人，彼为湖镇人，此则北塘里人也。

游氏吴翔妻 乾隆二年生。二十九岁，夫故。守节四十九年。《坊门谱》。

方氏张书诰妻 乾隆四年生。三十四岁，夫故。守节四十八年。《彦塘谱》。

吴氏王良福妻 乾隆四年生。二十七岁，夫故。守节三十七年。咸丰二年，汇旌。《新王谱》。

张氏傅永清妻 乾隆四年生。二十三岁，夫故。守节六十七年。《贺庄谱》。

侯氏叶世璠妻 乾隆五年生。二十七岁，夫故。守节四十六年。嘉庆四年，旌表建坊，坊址在大北门外数十武。尚存。《步瀛谱》有《行略》。

叶氏曹日招妻 乾隆五年生。二十七岁，夫故。守节四十年。《城南谱》。

何氏徐启泰妻 乾隆五年生。三十五岁，夫故。守节五十四年。咸丰元年，旌。《旧采访》。

方氏童集松妻 乾隆五年生。二十七岁，夫故。守节五十八年。《湖镇谱》。

吴氏徐启贵妻 乾隆六年生。三十岁，夫故。守节二十五年。咸丰元年，旌。《旧采访》。

杨氏徐永昌妻 乾隆六年生。三十一岁，夫故。守节三十九年。咸丰二年，汇旌。《旧采访》。

夏氏方守典妻 乾隆六年生。三十一岁，夫故。守节三十二年。《雅堂谱》。

詹氏叶世璠妻 乾隆六年生。二十四岁，夫故。守节二十年。乾隆六十年，旌表建坊，坊址在北门外。《五都谱》有孙大夏撰《传》。

叶氏黄绍庭妻 乾隆六年生。二十七岁，夫故。守节四十九年。嘉庆十九年，旌。《高敬谱》。

胡氏杨鹏鸣妻 乾隆六年生。无子，守节。乾隆六十年，旌表建坊，坊在太都二图亭埠回龙庵左侧。尚存。《泽远谱》有杨秉谦撰《传》。案：守节年数虽不详，然有坊可证，故不入《别录》。

戴氏傅渭妻 乾隆七年生。二十二岁，夫故。守节五十四年。咸丰二年，汇旌。《清河谱》。案：一作梦槐，其别字也。

包氏蒋澹园妾 乾隆八年生。二十七岁，家主故，守节三十三年。嘉庆初年，旌表建坊，坊址在蒋氏八字厅前。《西垣谱》有姜师典撰《传》。

张氏吴万川妻 乾隆八年生。三十二岁，夫故。守节二十年。已旌。《坊门谱》。

陈氏季鸣春妻 乾隆九年生。二十六岁，夫故。守节三十三年。《乌冈谱》。

姜氏王荫桐妻 乾隆九年生。二十一岁，夫故。守节三十一年。已旌。《新王谱》。

尹氏徐文信妻 乾隆九年生。三十三岁，夫故。守节四十九年。咸丰元年，旌。《旧采访》。

范氏何球妻 乾隆九年生。二十三岁，夫故。守节三十九年。咸丰二年，汇旌。《桥东谱》有余可复撰《传》。案：一作何球生。

徐氏张世荣妻 乾隆十年生。二十八岁，夫故。守节五十二年。咸丰二年，汇旌。《彦塘谱》。

徐氏汪家玉妻 乾隆十一年生。二十七岁，夫故。守节四十一年。嘉庆二十四年，旌表建坊，坊址在团石里。今尚存。《团石谱》有徐崑撰《传》。

胡氏赖苍馥妻 乾隆十一年生。二十五岁，夫故。守节五十八年。道光二年，旌。《金钩里谱》。

程氏余庆潢妻 乾隆十二年生。三十三岁，夫故。守节二十八年。《西湖谱》。

戴氏姜文起妻 乾隆十三年生。二十七岁，夫故。守节四十六年。咸丰二年，汇旌。《续采访》。

徐氏张世球妻 乾隆十三年生。三十三岁，夫故。守节四十七年。《彦塘谱》。

汪氏余志雄妻 乾隆十三年生。二十八岁，夫故。守节三十二年。咸丰二年，汇旌。《高阶谱》。

方氏徐宏魁继妻 乾隆十四年生。二十三岁，夫故。守节四十三年。咸丰二年，汇旌。《新采访》。

金氏劳宏达妾 乾隆十四年生。二十八岁，家主故。守节二十五年。已旌。《双溪谱》。

金氏袁常耀妻 乾隆十四年生。三十岁，夫故。守节五十六

年。《东聚谱》。

王氏童应随妻 乾隆十五年生。二十二岁，夫故。守节二十八年。《塔石头谱》。

童氏姜长求妻 乾隆十五年生。三十二岁，夫故。守节四十七年。咸丰元年旌。《续采访》。

余氏徐启东妻 乾隆十七年生。三十岁，夫故。守节三十五年。嘉庆十四年，旌表建坊，坊址在清塘厅前大路边。尚存。《清塘谱》。案：一作徐曙霞，即启东别号。

范氏徐晔妻 乾隆十七年生。二十二岁，夫故。守节五十三年。咸丰二年，汇旌。《七都塘头谱》。

李氏徐世柏妻 乾隆十七年生。二十六岁，夫故。守节六十年。嘉庆十一年，旌。《旧采访》。

袁氏方胜希妻 乾隆十八年生。二十八岁，夫故。守节四十四年。《雅堂谱》。

叶氏王鹤年妻 乾隆十八年生。三十岁，夫故。守节四十八年。《新宅谱》。

胡氏王起珍妻 乾隆十九年生。二十六岁，夫故。守节四十五年。咸丰二年，汇旌。《新王谱》。

王氏项敬濡继妻 乾隆十九年生。二十六岁，夫故。守节五十年。《泗塘谱》。

朱氏袁文燧妻 乾隆十九年生。三十岁，夫故。守节四十七年。《三处谱》。

严氏劳懋桂妻 乾隆十九年生。二十六岁，夫故。守节五十一年。已旌。《双溪谱》。

周氏叶蕝妻 乾隆十九年生。二十四岁，夫故。守节五十四年。咸丰二年，汇旌。《蒲塘谱》。

**费氏劳宏达妾** 乾隆十九年生。苏州长州人。二十三岁，家主故。守节五十五年。已旌。《双溪谱》。

**张氏杨圣烈妻** 乾隆二十二年生。二十一岁，夫故。守节三十三年。已旌。《续采访》。

**璩氏刘士佳妻** 乾隆二十二年生。三十四岁，夫故。守节三十七年。《刘家谱》。

**吴氏何镛妻** 乾隆二十四年生。二十四岁，夫故。无子。守节二十九年。嘉庆十四年，旌表建坊，坊在桥东，燹前被水冲毁。《桥东谱》有吴氏兄兆元撰《传》。

**夏氏方圻妻** 乾隆二十四年生。三十三岁，夫故。守节三十二年。已旌。《雅堂谱》。

**杨氏夏化雨妻** 乾隆二十四年生。二十一岁，夫故。守节五十年。道光二十六年，旌。《鸿陆谱》有《行略》。

**盛氏吴宝器妻** 乾隆二十五年生。十九岁，夫故。守节三十五年。咸丰二年，汇旌。《厚成谱》。

**张氏袁书昇继妻** 乾隆二十五年生。二十四岁，夫故。守节三十八年。已旌。《兰堂谱》。

**钱氏方逢桂妻** 乾隆二十六年生。二十三岁，夫故。守节六十二年。咸丰二年，汇旌。《雅村谱》。

**吴氏徐琅妻** 乾隆二十六年生。三十二岁，夫故。守节四十七年。咸丰元年，旌。《旧采访》。

**夏氏王允元妻** 乾隆二十六年生。二十六岁，夫故。守节六十四年。咸丰二年，汇旌。《石院谱》。

**王氏余上进妻** 乾隆二十七年生。三十一岁，夫故。守节四十一年。《天井谱》。

**余氏方城妻** 乾隆二十七年生。二十九岁，夫故。守节三十



六年。咸丰二年，汇旌。《雅堂谱》有杨旭撰《传》。

**鲁氏吴光祥继妻** 乾隆二十七年生。二十八岁，夫故。守节二十二年。《坊门谱》。

**吕氏詹岐妻** 乾隆二十七年生。三十二岁，夫故。守节四十一年。《五都谱》有吕芸撰《传》。

**许氏王天喜妻** 乾隆二十七年生。二十五岁，夫故。守节五十二年。《新王谱》。

**徐氏童世铭妻** 乾隆二十八年生。三十岁，夫故。守节三十年。《塔石头谱》。

**余氏劳德应妻** 乾隆二十八年生。二十岁，夫故。守节十五年。嘉庆元年，旌。《双溪谱》。

**王氏黄政泰妻** 乾隆二十八年生。二十四岁，夫故。守节六十年。《浙源谱》。

**张氏李友琴继妻** 乾隆二十八年生。二十八岁，夫故。守节五十七年。《会泽谱》。

**余氏杨士宏妻** 乾隆二十八年生。二十九岁，夫故。守节十七年。《杨家谱》。

**徐氏胡宏章妻** 乾隆二十九年生。二十九岁，夫故。守节三十五年。《河涯谱》。

**余氏范作圣妻** 乾隆二十九年生。三十二岁，夫故。守节二十七年。《鸡山谱》。

**宋氏汪洋妻** 乾隆二十九年生。三十二岁，夫故。守节六十年。已旌。《团石谱》有《传》。

**叶氏徐世禄妻** 乾隆二十九年生。三十五岁，夫故。守节四十二年。《新采访》。

**龚氏劳懋棠继妻** 乾隆三十年生。二十一岁，夫故。守节五

十一年。咸丰二年，汇旌。《双溪谱》。

叶氏金喜凤妻 乾隆三十年生。二十四岁，夫故。守节五十六年。《芟塘谱》。

余氏刘苍松妻 乾隆三十年生。三十五岁，夫故。守节十八年。《荷村谱》。

王氏张锡珪妻 乾隆三十一年生。三十五岁，夫故。守节四十年。《彦塘谱》。

童氏徐杨梁继妻 乾隆三十一年生。三十岁，夫故。守节三十五年。道光十年，旌。《清塘谱》。

余氏陆大本妻 乾隆三十二年生。二十七岁，夫故。守节四十一年。已旌。《旧采访》。

滕氏吴良坤妻 乾隆三十二年生。二十五岁，夫故。守节五十一年。《梅坪谱》。

姜氏詹邦朴妻 乾隆三十三年生。三十五岁，夫故。守节五十三年。《五都谱》有余鹤埤撰《传》。

陈氏郑维崧妻 乾隆三十三年生。二十八岁，夫故。守节五十八年。咸丰二年，汇旌。《湖村谱》。案：崧一作松。

蓝氏傅航妻 乾隆三十三年生。十八岁，夫故。无子。守节六十二年。《清河谱》。

方氏江子仲妻 乾隆三十三年生。二十二岁，夫故。守节三十一年。《清塘下谱》。

余氏詹邦材妻 乾隆三十三年生。三十三岁，夫故。守节四十二年。咸丰二年，汇旌。《五都谱》。

方氏翁叙淳妻 乾隆三十四年生。二十七岁，夫故。守节六十二年。道光三年，旌。《前冈谱》。

胡氏余文彬妻 乾隆三十四年生。二十八岁，夫故。守节五

十年。《新采访》。

**范氏张起璿妻** 乾隆三十六年生。三十岁，夫故。守节六十一年。道光十七年，旌。咸丰十一年，殉难。《旧采访》。

**叶氏王振民妻** 乾隆三十六年生。二十三岁，夫故。守节十七年。《上阁谱》。案：咸丰二年《汇旌册》内有叶氏王振邦妻，未知是否一人。

**夏氏徐梦雷妻** 乾隆三十七年生。二十六岁，夫故。守节三十八年。咸丰二年，汇旌。《清塘谱》。

**祝氏王忠言妻** 乾隆三十八年生。二十二岁，夫故。守节四十八年。道光三十年，旌。《旧采访》。

**夏氏周之冕妻** 乾隆三十八年生。三十岁，夫故。守节三十八年。咸丰二年，汇旌。《前桥谱》。案：此与康熙间拔贡周之冕为二人，彼为茶圩人，此则前桥人也。

**倪氏王其舫妻** 乾隆三十八年生。三十一岁，夫故。守节三十一年。《新王谱》。

**范氏方荣勋妻** 乾隆三十八年生。二十五岁，夫故。无子，守节四十五年。已旌。《虎山谱》。

**叶氏余志霈妻** 乾隆三十九年生。二十四岁，夫故。守节三十八年。道光十年，旌。《高阶谱》有许镐撰《传》。

**袁氏张如璧妻** 乾隆三十九年生。二十九岁，夫故。守节十九年。咸丰二年，汇旌。《彦塘谱》。

**叶氏张世雄妻** 乾隆四十年生。二十九岁，夫故。守节五十五年。《上溪头谱》。

**方氏王庭梓妻** 乾隆四十年生。二十三岁，夫故。守节三十二年。道光五年，旌。《石院谱》有《传》。

**范氏周应鳌妻** 乾隆四十年生。二十八岁，夫故。守节五十

三年。《下庠谱》。

徐氏詹巖妻 乾隆四十年生。二十七岁，夫故。守节二十二年。咸丰二年，汇旌。《五都谱》。 案：徐氏，即孝子阿双之母。

徐氏吴绍尧妻 乾隆四十年生。三十岁，夫故。守节四十年。咸丰二年，汇旌。《大路谱》。

叶氏童大猷妻 乾隆四十年生。二十三岁，夫故。守节六十四年。咸丰二年，汇旌。《湖镇谱》。

王氏胡宏度妻 乾隆四十一年生。二十四岁，夫故。守节三十八年。咸丰二年，汇旌。《河涯谱》。

罗氏吴长沧妻 乾隆四十一年生。二十五岁，夫故。守节六十一年。咸丰十一年，旌。《下桥头谱》。 案：沧，一作仓。

朱氏李良佐妻 乾隆四十二年生。二十八岁，夫故。守节四十二年。《会泽谱》。

陈氏劳杰继妻 乾隆四十二年生。二十九岁，夫故。守节四十五年。咸丰二年，汇旌。《双溪谱》。

王氏汪家琦妻 乾隆四十二年生。二十一岁，夫故。无子，守节三十一年。道光九年，旌。《团石谱》有许镐撰《传》。

胡氏王熄妻 乾隆四十二年生。三十岁，夫故。守节四十七年。咸丰二年，汇旌。《新王谱》。

周氏张作哲妻 乾隆四十三年生。三十二岁，夫故。守节二十七年。《上张谱》。

张氏叶允增妻 乾隆四十三年生。二十八岁，夫故。守节四十九年。《新采访》。

袁氏尹嘉宾妻 乾隆四十三年生。二十六岁，夫故。守节三十六年。道光十九年，旌。《张家埠谱》。

叶氏余省真妻 乾隆四十三年生。三十三岁，夫故。守节二

十五年。已旌。《旧采访》。

谢氏徐长寿妻 乾隆四十三年生。二十九岁，夫故。守节四十八年。《兰亭谱》。

席氏邵梦奎妻 乾隆四十三年生。二十一岁，夫故。守节六十三年。咸丰二年，汇旌。《志棠谱》。

国氏汪邦炳妾 乾隆四十三年生。二十五岁，家主故。守节六十二年。咸丰二年，汇旌。《团石谱》。

范氏张锦泰妻 乾隆四十五年生。三十一岁，夫故。守节四十五年。《山峰谱》。

徐氏汪协时妻 乾隆四十五年生。二十四岁，夫故。守节五十八年。咸丰十一年，殉难。光绪二十三年，旌。《旧采访》。

童氏王璇妻 乾隆四十六年生。三十岁，夫故。守节四十六年。咸丰二年，汇旌。《新王谱》。

吕氏汪家屿继妻 乾隆四十六年生。二十七岁，夫故。守节四十七年。咸丰二年，汇旌。《团石谱》。

姜氏汪圣潮继妻 乾隆四十六年生。二十九岁，夫故。无子。守节三十八年。咸丰二年，汇旌。《团石谱》。

洪氏劳天宝妻 乾隆四十六年生。三十五岁，夫故。守节三十二年。已旌。《双溪谱》。

余氏张嘉富妻 乾隆四十六年生。二十八岁，夫故。守节四十六年。咸丰二年，汇旌。《旧采访》。

翁氏张作谋妻 乾隆四十六年生。三十二岁，夫故。守节三十九年。《上张谱》。

章氏王开源妻 乾隆四十六年生。三十四岁，夫故。守节三十年。《新王谱》。

何氏钱大本妻 乾隆四十六年生。三十一岁，夫故。守节五

十一年。《钱村旧宅谱》。

余氏王维藩妻 乾隆四十七年生。二十三岁，夫故。守节五十八年。咸丰二年，汇旌。《回源谱》。

余氏徐铿妻 乾隆四十七年生。三十五岁，夫故。守节三十五年。咸丰二年，汇旌。《庙下谱》。

徐氏张锦堂继妻 乾隆四十七年生。二十六岁，夫故。守节五十四年。道光十七年，旌表建坊，坊址在二十一都一图山峰张之西。咸丰十一年，年八十，殉难。《旧采访》。

劳氏叶锡圻妻 乾隆四十八年生。三十二岁，夫故。守节二十六年。咸丰二年，汇旌。《步瀛谱》。

施氏傅应喜妻 乾隆四十八年生。二十五岁，夫故。守节四十一年。道光二十年，旌。《露兜谱》。案：应喜，一作作培。施氏，即傅珍之母。

郎氏童大德妻 乾隆四十八年生。二十二岁，夫故。守节五十七年。咸丰二年，汇旌。《湖镇谱》。

王氏项秉中妻 乾隆四十八年生。三十三岁，夫故。守节四十三年。《泗塘谱》。

廖氏金芝城妻 乾隆四十九年生。二十六岁，夫故。守节五十三年。咸丰二年，汇旌。《旧采访》。案：芝城，一作知成。

姜氏徐志清妻 乾隆四十九年生。二十七岁，夫故。守节五十年。道光二十七年旌。《清塘谱》。

叶氏徐嘉训妻 乾隆四十九年生。三十三岁，夫故。守节十五年。《七都塘头谱》。

徐氏吴长生妻 乾隆五十年生。二十六岁，夫故。守节三十八年。咸丰二年，汇旌。《大路谱》。

余氏刘友柏妻 乾隆五十年生。二十四岁，夫故。守节四十

八年。《荷村谱》。

余氏劳荣宁妻 乾隆五十一年生。二十四岁，夫故。守节四十三年。咸丰二年，汇旌。《双溪谱》。

李氏张作圣妻 乾隆五十一年生。二十九岁，夫故。守节二十五年。咸丰二年，汇旌。《上张谱》。

金氏江锡名妻 乾隆五十二年生。二十三岁，夫故。守节四十八年。《旧采访》。案：此与金氏江静庵妻，疑是一人。

徐氏劳傅继妻 乾隆五十二年生。三十一岁，夫故。守节十六年。咸丰二年，汇旌。《双溪谱》。

徐氏江鹤林妻 乾隆五十二年生。二十八岁，夫故。守节十七年。《朝阳谱》。

许氏徐作梅妻 乾隆五十二年生。二十八岁，夫故。守节三十五年。光绪十年旌。《旧采访》。

璩氏李进宝妻 乾隆五十三年生。二十五岁，夫故。守节五十年。《坊门谱》。

傅氏周模妻 乾隆五十三年生。二十二岁，夫故。守节十九年。咸丰二年，汇旌。《茶圩里谱》。

金氏汪国锡妻 乾隆五十三年生。三十四岁，夫故。守节二十七年。《团石谱》。

王氏季十连妻 乾隆五十三年生。二十六岁，夫故。守节四十九年。《乌冈谱》。

叶氏席庆弟未婚妻 乾隆五十四年生。十八岁，未婚夫故。守贞二十年。咸丰二年，汇旌。《志棠谱》。

杨氏钱盛芳妻 乾隆五十四年生。二十七岁，夫故。守节三十八年。道光二十年，旌表建坊，坊在大南门外一里许大路边。《城南谱》有余日藻撰《传》。

袁氏汪振元妻 乾隆五十四年生。二十八岁，夫故。守节二十九年。咸丰二年，汇旌。《团石谱》。

丁氏江士高妻 乾隆五十四年生。二十五岁，夫故。守节四十八年。咸丰六年，旌表建坊，坊在县西二十五里十都一图江家。《旧采访》。

胡氏朱洛妻 乾隆五十五年生。三十三岁，夫故。守节二十七年。《大公殿谱》。

徐氏叶永华妻 乾隆五十五年生。三十四岁，夫故。守节三十九年。《中埠谱》。

王氏方于訢妻 乾隆五十五年生。二十五岁，夫故。守节四十余年。《龙头谱》。

吕氏徐邦达妻 乾隆五十六年生。二十四岁，夫故。守节二十年。咸丰二年，汇旌。《旧采访》。

姜氏汪国珍妻 乾隆五十六年生。二十四岁，夫故。守节四十八年。咸丰二年，汇旌。《上下汪谱》。

邵氏余应南妻 乾隆五十六年生。二十一岁，夫故。守节三十一年。道光二十三年，旌。《续采访》。

朱氏吴用福妻 乾隆五十六年生。三十二岁，夫故。守节四十年。已旌。《梅坪谱》。

方氏吴用泰妻 乾隆五十六年生。二十八岁，夫故。守节三十四年。咸丰二年，汇旌。《梅坪谱》。

胡氏夏进魁妻 乾隆五十六年生。二十五岁，夫故。守节四十七年。咸丰二年，汇旌。《华峰谱》。

夏氏张作礼妻 乾隆五十六年生。三十四岁，夫故。守节三十七年。《上张谱》。

叶氏李灵沼妻 乾隆五十八年生。二十四岁，夫故。守节四



十四年。咸丰二年，汇旌。《会泽谱》。

李氏叶晟继妻 乾隆五十八年生。三十四岁，夫故。守节三十五年。《续采访》。

姜氏诸葛媿妻 乾隆五十九年生。二十九岁，夫故。守节二十六年。咸丰二年，汇旌。《诸葛谱》。

崔氏劳佩妻 乾隆六十年生。二十六岁，夫故。守节四十二年。咸丰二年，汇旌。《双溪谱》。

方氏吴鹤南妻 乾隆六十年生。二十八岁，夫故。守节三十六年。咸丰二年，汇旌。《坊门谱》。

施氏王朝训妻 乾隆六十年生。二十七岁，夫故。守节四十年。《新王谱》。案：《续采访》施作倪。

严氏方日祥妻 约乾隆时人。二十四岁，夫故。守节五十余年。嘉庆间，旌表，建坊于穀北渡口避雨亭之侧。《续采访》。

张氏刘士宏妻 乾隆时人。二十九岁，夫故。守节四十七年。《旧采访》。案：张约为乾隆末人。

张氏龚士林妻 乾隆时人。三十二岁，夫故。守节四十一年。《脉元谱》。

夏氏龚士楷妻 乾隆时人。二十四岁，夫故。守节四十二年。咸丰二年，汇旌。《脉元谱》。

许氏徐日荣妻 乾隆时人。二十三岁，夫故。守节二十五年。咸丰二年，汇旌。《新采访》。

叶氏余来进继妻 乾隆时人。三十岁，夫故。守节二十四年。道光三十年，旌。《官赛谱》。

施氏陈立枢妻 乾隆时人。二十六岁，夫故。守节四十九年。咸丰二年，汇旌。《新采访》。

徐氏劳良松妻 嘉庆元年生。二十九岁，夫故。守节三十七

年。已旌。《双溪谱》。

周氏姜维庆妻 嘉庆元年生。二十九岁，夫故。守节三十八年。咸丰二年，汇旌。《高山谱》。

王氏祝川如妻 嘉庆元年生。二十三岁，夫故。守节四十四年。已旌。《新采访》。

胡氏王德基妻 嘉庆二年生。二十九岁，夫故。守节十六年。咸丰二年，汇旌。《新王谱》。

夏氏张唐沚妻 嘉庆二年生。二十八岁，夫故。守节三十八年。咸丰二年，汇旌。《上张谱》。

徐氏劳继寿妻 嘉庆二年生。二十九岁，夫故。守节三十七年。《贺田谱》。

范氏劳荣棠继妻 嘉庆二年生。二十九岁，夫故。守节三十八年。咸丰二年，汇旌。《双溪谱》。

叶氏王鉉妻 嘉庆四年生。三十岁，夫故。守节三十四年。咸丰二年，汇旌。《枫树岭谱》。

方氏徐肇基妻 嘉庆四年生。二十九岁，夫故。守节三十四年。咸丰二年，汇旌。《清塘谱》。

徐氏方魁元妻 嘉庆五年生。二十九岁，夫故。守节三十四年。《旧采访》。

王氏童陞茂妻 嘉庆五年生。二十四岁，夫故。守节三十七年。《旧采访》。

蒋氏林书绅妻 嘉庆五年生。二十八岁，夫故。无子。守节三十三年。咸丰十一年，遇发匪死。《旧采访》。

吴氏童鹏举妻 嘉庆六年生。三十一岁，夫故。守节三十四年。《下童谱》。

章氏郑仕朝妻 嘉庆六年生。三十二岁，夫故。守节二十九

年。咸丰二年，汇旌。《湖村谱》。

袁氏杨懋姓妻 嘉庆六年生。二十五岁，夫故。守节二十六年。咸丰二年，汇旌。《泽远谱》。

龚氏王瑞年妻 嘉庆六年生。二十九岁，夫故。守节三十二年。咸丰二年，汇旌。《回源谱》。

张氏叶上增妻 嘉庆六年生。三十三岁，夫故。守节二十八年。咸丰二年，汇旌。《楼下谱》。

叶氏王振邦妻 嘉庆七年生。二十八岁，夫故。守节三十三年。咸丰二年，汇旌。《新王谱》。

陈氏王寿高妻 嘉庆七年生。三十一岁，夫故。守节二十七年。咸丰二年，汇旌。《石院谱》有汪叙撰《传》。

戴氏童凤修妻 嘉庆七年生。二十五岁，夫故。守节二十九年。咸丰二年，汇旌。《续采访》。

朱氏周克绥妻 嘉庆八年生。三十四岁，夫故。守节二十六年。《旧采访》。

阙氏华兆登妻 嘉庆八年生。三十岁，夫故。守节五十五年。《旧采访》。

余氏邵鹤停妻 嘉庆九年生。三十岁，夫故。守节二十九年。《志棠谱》。

徐氏王映奎妻 嘉庆九年生。二十三岁，夫故。守节三十五年。《旧采访》。

徐氏潘照妻 嘉庆九年生。二十一岁，夫故。守节二十余年。《下陈荷坞谱》。

章氏徐拜嘉妻 嘉庆十年生。三十三岁，夫故。守节二十五年。《旧采访》。

童氏姜如玉妻 嘉庆十年生。二十九岁，夫故。守节五十五

年。《续采访》。

**劳氏叶树滋妻** 嘉庆十一年生。二十六岁，夫故。守节二十八年。《步瀛谱》。

**支氏曹占榜妻** 嘉庆十一年生。二十八岁，夫故。守节二十九年。同治十一年，旌。《旧采访》。

**江氏叶起财妻** 嘉庆十一年生。三十五岁，夫故。守节二十二年。《坊门谱》。

**揭氏夏上吉妻** 嘉庆十一年生。三十三岁，夫故。守节二十四年。《华峰谱》。

**童氏王映星妻** 嘉庆十二年生。二十二岁，夫故。守节三十五年。《旧采访》。

**沈氏余如怀妻** 嘉庆十三年生。二十三岁，夫故。守节三十二年。《学册》。

**项氏王锡裘妻** 嘉庆十三年生。二十九岁，夫故。守节二十六年。《新王谱》。

**张氏叶方尊妻** 嘉庆十三年生。三十岁，夫故。守节六十一年。光绪三十一年，旌。《蒲塘谱》。

**杨氏凌鹤年妻** 嘉庆十四年生。二十三岁，夫故。守节二十四年。《旧采访》。

**童氏张殿魁妻** 嘉庆十四年生。三十岁，夫故。守节二十五年。《山峰谱》。

**董氏张敬祖妻** 嘉庆十五年生。二十四岁，夫故。守节四十一年。《旧采访》。

**徐氏张大典妻** 嘉庆十六年生。二十九岁，夫故。守节三十年以上。同治八年旌。《旧采访》。凡称以上者，皆请旌，及《旧采访》当时，其人尚存，未详其何年卒者，待补。

徐氏詹维城妻 嘉庆十六年生。三十岁，夫故。守节二十二年。《五都谱》。

翁氏朱平铨妻 嘉庆十六年生。二十八岁，夫故。守节六十年。《新采访》。

严氏余锡含妻 嘉庆十七年生。二十九岁，夫故。守节二十六年。已旌。《旧采访》。

曹氏钱德魁妻 嘉庆十七年生。二十八岁，夫故。守节三十九年。《沙坊谱》。

李氏詹维南妻 嘉庆十七年生。二十七岁，夫故。守节二十四年。同治八年旌。《五都谱》。

毕氏叶志藻妻 嘉庆十七年生。二十八岁，夫故。守节二十四年。同治八年旌。《旧采访》。

戴氏徐位贤妻 嘉庆十八年生。二十一岁，夫故。守节五十六年。《旧采访》。

徐氏劳秉钟妻 嘉庆十八年生。三十五岁，夫故。守节三十九年。《旧采访》。

金氏徐其吉妻 嘉庆十八年生。二十五岁，夫故。守节二十四年。已旌。《生塘谱》。

刘氏叶锦妻 嘉庆十九年生。二十九岁，夫故。守节二十年。同治八年，旌。《旧采访》。

吴氏詹邦浚妻 嘉庆十九年生。二十八岁，夫故。守节二十一年。《五都谱》。

王氏徐廷恺妻 嘉庆二十年生。二十一岁，夫故。守节二十八年。已旌。《生塘谱》。

邵氏童应龙妻 嘉庆二十年生。二十五岁，夫故。守节二十四年。已旌。《旧采访》。

余氏杜品金妻 嘉庆二十年生。二十九岁，夫故。守节二十五年。同治八年，旌。《旧采访》。

王氏童应时妻 嘉庆二十一年生。三十五岁，夫故。守节四十九年。《石村谱》。

王氏董万聚继妻 嘉庆二十二年生。二十八岁，夫故。守节十七年。同治八年，旌。《旧采访》。

尹氏徐志沂妻 嘉庆二十二年生。二十七岁，夫故。守节三十三年以上。光绪四年，旌。《学册》。

方氏张邦彦妻 嘉庆二十二年生。二十九岁，夫故。守节十七年。已旌。《旧采访》。

管氏邱如松妻 嘉庆二十三年生。二十八岁，夫故。守节四十五年以上。光绪十八年，旌表。《学册》。

刘氏李聘梅妻 嘉庆二十三年生。三十三岁，夫故。守节四十五年。《白殿圩谱》。

叶氏张保林妻 嘉庆二十三年生。二十九岁，夫故。守节二十三年以上。同治八年，旌。《旧采访》。

邵氏董生泰妻 嘉庆二十四年生。二十九岁，夫故。守节二十二年以上。同治八年，旌。《旧采访》。

劳氏童应华妻 嘉庆二十四年生。二十七岁，夫故。守节十八年。已旌。《旧采访》。

黄氏金生亮妻 嘉庆二十四年生。二十七岁，夫故。守节四十一年。光绪十八年，旌。《学册》。

周氏刘岳林继妻 嘉庆二十五年生。二十九岁，夫故。守节六十三年。已旌。《荷村谱》。案：岳林，一作鹤龄。

童氏叶思聪妻 嘉庆二十五年生。三十岁，夫故。守节四十八年。已旌。《旧采访》。

余氏叶钦妻 嘉庆时人。二十五岁，夫故。守节二十九年。咸丰二年，汇旌。《旧采访》。

王氏童彩如妻 嘉庆时人。二十八岁，夫故。守节二十余年。至咸丰十一年，遇匪，投水死。《旧采访》。

陈氏童世荣妻 嘉庆时人。二十二岁，夫故。守节三十九年。咸丰二年，汇旌。《续采访》。

过氏余德沉妻 嘉庆时人。三十岁，夫故。守节十五年。以忧劳成疾卒。《石峰谱》。

吴氏鲁兆兴妻 道光元年生。二十八岁，夫故。守节五十一年。《邵源谱》。

朱氏张邦式妻 道光元年生。三十岁，夫故。守节十五年。《旧采访》。

孙氏张大勋妻 道光元年生。二十六岁，夫故。守节十六年。《旧采访》。

吴氏邵海祥妻 道光元年生。三十岁，夫故。守节五十八年。曾修志棠村大路。《新采访》。

祝氏劳春芝妻 道光二年生。二十四岁，夫故。守节五十七年。光绪六年，旌。《学册》。

张氏叶顺章妻 道光二年生。二十九岁，夫故。守节四十五年。光绪二十四年，旌。《蒲塘谱》。

童氏叶思祖妻 道光二年生。二十七岁，夫故。守节五十三年。光绪二十四年，旌。《蒲塘谱》。

傅氏劳鸣凤妻 道光三年生。二十七岁，夫故。守节三十六年以上。《学册》。

蒋氏邵金富妻 道光四年生。二十三岁，夫故。守节十六年。《志棠谱》。

章氏余国珍妻 道光四年生。二十九岁，夫故。守节五十四年。《新采访》。

金氏朱光曜妻 道光五年生。二十六岁，夫故。守节四十七年以上。《旧采访》。

劳氏夏俊卿妻 道光五年生。三十一岁，夫故。守节四十二年。《鸿陆谱》。

劳氏叶澍妻 道光五年生。十九岁，夫故。守节五十六年。《新采访》。

余氏许钊判妻 道光六年生。二十六岁，夫故。守节六十一年。《续采访》。

祝氏范维沅妻 道光六年生。二十六岁，夫故。守节五十年。《续采访》。

方氏江廷秀妻 道光六年生。二十七岁，夫故。守节四十九年。《朝阳谱》。

徐氏董运泰妻 道光七年生。三十五岁，夫故。守节四十年。《陇西谱》。

余氏姜祥璞妻 道光七年生。至咸丰十一年，年三十五岁，祥璞殉难。守节四十三年。《新采访》。

祝氏徐荣樟妻 道光七年生。三十五岁，夫被发匪掳去。守节二十一年。《旧采访》。

汪氏江日连妻 道光八年生。三十五岁，夫故。守节三十年。《旧采访》。

叶氏夏云书妻 道光八年生。三十五岁，夫故。守节四十九年。《华峰谱》。

管氏林钦德妻 道光八年生。三十岁，夫故。守节五十四年。《新采访》。



**罗氏凌鹤姿妻** 道光九年生。二十五岁，夫故。守节三十三年。《旧采访》。

**方氏汪树麟妻** 道光九年生。二十岁，夫故。守节四十一年。《团石谱》。

**余氏方开第继妻** 道光十年生。二十九岁，夫故。守节四十一年。《旧采访》。案：余氏，一作徐氏。

**余氏劳寿基妻** 道光十年生。二十八岁，夫故。守节四十年以上。《旧采访》。

**袁氏钱六华妻** 道光十年生。三十四岁，夫故。守节五十三年。《曜塘谱》。

**王氏余秉铨妻** 道光十年生。三十五岁，夫故。守节二十八年。《天井谱》。

**马氏刘鹤龄妾** 道光十一年生。三十二岁家主故，守节三十五年。《荷村谱》。

**姜氏叶朝禄妻** 道光十二年生。三十岁，夫故。守节五十七年。《八石坂谱》。

**汪氏西安陈祚铎继妻** 道光十二年生。三十岁，夫为发匪掠去。守节三十六年以上。《旧采访》。

**夏氏胡秉政妻** 道光十二年生。三十岁，夫故。守节二十九年以上。光绪十八年，旌。《旧采访》。

**夏氏胡临轩妻** 道光十二年生。三十岁，夫故。守节二十九年。《太平里谱》。

**邵氏陆宗游妻** 道光十二年生。三十二岁，夫故。守节三十八年。《陆村谱》。

**劳氏陆绍龄妻** 二十一岁，夫故。守节三十余年。《旧采访》云约与邵氏同时。

徐氏王介炎妻 道光十二年生。三十四岁，夫故。守节四十六年。《新王谱》。

余氏金玉振妻 道光十三年生。三十五岁，夫故。守节二十四年。《旧采访》。

汪氏马玉光妾 道光十三年生。二十九岁，家主故。守节三十二年。《旧采访》。

叶氏王朝达妻 道光十三年生。二十九岁，夫故。守节五十年。《新王谱》。

袁氏范士官妻 兰塘人。道光十三年生。三十一岁，夫故。守节三十四年以上。《旧采访》。

凌氏郑适度妻 道光十三年生。二十七岁，夫故。守节三十二年。《旧采访》。

李氏邵阿清妻 道光十四年生。三十三岁，夫故。守节三十七年。《志棠谱》。

姜氏王瑞华妻 道光十四年生。二十九岁，夫故。守节五十五年。《新王谱》。

余氏胡镜章妻 道光十四年生。二十八岁，夫故。守节二十八年。《新采访》。

叶氏柯瑞泰继妻 道光十五年生。二十九岁，夫故。守节五十三年。旧礼房档卷。

金氏周继魁妻 道光十五年生。二十八岁，夫故。守节四十年。《新采访》。

官氏徐殿楷妻 道光十五年生。成婚甫十四日，殿楷病故，时年二十九岁。守节五十八年。《续采访》。

叶氏陈元有妻 道光十五年生。二十六岁，夫故。守节五十六年。《新采访》。

陈氏童克勤妻 道光十五年生。二十七岁，夫故。守节四十八年。《湖镇谱》。

杨氏吴三山妻 道光十六年生。二十九岁，夫故。守节五十三年。《希唐谱》。

刘氏温正开继妻 道光十六年生。三十岁，夫故。守节四十八年。《新采访》。

范氏余拱妻 道光十六年生。二十六岁，夫殉难。守节五十二年。《高阶谱》。

张氏王多福继妻 道光十七年生。二十六岁，夫故。守节五十五年。《新王谱》。

叶氏项上达妻 道光十七年生。三十三岁，夫故。守节五十三年。《泗塘谱》。

吴氏方城妻 道光十七年生。三十二岁，夫故。守节二十九年以上。《旧采访》。

徐氏叶巨生妻 道光十七年生。二十六岁，夫故。现存。守节已六十二年。《下叶谱》。

赵氏胡樟宝妻 道光十七年生。二十五岁，夫故。守节六十一年。《新采访》。

劳氏徐本瑞妻 道光十七年生。二十七岁，夫故。守节三十七年。旧礼房档案。

余氏徐殿樑妻 道光十八年生。二十四岁，夫故。守节四十年。《石廓谱》。

胡氏蒋凤起妻 道光十八年生。三十五岁，夫故。守节五十三年。《西垣谱》。

金氏周球妻 道光十八年生。二十五岁，夫故。守节三十五年以上。《旧采访》。

张氏童绍荣妻 道光十八年生。二十九岁，夫故。守节四十四年。《下童谱》。

傅氏余肇瑞妻 道光十八年生。二十五岁，夫故。守节三十五年以上。《旧采访》。

罗氏尹淮妻 道光十八年生。二十五岁，夫故。守节四十六年。《张家埠谱》。

戴氏童发辉妻 道光十八年生。二十四岁，夫故。守节五十年。《续采访》。

傅氏曾柏青妻 道光十九年生。二十四岁，夫故。守节六十二年。《新采访》。

凌氏余宝琛妻 道光二十年生。二十四岁，夫故。守节二十七年。《旧采访》。

夏氏翁宝贤妻 道光二十年生。三十四岁，夫故。守节四十六年。《旧采访》。

方氏余镜湘妻 道光二十一年生。三十四岁，夫故。守节二十九年。光绪二十三年，旌。《续采访》。

胡氏蒋凤章妻 道光二十一年生。三十二岁，夫故。守节二十九年。《旧采访》。

鲁氏邵炳林妻 道光二十二年生。三十五岁，夫故。守节十六年。《志棠谱》。

曹氏王兆桂妻 道光二十二年生。三十三岁，夫故。守节四十四年。《西坪谱》。

余氏姜望纶妻 道光二十三年生。三十一岁，夫故。现存。守节已五十一年。《高山谱》。

程氏张钟球妻 道光二十三年生。三十四岁，夫故。守节二十五年。《横山山顶谱》。

徐氏袁羽翔妻 道光二十三年生。三十五岁，夫故。守节四十一年。《兰堂谱》。

徐氏郑祝宝妻 道光二十三年生。二十九岁，夫故。守节四十七年。《客路谱》。

倪氏叶云舒妻 道光二十五年生。三十五岁，夫故。守节十八年以上。《旧采访》。

翁氏傅嗣进妻 道光二十五年生。三十二岁，夫故。守节四十四年。《鲤鱼山脚谱》。

邱氏徐笃庆妻 道光二十六年生。三十三岁，夫故。守节二十九年。《新采访》。

许氏叶成秀妻 道光二十七年生。三十一岁，夫故。守节四十二年。《张王谱》。

戴氏张殿珍继妻 道光二十七年生。二十八岁，夫故。守节四十二年。《和康竹谱》。

李氏徐步霄妻 道光二十八年生。二十六岁，夫故。守节五十一年。《源头谱》。

戴氏张大邦妻 道光三十年生。二十五岁，夫故。守节二十六年以上。《旧采访》。

舒氏翁贤邻妻 道光三十年生。三十一岁，夫故。守节三十二年。《新采访》。

严氏蒋亨盛妻 道光时人。二十九岁，夫故。守节三十七年。《旧采访》。

龚氏蒋世鑫妻 道光时人。三十三岁，夫故。守节三十六年。《旧采访》。

余氏姜遇昭妻 道光时人。三十一岁，夫故。守节四十七年。《续采访》。

余氏姜樟林妻 道光时人。三十一岁，夫故。守节四十七年。  
《续采访》。与姜遇昭，疑系一人。

祝氏余正寿继妻 道光时人。二十六岁，夫故。守节五十五年  
以上。《续采访》。

张氏朱汝为妻 道光时人。三十五岁，夫故。守节三十六年  
以上。《续采访》。

张氏徐昭美继妻 道光时人。三十五岁，夫故。守节五十一年。  
《续采访》。

胡氏叶振玉妻 道光时人。三十二岁，夫故。守节四十六年  
以上。《续采访》。

杜氏邱景山妻 道光时人。三十四岁，夫故。守节五十二年。  
《续采访》。

黄氏邱嘉美妻 道光时人。二十九岁，夫故。守节五十年。  
《续采访》。

翁氏傅国宝妻 道光时人。三十二岁，夫故。守节四十四年  
以上。《续采访》。

严氏袁增年妻 道光时人。二十五岁，夫故。守节三十八年。  
已旌。《新采访》。

张氏方仁济妻 道光时人。二十三岁，夫故。守节十八年。  
《新采访》。

王氏吴其英妻 道光时人。二十四岁，夫故。守节四十四年。  
光绪二十一年，旌。《新采访》。

李氏徐达本妻 道光时人。三十四岁，夫故。守节四十八年。  
《续采访》。

徐氏张绍富妻 咸丰元年生。二十七岁，夫故。现存，守节已  
四十八年。《上张谱》。

钱氏王植三妻 咸丰元年生。二十五岁，夫故。守节四十七年。《续采访》。

余氏方右韩妻 咸丰元年生。二十九岁，夫故。守节四十五年以上。《续采访》。

吴氏金乃铿继妻 咸丰二年生。二十八岁，夫故。守节四十年。《芝塘谱》。

余氏席燕侯妻 咸丰二年生。二十八岁，夫故。守节四十五年以上。已旌。《续采访》。

叶氏翁秀兰继妻 咸丰二年生。二十七岁，夫故。守节三十五年。已旌。《翁家谱》。案：《续采访》作张氏，误。

张氏陆玉琪妾 咸丰五年生。二十三岁，家主故。守节四十七年以上。《续采访》。

汪氏詹锡佳妻 咸丰六年生。三十岁，夫故。守节二十九年。《五都谱》。

叶氏江汉英妾 咸丰十年生。二十五岁，家主故。守节四十年以上。《续采访》。

周氏祝庆蕃妻 咸丰十一年生。二十四岁，夫故。现存，守节已四十年。《新采访》。

陈氏方景春妻 咸丰时人。二十九岁，夫故。守节三十九年以上。《续采访》。

翁氏舒彩章妻 咸丰时人。二十六岁，夫故。守节三十八年以上。《续采访》。

郭氏钱茂修妻 咸丰时人。三十岁，夫故。守节三十九年以上。《续采访》。

戴氏陈烈继妻 咸丰时人。三十五岁，夫故。守节二十八年以上。《新采访》。

王氏方震蛟妻 咸丰时人。二十九岁，夫故。守节三十六年以上。《续采访》。

滕氏徐桂宝继妻 同治元年生。二十三岁，夫故。守节三十年。《唐家圩谱》。

周氏辛樟芹妻 同治元年生。三十岁，夫故。现存。守节已三十三年。《槐王谱》。

夏氏徐永珍妻 同治三年生。二十一岁，夫故。守节四十一年。《新采访》。

林氏童圣功妻 同治三年生。二十九岁，夫故。守节三十二年。《童家谱》。

洪氏方裕张妻 同治四年生。二十五岁，夫故。守节三十五年以上。《新采访》。

尹氏余贡球妻 同治四年生。曾割股疗夫疾。二十二岁，夫故。现存。守节已三十八年。《后方谱》。

尹氏季寿荣妻 同治四年生。二十七岁，夫故。现存。守节已三十三年。《乌冈谱》。

叶氏王绍基妻 同治五年生。二十一岁，夫故。现存。守节已三十八年。《湖镇谱》。

章氏方震熊妻 同治五年生。十八岁于归，未周年而夫故。守节四十一年以上。《新采访》。

詹氏叶鸿勋继妻 同治五年生。二十六岁，夫故。现存。守节已三十三年。《续采访》。

饶氏方镜华妻 同治六年生。二十三岁，夫故。现存。守节三十六年。《新采访》。

傅氏林瑞椿妻 同治六年生。二十六岁，夫故。守节三十二年。《新采访》。



张氏方震龙妻 同治六年生。二十六岁，夫故。守节三十二年以上。《新采访》。

王氏尹绍尧妻 同治十一年生。二十岁，夫故。现存，守节已三十三年。《张家埠谱》。

王氏翁志杰妻 同治时人。二十七岁，夫故。守节二十八年。《续采访》。

叶氏刘朝元妻 同治时人。二十四岁，夫故。守节二十五年以上。《续采访》。

胡氏徐寿开妻 同治时人。二十六岁，夫故。守节二十六年以上。《续采访》。

赖氏晏国隆妻 同治时人。三十岁，夫故。守节二十六年。《续采访》。

叶氏周双竹妻 同治时人。二十五岁，夫故。守节二十九年以上。《续采访》。

丁氏夏海宁妻 光绪时人。二十一岁，夫故。守节二十五年以上。《续采访》。 以上六人出生年月复查未得，姑存之。

何某女 元时人。父名佚。《旧采访》。

劳氏陆荣妻 明弘治时人。《城南谱》。

周氏龚崇愿妻 正德元年生。周诚之女。二十四岁，夫故。余不详。《学册》。

叶氏龚崇浦妻 正德四年生。叶大中之女。三十岁，夫故。余不详。《学册》。

邵氏龚朝元妻 嘉靖二十三年生。邵骥才女。二十岁，夫故。余不详。《学册》。

黄氏周天宠聘妻 明时人。《旧采访》。

吴氏尹濬妻 明时人。《旧采访》。

余氏陆荣母 明时人。《旧采访》。

卢氏范世辉妻 清康熙时人。《鸡山谱》。

汪教次女 约康熙末人。以其父系康熙三十六年生，知之。  
《团石谱》。

严氏周廷夔妻 乾隆四年生。《旧采访》。

童氏蒋泰浩妻 乾隆十九年生。《西垣谱》有徐之杰撰《传》。

徐氏余连中妻 乾隆二十年生。二十九岁，夫故。余不详。  
《旧采访》。

邵氏余锡类妻 乾隆三十四年生。二十五岁，夫故。守节年数未详。《西湖谱》。

劳氏周发宝妻 乾隆三十五年生。劳涵之女。二十九岁，夫故。守节年数不详。《旧采访》。

姜氏王世琮妻 乾隆三十八年生。二十三岁，夫故。终失考。  
《新王谱》。

叶氏余允中妻 乾隆四十六年生。二十三岁，夫故。余不详。  
《南巷谱》有《传》。

胡氏张敏功妻 嘉庆五年生。二十五岁，夫故。守节年数未详。  
《横山山顶谱》。

姜氏杨懋堃妻 嘉庆十年生。兰溪人，二十五岁，夫故。守节八年。  
《泽远里谱》。

黄氏汪维魁继妻 嘉庆十二年生。二十四岁，夫故。守节十一年。  
《团石谱》。

范氏徐锦麈妻 嘉庆时人。三十三岁，夫故。守节十四年。  
《新采访》。

张氏华冠登妻 嘉庆时人。《旧采访》。

傅氏吴景春聘妻 清时人。《旧采访》。

以上二十三人，均见咸丰二年《汇旌册》。虽事实未尽详，而时代尚约略可考，因列于此。

汪氏范节华妻 二十一岁，夫故。守节五十四年。《续采访》。

余氏徐淮妻 二十六岁，夫故。守节九年。《旧采访》。

章氏朱一善妻 二十二岁，夫故。守节年数未详。《大公殿谱》。

以上三人亦见咸丰二年《汇旌册》，虽时代不明，而事实尚可稽，因列于此。

张氏叶光生妻

叶氏席文祥妻

祝氏胡琛妻

汪氏叶起瑞妻

尹氏祝圣明妻

童氏徐炤妻

王氏吕镗妻

陈氏徐长运妻

童氏姜瑞光妻

郑氏周联登妻

璩氏余舜寿妻

余氏刘份妻

叶氏夏思聪妻

余氏邵周屏妻

郑氏张富十八妻

方氏胡上选妻

华氏张华先妻

孙氏胡璋妻

叶氏余长发妻

诸葛氏叶锡龄妻

胡氏郑邦荣妻

刘氏姚成玉妻

徐氏叶玫妻

汪氏徐尚义妻

徐氏钱光进继妻

席氏余书宽妻

姜氏叶增妻

周氏胡有实妻

徐氏席柯亭妻

袁氏徐仓尧妻

卜氏戴孔脩妻

徐氏余南宾妻

江氏胡尔懋妻

方氏蒋泰漪妻

傅氏张书绅妻

许氏王廷科妻

马氏祝厚御妻

童氏张殿标妻

汪氏童邦柱妻

方氏余纲妻

戴氏童大恺妻

胡氏徐忠三四继妻

余氏叶旋立妻

周氏童邦伟妻

叶氏林起鹄妻  
张氏邵士秀妻  
黄氏余洵美妻  
童氏徐步贤妻  
翁氏余松寿妻  
周氏方光佐妻  
杨氏王圣岐妻  
叶氏杨维贤妻  
余氏曹豫配妻  
徐氏傅鸣嵩妻  
凌氏杨裕曾继妻  
徐氏吴嘉乐妻  
叶氏余枝德妻  
徐氏胡凤仪妻  
徐氏张维时妻  
汤氏陈豪妾  
方氏胡升高妻  
余氏陆凤池妻  
余氏严慎妻  
叶氏童世俊继妻  
叶氏王家驕妻  
尹氏董理继妻  
吴氏曾纯俊妻  
傅氏徐启明妻  
王氏龚善可妻  
徐氏孙金生妻



胡氏朱光照妻

张氏饶成芳妻

陆氏叶国楷妻

徐氏邱贵隆妻

方氏余焯妻

洪氏吴民法妻

董氏徐学诗妻

陆氏高晋勋妻

宋氏汪国富继妻

叶氏张家植妻

余氏尹日增妻

张氏徐岑妻

王氏徐振岗妻

朱氏毛启明妻

郑氏方贵佑妻

叶氏吴樟义妻

诸葛氏邵钱塔妻

徐氏姚章凝妻

吴氏吕樟松妻

张氏郑书绅妻

余氏詹大文妻

徐氏夏大纪妻

童氏徐振南妻

叶氏方作模妻

俞氏周双寿妻

徐氏余声十妻

胡氏陈继尧妻

袁氏方锦标妻

张氏范国光妻

王氏童俊芳妻

傅氏徐振玉妻

张氏徐麟妻

张氏方德一妾

周氏姜顺兴妻

吴氏范成功妻

汪氏余启秀继妻

徐氏劳鸿妻

夏氏徐石介妻

方氏傅荣南妻

翁氏李鸣琴妻

徐氏潘广融妻

徐氏吴炳彪妻

杨氏余鹤墀妾

方氏徐开山妻

劳氏余鹤千妻

朱氏汪跃龙妻

尹氏盛子程妻

童氏方光海妻

龚氏叶锡深妻

翁氏夏尚彬妻

席氏尹刚妻案：刚，一作纲。

方氏王绳祖妻



翁氏张集千妻

戴氏叶金球妻

翁氏余凤阳妻

项氏赖仰周妻

蒋氏胡大铎妻

曹氏叶旭如妻

祝氏王正则继妻

席春女

黄廷栋女

孙廷槐女

范光贤女

以上一百五十九人亦见咸丰二年《汇旌册》。其时代及事实，遍征各族谱牒，均无考。不列《别录》者，以前代旌列甚严，非可滥冒，则当时汇旌必实有可据者。在特兵燹后无稽耳。是以与前列二十六人并附此略也。

案：咸丰二年汇旌案：除旧志所载者外，共三百二十三人。而复查其生卒年月、守节年数，可考者不及什之三。盖经发匪之乱，册籍荡然也。已旌者尚湮灭如是之甚，则未旌节妇之湮没者更多矣。可慨也。

《龙游县志》卷二十三

县人 余绍宋撰

## 烈女略

**李氏周国彦妻** 随夫寓金华。有势宦慕其色，以计诱之不从，复胁以威，李遂自尽。时清顺治年间也。《续采访》。

**童氏翁大昭未婚妻** 大昭疫死，童闻耗，痛不欲生，不食十余日死。事在康熙四十一年。《新采访》。

**钱氏童怀新妻** 咸丰十一年三月，发匪至，钱恐被污，投塘死。《续采访》。

**蒋氏徐宝书妻** 咸丰十一年三月，发首石达开围衢不克，窜寿昌，蒋遇之，投水死。《旧采访》。

**俞氏璩顺妻** 咸丰十一年四月十七日，骂贼，被毆死，年八十四。《旧采访》。

**钱氏余圣华妻** 咸丰十一年四月十七日，城陷，避居合头垄山，遇贼，大骂，被害。《旧采访》。

**陆氏余鸿第妻** 咸丰十一年四月十七日，城陷，被贼毆死。《旧采访》。

**吴氏陆锡畴妻** 咸丰十一年四月十七日，城陷，骂贼，被戕。《旧采访》。

徐氏陆鑑星妻 咸丰十一年四月十七日，城破，殉难。《旧采访》。

徐氏余嘉瑞妻 咸丰十一年四月十七日，见夫殉难，遂投水自尽。《新采访》。

姜氏陆锡元妻 咸丰十一年四月十七日，城陷，殉难。《旧采访》。

吴氏施大妻 咸丰十一年四月十七日，城陷，投水死。《旧采访》。

陆氏方继兰妻 咸丰十一年四月十七日，城陷，抱子女投水死，子名大官，女名大姑。《旧采访》。

徐氏虞协华妻 又妾陈氏 咸丰十一年四月十七日，城陷，同时投水死。《新采访》。案：余述曾撰《协华传》作协华继妻戴氏，《学册》作协华妻徐氏，未知孰是，今姑依《学册》。

方氏虞慎修妻 慎修，协华长子也。咸丰十一年四月十七日，城陷，投水死。《旧采访》。

余氏虞巽修妻 巽修，为协华次子。咸丰十一年四月十七日，城陷，携儿女投水死。《旧采访》。案：《忠义录》注云：《学册》巽修余氏下有子女共五口五字。

程氏余如城妻 咸丰十一年四月十七日，城陷，投池死。《旧采访》。

詹氏余长桂妻 咸丰十一年四月十七日，殉难。《旧采访》。

周氏张邦贤妻 咸丰十一年四月十七日，见夫与次子被杀，即抱二龄幼女投水死。《旧采访》。

张氏余家炳妻 咸丰十一年四月十七日，城陷，殉难。《旧采访》。

童氏余养亲妻 咸丰十一年四月十七日，城陷，惧遭贼污，抱

幼女投井死。《旧采访》。

吴氏余嘉明妻 咸丰十一年四月十七日，城陷，贼欲污之，骂不绝口，遂与子女俱罹害。《旧采访》。

祝氏余加煊妻 咸丰十一年四月十七日，城陷，自缢。《旧采访》。

童氏余德源妻 粤匪陷城，童与子女奔至石板街，子冲散，匪逼近，遂与女投井死。《旧采访》。

童氏何招喜继妻 又子妇何樟满妻 咸丰十一年四月十八日，同时殉难。《旧采访》。

方氏何寿福妻 咸丰十一年四月十八日，殉难。《旧采访》。

叶氏杜广生妻 咸丰十一年四月十八日，随夫避乱散失，因赴三甲塘自殉。《旧采访》。

汪氏方明宝妻 咸丰十一年四月十八日，骂贼，被害。《旧采访》。案：《忠义录》作四月十七日殉难。

杜氏张西铭妻 咸丰十一年四月十九日，遇贼，欲污之，大骂，抱子投水死。《下库谱》。

陈氏方春魁妻 咸丰十一年四月十九日，被匪掠去，欲自尽不得，遂被杀。《凤林谱》。

汪氏徐殿梧妻 咸丰十一年四月二十八日，匪至，被害。《旧采访》。

汪氏余长槐妻 咸丰十一年四月，城陷，骂贼，被害。《旧采访》。

朱氏尹一飞妻 咸丰十一年五月，夫被掠，骂贼，殉难。朱亦被执，遂自尽。《旧采访》。

陆氏丁薰琴妻 咸丰十一年夏，薰琴骂贼死，陆亦投江自尽。《续采访》。

张氏何维鹤妻 咸丰十一年六月二十日，同女人井殉难。《旧采访》。

张氏吴学乾妻 咸丰十一年六月二十一日，匪至，恐受污，投河死。《新采访》。

何氏余作梅妻 咸丰十一年六月二十二日，在桥东，贼至，投井死。《旧采访》。

徐氏余雍伯妻 咸丰十一年六月二十二日，被害。《旧采访》。  
《西湖谱》有叶元祺撰《传》。

方氏钱忠聚妻 咸丰十一年六月二十二日，在钱家村，闻夫殉难，投水死。《旧采访》。

方氏何维岳妻 咸丰十一年六月二十二日，在桥东，贼至，携其女大姑投井死。《旧采访》。

方氏袁广聚妻 咸丰十一年六月二十五日，在兰堂村被害。《兰堂谱》。

袁氏邵东才妻 咸丰十一年六月二十五日，匪至，投井死。《旧采访》。

杨氏邵天美弟妇即邵东福婶母。又袁氏邵天美子妇 叶氏邵天美侄妇 三人均于咸丰十一年六月二十五日，在凤凰山底遇贼，掳胁不从，骂贼，被杀。第四十次请恤案。

姚氏汪广怀妻 咸丰十一年六月二十七日，被贼斫伤，投溪死。《团石谱》。

朱氏尹廷鹤妻 咸丰十一年六月，避匪深山，绝粒死。《旧采访》。

尹氏祝广有妻 咸丰十一年六月，骂贼，被杀。《祝家谱》。

姜氏项挺枝妻 咸丰十一年七月，避难横塘村父家，闻夫被害，携女阙姑投水死。《旧采访》。

**尹氏叶鹤舛继妻** 咸丰十一年七月，夫与子被贼掠，自缢。  
《旧采访》。案：《忠义录》注云：《学册》兼及其女大姑。

**叶鹤舛女** 字同里徐上环之侄。咸丰十一年七月，贼至，欲污之，女痛骂击贼，贼杀之。《旧采访》。

**夏氏叶玉阶妻** 咸丰十一年七月，匪至其家，胁其姑使出财物，夏求以身代不获，姑被伤数日死。贼复至，疑棺贮财物欲启棺，夏抵死相持，被贼焚死。《旧采访》。

**程氏璩润妻** 咸丰十一年八月二十四日，匪至，殉难。《旧采访》。

**罗氏尹夔妻** 咸丰十一年九月二十一日，见夫被害，大骂，贼剖其腹死。《旧采访》。

**黄氏余选恭妻** 咸丰十一年九月初八日，被贼刺死。《旧采访》。

**周氏徐金山妻** 八都四图人。咸丰十一年九月初九日，在清塘徐村骂贼被害。《旧采访》。

**诸氏徐彬妻** 咸丰十一年，诸守节已十余年。九月，匪至，大骂，殉难。《旧采访》。

**劳氏徐超曾未婚妻** 咸丰十一年十月二十三日，被掠，欲污之，劳誓死不辱，遂被害。《旧采访》。案：超曾，一作起曾。

**蒋氏余梅妻** 咸丰十一年十一月初三日，避居炭山，贼至，厉声痛骂，被害。《旧采访》。案：《忠义录》作四月十七日殉难。

**余氏卢吉临妻** 咸丰十一年十一月初七日，在大虹桥口骂贼被害。《旧采访》。

**杜氏戴东富妻** 咸丰十一年十一月十二日，在杜家村被贼焚死。《旧采访》。

**杜氏戴有卫妻** 咸丰十一年十一月十二日，在杜家村骂贼被

焚死。《旧采访》。

**方氏璩登岐妻** 咸丰十一年十一月二十六日，匪至，被殴死，年八十七。《旧采访》。

**罗氏尹光离妻** 咸丰十一年十二月二十四日，被掠，欲污之，不从，被杀。《旧采访》。

**余氏王日薰妻** 咸丰十一年，恐被匪污，赴水死。《新王谱》。

**诸葛氏邵大源妻** 咸丰十一年，匪至，诸葛被掠，骂不绝口，遂见杀。《续采访》。

**徐氏陈永全妻** 咸丰十一年，匪占其家，被逐出，遂投水自尽。《续采访》。

**朱氏王长龄妻** 二十七岁守节。至咸丰十一年，匪至，恐被污，赴水自殉。《新王谱》。

**舒氏童知节妻** 咸丰十一年，匪至，令子他避，骂贼死。《石村谱》。

**李氏潘启盛妻** 咸丰十一年，匪至，姑黄氏卧病，李不忍远离，俱殉难。《下陈荷坞谱》。

**黄氏余镛未婚妻** 咸丰十一年，被掳，幽置别室，求自经不得，卒以毁伤过甚，呕血死。《旧采访》。

**徐氏杜宝书继母** 又妻徐氏 咸丰十一年，匪至，姑媳遣宝书他避，闭门赴家中小塘死。越数日，寇退，宝书归，临塘号泣，尸忽浮。《旧采访》。

**周氏汪维林妻** 咸丰十一年，匪踞汪村，维林以老不克行，郁郁成疾卒，周氏遂投河死。《旧采访》。

**姜氏张继林妻** 咸丰十一年，闻贼将入境，自缢死。《旧采访》。

**王氏张起富妻** 夫妇年均九十。咸丰十一年，遇贼，投河死。《旧采访》。

童氏张唐喜妻 夫妇年均八十。咸丰十一年，遇贼，投河死。  
《旧采访》。

周氏张登泰妻 二十九岁，夫故。守节十年。咸丰十一年，遇  
贼，投河死。《旧采访》。

童氏张凤池妻 咸丰十一年，遇贼，投河死。《旧采访》。

徐氏张怀增妻 咸丰十一年，遇贼，先服毒，后投河死。《旧采  
访》。

张发荣长女 咸丰十一年，年十八，遇贼不从，杀之。《旧采  
访》。

张登泰次女 咸丰十一年，年十九，遇贼，投河死。《旧采访》。

张氏章萃美妻 咸丰十一年，年二十，遇贼，不从，投河死。  
《旧采访》。

张氏徐光容妻 咸丰十一年，匪至，欲污之，不从，杀之。《续  
采访》。

陈惟清次女 因父母年老，又鲜兄弟，不愿适人。以终奉养。  
咸丰十一年，年五十三，匪至，自缢。《新采访》。

璩氏潘启富妻 咸丰十一年，启富为匪所迫，投水殉难。璩闻  
耗痛哭，以头触石而死。《下陈荷坞谱》。

周氏张东连妻 咸丰十一年，避乱于北乡后徐，嗣闻夫被贼焚  
死，即投水自殉。《旧采访》。

吴氏周桂荣母 咸丰十一年冬，匪至，被害。《旧采访》。

马氏周嘉猷继妻 咸丰十一年，匪至其家，嘉猷骂贼被害，马  
触贼刃而死。《新采访》。

莲妹叶奉时胞妹 咸丰十一年，闻匪将至，语人曰：“只有一死  
可全名节。”及贼至，避河边草埔间，闻贼马近，惧辱，奋身投白革湖  
死，年仅十七。《旧采访》。



翁氏鲁芹妻 夫被匪害，翁不食死，二女亦同时殉难。《续采访》。

王氏童世荣继妻 被匪掠，以计脱，投崖自尽。《续采访》。

刘氏江上鸿妻 咸丰十一年，夫被匪掠，刘即投水自殉。《朝阳谱》。

张氏余光秀妻 匪入其家索财物，张怒骂，贼杀之并焚其尸。《旧采访》。

蒋氏林荣彰妻 一都七图人。系节妇。同治元年正月二十日，在清塘徐村骂贼被害。《忠义录》。

涂氏、傅氏并徐振玉妾 同治元年四月初二日，在金丝岭遇贼，被害。《旧采访》。

黄氏王新昭妻 同治元年四月十六日，在阁路底遇贼，被害。《旧采访》。

詹氏祝锡第妻 一都二图人。同治元年五月二十日，在清塘徐村遇贼，被害。《忠义录》。

钱氏余希曾妻 子妇钱氏余望隆妻 同治元年六月，避乱北乡，贼至，投池自尽。《续采访》。案：望隆，一作隆望。

金氏尹盛用妻 同治元年七月十三日，避贼深山，饿死。临死，骂贼不已。《旧采访》。案：《学册》作尹盛周。

徐氏尹超元妻 同治元年七月十七日，避贼深山，饿死。《旧采访》。《浙江忠义录》作八月十三日与夫同殉难。

王氏尹安澜妻 即尹栋之母。同治元年七月十七日，与安澜同时殉难。《忠义录》。

周氏张茂财妻 同治元年八月初八日，匪至，投河死。《新采访》。

叶氏尹炳照妻 同治元年八月初九日，遇贼，不从，投水死。

《旧采访》。

**余氏罗清妻** 同治元年八月十一日，在枫林村，贼索钱不与，被害。《旧采访》。案：一作罗万清。

**余氏尹光第妻** 同治元年八月十六日，在二十都自尽。《旧采访》。案：《忠义录》作八月三十日与夫同殉。

**朱氏尹启周妻** 同治元年八月二十六日，避难山中，饿毙。《旧采访》。案：朱，一作余，误。

**叶氏杨国本妻** 同治元年八月，国本骂贼死。叶闻，赴贼巢，大骂，被害。《回源谱》。

**吕氏璩培森妻** 同治元年八月，殉难。一作咸丰十一年十二月，匪至，不屈，被害。《旧采访》。

**张氏夏方承妻** 二十四都一图人。同治元年九月初五日，遇贼，大骂，被害。一作五月初六日殉难。《华峰谱》。

**余氏尹光照妻** 同治元年九月，途遇贼，受创，不食死。《旧采访》。

**朱氏尹芭继妻** 同治元年九月，疾声骂贼，被害甚惨。《旧采访》。一作尹光梓母。

**姜氏项柏如妻** 同治元年，柏如被匪惨杀，弃尸塘内。姜向塘致祭，投水以殉。《续采访》。

**季氏王沛然妻** 同治元年，为匪所掠，逼其供富户姓名及窖藏处所，季骂贼不承，被焚死。《续采访》。

**钱氏陈汉文妻** 同治元年，被匪掠，逼供窖藏不承，贼以火烙死。《梨坞谱》。

**胡氏叶冬筠妻** 同治元年，匪知其家殷实，勒取财物，以油纸裹其身焚死。《旧采访》。

**徐氏张南恭妻** 同治元年，骂贼，被杀。《旧采访》。

- 徐氏胡肇乾妻 同治元年，见夫被匪害，即自经。《太平里谱》。
- 舒氏何大吉妻 夫故，守节三十余年。至同治元年，为匪所掠，出言不逊，匪以棕裹其身而焚之。《何村谱》。
- 余氏张启富妻 同治元年，年六十五岁，贼至，自缢。《旧采访》。
- 叶氏张满庆妻 同治元年，贼掳其子，骂不绝口，贼并其子杀之。《旧采访》。
- 余氏张继祝妻 同治元年，年二十二岁，遇贼，被掳，不屈，杀之。《旧采访》。
- 余氏张上贤妻 同治元年，贼至，投水死。《旧采访》。
- 叶氏张招林妻 同治元年，年十八岁，被匪掠，不从，遂杀之。《旧采访》。
- 莲美鲁载臣长女 贼至，与其父妹同殉难。莲美死最惨，贼先割其乳，断其手足，复剖其腹云。《续采访》。
- 冬美鲁载臣次女 年十五，被贼掳，不屈，死。《续采访》。
- 钟氏吴承照妻 年二十六岁，携子女避乱至游埠徐塘塍，恐贼近被污，赴水自殉。《新采访》。案：殉难年月，未详。
- 方氏江唐钜妻 桥头江人。骂贼，被杀。《旧采访》。
- 倪氏江唐盛妻 同上。以上二人。时代不明。
- 姜氏虞肖吉妻 匪至，先掷女儿于池，后自殉。《旧采访》。
- 陈氏尹莘妻 子妇徐氏 均于同治五年七月三十日汇旌，事实未详。《旧采访》。案：《忠义录》云：咸丰十一年六月十七日，殉难，一家八口。
- 姜氏尹璜妻 女阙姑 同治五年九月，旌恤。余不详。《忠义录》。
- 王氏颜福金妻 同治九年三月，旌恤，余不详。《忠义录》。

施氏祝尚登妻 杨氏祝尚登妻 光绪十五年八月十二日，旌。  
事实不详。《旧采访》。 案：尚登，一作赏灯。

江氏范树琪妻 二十二次案，浙江巡抚奏恤。余未详。《忠义录》。

范氏祝平安妻

周氏张长松妻

余氏詹德华妻

徐氏林继贤妻

徐氏林凤声母 又妻徐氏

支氏祝阿田妻 女大姑以上诸人。均见《忠义录·民人妇女表》。

徐氏杜人龙妻 二十一岁于归。二十三岁，夫死殉志，时光绪二十四年。《新采访》。

## 列女别录

宋

吕氏董勅妻 夫妇生终年月，失考，原谱注云：守节约在崇宁间事。《陇西谱》。

叶氏袁名佚。妻 宣和时人。诰封节孝孀人。《旧采访》。 案：与《列女传》叶十娘，未知是否一人。

**王氏祝威妻** 称节孝夫人。《沐尘谱》有叶梦鼎《节孝夫人王氏赞》。

## 明

**陆氏曹若珍妻** 永乐时人。若珍三十二岁卒，陆至八十二岁卒。《城南曹谱》有《传》。

**尹氏曹钺妻** 成化十一年生。钺游学山东卒。尹守节抚孤，至于成立。《城南谱》。

**翁氏胡希庸妻** 成化十三年生。二十五岁，夫故。无子，逼嫁不从。守节年数，未详。《河涯谱》。

**龚氏陆衡妻** 弘治七年生。钦褒节孝。《城南谱》。

**方氏汪豹继妻** 弘治时人。团石村后有溪，过者病涉，方捐百金成桥，至今利之。《旧采访》。

**项氏余孟瑯妻** 弘治时人。二十七岁，夫故。守节年数，未详。《西圯谱》。

**戴氏徐廷臣妻** 嘉靖元年生。即良选母。二十五岁，夫故。守节年数，未详。《旧采访册》有张宗孔撰《廷臣传》。

**叶氏徐济妻** 嘉靖五年生。济初聘叶氏，既而家道中落，叶族令改适，叶誓死不从，竟归于徐。《旧采访》。

**方氏祝佐妻** 嘉靖十三年生。《沐尘谱》有何克讚撰《祝母赞》。

**胡氏王之衡妻** 嘉靖十七年生。二十三岁，夫故。守节年数，失考。《新王谱》。

**洪氏徐桦妻** 嘉靖十九年生。夫病刲股。《灵山谱》。

**叶氏王之谟妻** 嘉靖二十三年生。二十岁，夫故。守节年数，失考。《新王谱》。

**吕氏范汝潮妻** 嘉靖二十五年生。十五岁，夫故。守节七年。

《鸡山谱》。

吕氏范元儒妻 嘉靖二十五年生。二十四岁，夫故。卒年，失考。《鸡山谱》。

张氏王承嗣妻 嘉靖三十八年生。二十二岁，夫故。卒年，失考。《新王谱》。

周氏曹文登妻 约嘉靖时人。夫故，有以家贫子幼为言者，周辄号哭，誓不再适。《旧采访》。

余氏何佐妻 嘉靖时人。余无考。《桥东谱》。

郑氏徐一志妻 嘉靖时人。十九岁，夫故。卒年，失考。万历二十三年，抚宪滕给予冰心柏操匾额。《七都谱》。

张氏徐一念妻 嘉靖时人。卒年，失考。万历三十九年，知县万廷谦旌表。《七都谱》。

曹氏姜祈福妻 约嘉靖时人。万历三十四年，知县吴、县丞萧、典史黄会同请旌。《新采访》。

余氏郑锡球妻 万历以前人。余未详。《泽江谱》。

杨氏郑大邦妻 生卒年月，失考。即郑锡球之媳妇，万历四十三年，知县李自华给予节同冰玉匾额。《泽江谱》。

张氏袁廷仕妻 约万历以前人。姑病，刲股疗之。知县万廷谦旌其门曰孝妇。《西袁谱》。

胡氏张华四二名佚。妻 又子妇徐氏张卸诗妻 万历以前人。夫妇生卒年月，均失考。清乾隆年间，儒学奖有冰心同操匾额。《横山谱》。

缪氏余名佚。妻 万历以前人。天启二年，知县温曾经奖给匾额。《新采访》。

陈氏叶茂明妻 万历以前人。天启间，知县刘给予节孝可风匾额。《希唐谱》。

许氏龚尧隆妻 约万历以前人。崇祯七年，给有节孝纯常匾额。何人旌奖，未详。《下墓坞谱》。

翁氏龚尧愍妻 约万历以前人。崇祯八年，给有节凜冰霜匾额。何人旌奖，未详。《下墓坞谱》。

徐氏龚尧愈妻 约万历以前人。崇祯八年，知县唐给予霜节凌筠匾额。《下墓坞谱》。

钱氏龚寿经妻 约万历以前人。崇祯八年，给有劲节可表匾额。何人旌奖，未详。《下墓坞谱》。

张氏钱大节妻 约万历时人。崇祯十七年，知县黄大鹏给予松筠劲节匾额。《旧宅谱》。

苏氏徐光旭嗣母 约万历十六七年生。年未二十，夫故。守节年数，未详。《新采访》。

汪氏祝有明妻 汪懋冲女。万历二十五年生。余无考。《沐尘谱》。

施氏徐静远妻 万历二十六年生。三十一岁，夫故。守节年数，失考。《新采访》。

叶氏陆梦雷妻 万历四十三年生。县学赠天赋完节，道宪钱赠仪伦两髦匾额。《旧采访》。

陆氏何一雄妻 万历时，庙下人。二十一岁，夫故。曾刲股疗舅病。余未详。《新采访》。

叶氏张文镔妻 万历时人。少寡。守节至九十余岁卒。《横山谱》。

钱氏龚岱妻 万历时人。舅疾刲股疗之。《脉元谱》。

金娘龚一德女 万历时人。父疾，金娘割股疗之。长，适石佛村胡姓。《脉元谱》。

余氏曹文昺妻 天启二年生。夫早卒，遗孤二俱幼。余矢志

抚孤，至于成立。《城南谱》。

严氏祝有荐妻 天启二年生。夫妇卒年，均失考。《沐尘谱》。

徐氏陆合宏妻 天启五年生。二十五岁，夫故。余未详。《城南谱》。

祝氏曹茂品妻 天启时人。夫歿，抚孤守节，矢志无他。《旧采访》。

薛氏何元宣继妻 崇祯十一年生。庙下人。青年守节，寿至八十岁。清康熙五十六年，知县孟继祖旌以节寿齐芳匾额。《新采访》。

戴氏何君慕妻 崇祯时人。年未三十，夫故。守节年数，未详。《旧采访》。

杨氏何天佑妻 崇祯时人。孝事舅姑，青年守节。《桥东谱》。

余氏何世凤妻 崇祯时人。夫卒，誓不改适。《桥东谱》。

祝氏潘尚玠妻 约明时人。夫卒，誓不改适。舅姑以无子讽令再醮，祝誓以死守，舅姑亦怜而留之。《鲤渊谱》。

祝氏毛光翼妻 约明季人。《浙江通志》。

范氏徐大楫妻 约明季人。夫妇生卒，失考。知县黄大鹏曾给劲节凌霜匾额。《上姜坞谱》。

方氏汪崇妻 约明末人。夫死，守节。余未详。《新采访》。

徐氏张尚恺妻 明末人。夫卒，矢志抚孤。未几，孤死，遂不食死。人称为茶节。《横山谱》。

张氏姜金凤妻 约明末人。清顺治六年，知县王宗谛请旌节孝。《新采访》。

徐氏余寿明妻 约明末人。顺治十八年，知县程奖给年高劲节匾额。《山坪头谱》。

夏氏周文光妻 约明末人。生终年月，失考。清康熙十年，知



县杨守知给予壶内苍松匾额。《旧采访》。

**姚氏童世卿妻** 约明末人。清康熙十九年，知县许瑄给节操冰霜匾额。《桐冈谱》。

**陈氏郑性旦妻** 约明末人。清康熙三十五年，知县郑给有节操可旌匾额。《客路谱》。

**姚氏翁恭让妻** 约明末人。清康熙五十七年，知县李尚德旌以霜洁冰清匾额。《新采访》。

**葛氏王以宁妻** 约明末人。清康熙五十九年，知县李尚德给予松筠媲美匾额。《新采访》。

## 清

**金氏袁懋恭妻** 康熙十年生。本县给有节劲松筠匾额。《旧采访》。

**王氏潘名至妻** 约康熙二十六七年生。夫早故，无子，矢志守节，有劝其改适者，厉词以拒。《鲤渊谱》。

**童氏江孙谋妻** 康熙五十九年生。二十四岁，夫故。守节十一年。《新采访》。

**童氏江锡诒妻** 康熙五十九年生。二十三岁，夫故。守节十三年。《旧采访》。

**徐氏潘日永妻** 康熙时人。祖母病，刲股和药以进。伯舅病，亦如之。《续采访》。

**徐氏吴尔凝妻** 约康熙时人。夫故及守节年数，未详。《新采访》。

**王氏吴尔凝子妇** 夫病，刲股。及卒，年二十余岁。守节年数，亦未详。《新采访》。

**汪氏姜日文妻** 约清初人。雍正八年十月，福建主考徐昂发

请给淑慎坚贞匾额。《新采访》。

沈氏徐可嘉妻 约清初人。雍正十一年，儒学沈奖给松筠比德匾额。《新采访》。

童氏方有仁妻 约清初人。乾隆三年，学政邓中鄂给有敬姜遗范匾额。余不详。《新采访》。

徐氏何成烈妻 约康熙时人。乾隆十年，浙江学政彭起丰旌以鹤龄松操匾额。《河西谱》。

吴氏余兆柏妻 约清初人。乾隆十五年，知县周给予孟训姜操匾额。《山坪头谱》。

徐氏余文谟妻 约清初人。乾隆十八年，知县高奖给孟训姜操匾额。《山坪头谱》。

余氏朱自诚妻 雍正五年生。以祝寿款建濠沿一带石栏，至今犹存。《续采访》。

詹氏余梅妻 雍正七年生。钦褒节孝。余未详。《西湖谱》。

余氏汪汝胜妻 约清初人。姑病笃，割股疗之。《新采访》。

余氏蒋宁静妻 二十八岁，夫故。守节年数，未详。《西垣谱》。

胡氏蒋用正妻 二十九岁，夫故。守节五十余年。《西垣谱》。

余、胡二氏，约康、雍间人。蒋世瓌有合《传》。

叶氏陆佩光妻 乾隆四年生。卒年，失考。嘉庆十三年，旌。《城南谱》。

金氏袁国耀妻 乾隆十四年生。三十岁，夫故。守节年数，失考。《东聚谱》。

钱氏余常安妻 乾隆十六年生。钦褒节孝。余未详。《旧采访》。

徐氏祝飞鸿妻 乾隆十八年生。二十岁，夫故。守节十二年。《沐尘谱》。

杨氏徐廷榆妻 乾隆十八年生。三十五岁，夫故。守节十三年。《灵山谱》。

黄氏吴邦贤妻 乾隆二十年生。二十岁，夫失踪。至八十一岁卒。《厚成谱》。

叶氏汪邦焯妻 乾隆二十二年生。二十四岁，夫故。守节十二年。己旌。《团石谱》。

陈氏劳法妻 乾隆二十三年生。二十九岁，夫故。守节年数，失考。《双溪谱》。

叶氏余锦妻 乾隆二十四年生。二十六岁，夫故。卒年，失考。《旧采访》。

尹氏袁镞妻 乾隆二十六年生。二十三岁，夫故。守节十年。《大治谱》有朱兆熊撰《传》。

游氏詹邦泮妻 乾隆四十五年生。三十四岁，夫故。余不详。《五都谱》。

龚氏汪家瑾妻 乾隆四十六年生。二十七岁，夫故。守节七年。《团石谱》。

严氏叶锡男妻 乾隆五十二年生。二十八岁，夫故。守节年数，失考。《步瀛谱》。

诸葛氏邵毓椿妻 乾隆五十四年生。二十八岁，夫故。守节十四年。《志棠谱》。

高氏徐荣绶妻 乾隆五十四年生。二十二岁，夫故。无子。二十七岁，以忧卒。《灵山谱》有徐楨撰《传》。

严氏余名佚妻 乾隆时人。光绪十七年，旌。余未详。《旧采访》。

童氏余之理妻 约乾隆时人。嘉庆二十五年，知县杨奖给朗澈冰壶匾额。《续采访》。

**曾氏傅一桂妻** 约乾隆时人。嘉庆年间，旌。余未详。

**张氏傅国忠妻** 约乾隆时人。道光年旌。查以上二人。《旧采访册》注云：傅镜渠采访，据云谱被匪毁，生卒年月无考。

**张氏徐学潮妻** 约乾隆时人。咸丰元年，学宪吴钟骏奖给志坚金石匾额。《新采访》。

**萧氏吴名佚妻** 二十六岁，夫故。余未详。案：吴枫《梅坪诗稿》有《哭家塾童蒙必根》诗云：遗腹之儿出自萧，孤苦尤难诉衷曲。萧娘二十嫁吴郎，育女髻龄已守孀。又云：二十及笄归吴门，二十有六偶已失。因知吴卒时，萧年二十六也。吴名已佚，守志年数亦无考，约嘉庆元年生。

**邵氏席光远妻** 嘉庆二十年生。三十五岁，夫故。守节十三年。《志棠谱》。

**朱氏凌鹤龄妻** 嘉庆二十二年生。二十一岁，夫故。守节十三年。《旧采访》。

**余氏陆文鲤妻** 嘉庆时人。钦褒节孝。《城南谱》。

**张氏叶树珠妻** 嘉庆时，山阴人。无子。夫故及守节年分，未详。《步瀛谱》。

**沈氏叶树玉妻** 嘉庆时人。无子。夫故及守节年分，未详。《步瀛谱》。

**王氏童品题妻** 道光三年生。三十二岁，夫故。守节八年。《旧采访》。

**金氏叶兆臻妻** 道光十一年生。家故贫。咸丰十年，发匪至，有避居其家者以三百金私藏其败麓中而去，金见而不取，俟其人来还之。《新采访》。

**朱氏王裕铤妻** 道光二十年生。十八岁，夫故。守节十二年。《湖镇谱》。案：《旧采访》裕铤作廷献。

**朱氏余捷未婚妻** 道光二十四年生。十八岁，未婚，夫故。守

贞十一年。光绪元年，旌。《旧采访》。

余氏杨六吉妻 约道光时人。余撰女弟，善诗词，兼工楷法。  
《泽远里谱》。

陈氏叶昌溶妻 同治十年生。三十岁，夫故。守节十二年。  
《湖镇谱》。

尹氏孙樟华妻 同治十三年生。三十四岁，夫故。守节十二年。  
《新采访》。

徐氏刘位南妻 同治十二年生。三十五岁，夫故。守节十三年以上。  
《续采访》。

叶氏陈三奶妻 咸丰十一年，殉难。《续采访》。以下殉难诸人，因事实未明，故不入略，而附于此。

张氏徐赞襄妻 咸丰年间，发匪至，殉难。《旧采访》。

叶氏夏海松妻 同治元年，骂贼被殴，旋自缢。《旧采访》。

叶氏汪武绳妻 遇贼，自殉。《旧采访》。

王氏祝凯妻 局禀第九次宪旌松筠雅操匾额。光绪十三年五月，采访局移学巡抚卫旌。《旧采访》。

徐氏劳乃康妻

徐氏季邦佐妻

何氏季邦照妻

刘氏江炳照妻

方氏翁鹏翼妻

贞姑叶敬熙妹 以上诸人，均见《学册·绅妇表》。

宋氏邵东福母 范氏邵东福妻 咸丰十一年六月二十五日，殉难。《旧采访》。

邹氏傅铨基妻 光绪二十五年五月，浙江巡抚刘汇疏题请旌表。夫妇生卒，未详。旧礼房档案。以下诸人，夫妇生卒年月，均失考。

周氏叶樟玉妻 二十七岁，夫故。守节十二年。《续采访》。

金氏张峻明妻 二十五岁，夫故。守节十二年，抑郁而亡。  
《溪东谱》。

张氏叶景和妻 生卒，失考。曾经本县奖节孝兼隆匾额。知县何人，未详。《八石坂谱》。

袁氏尹蛟妻 夫妇生卒，均失考。原谱称其无子，守节至七十余岁而卒。《西袁谱》。

门氏徐卿继妻 其详无考。《旧采访》。

周氏王太十八妻 适王数月，王即死，周以节终。《韦塘谱》。

方氏王汝昌妻 《韦塘谱》。案：方，一作高。然方氏注云：守节。高氏，无注。疑高字误。

徐氏余子权妻 二十三岁，夫故。无子。守节年数，未详。  
《石峰谱》。

方氏王余妻 二十七岁，夫故。生一子，守志。《石院谱》。

童氏叶梦桂妻 夫故，无子，守节，孝事舅姑。《八石坂谱》。

张氏王日元妻 二十七岁，夫故。守节年数，未详。《石院谱》。

龚氏王大有妻 二十七岁，夫故。守节年数，未详。《石院谱》。

叶氏龚一敬妻 夫病笃，剖股和药以进。《脉元谱》。

徐氏王烂妻 姑疾笃，剖股疗之。《韦塘谱》。案：烂一作德，徐一作盛，未知孰是。

悲音席玉潭女 其兄名燕侯。三十一岁，悲音与寡嫂事双亲不嫁，三十二岁卒。《续采访》。

童慈姑潘名侯。未婚妻 潘卒，童守贞。至四十岁，无疾而卒。年月，失考。《新采访》。

陈棋茂长女 以父母年老，愿在家奉养，虽历艰辛，不变厥志。  
《旧采访》。

八姑包振声女 年十七，许字海宁汪世瑄。因匪乱，随兄葆麟至龙游。嗣以世瑄存亡不知，遂矢志不嫁，六十八岁卒。《旧采访》。

徐氏何言妻 生卒年月，失考。《桥东何谱》有赞词。

叶氏尹郎妻 生卒年月，失考。青年守节。《旧采访》。

范氏尹骥妻 生卒年月，失考。完节抚孤。《旧采访》。

应氏何登鳌妻 青年守节，抚孤成立。《旧采访》。

劳氏吕廷祚妻 二十三岁，夫故。无子。守节六十年。《旧采访》。

詹氏吕希全妻 守节至八十岁。余不详。《旧采访》。

王氏吕嘉楫妻 年少寡居，无子。《旧采访》。以上三人，均吕家村人。

程氏张凤南妻 二十五岁，夫故。守节二十四年。《旧采访》。

方氏张四修妻 三十三岁，夫故。守节四十八年。《旧采访》。

朱氏张珠宝妻 三十一岁，夫故。守节五十四年。《旧采访》。

余氏张增宝妻 三十三岁，夫故。守节三十九年。《旧采访》。

刘氏张连彩继妻 二十九岁，夫故。守节二十年。《旧采访》。

宋氏张永喜继妻 二十三岁，夫故。守节三十年。《旧采访》。

朱氏张鸣春妻 三十四岁，夫故。守节二十三年。《旧采访》。

周氏张元王琬妻 二十二岁，夫故。守节四十四年。《旧采访》。

汪氏张金印妻 二十五岁，夫故。守节四十八年。《旧采访》。

王氏张元杰妻 三十四岁，夫故。守节三十四年。《旧采访》。

以上十人，皆汀塘圩人。

项氏赖绍岐妾 道光间，旌节孝。当是乾、嘉时人。一作咸丰元年旌，姑并志之。《旧采访》。

徐氏金名佚妻 《张家埠谱》、《金氏谱》有天水鹤斋题词，首

云：古井无波，秋竿有节。夫夭守子行高洁，享年九十仁寿全云云。

《旧采访》未详何时人。天水鹤斋，疑即张家埠尹文集。

徐氏尹伦妻 二十三岁，夫故。守节四十七年。《张家埠谱》。

齐氏尹如玮妻 三十四岁，夫故。守节四十八年。《张家埠谱》。

翁氏尹承仁妻 即齐氏之子妇。二十七岁，夫故。守节五十七年。《张家埠谱》。

张氏尹志伊妻 二十四岁，夫故。守节四十五年。《张家埠谱》。

朱氏尹定超妻 二十八岁，夫故。守节四十七年。《张家埠谱》。

何氏王一璠妻 矢志历七十年如一日。《苇塘谱》。

马氏劳象泰妻 三十二岁，夫故。守节三十六年。《旧采访》。

王氏徐如圭妻 三十一岁，夫故。守节五十五年。《旧采访》。

徐氏汪进妻 二十三岁，夫故。守节五十五年。《旧采访》。

徐氏夏凤富妻 三十二岁，夫故。守节二十余年。《旧采访》。

余氏周长荣妻 三十二岁，夫故。守节二十一年。《续采访》。

王氏徐锦川妻 二十六岁，夫故。守节二十四年。《续采访》。

叶氏周镐清妻 二十二岁，夫故。守节五十三年。《续采访》。

叶氏胡汉妻 三十岁，夫故。守节三十九年。《续采访》。

张氏翁荣钊妻 二十六岁，夫故。守节四十年。《续采访》。

张氏范寿春妻 二十四岁，夫故。守节年数，俟考。《续采访》。

案：春，一作椿。

徐氏王廷柱妻 十九岁，夫故。守节四十四年，嘉庆十二年旌。《续采访》。

徐氏翁荣纪妻 二十三岁，夫故。守节三十八年。《续采访》。



徐氏舒攀全继妻 二十七岁，夫故。守节四十余年。《续采访》。

姜氏杨明善妻 二十九岁，夫故。守节二十二年。《续采访》。  
案：明善，一作明喜。

邵氏徐上庠妻 三十岁，夫故。守节二十五年。《丰塘山谱》。

袁氏范钟妻 三十一岁，夫故。守节四十五年。《续采访》。

朱氏叶凤祥妻 二十八岁，夫故。守节四十一年。《续采访》。

龚氏项樟有妻 二十一岁，夫故。守节三十余年。《续采访》。

周氏夏必荣妻 二十三岁，夫故。守节四十余年。《前冈谱》。

周氏叶良宝妻 二十岁，夫故。守节年数，未详。《续采访》。

案：叶，一作童。

郑氏叶金福妻 三十一岁，夫故。守节二十六年。《续采访》。

郑氏朱应点妻 二十一岁家主故，守节约三十年。《续采访》。

郑氏曹学贤妻 二十九岁，夫故。守节二十余年。《续采访》。

黄氏叶懋妻 二十九岁，夫故。守节约四十年。《续采访》。

黄氏叶汉高妻 二十八岁，夫故。守节二十余年。《续采访》。

黄氏叶元源妻 三十二岁，夫故。守节五十年。《续采访》。

何氏余登明妻 二十岁，夫故。守节四十七年。《续采访》。

柯氏胡章魁妻 三十五岁，夫故。守节四十六年。《续采访》。

汪氏方荣昌妻 三十岁，夫故。守节六十余年。《续采访》。

刘氏温象辰妻 三十二岁，夫故。守节二十一年。《续采访》。

李氏胡圣清妻 三十一岁，夫故。守节五十一年。《续采访》。

童氏蒋恩遇妻 二十九岁，夫故。守节五十五年。《西垣谱》。

伊氏童守佛妻 三十一岁，夫故。守节三十九年。《续采访》。

案：佛，一作伟。

钱氏夏畴妻 二十四岁，夫故。守节四十三年。《鸿陆谱》。

- 钱氏黄永新妻 二十四岁，夫故。守节年数，未详。《续采访》。
- 王氏陈珮琳妻 二十七岁，夫故。守节二十五年。《新采访》。
- 曹氏陈立本继妻 二十八岁，夫故。守节二十七年。已旌。  
《新采访》。
- 陈氏徐鸣九妻 二十九岁，夫故。守节四十二年。《新采访》。
- 张氏叶应良妻 二十四岁，夫故。守节三十四年。《新采访》。  
案：《列女传》有张氏叶应亮妻，夫故及守节年数与此相仿，疑即一人。
- 余氏叶御天妻 二十八岁，夫故。守节四十余年，道光十年，  
旌。《新采访》。
- 刘氏叶文彪妻 二十三岁，夫故。守节四十九年。已旌。《新  
采访》。
- 朱氏叶有春妻 三十五岁，夫故。守节四十九年以上。《新采  
访》。
- 余氏范正庵妻 三十二岁，夫故。守节二十六年。《鸡山谱》。
- 徐氏叶有高妻 二十二岁，夫故。无子。守节五十余年。《新  
采访》。
- 严氏黄贞妻 三十岁，夫故。守节三十年。《旧采访》。
- 方氏汪鹤妻 二十三岁，夫故。守节至六十岁终。《旧采访》。
- 吕氏余用中妻 二十余岁，夫故。无子。守节九十六岁卒。  
曾建墩头桥。《旧采访》。

《龙游县志》卷二十四

县人 余绍宋撰

# 丛 载 附志一

## 古 迹 丛载一

### 周

**姑蔑故城** 在穀水南三里东门，临薄里溪。《元丰九域志》。

案：《名胜志》谓县北五里穀溪上有姑蔑城，与《元丰九域志》不同，今古迹已夷不可考矣。又案：《元丰九域志》所载与今城方位不甚相远，岂即依其遗址而筑者耶？然秦时置太末县，其治何以又在他处？亦可异矣。又案：顾祖禹《读史方輿纪要》云：相传，穀溪之南即其故城。与《元丰九域志》合。又案：薄里、泊里、泊鲤并同，今昔异字。东西二百一十二步，南北一百六十八步，高一丈七尺，厚四尺，周四百七十步，至今人犹呼寺城麓。两旧志引旧经。案：万历壬子《志》作姑蔑宫故城，不成语，宫字疑衍文。康熙《志》则改为姑蔑故宫，尤误。兹据《浙江通志》。唐孟郊有诗，见《文征》。

**姑蔑故宫** 在县治西北百余步，即今灵耀寺。详下《寺观》。

**姑蔑子墓** 在东华山下偃王别庙后。宋庆元间，为人所发，古

物充韧，随即灰散，惟数瓦缶不坏，贮水满其中，众并志石毁之。墓北五里。其崇累累如贯珠者，凡百余，名百墩坂，皆其疑冢也。《古今图书集成》。明万廷谦有诗，见《文征》。

**徐偃王宅遗址** 在县东二十里溪畔。偃王南走，筑室居此，故其溪名筑溪云。据两旧志纂。

## 秦

**太末故城** 在县治西。《輿地纪胜》。案：《汤溪志》云：距龙丘山麓里许，即秦所立太末县旧址。与是说相反，盖汤溪在县东也。两旧志不载，疑从其说。

## 汉

**龙丘苕隐处并其墓** 在龙丘山。隐处有一岩穴如窗牖，中有石床，可寝处。《后汉书·任延传》太末下注引《东观记》。案：龙丘山已析入汤溪，兹因县以此得名，又为先贤遗迹所在，故并葛洪、徐伯珍、徐安贞遗迹录之。唐僧贯休，宋赵抃、陈举恺，元焦鼎，明朱约、徐天民、祝树功、万廷谦，清余恂有诗，见《文征》。

## 吴

**丰安县治** 在县西《浙江通志》引嘉靖旧通志。万历壬子《志》云在县境，未详何方。一说谓在浦江县西南，顾祖禹《读史方輿纪要》。康熙《志》不载，或从此说。非是。参《地理考·沿革编》。

## 晋

**葛洪炼丹处** 在龙丘山。丹灶犹存。康熙《志》。

## 齐

**徐伯珍宅** 在龙丘山。即龙丘苾所居，因慕其为人而往宅之。万历壬子《志》。案：此说与《南齐书》不同，《南齐书》则云宅南九里为苾隐处。

## 隋

**常平仓** 在县北。宋绍兴三十五年，知县陶定改建省仓，即此。两旧志。

## 唐

**穀州治** 在县北五里穀水旁坡上。顾祖禹《读史方舆纪要》。案：两旧志均不载，未知顾说何所本，姑存以俟考。

**白石县治** 在县南三十五里白石山麓，山石纯白，县以得名，至今有知县坂、城隍墩等处。灵山与白石山相距里许，人民聚居，为县南巨镇。或云即白石县故址。据康熙《志》纂。清童应复有诗，见《文征》。

**杜如晦隐处** 在县北三十里。两旧志作四十五里。其山即名杜山，有白马岭、鼓角楼、下马勘、洗马池。据两旧志纂。

**盈川故城** 在县西三十里。下临盈川潭，城址犹存。两旧志。案：《太平寰宇记》云在州南九十里，误。盈川不在州南，距州城亦无九十里也。清童应复有诗，见《文征》。

**杨炯手植松** 在县南八十里杨树山之巅。相传，炯自华山移植者。康熙《志》。

**徐安贞宅** 在龙丘山。两旧志。清叶闻性有诗，见《文征》。

**徐安贞读书洞** 亦在龙丘山。洞中木榻一张，相传安贞所置。

虽日炙雨淋，历久不坏。至今岩中肖龙丘苕、徐伯珍、徐安贞遗像云。康熙《志》。

**武安故城** 以地有武安山，今邑虽废，故城尚存。《太平寰宇记》。案：原文仅云在龙游县，不详在何处，两旧志均不载，未知其何所据，而志中亦不载武安山。姑录以俟考。

**吕公井** 在县南数百步西湖上。广四尺，深五尺，不加甃砌，而土不崩。泉味清冽，大旱不竭。世传纯阳至此，以杖卓地出泉饮之，故名。两旧志。案：姜美琼《绿葱草堂诗抄》有咏西门白泉诗，当时唱和者颇众，见《醉墨轩诗抄》。今遍访城中无名白泉者，岂即此泉而因涉怪异故别命名耶？姑记此俟考。

**叶法善修炼处** 在县北五十里白佛岩。有法善肖像。其旁有牛角山、点易洞。康熙《志》。

**汪处崇墓** 在团石里。两旧志。

**乌石山古松** 年代无考。案：康熙《志》云：山口古松一株，几历千祀，婆娑特甚。则当为宋以前之树，故附于此。

## 宋

**尉司** 在县东三百九十步。两旧志。

**熙宁驿** 在县北三十里。两旧志。

**龙游驿** 在县治西三十步。康熙《志》。

**监酒课厅** 在县治北。即榷酒务。两旧志。

**省库** 在县廨中。两旧志。

**吕防讲学处** 在县南三里鸡鸣山。详《吕访传》及《地理考·山川篇》。

**穀波亭** 在县北五里穀波岩上。吕防建。《浙江通志》引万历旧志。案：壬子《志》不载，当系引丙子《志》。宋汪泌、吕防、徐榘有诗，见

《文征》。

**桂坊** 在县北。为宋吕防诸子立。两旧志。今圯。

**幽岩精舍** 在乌石山。其后为宋宗室仪泰孝王功德寺。见《周益国公集》载《乌石山题词》。此精舍，未详何人所建。周必大来游时，已为功德寺，则其建盖已久矣。特无所征考，姑列于此。

**张浚题壁 岳飞题字 刘光世题名** 在县北四十五里乌石山招庆寺。宋绍兴丙寅，张浚解万寿观使放连州过此，有题壁云：清河张德远听颜师鼓琴而去。其明年，岳飞过宿，有题木桌曰：岳飞奉旨趋阙，复如江右，假宿幽岩。游上方，览山川之胜，志期为国，急欲扫平胡虏，恢复舆图，迎二圣沙漠之轘，辅圣主无疆之休。因结缘佛寺，以纪岁月。绍兴三年十月初三日题。木桌，今为好事者取去。又相传，寺壁有刘光世题名记。刘不能书，命侍儿代书，故宋姜尧章《昭庆寺》诗有“刘郎可是疏文墨，几点胭脂湿绿苔”之句。此山密迩梅岭，为江右孔道，故四镇先后俱过其地，而或以西安乌石山当之，谬矣。据康熙《志》纂。案：明刘盱《昭庆寺题词》谓昔童时举、赵介有记，余端礼有书，亦泯然无存。今则并记书原文亦不传矣。今人马叙伦《读书小记》云：《龙游县志》载：招庆寺，绍兴丙寅，张魏公放连州过此题壁。明年，岳忠武赴江右道出题木桌云云。署绍兴三年十月初三日。余考《忠武集》、《金陀粹编》、《续编》皆不载。《粹编》云，王以绍兴三年九月至行在，即授江西沿江制置使。其趋江右在十月，不诬也。惟丙寅为绍兴十六年，魏公放连州在乙丑，或过衢是在是年欤？若王以三年题此，安得为丙寅之明年？况魏公放连州，王已为秦桧所害耶！案：此事，万历壬子《志》未载，康熙《志》补入，当有所本，马说甚是。但旧志记载年月恒有舛误，不必疑及事实也。

**王街** 在乌石寺前。相传，岳飞过宿，独步于此得名。万历壬子《志》。

**梅岭公馆** 宋建都临安时，此岭最为要道。明嘉、隆时，犹存

公馆数楹，壁上有女郎名赋雪者，从征过此，曾题一绝云：太末山多竹似麻，雾中鸡犬几人家。此行探得春消息，十里梅花送鹿车。康熙《志》。

**御书阁** 在学宫内。知县李莘民建，奉宋高宗御书《孝经》、《孔子像赞》。疑即尊经阁。康熙《志》。

**敕书楼** 在县治前。两旧志。案：何年建及何帝敕书，均未详。万历壬子《志》列穀波亭、王街之前，当系北宋时建。

**手诏亭** 在敕书楼左。康熙《志》。案：何年建及何帝手诏，均未详。万历壬子《志》虽不载，康熙《志》列在敕书楼、平易堂后，当亦是宋时物，故依其次列之。

**平易堂** 在县堂后。两旧志。案：此下与有斐亭、政和亭，当亦为宋时物，故依两旧志之次

**有斐亭** 在馆驿后。两旧志。

**政和亭** 在主簿厅后。两旧志。

**石鼓** 在九里桥叶公宅外。《浙江通志》。详见《志异》。

**余端礼墓** 在灵山石壁之原。两旧志。

**刘章墓** 在灵山下。两旧志。

**状元坊** 有二：一在儒学左，为刘章立，两旧志。清咸、同间毁，仅存石柱。《新采访》。一在县治前，马天骥及第，故名。两旧志。今毁。《新采访》。案：马天骥非状元，何以有此坊？或以其曾为秘阁修撰耶？

**刘愚墓** 在仁塘源。叶适《刘靖君墓志》。

**余嵘墓** 在县南三十里。两旧志。

**马天骥宅** 在资福山左。称马府。万历壬子《志·山川志》。

**马天骥西湖园** 去治南五百步。天骥奉祠归家所浚，花木亭榭，拟杭州之西湖，故名。至明已废。万历六年，训导张汝孝议复



其旧，遂与儒学月湖，南北相望，仍名为西湖云。两旧志。

**马天驥墓** 在西寺右。两旧志。

**吕好问墓** 在县南四十里。两旧志。

**胡大昌墓** 在县北余龙寺前。两旧志。

**陆秀夫宅** 在县南六十五里铜钵山。秀夫以忤贾似道，尝栖于此，今呼尚书坞。两旧志。

## 元

**赵缘督望星台** 在治东三里。距鸡鸣塔数十武，下临鸡鸣潭。夜，渔舟泊其下，灯火星星，杂以渔唱，时称胜景。《旧采访》。

**赵缘督墓** 亦在鸡鸣山。两旧志。清余鏗有诗，见《文征》。

**冷公亭** 在冷水华岩庵。相传，元末，冷谦曾寓于此。《浙江通志》引万历旧县志。今检壬子《志》未载，当为丙子《志》。

**镇守营** 在治西北一百五十步崇儒坊。今废。两旧志。案：两旧志均不言何时建。考元代龙游有镇守、千户等官，疑元时置，故列于此。

**陈村营** 在治西南六十里。元至元中，以孟祥作乱立。康熙《志》。事详《通纪》。

**插花亭** 在治南天堂山半。两旧志。案：何年建，未详。当是元以前物，故列此。

## 明

**雪山和尚遗迹** 在县南四十五里天堂山下延和寺。寺壁有雪山禅师留题，笔势矫绝，或云建文帝御笔也。康熙《志》。留题原诗及清沈奕琛、余际熙、叶葵和诗，见《文征》。

**方明故宅遗址** 在县南潼溪源方旦山麓。今呼为神仙坪。《新采访》。

擢桂坊 在县东。为给事中叶辅立。两旧志。今废。

宾兴坊 在通驷桥下。为举人何澄立。两旧志。今废。

登瀛坊 在通驷桥下。为举人董偁立。两旧志。今废。

梯云坊 在治北。为举人虞中士立。两旧志。今废。

豪岭寨 在治南三十二都。两旧志。今废。

赤津寨 在治东南三十二都。两旧志。今废。

小莲寨 在治南三十二都。两旧志。今废。

上塘寨 在治南三十四都。两旧志。案：两旧志均不详何时置，

顾祖禹《读史方舆纪要》云：四寨俱接遂昌县。正统中，置以备矿寇者。今废。

梅岭寨 在治北五十里。两旧志。案：两旧志均不详何时置，《读史方舆纪要》亦不载。查梅岭路出寿昌，疑亦与前四寨同时并置者。今废。

解元坊 在儒学右。明弘治间，知县袁文纪立。两旧志。案：解元，不知何人，无考。今废。

世芳坊 在治北。为举人袁宜中立。两旧志。今废。

联璧坊 在县北。为举人胡琰、胡节兄弟立。两旧志。今废。

起凤坊 在藩司前。为举人余默立。两旧志。

科第传芳坊 在八都。为举人何晋、何音兄弟立；别一坊为毛汝麒立。两旧志。今并废。

进士坊 在治东。为进士祝品、尹焘、张文愚、毛汝麒、陆佐、祝尔介、陆瓚立。两旧志。今并废。

进士坊 在治东。为陆佐立。两旧志。

通驷桥义井 在治东二里。明正德间，县人叶茂英见负戴者渴，饮溪流甚艰，乃捐资凿此井。水冽而甘，众称义井。一都义井铺，以此得名。两旧志。

父子进士坊 在河西街。为进士祝品、祝尔介立。两旧志。今

废。

**兄弟联芳坊** 为祝尔介、祝尔庆立。两旧志。今废。

**梦灵泉** 在治北三里徐烈女祠前。嘉靖中，知县万松始建祠。尝梦泉能疗疾。于是，民争汲之，故名。两旧志。

**涂公泉** 在治东三里东华山麓。泉水甘冽。万历三年，知县涂杰建龙丘祠时涌出。两旧志。明唐汝楫有记，见《文征》。

**百岁孝子坊** 在大街。为孝子叶昌立。两旧志。今废。

**旌贤坊** 在四都。为童珮立。两旧志。今废。

**方应祥会文处** 在县南四十里枫林山。旧有枫林书院。康熙《志》。明季，余日新、王之玺敦请西安方应祥讲学于此。见董斌撰其父汉臣行状。惟叶鲁撰斌之祖父一涛墓志又云：西安方孟旋先生未显时，与先生交好，因与劳姓诸君延之讲学枫林书院，使汉臣从学焉。未详劳姓何人，姑记以俟考。今废。

**半月塘** 在枫林书院废址。相传，方应祥讲学时所凿者。《新采访》。

**怀贤堂** 在龙丘先生祠。两旧志。

**景哲堂** 在东华山。万历壬子《志》。未详何义。

**洗砚池** 在学宫前。康熙《志》。案：万历壬子《志》不载，疑建于万历后。

**洗冤亭** 在湖湾。万历间，万廷谦建。两旧志。案：康熙《志》并何人建未载，万历壬子《志》亦未详何义，今无考矣。

**偶然亭** 在灵耀寺前。县民为知县万廷谦建。两旧志。事详《志异》。

**两间堂 飞虹阁 百子阁 一水庵** 两间堂，在文昌桥西。县民以知县万廷谦躬督桥功，每出境日露冕其处，因各捐资建堂小憩，取唐李颀诗名焉。飞虹阁，在其南。万廷谦于堂侧见隙地甚夷

旷，因法安寺僧所捐废屋若干楹徙筑于此，地凡二十九亩，则余应宿、曹熙等所捐者也。万历壬子《志》。堂、阁皆倚桥以为胜。距桥四百步，复有百子阁，则崇祯间知县黄大鹏有善政而无子，民为之祈嗣而建者也。桥东钟楼左为一水庵，凡三楹，祀汉龙丘苌、元赵缘督。康熙《志》。今并废。清黄涛有《一水庵贍田记》、《百子阁观社》诗，见《文征》。

**吴司理碑亭** 在大西门外。为推官吴适建。康熙《志》。案：吴适为崇祯十年任。今废。

## 清

**袁太守碑亭** 在亭步驿前。为知府袁国梓建。康熙《志》。  
案：袁国梓为顺治十年任。今废。

**孙司理碑亭** 在文昌桥西。为推官孙鲁建。康熙《志》。案：孙鲁为顺治十三年任。今废。

**万寿宫** 在旧布政司遗址。中有康熙御书碑，书诗一首。《新采访》。《文征》有《御书碑跋》。

**文星堤** 西湖南抵城麓，北对簧宫，中筑此堤。沿堤夹岸悉栽杨柳，旧志所谓西湖柳浪即此。余华《星堤步月图序》。

**印心台** 在西湖中央。上建奎亭。同上。清余铨有诗，见《文征》。

**余恂霁阁** 在城东。见徐复诗，诗入《文征》。

**余勉宜园** 在城南西湖之西。其间，层楼杰阁、水亭月榭、鱼鸟花木，景集四时。见余华《星堤步月图序》，但谓为余恂所筑，殊可疑。今称三石园。《新采访》。清余华、吴枫有诗，见《文征》。

**余忱镜园** 在城南。亦名西园。其中，有最阁、非水舟诸胜。《旧采访》。徐复、余铨有诗，见《文征》。

**孝子坊** 在儒学前。为孝子董斌立。《新采访》。

**余华兰谷** 中有见山楼、西楼、柳堂、芸辉书屋、纫雪山房、倚南草堂、卧花窝斗庐，悉在西湖之东。余华《星堤步月图诗序》。

**劝山书屋** 在县北西门山麓。为钱鑑读书处。见《星泽钱谱》。

**紫藤花馆** 在龙头方村。乾隆时诸生方荣本书室，以庭前有大紫藤花，因以名其斋。曾馆余铿、余庆璠于其中，其后余恩鏊亦曾读书于此。今此花犹存，根径尺余云。《新采访》。

## 寺 观丛载二

### 诸寺

**灵耀寺** 在县西北百余步。晋义熙中，即姑蔑宫故址所建。其伽蓝神，相传即姑蔑子遗像，犹作进贤冠云。旧名灵光寺。至宋绍圣间，始易今名。往时，通县官祝圣仪仗恒于此。久圯。明天顺间，知县王瓚重修。万历三十八年，知县万廷谦重建。廊宇东西各若干间，大辟门阑、台墀。又今檀越虞朝栋募建诸天阁，疑即毗卢阁。于寺后，至四十年落成，规模巍焕。有记，见《文征》。明末，大殿圯。清顺治间，寺僧募缘重建，以工巨，未竟其役。康熙十九年，并正殿之未成者，复为风所毁。知县卢灿乃捐俸劝募重修之。康熙《志》。

案：康熙《志》云：虽役尚未竟，而落成固可预卜。其后落成，规模何似，虽无可考，则固有重修之举矣。殿后毗卢阁，高五十尺，为全城最高处。乾隆二十二年，毁于火。五十二年，县人翁登发以遗财重建之，凡四年功竣，所费三千余缗。据余作沛撰记纂，记见《文征》。道光间，大殿圯。僧净莲募款重修。其殿柱及墙基，悉用白石琢成焉。《旧采访册》录有碑记，何人撰，未详。今此碑已失。清咸、同间，复毁于兵。山门

及两廊寮舍、官厅、方丈亦圯，惟毗卢阁五楹仅存，然蚀于蠹蚁，不能登。光绪二十三年，僧孤峰来住持。翌年，兴工重修，六阅月而工竣，稍变旧制，中空卫以雕栏，四围多启窗牖。远眺溪山，俯瞰城阙，阴晴雪月，美景无穷，洵为龙丘第一山云。释孤峰有《重修毗卢阁记》，见《文征》。又有郑得彝诗、孤峰诗。

**东安寺** 在县东二里东华山麓。旧为延禧庵。庵故有余氏祀产，附祀宋余惠斌。庵废，乃改东安寺，而以庵产归之，附祀如初。见《西湖余谱》。案：庵废何年、建寺何年，无考。以康熙《志》延禧庵下有今废两字，而余华《星堤诗草》有《重葺东安寺落成展祭》诗测之，则清初庵已废，而改寺在乾隆末叶也。清咸、同间毁。有余铨《同香海及诸子宴集东安寺》诗，见《文征》。

**永寿寺** 唐时建。久废。万历间，知县万廷谦重建于浮杯塔前，在县东十里。万历壬子《志》。今废。

**回澜寺** 在县东十里凤翔洲上。宋时永福寺旧址，久废。明万历间，知县万廷谦重建。明末，复圯。清康熙四年，知县艾朝栋重建。俗名铜佛殿。康熙《志》。案：康熙《志》不载永寿寺，而于回澜寺下云：宋时永福寺旧址，万廷谦改建于浮杯塔前。与万历壬子《志》永寿寺下所载略同，易使人疑为一寺。兹经实地考查，回澜寺，在朱家凤翔洲上，今尚存遗址，土人尚呼为铜佛殿。永寿寺则在项家村之北，与回澜寺隔溪相对，今土名尚称大寺里。其为两寺，无疑。惟康熙《志》删永寿寺，而壬子《志》不载回澜寺，为可异耳。

**圣恩寺** 在县东十五里狮子山。明初建。《新采访》。

**僧伽寺** 在县东十五里虎墓岭下。康熙《志》。始建无考。明万历间，移建上圩头。清乾隆、光绪间，均支、余两姓重修。《新采访》。

**天宫寺** 在县东二十里。康熙《志》。遗址在下库。《新采访》。

**舍利寺** 在县东三十里。何时建无考。案：两旧志云宋明道中

建，误。盖赵抃记明言“古太末之地，有舍利塔院，年祀弥远，栋坏梁仆，邑人江延厚遽新其废”，其非始于明道可知。兹故不录。宋明道二年，县人江延厚重建，赵抃为之记。见《文征》。清康熙十九年，知县卢灿命僧某重修。道光间，僧维慧重修大殿。咸、同燹后，仅余大殿及罗汉堂五间而已。《旧采访》。宋赵抃记、陆游诗，明王守仁、清吴枫诗，并见《文征》。

**方山寺** 在县东三十里。康熙《志》。

**凤溪寺** 在县东三十里。梁时建。两旧志。清乾隆间，县人郑六堂曾修。《新采访》。

**资福寺** 在县东三十里。宋宝祐间建，吕好问置田以祀其曾祖防，余时英置山以祀其祖父桂，各立神主于寺，春秋致祭，至今勿衰。康熙《志》。清沈圻有《余太守祠祀碑记》，见《文征》。

**上池寺** 在县东三十里。康熙《志》。

**正山寺** 在县东三十五里。明时建。寺内藏清高宗御书福字，当时赐寺僧可行者，今尚存。《旧采访》。

**证果寺** 在县东四十里。两旧志。唐贞观初，县人虞道延捐宅建，悉入陂田其中，已而祝发，遂为开山始祖，称虞延法师云。唐季之乱，寺毁。宋初，僧休堂重兴之，未几，废。明初，僧静山重建，而嘱宋濂为之记。据宋濂《证果寺记》补，原文见《文征》。案：证果、龙丘两寺，今其地已隶汤溪，惟其为未隶汤溪前所建，故仍载入。

**穀水寺** 案：万历壬子《志》作院，误。以是志寺、院分列，且以时为次，知之。在县东北十五里。案：万历壬子《志》作在县南，误五代晋天福中建。两旧志。今废。

**法安寺** 在县南十里。唐天祐中建。两旧志。清咸、同间，为发匪所毁。光绪十九年重修。《旧采访》。明余用旦有《法安寺访瑞池上人》诗，见《文征》。

六尘寺 在县南十五里。宋开宝中建。两旧志。今废。

响石寺 在县南十五里官村。康熙《志》。

石壁寺 在县东三十里。唐时，僧贯休建。两旧志。今废。

延和寺 在县南四十里。两旧志。唐末，案：两旧志均云景福中。

今以延和寺碑仅云垂唐之祀，故改云唐末。有隐禅师，洪都人。卓锡于此，始建禅林，称禄丰院。宋大中祥符元年，改赐今名。见元至大二年，僧祖式撰《延和寺常住田碑记》。

靖林寺 在县南四十五里庙下村之西。明时建。清乾隆二十一年，僧果揆曾修。嘉庆六年、咸丰元年、宣统元年，曾经修葺。旧有毗卢阁，已毁，未复。《新采访》。

龙华寺 在县南五十里。梁时建。两旧志。今废。

圣寿寺 在县南五十里。梁天监三年，僧嵩建。《浙江通志》引《府志》。高僧懒牧坐化，有塔。两旧志。今废。

景福寺 在县南五十里。康熙《志》。今废。

庄平寺 在县南五十里。宋绍兴间建。康熙《志》。今废。

灵嘉寺 在县南五十五里。梁时建。两旧志。元大定间，僧江月扩大之。明初，半毁于兵。景泰中，县人祝宗原、宗远、宗振兄弟三人，以其私财兴修。其后，里人高其义，为之肖像于寺之西轩，岁时致祭焉。据孙弁撰《灵嘉寺塑像记》补。清乾隆十二年、道光十三年两次重修，亦祝氏后裔也。《新采访》。清祝康祺有诗，见《文征》。

天福寺 在县南六十里天福山。《新采访》。

灵鹫寺 在县南七十里大街。《续采访》。

龙鹫寺 在县南七十里白云山。清康熙五十年建。见徐隆碑记。

云居寺 在县南七十里同坑源内。《新采访》。

西山寺 在县西十里。梁时建。两旧志称西山觉院。初为道



院，其后改称西山觉院，至清雍正间改今称。嘉庆间，寺僧盗卖僧产，经县人詹应宣赎回。咸丰十一年，毁于兵。今犹废址也。《新采访》。

**岑山寺** 在县西二十里岑山第二峰。始建无考。观《浙江通志·金石门》引弘治旧《府志》云，寺有宋叶襄撰《释迦殿记》，则为古刹无疑。两旧志不载，未详何故，碑记已佚。咸丰兵燹前，此寺是否在今处，未详。光绪初年重建。寻毁于火，越数年又建。《新采访》。

**龙山寺** 在县西二十里。晋时，懒牧禅师既卓锡天堂山，寻又建此寺于雁荡山，号镇龙禅院。《新采访》。

**灵显寺** 在县西二十五里。清道光二十二年建。光绪十七年，毁于火。《新采访》。

**白云寺** 在县北十里。唐时建。两旧志。今雅村有白云山，上有翠云殿，即此寺。

**国宁寺** 在县北十五里。唐时建。两旧志。明顾庆有诗，见《文征》。

**资福寺** 在县北二十里。亦称北资福寺，莫详其始建。寺内有大钟，则宋淳祐五年所铸者。《新采访》。原有宋杨杰撰记，并有政和四年余刚撰《建经藏记》。《浙江通志》引弘治旧《府志》。今佚。

**双岩寺** 在县北三十里。梁时建。两旧志。

**灵坛寺** 在县北三十里吴仪宾村。今废。《新采访》。

**余龙寺** 在县北三十里。两旧志作四十里。宋咸熙中建。两旧志。旋圮。清康熙间，教谕黄涛曾修。寺内本存宋代钟一口，今亦不存。旧、新《采访》。

**招庆寺** 在县北四十里乌石山。因又名乌石寺。唐太和元年建。梵阁廊庑，广四亩余；竹木环刹，七亩余，真净土也。案：此数语见康熙《志》按语，谓见旧志。今检万历壬子《志》无之，当系丙子以前旧志。

旧名幽岩。宋政和二年建。绍兴二年，岳鄂王、张魏公俱有题识。《浙江通志》引弘治《府志》。案：政和二年，当为重建。淳熙十一年，赵介撰《度僧记》，余端礼书丹，《浙江通志》引弘治旧《府志》。均佚。清道光二十四年，僧知通重修。《新采访》。宋岳飞有《招庆寺送张紫岩北伐》诗，宋姜夔、无名氏有诗，明刘盱有题词，清姜廷举、余华有诗，见《文征》。

**成志寺** 在县北四十里。唐贞明中建。康熙《志》。唐杜如晦憩于此，舍宅为寺。《浙江通志》。

**大乘寺** 在县北四十五里唐台山。始建颇古。叶淑衍记云肇于后汉，郡志载之。蒋泰潮记则云肇于唐，延于宋。未详孰是，故不著时代。元时，黄忠六名佚，此盖谱行。曾捐田修之。明嘉靖初，黄氏复建。清顺治间，僧楚云重修。嘉庆时，黄氏子孙复修。蒋泰潮《碑记》。

**台山寺** 在县北五十里。唐时建。两旧志。初名唐台寺，元时易今名，伯颜忽都有记。《浙江通志》引弘治旧《府志》。今不存。清道光初重修。《新采访》。

**发祥寺** 在何处未详，亦未详其始建。清咸、同间毁。《旧采访》。余鏗有《发祥寺四松歌》，见《文征》。

## 诸院

**东华禅院** 在县东二里。吴越时建。元末毁。明洪武十九年，何思民重建。《旧采访》。据郑秉文《重建东岳庙碑铭》，见《文征》。

又案：此碑虽题为东岳庙，而实为禅院，不知何时致误。

**宝莲院** 在县东十五里。元贞中建。两旧志。

**瑞和院** 在县东二十里。清咸、同间毁，光绪十二年建。《旧采访》。

**安乐院** 康熙《志》作寺，误。在县东四十里。元至元中建。两旧

志。

**深田院** 在县南七十里。两旧志。案：万历壬子《志》作三十三都，今在三十二都。今废。《新采访》。

**实际院** 在县北三十五里两旧志作三十里。今依宋濂记。宝盖山。元至正丁酉，庐江僧良亮建。良亮为治父山实际禅寺无用弟子，闻千岩禅师说法于义乌伏龙山，亟往见之。禅师以其诚恣，时加警策，已而命司藏钥，使日阅经律诸玄文。久之，升第一座禅师，旋命之出游，遂来龙游建此寺云。见宋濂记，原文见《文征》。

## 诸庵

**桂香庵** 在县治东。清康熙年建。康熙《志》。

**一心庵** 在治东，明崇祯年建。康熙《志》。

**龙州庵** 在县东二里泊鲤滩下。亦名文峰庵。明时建。两旧志。

**鸡鸣庵** 在县东二里鸡鸣岩下。明时建。两旧志。

**延禧庵** 在县东二里东华山麓。明万历十九年，知县鲁崇贤建。其上即环翠亭，祀知县涂杰，曰涂公祠。两旧志。详见东安寺下。

**永锡庵** 在县东二里东华山麓。县人方鸣骥捐资建，僧性光捐基。康熙《志》。清道光中，知县周敦培有善政，既卒，县人祀于此庵，并置祀产，训导郑云书为撰碑记。《旧采访》。记见《文征》。

**法华庵** 在县东三里。徽州商人同建。康熙《志》。

**坦济庵** 在县东十五里。清康熙间，县人余道周建。今圯。《旧采访》。

**普渡庵** 在县东十五里。明时，里人支五旦创建。今废。《新采访》。

**回龙庵** 在县东十五里。又称回龙祖殿，始建无考。清光绪十九年重修。《新采访》。

**瑞和庵** 在县东十八里下潘村北。原为瑞湖庙，见康熙《志·祠祀》中。相传，宋代建。清光绪初年重建，改今名。《新采访》。此庵既改今名，祠庙内即不录。

**三寿庵** 在县东二十里希唐村。清康熙四十年，僧守山独建。守山，俗姓叶，名邦寿，剃度于杭州灵隐寺，后归乡建此寺并置田产，法誉颇著云。咸、同间毁，今仅存屋数间。《新采访》。

**应现庵** 在县东二十里希唐。清咸、同间毁。《新采访》。

**福胜庵** 在县东二十五里湖镇。始建无考，清康熙二年重修。咸、同间，毁于兵。光绪五年、二十四年，两次重修。《新采访》。

**集庆庵** 在县东二十一里高坞之北。清嘉庆三年建。《新采访》。

**大悲庵** 在县东三十里荷村西北。清道光八年建。《新采访》。

**贤圣庵** 在县东三十里园游坑。明季建。《新采访》。

**普济庵** 在县东三十五里凤凰山。清光绪间，县人赵秀聚建。今名集善庵。《新采访》。

**圣堂庵** 在县东三十五里马府墩村东。旧称大觉禅庵，宋吕防所建。清光绪三十年，曾修一次。以前重修，年分无考。两旧志，参《新采访》。

**天竺庵** 在县东四十里桃源里村。清康熙四十九年建，嘉庆、光绪两修。《新采访》。

**天竹庵** 在县东四十五里方山。明时建。两旧志。今废。

**藏法庵** 在县东四十五里陆村。清康熙二十五年建，乾隆十四年重修，咸丰四年被水冲毁，今仅存观音堂。旧、新《采访》合参。

**狮子庵** 在县东南十五里。明时建。两旧志。

**玉虹庵** 在县东北一里文昌桥西。县人余邦辅募建。两旧志。

**发祥庵** 在县东北一里文昌桥东。明万历年，县人叶文懋建。康熙《志》。案：叶文懋撰《发祥庵碑记》题崇禎元年，文中言庵成凡四历寒暑，又云请额于邑侯温公，则是庵建于天启时无疑。康熙《志》云万历年者，当系指初时就飞虹阁建庵时言，今姑仍之。文懋记并黄涛、余恂、余华诗，见《文征》。

**一水庵** 在县东北一里文昌桥东。清康熙间，知县艾朝栋同文昌桥并建。康熙《志》。

**极乐庵** 在县南十里。原名白坂庙。康熙《志》。明万历年建。《新采访》。

**云树庵** 在县南十五里官村。康熙《志》。

**回龙庵** 在县南二十里举岭脚。明时建。两旧志。案：两旧志云在冷水半源，今查实在举岭脚，距冷水尚二里。故改正。尚有一回龙庵，在县南六十里渡头。《新采访》。

**金山庵** 在县南二十里。明时建。两旧志。清余恂有诗，见《文征》。

**玄通庵** 在县南二十五里。明时，曹克明捐山建。两旧志。案：《城南谱》载有曹闻礼撰记。两旧志谓此寺为嘉靖、隆庆间建，恐非是，姑仍之。明徐天民有诗，见《文征》。

**万寿庵** 在县南二十五里西京坞。明时建。《新采访》。

**圆济庵** 在县南二十五里。明时建。今废。康熙《志》。

**竹林庵** 在县南二十五里冷水。今废。《新采访》。

**华严庵** 在县南二十五里冷水。康熙《志》。

**塔山庵** 在县南四十里。康熙《志》。今废。

**竹隐庵** 在县南四十里大安源。清康熙间建。《新采访》。

**福庆庵** 在县南四十五里溪口。始建无考，寻圯，清乾隆二十

七年重建。《新采访》。

**天堂庵** 在县南四十五里延和山。明时建。两旧志。延和山，即天堂山麓。今废。《新采访》。明余湘有诗，见《文征》。

**伴云庵** 在县南五十里沐尘。上有凝和阁。清乾隆间建。咸丰、光绪间，均经重修。《新采访》。

**广济庵** 在县南五十里大虹桥。今废。《续采访》。

**兴福庵** 在县南五十里沐尘。明时建。两旧志。今废。《新采访》。

**乌石庵** 在县南五十里沐尘。康熙《志》。

**西山庵** 在县南五十里沐尘西山岭背。今废。《旧采访》。

**圆通庵** 在县南五十五里宕头后。始建无考。清光绪间，徐石荣修。《续采访》。

**护岩庵** 亦称寺。在县南六十里贺田村。清康熙间建，嘉庆十八年重修。《续采访》。

**九莲庵** 在治南六十里沐尘。今废。康熙《志》。

**万善庵** 在县南六十五里三元岭背。相传，清顺治间，戴氏建。《新采访》。

**金鸡庵** 在县南八十里。康熙《志》。

**西方庵** 在大西门外。康熙《志》。

**万寿庵** 在县西五里。康熙《志》。

**清福庵** 在县西五里。始建无考。清同治元年，毁于燹。光绪六年重修。《新采访》。

**苍龙庵** 在县西十里。《新采访》。

**攀桂庵** 在县西十里。康熙《志》。

**镇山庵** 在县西十三里。始建无考。清咸丰十一年，毁于兵燹。光绪二十六年重建。《新采访》。

**龟塘庵** 在县西十五里。康熙《志》。

**万寿庵** 在县西二十里。清康熙间建。《新采访》。

**松隐庵** 在县西二十里。清初建。《新采访》。

**清梵庵** 在县西二十里康熙《志》。旧名清瓶殿。南有塘环数十亩许。相传，姑蔑子埋青瓶于此，其后渔者得之，因以名殿。又有谓此为前朝榷酒务，故发土往往得青瓶云。未详孰是。殿至明万历年间废，县人方明敬改建道院，颜曰清肥。崇祯末年，僧灵源大加营建，改为佛阁，始更今名，而嘱余恂为之记。见余恂记，原文见《文征》。

**福祥庵** 在县西二十四里。又名钟楼殿。《新采访》。

**龙翔庵** 在县西二十五里。清同治十一年重建。《新采访》。

**栖霞庵** 在县西北二十五里。明时建。两旧志。

**海会庵** 在大北门外。康熙《志》。

**西竹庵** 在县北五里。明时建。两旧志。

**笋墩庵** 在县北六里。明时建。两旧志。

**朝阳庵** 在县北二十里石峰村后。始建无考。清咸丰间重建。《新采访》。

**紫林庵** 在县北二十里。《新采访》。

**崇善庵** 在县北二十三里。元至元十七年，里人季斌、季武兄弟同建崇善堂。越十年，改为庵。明崇祯间，季氏复助田入庵。清乾隆、光绪间，均经重修。《新采访》。

**静慈庵** 在县北二十五里。《新采访》。

**静善庵** 在县北二十五里泗塘。项氏建。两旧志。以有铜佛三尊，俗称铜佛殿。《新采访》。

**明月庵** 在县北二十五里。县人童氏建。两旧志。清同治元年毁，童姓复建。《旧采访》。

**破岩庵** 在县北二十五里。明时，县人童氏建。两旧志。

**杜峰庵** 在县北三十里杜山。康熙《志》作四十五里。

**古桂庵** 在县北四十里西垣蒋村。《旧采访》。

**集庆庵** 在县北四七里庵堂岩。始建无考。明成化元年重修。《新采访》。

**黄堂庵** 在县北四十五里。宋咸淳间建。康熙《志》。

**石舟庵** 在县北五十里志棠。明时建。奇石如舟，环以清泉。相传，水可愈病。今废。两旧志。

## 诸阁

**大慈阁** 在东门外通驷桥下。明天顺间建。两旧志。

**百子阁** 在县东北一里文昌桥西。明崇祯间，知县黄大鹏同文昌桥并建。康熙《志》。黄涛有诗，见《文征》。

**观音阁** 在县南四十五里灵山。《旧采访》。

**文昌阁** 在县南五十里双溪口，康熙《志》。今废。一在县南六十五里三元岭背。又一在县北三十里叶村，今废。《新采访》。

## 诸道院

**金泉道院** 在县东三十里。元至大中建。两旧志。

**西山道院** 在县北十五里王村。元大德年建。两旧志。

**武林道院** 在县北三十里。明嘉靖间，叶忠重建。初为胜山庵。相传，唐叶法善曾挂瓢采药于此，因改今名。据康熙《志》及叶盛芳《武林道院记》纂，记见《文征》。

**豸屏道院** 在县北四十里。元至正中，余、胡两姓建。两旧志。

案：康熙《志》有按语云：旧志云：元，里人姚勉卿捐地，有碑。今考万历壬子《志》无此语，当系据丙子《志》而云。然又案《泽随徐氏谱》，则云：宋末，徐勉



卿舍基建。洪武间毁。有姚克让、姚亮观、姚克华三人契卖与泽随徐子胜，子胜乃约胡、徐两姓重建云云。与旧志均不同，姑志于此。明童珮有诗，见《文征》。

## 诸宫

**马仙宫** 在县东十八里方家村之东。清光绪元年，夏仁声建。土人因呼为老夏殿云。所祀为马天仙，未详何神也。《新采访》。

**集善宫** 在治西东华山下。梁大同四年建。元至正间，县尹张答刺孙迁创于此。《浙江通志》引弘治《府志》。宫后有玉皇阁，道会司置此。两旧志。案：此当是道院，而现存道光三年僧瑞亮所撰《集善禅院碑记》则为佛寺，未知是何年改变也。俗称三官堂。

**玄真宫** 旧称女宫。在治西一里。宋端平中，马天骥女施宅建。两旧志。初，天骥无子，一女曰时润，嫁浙东肃政廉访使黄头公，亦无子。黄头公卒，时润遂就马氏故宅改建此宫，田产亦入之。事闻，特赐金额，并赐时润号纯净守真端静法师云。见李仔《玄真宫记》，记见《文征》。今并故址不详。

**崇仙宫** 在县东三十里。梁大同间建。两旧志。相传酆去奢升仙处。康熙《志》。

**含辉宫** 在县南十里。梁时建。亦名景灵宫。距宫五里，有茅溪小筑。康熙《志》。余恂有诗，见《文征》。

## 诸塔

**龙洲塔** 在县东二里文昌桥西。一名文峰塔。明隆庆间，县人毛汝麒募建。两旧志。有记，见《文征》。清道光十四年，塔顶为大风吹陨。《旧采访》。

**浮杯塔** 在县东十里寺湖凤翔洲上。明万历三十九年，知县

万廷谦以诸生请建塔于永福寺废址，并以家藏古玉杯镇之，故名。两旧志作县北五里。有记，见《文征》。

**舍利塔** 在县东三十里湖镇。两旧志。案：此即舍利寺之塔。

**鸡鸣塔** 在县东南一里鸡鸣山。嘉靖中，知县陈欽建。欽信堪輿家言，谓是山当学宫巽方，故建于此。两旧志。案：两旧志并云科第稍加于昔，则警言也，今删。清咸丰间，塔顶为风吹堕。光绪十年倡修，阅二年竣工。《新采访》。

**灵山塔** 在县南四十里。两旧志。

**沐尘塔** 在县南六十里。两旧志。

**湖岩塔** 在县北二十里。里人尹蒙建。两旧志。有尹焘记，见《文征》。

**横山塔** 在县北三十五里。张氏建。两旧志作四十里。年代未详。清光绪二十三年六月，塔顶为大风吹堕其半，铁质，已重三千斤云。《新采访》。

**刹下塔** 在县北四十五里柱山。叶氏建。两旧志。案：万历壬子《志》注云有万公记，今佚。年代未详。

## 轶 闻丛载三

唐翁洮，寿昌人。所居珥堂，县界地也。其乡人、建州刺史李频荐于禧宗，遣使就征之，固辞不受。当时赋《枯木》诗见志，诗见《文征》。诏称其笃学苦吟，隐居求志，宜即丘园之贲以旌山涧之伦，遥授侍御史，加主客员外郎。两旧志。有制，见《文征》。今县中翁氏诸族，皆其裔也详《氏族考》。

汪处崇，越国公华之孙，尉龙游，遂家于团石，世称汪家滩。有汪侯墓。案：尉称侯，不可解。其后十四代孙应宸，宋绍兴五年，以玉

山籍进士第一，仕至尚书、端明学士，封上饶郡侯。朱子尝称其以文章致通显，无自满之色。案：应宸父义举及母徐氏，均葬太二十九都缪家村。见《困石谱》。景定间，二十二世孙汪愈，以朝奉郎致仕。二子由父荫，誼，将仕郎；恂，诚教郎。两旧志。万历壬子《志》云：弘治《志》汪氏三见《流寓》，查系一家并之。

去奢，两旧志鄞作丰，又作南北朝宋时人。今悉依《两浙名贤录》。龙丘人。少入道，精思忘疲。年三十，居松阳之卯山汉张天师、叶静能修道处，结庵绝顶，朝夕焚修。山左有方石阔二丈余，平若砥，去奢坐其上，拱默静息。一旦，感神人谓之曰：“张天师有斩邪剑二口并瓶贮丹在此石下，可以取之。”去奢谢曰：“此石天设，非人力可加。自惟荒谬守真而已，剑丹安敢辄取？”神人曰：“但勤修无怠，剑丹当自致也。”后三年，神人以剑丹付去奢，剑乃雌、雄各一；丹贮石瓶中，约有斗余，如麻子，红色光明。去奢自服及施病者，皆愈。时中和年荒，案：中和为唐僖宗年号，可证两旧志作宋人之误。栝人华造据岩险为盗，闻去奢有丹剑，囚之空室中一月。及开室，神色俨然逾于来时，造惊异，送去奢还山，而留其丹剑。案：两旧志云处州刺史以兵绕山夺之，闭去奢空室中，断其饮食，经十日不死，因遣还山仙去。与此不同。今以两旧志均未著处州刺史之名，而此则实指为华造事，故从之。一夜，风雷，飞失所在，去奢复得之。自是辟谷不食，居十五年。常有龙虎异鸟行于庭，若朝礼之状。或夜间笑谈，道士窃窥之，乃闻异香满山，环珮飞去。去奢与黄冠绛服螺髻垂发绀衣男女四人对坐，侍从皆玉童玉女。又十五年，忽告道士曰：“恐当离此山去，不长相见也。”他日，忽有彩云鸾鹤輿骈幢幡迎之，上升去。后野火焚其室，灵迹尚存。两旧志《仙释传》不说明，故用《两浙名贤录》。

徐简，出家景灵宫，修真于严州乌龙山，白日飞升去。两旧志《仙释传》。案：《建德县志》乌龙山下未载此事。

懒牧勤，康熙《府志》作目勤。温州平阳人。祝发浮海过潮州，礼无有公，精大小乘。复还越，经县之灵山，遂卓锡其地，修持一室，不逾限十八年，四方问道者云集。示寂于二砮，瘞而筑塔其上。后为人所发，肌肉不腐，随掩之。两旧志。

开元中，中书舍人张九龄、中书侍郎徐安贞，选居翰苑，极被恩遇，及右拾遗徐楚璧，皆一时名人。十九年，中书侍郎徐安贞等撰《文府》二十卷上之。两旧志采《唐会要》。案：今本《唐会要》仅云徐安贞撰《文府》，无前段文。又安贞初名楚璧，见《新唐书》本传，今分为两人，颇为可疑。以两旧志或别有所本，姑仍之。

徐含贞，曾修开元观。顾况撰碑略云：徐含贞者，中书侍郎安贞族子。传八章之贞文，握九光之灵符，隶开元观。人以观中地道下通华阳，旁通龙丘九岩，其土神秀，厥生道奥。含贞居此。观初栋宇坛禅堆彼瓦砾，郁为草莽。含贞之功林堂象设，始吐光彩，蓼萧同映云。两旧志。案：文义似有讹脱，今姑存之。

李凝，为龙丘令，性急。娣男七岁，故恼之，即往逐，不及，以饼诱得之，咬其胸背流血，娣救得免。又尝乘驴市中，有乘马人靴鼻拨其膝，遂大骂，将殴之，马走不及，忍怒不得，嚼路旁棘，血流。《朝野僉载》。

大历三年，曾敕九都清皎湖为放生池。两旧志《水利》。

宋马伸，东平人。政和中进士。历官左司谏，有直声。建炎初，随高宗南渡，寓龙游，抗疏劾黄潜善、汪伯彦朋奸误国。责监濮州酒税，死道中。后胡安国诏其冤，请官其子孙，以旌直臣，不报。《两浙名贤录》。案：两旧志云胡安国诏其冤、用其子。与此异，兹以《名贤录》所载较详，从之。

虞常，山阴人。从其父赘县民邹氏。嘉定间，父以都督征蛮有功，进左丞。常乞父荫，历官御史中丞，世称其家为虞察院。两旧

志。

王德飞，越人。自越迁于县，登嘉泰丁卯省元。今其居称王村。两旧志。

尹仲熙，字居雍，宋宁宗时进士。官右正言。和靖处士尹焞之五世孙。和靖应宋高宗召，授徽猷阁侍制。时家在河南，已陷没，以婿邢纯官绍兴，遂家会稽。至仲熙，娶龙游张翰林女，案：张翰林，何人未详。因卜居张家埠。世守和靖之学，不愧其家风云。康熙《志》。

赵希綰，自尚书工部郎换班和州防御使，常居龙游。五子：与复、与潞、与洗、与瀚、与澧，皆相继登上第，御赐其居曰传芳堂。两旧志。

余端礼，幼读书，一过成诵。年十三，文已惊人。绍兴二十六年里选，赋至公广招贤之路云：“圣如文考，太公归而伯夷归；明若昭王，乐毅往而剧辛往。”有司异之，首以前列，遂第进士。《全浙诗话》引《诚斋集》。

余惠斌，当南宋初，遭大疫，家人死者十七人，窆窆之事不给，遂殡于家，惠斌则携其季子避居东华山麓。逾月来视，所殡柩俱有藤绕之，茎皆紫色，摘之有汁，鲜丽如猩红，因筑以为墓，别迁居丛桂里，号桂里余氏云。《高阶谱·行传》。

马鞍山与凤翔洲对岸，故老相传为县之门户。南宋时，列峙铁浮屠七座。康熙《志·山川志》。案：恐未必然，如实有七座铁塔，则何年拆毁，何以未详？且亦应有遗址矣。康熙《志》下云：状元、榜眼、枢密、平章，相继于朝，则又属悠谬之说，故删去。

南宋时，韦塘村人朱世荣，字元灏，号烟波。年二十，好博，其父逐之，流寓常州致巨富，置产巨常州三县之半。后归里，复大置产。当时，以为财雄衢、常二郡云。《旧采访》，采《韦塘朱氏谱》。

宋时，发姑蔑子墓，破其铭石，好古者琢以成砚。《老学丛谈》。

胡侍郎大昌宅，在黄堂源。明弘治间犹存。其厅事仅三椽，绝无雕琢，前辈从俭如此。相传，大昌有隐居诗云：门前新架一堤沙，后苑营栽五色花。五百大夫当户立，三千君子绕庭遮。鹅传更漏鸡催晓，莺奏笙簧蜂打衙。时人问道何官府，却是山中宰相家。其诗不甚雅驯，真贗未卜，姑附载于此。康熙《志》。

陈潘，字仲晋，赵州普宁人。以父思谦官于衢，遂家于龙游。少英俊，读书善记诵，年三十七，仕至中书省掾史。与王忠文公祜至好，谊若骨肉。其歿也，祜为哀词，尽致倾倒云。王祜《陈仲晋哀辞》，见《文征》。

元末，赵缘督侨寓县东鸡鸣山麓，以女嫔于范，其后子孙繁衍，故范氏建祠致祀，必曰：“天水、高平两郡宗祖。”而语所自出，必曰：“赵、范。”范称文正，赵称缘督也。每岁春秋，必率族众往鸡鸣山谒缘督墓，步观象台，登眺宴集，踵为故事云。毛凤飞《重刻《革象新书》序》，序见《文征》。

麻溪董氏，始迁祖阳，字太初，身長九尺，美须髯，膂力绝人，而平时则谨恇若无能者。初至麻溪，人皆忽之。一日，其村筑堤，阳偶与堤工戏，独举巨石置堤上，原文称巨石百钧，似无是理，特言其巨耳。众始罗拜，以为神人。董斌撰传，见《陇西董氏谱》。

明初，胡大海克兰溪，获僧孟月庭，搜得天文书，因置帐下。太祖亲征婺，过兰溪，大海以月庭见。上得书喜，问月庭师何人，以龙游朱晖对。晖于天文家实精诣云。《皇明传信录》。案：明刘辰《国初事迹》亦载此事，惟作龙游来得明。来，盖朱字之误；晖，字德明，得、德，同音，盖即德明也。

朱晖字谦斋，最精卜筮，以术授方明。方明后以地理闻，所葬地多验。两旧志。

洪武四年，龙游灵山顽民哨聚剽掠，衢州府知府黄奭与同知余伯深直入其地，谕之曰：“能效顺吾，为汝贷其罪；如不悛，若等皆鱼肉矣。”众皆泣拜，遂获渠魁。郑辰《清节祠碑记》。

商文毅公辂，未遇时，曾设帐于城中祝氏。道经脉元，避雨水碓中，与龚璫邂逅相值，璫曰：“雨打先生何处去？”辂答曰：“天教才子这方来。”璫甚奇之，因款留至家，讯及生辰乃同年月日时，遂结为兄弟。后辂贵显，授璫七品散官之职，所以报也。康熙《志》。

往时多括寇，案：皆来图开矿者。设有豪岭等四寨。乡兵五百名，往来其地巡守，以本乡民充之，仍选一人统率。城兵二百名，协同民壮巡守，以在城户丁充之，仍选殷实者金为总巡。又有巡夜一百二十名。万历壬子《志》引旧志。案：此亦故事也，故录于此。

徐潭，字品立，娶妻刘，继娶叶，生子皆夭。纳妾项，数年亦不育，乃更买妾。杭州有翁媪，以幼女售者，潭以百金买之。既至，哭不止。诘以故，泣曰：“妾非翁媪之女，实子妇也。家贫，无以为养，又为债者所迫，故售我耳。”潭即召翁媪还之，不索原值，且曰：“无子，命也。”遂归。其明年，项举一男，人以为阴德之报云。据《旧采访》纂。

嘉靖间，训导江汝济曾著《三水集》三卷、陆律曾著《从吾集》一卷、章慈曾著《绿筠赘言》二卷。万历时，教谕李应阳曾著《博微集》十二卷、吴镇曾编《鸡鸣会录》若干卷，皆刊于龙游，足征当时师儒之教，惜今已佚矣。据两旧志《选举志》所载。

余用昌，幼时，雪夜读书别墅。父邦辅往窥之，用昌适倦坐而假寐，邦辅解所衣裘覆其体而还。用昌觉而知之，由是痛加奋勉，卒成名云。《旧采访》采《敦本堂谱》。

灵山徐钟，字汝清，庠生。一日，有节使经过，宿于其宗祠。钟往观，节使命从人叱之。知县刘公案：徐钟生于弘治九年，此事何年未

详。刘公或系正德间之刘佐。陈于节使曰：“此所属儒生，夙长于诗。”节使因命吟，钟应声曰：“百年富贵黄金印，万里风云碧玉骢。怎似深山最深处，白云堆里听松风。”扬长而出。节使改容目送之，谓刘曰：“吾与若不及也。”《旧采访》采《灵山谱》。

张羽翔，为蒲州守，解任归至扬州。蒲州有太学生某者，侨居于扬，戴其德，具盛仪相饷，羽翔却不纳。其人固请，勉受绢一匹。及渡江，至金山下，遇风势甚急，羽翔曰：“我岂有遗行耶？”他无疑，意惟此绢为祟，遂投诸中流而济。康熙《志》。

支一举，字凌霄。性豪迈，好仗义。时，陆姓有仓庄在赤亭。崇祯季年，饥，处州流民过其村，悉取其仓之积粟。事后，陆疑村人唆导，诬控之，株连甚众。一举悯其冤，挺身分理，陆并诬为指使。一举出亡，游豫章。明亡，村人乃往迎归。陆氏亦钦其义，以庄归之。《旧采访》。

往闻故老言，明末，李自成军师宋献策者，实姓徐，本吾县人。《选举表》康熙元年恩贡有徐献策，未知是其人否？以足短，人号矮脚军师。自成既败死，献策逃归东乡上徐村，匿居一楼，不敢出，著书甚多。至康熙初，事平已久，以为无虑矣。偶于正月出观灯会，或见其足短，戏语人曰：“此人殊似矮脚军师。”献策闻而大惊，以为事发，归即自尽。闻其书皆言天文、数术，凡两橱。发匪乱前犹存，见者多不解云。拙作《宝胡堂笔记》。

湖镇童景文之妻章氏，生于明崇祯九年，至乾隆五年卒，得年一百零五岁。当时知县徐起岩为之传，请旨建坊于湖镇后童村。其后年达百龄者，尚有尹振琮妻，嘉庆元年，刑部尚书胡季堂为之序。至男子达百龄者，则有徐兆旻，道光七年，有旨旌表建坊。《旧采访》。

清初，艾朝栋宰县日，环境大山并加斧凿。穀波岩，其一也，故



名艾公岩。余铨《江篱集·舟经艾公岩诗小序》。康熙《志》亦曾言之，惟云环境大山并斧凿。不知所凿凡几处，今不可考矣。相传，朝栋当时深憾乡绅干与公事，不能恣所欲为，故信堪舆家言，凿破山脉，以泄地气，其后吾县科第竟因之而衰云。姑存所闻，不足信也。拙作《宝胡堂笔记》。

鲤溪西岸竹丛中，有屋数楹，名问道轩，颇幽洁。清初，知县艾朝栋政暇时，与乡绅余岫云、祝茹穹、毛千仞、范立生、邦志、范玉如一瓊，聚谈宴集其间。想见当时官绅相得之雅。《旧采访册》采《鸡山范谱》。

余岫云，以人戏呼为天机子，遂以自号。详本传。归山后，曾倩人绘天机子小像而自为小传。传见《文征》。圆面丰颐，颌下有须，米色小衫、白布裤，赤足趺凉鞋坐石上，有自得之意。其后题赞者，凡十三人：李来泰、张芳、徐应岳、赵平、程光祿、吴彦芳、吴雯清、严沆、陆寿名、宋琬、陈焯、何采及僧超化也。诸作并纪年康熙丁未。今尚藏于尘生其裔孙余廷瓚家。拙作《宝胡堂笔记》。

余岫云纳姬，吴闾尤侗戏赠四绝句云：盈盈初日照芙蓉，生小莲花巷里居。嫁作中山孺子妾，闾门灯火看停车。翠在罗衣香在裯，背灯拥发淡无言。分明一幅双文画，遮莫风魔余解元。拟装金屋贮神仙，恰赠临邛买笑钱。欢是岫云依是雨，巫山只在枕函边。梅额桃腮闹小春，玉环约腕认前身。萧郎本是龙游客，宛若游龙娶洛神。尤侗《看云草堂集》。

县之东郭有桥曰文昌，宽数丈，长十倍之。康熙十四年五月既望，知县卢公灿试武童子演武场，忽报此桥失火。须臾，烧梁木殆尽。火不起于民间而起于贼，盖此桥系金、衢孔道，贼虑王师一至，必由近及远，倚山恃泽之巢穴难免无虑，去此一桥则往来不易，可缓须臾之征，亦无聊之极思也。故伏间者于道，乘公有试事，卒急

难救，因风纵火而焚之。兵民甚以为恐，以桥断则路绝，无论师旅之行不获人人问渡，即四乡贼起，趋避为难也。公谕僚佐及士庶曰：“无忧。顷当复之。”众曰：“造桥须木。今山林产木之地尽为贼踞，求尺寸为刀斧之柄不可得，矧盈千累万之巨木乎？”公曰：“难不在木而在匠，当先致其难者。”盖是时丁壮尽窜，百无一存也。因委丞倅分地觅之，不数日得百余人，反命曰：“难者至矣，请问易者安在？”公笑而不言，但择吉限日启工，众皆茫然莫知所措，尽拭目以观无米之炊。公忽发令矢传各营乡兵随本县入山剿贼。是日，鸣金伐鼓，哗噪而前。众又拭目以观擒获之俘，乃俘不见至，而盈千累万之巨木蔽江而下，不知何所从来。公归，而询其故，始知为贼在山中就近斫伐，日积月累，聚于一处，将以造木栅而拒王师者。公侦探得实，故于是日声言剿贼，意不在贼而在木也。贼素畏乡兵，闻风鼠窜，但虑其追，乌知我兵反利于窜乎？于是，如期架造，三日而桥遂成。李渔《笠翁文集》。

去城六里许有洞口，水自南山来，环绕郭郭而复西注。后因春水泛滥，沙土渐崩，所恃为砥柱者尽归巨壑，南来之水直泻人河。堪舆家言谓有关风水，合县士绅数议修筑而不果。因其工资浩繁，军兴以后民不堪命，岂能复兴大役？康熙十六年六月，民间赛社，适当是地建高台演剧，观者万余人。以军兴数载，始奏升平，无不欲观太平盛事。知县卢公灿乃先期自备草履一辆，土藁、木桩各数千。至期，率僚属胥役而往。既至，即大声疾呼谕众曰：“此地之崩关乎一邑风水，久拟修筑而未能，虑妨尔民农事也，兹幸无心而聚，又适当是土，是天假之缘，本县先之以身，望尔民各助一臂。”言讫，即自跣其足著所备草履，跃入急流下木桩。丞倅继之，胥隶又继之。赛社聚观之万民见素所爱戴之神君如此，谁不众从？举藁运土，咸以争先为荣、稍后为辱。不半日而功成，自是水遵故道。李

渔《笠翁文集》。

县有武衿叶茂桂者，聘金氏女为妇。虽六礼未行，而冰言相订已数载。迨叶父云亡，而女之父母兄弟皆欲寒盟别嫁，讼于官者三年，官判合而私议离，终莫能决。至是，知县卢公灿复讯于庭，谓女父曰：“汝女诚不欲字叶，余乌能强？但使汝女一至，观其意之所属，然后判离，未尝不可。”女父许而终不使女至，公怒，遣役召之至，则女无愠色。谕以从一而终之大义，女俛首无言，知为不答之答也。然公已为预治花烛，并庭讯之期亦是联姻吉日。于是，出冠珥吉服，俾于公堂合卺，鼓吹而归，讼遂释。李渔《笠翁文集》。

康熙间，知县孟继祖以仁慈为政，不喜催科，民间逋欠钱粮者甚众。继祖在任久，积逋益多。继祖去，大吏以为县民顽抗也，任鸷吏摄县事。案：鸷吏，不知指何人，疑为谢汝梅。初，犹捕逋欠者至署比追。嗣以逋者多，不能悉捕，乃挟隶役至乡村责比。甫下车，鞭挞即起，至有杖毙者，惨不可言。时，上阁里有岁贡叶宗长者，性慷慨好义。县吏以次及于邻村，先令隶至上阁里紮诸逋户。诸被紮者之妻子咸聚泣，宗长乃愤然持数百金至邻村，悉为里人纳之，持其票归，一乡咸感其德。见余士英撰《宗长传》。

钱维城，未第时，侨寓灵耀寺中者三年，住持僧某厚待之，赴试时并赠以资，遂连捷登上第。后寺檀越虞氏欲侵寺产，僧讼于府县不得直，讼于省亦然，因诉于维城。维城为言于闽督，飭县追还寺产，并奏革檀越之名焉。惜此僧何名无考。汪荣封《竹居随笔》。

王沅，字雁街，杭州人。乾隆四十九年进士。流寓龙游最久。掌教盈川书院，一时英俊，多出其门。子宝华，字古园，入赘余氏。嘉庆二十四年进士，由庶常改官四川名山县知县。解组后，仍居龙游，县人从游者颇众，若王日烜、余恩鏊、余照等其著者也。女复嫁县人劳承熙，故于龙游关系最深云。《旧采访》。

翁燁者，龙游典史翁肇椿之叔父，字湘客，颇能诗。肇椿官龙游最久，燁晚年来依，孑然一身，泊然无所好，惟与曹以采、余甸方、何谨诸人往还，以诗酒为乐。诗工于五、七言近体。知县涂日耀序其诗，称其闲远淡逸，可以追踪王、孟。训导朱兆熊则谓其七言断句有似白雪楼者，有似渔洋山人者，有似初白老人者。五言律气格雄迈，绝似四溟山人，间亦有近昌谷集者。嘉庆十八年，自编其诗曰《荆树堂自乐草》，时年已八十，居龙游已十二年矣。《旧采访》。

乾隆六年夏六月，勿雨。邑侯徐起岩念切民依，科头草履，十步一稽顙，深自刻责，以黑索系颈于城隍司神旁者三日，仍弗雨。乃东迎扶风太守像、南迎杨侯像，集于城隍殿庭，合城龙神分四座，侯于诸神座前各置罪己表文一通，引针刺臂，沥血封函，呼号涕泣，为民请命而拜焚之，此十六日事也。是夕，大雨，然仅环城十里而止。侯于是吁天，躬亲礼拜三昼夜，至二十一日而雨，翌日复雨，然北乡终不与焉。侯恍然曰：“余闻蛟能制龙。今夏四月，北乡蛟发，其腥浊秽邪之气，龙不敢近，毋乃为是乎？”命工作青、白二龙，啮指血点其睛，前导以剑，斩除蛟氛，助以金鼓，送之北乡，而自斋宿于东华山关帝庙，以求默佑，是为二十三日事。诘朝大雨，然犹未遍及。复于二十六日，轻骑减从，自至北乡徐王殿哀吁。比申刻，云从北方直上，雨亦排空而至，继而东、南、西三面凝结，雷电交作，倒峡倾盆，不特北乡枯槁获苏，而四郊俱沾足矣。县丞汤大用撰《邑侯徐公祷雨纪事》。案：祷雨事，虽无稽，然甚古，录此亦以见昔日司民牧者之诚。

尹武，膂力过人，所习弓刀石，凡人不能举，人呼为尹大汉。乾隆四年，登朱秋魁榜武进士。相传，是科本以武拟元，主试者询武何处人，武以张家埠对，遂不得元。案：当时有禁革埠夫之事，故如此。武为灵山富室徐氏婿，每至徐家，一餐能啖鸡卵百枚，两婢剥以进，

犹急不能待云。《新采访》。

胡廷盛，字绍议。乾隆四十一年进士，仕至贵东兵备道。幼时，居龙游茶圩，曾以龙游籍应县府试。至院试经，与考童生攻其冒籍，不得入场。其后以汤溪籍应考，卒成进士。罢官后，犹居茶圩，题其门曰观察第云。《新采访》。

诸生童世键，字钵全。性敦厚。族中无赖子，一日入其家谋窃，适与世键遇。世键与以酒食，劝慰备至，无赖惭而去。世键戒其家人曰：“彼为穷所迫耳，非本心也，不宜扬言，以阻其自新之路。”无赖卒改过，不复为非云。《旧采访》。

县南溪口，旧有金兰书院。乾隆间，就地士绅设以为讲学之所者，立有金兰会，序文为大学士费淳撰。时，淳尚寄居溪口也。其釀资方法：入学纳银二两四钱，补廩纳三两二钱，乡举倍之，进士又倍之，出仕及迁擢又倍之；贡生则纳三两六钱，入监纳一两二钱。其生日、新娶、生子、生孙各纳二钱。原稿为淳手书，今尚存劳崇豫家。乾隆三十八年，会友为劳懋清、费淳、劳懋栋、劳懋亲、劳懋梁、劳懋德、劳懋修、劳懋柏、余岩青、劳灿、劳懋棠、劳德泽，凡十二人。至四十二年，复加劳涵、徐始然、徐应案、劳燮四人，半皆知名之士。观此可知，乾隆时溪口文风之盛。拙作《宝胡堂笔记》。

曹寿先，年七岁，往谒涂知县于富阳官署。涂母太宜人啖以鲜荔枝曰：“此刘宫保所赠，食之俾儿多福寿。”且欲留署读书。以幼辞不果。又寿先性嗜酒，翁桂亭少尉每蓄酒以俟其往。见曹以采《哭子诗》注。

《箴史遗诗》中与寿先唱和者，为杨海霞、叶附屏、余海楼诸人。附屏，其中表；海楼，其姊夫也。寿先所受业者，叶兰浦、余西岑、何香圃三人。以采《哭子诗》自注云：兰浦及门英发者相继，寿先竟无成。则兰浦及门之盛可知，乾、嘉间，吾乡先达于此见一斑焉。拙

作《宝胡堂笔记》。

汪作楫，字汝舟，号警堂，歙县人。侨居龙游柴埠口村。由廪贡官天台训导，曾著有《鸣秋诗稿》。今其裔犹居龙游也。《旧采访》。

嘉庆间，有神童罗庆龄，九岁，能诗文书画。姜美琼赠诗颇多，见于《绿葱草堂诗抄》中有两律云：龙丘秀气产英奇，才貌超群羨此儿。书字千钧力踊跃，画栏数撇墨淋漓。他年凤阁名应著，今日鸡窗誉早驰。可爱髫龄能敏悟，风流不让晋羲之。上界来游喷墨仙，挥毫任意写鸾笺。诗情雅淡王摩诘，画笔高超赵孟坚。愧我青衿居马富，羨君白壁产高田。翱翔云路知非远，宴饮簪花乐少年。推许如此，而其后无闻焉。岂亦如曹寿先、叶锡元不永其年耶？何当时吾县神童之多也。拙作《宝胡堂笔记》。

嘉庆间，南乡潘云根锦缸，性喜玩古，书画之外，凡钟鼎、窑磁、砚石以至竹木雕刻，靡不收藏。同时，城中曹白莽以采亦好古，家虽贫而嗜之不衰。县为古姑蔑国，土人掘地每得瓦瓶，以插松柏，亦能生根，绝不易得。白莽不惜资，竟募工掘得之。当时谓白莽城中清客，云根南山清客。《旧采访》。

余习临歿，自为挽词云：老去不忘行善事，能继伊谁；魂归犹喜听书声，有读者否？足见其胸怀旷达。见叶元祺《余心白像赞》。

咸丰十一年四月十七日，发匪陷县城，自大西门人。时知县龙森闭城门，禁不使启，死者甚多。有诸生曹鸿举者，急觅人速开小东门，避难者始得出，全活不少。《旧采访》。

余恩鏊未卒前，自为挽额云：吾死暮矣。联云：泉壤茫茫，更抑郁而谁与语？胸怀耿耿，惟濯磨以待来生。其孙庆椿以父丧哀毁过甚，自知不起，亦自为挽额云：从先大父于九京。联云：天之命令，其何能违？只恨父骨未寒，先灵莫慰；我这清狂，也堪不朽？奚

必等身著作，盖世功名。闻者伤之。《旧采访》。

余子春太史卒于光绪十三年。卒之前一夕，呓语不止，细听如与人联句，多不可辨。惟“我道春光如梦里”一句，吟之再四，既而复曰：“此句不佳，我为若改之。”乃大声曰：“何不云‘欲知春色在明朝’。”言毕无语，翌晨即逝。余述曾《师稼山房笔记》。

县北雅堂村，俗例，生男须统姓分饷首两次，生女则一次。而族人众多，恒有生子女而力不能给，致淹溺之者。时有方炳矩悯其无良，请于知县黄汝梅严加禁革，其风始息。《旧采访》。

汪锡珊既殉发匪之难，见《人物·姜懋槐传》。有司上闻旌恤如例。其子绍熙于是广征当世名公巨卿题咏表扬。知县高英为之序，谓其人足传，一也；传其人者，足附以传，二也；绍熙远走四方，遍乞言以传其父，其孝思亦足传，三也。因以三传名其集云。《旧采访》。

有朱俊峰者，南昌人。甚有膂力。发匪乱时，屡率乡团抗拒，未尝丝毫受伤。其邻村有丘姓夜被盜劫，俊峰曾赤手独擒数盗，送官惩办，故终其身，一乡桀骜不敢逞云。《旧采访》。

福建陆路提督兼水师提督罗大春者，贵州施秉人，字景山。发匪之乱，转战衢、严一带，累著功绩。及左宗棠克复龙游，囑大春以行营巡捕事，指挥督战，厥功尤伟。事平，大春乃以余资购田于县东高山姜村营庄舍焉。其后因嗣子寄籍西安，为诸生，遂以高山之庐为别业。大春以基业所在，故于西安、龙游两县极为关切。今省城西龙试馆，即大春独力营建者也。其同县陈大贵曾随大春征战有年，历迁至福宁府连江营游击，亦于同治五年携眷来吾县居之。又有贵州松滋人郭祖耀，以剿发匪积功至福建福宁镇总兵，亦于其时迁来为寓公云。《新采访》。

咸、同间，有胡中立者，二十五都祝溪人。遭乱辗转至苏州，有

鲍姓收以为嗣，居闾门外五福街，更名紫云。善塑佛像，穷极精妙，一时知名，遂以致富。光绪初，犹归乡省墓。祝溪村后有古松十余株，树杪有子累累，中立谛视其一枚，取小石遥击之，松子应手落，百不失一。人问之，则云：“塑至寻丈佛像，有欠缺处。辄丸泥遥掷以补缀之，故不得不擅此技耳。”《旧采访》。

同治六七年间，南乡长田坂有王氏兄弟四人，长号边之古，次号阵之头，三号豆腐头，四号巴头老，横行一方，凶恶，无敢撻者。廩生傅镜涵，性任侠，独鸣之官，官伤役往，竟拒捕，伤七人，势甚汹汹。嗣由衢镇遣兵围捕，始尽歼之云。《新采访》。

定海镇总兵吴杰，幼时随其父寄寓县城，以髹漆为业。性好武，喜驰马。咸丰间，发匪警至，高山姜村姜懋槐举办团防。杰时适在懋槐家髹漆房舍，懋槐以其勇健编入队。及冷水村之役，懋槐父子战死，吴逃归。懋槐之弟以其未能救懋槐也，缚而欲杀之，既而叹曰：“杀汝亦无益。”遂纵之。杰乃投左文襄营效力，卒以战功洊至总兵，赏穿黄马褂。尝与人言：“非在姜家数年，不能有今日。”故生时常来龙游高山祭懋槐之墓，亦有心人也。《新采访》。

空性和尚，安徽怀宁人。父官某省巡道，家素丰。空性独淡于荣利，自幼茹素。咸丰间，大乱，空性遂削发普陀山。善草书，工墨梅。同治间，为盈川城隍庙住持。光绪间卒，年八十二。《新采访》。

吾县发匪前，城中屋舍栉比。北门至驿前五里，有长街，亦颇繁盛，桥下亦有烟户三千余家。比匪退，悉成焦土。至今休养生息六十余年，城中大西门、小西门、后高山一带，犹荒烟蔓草也；北门至驿前，则皆禾黍矣；桥下人家今恢复者犹不及三百户。真浩劫也。拙作《宝祠堂笔记》。

光绪间，灵耀寺僧孤峰者，俗姓严，歙县人。咸、同间，尝佐衢严总兵饶廷选幕，保至知县。初署余杭，以杨乃武案被劾。开复



后，复署桐庐，又值灾歉，交卸后，亏累数千金，因弃家至普陀山法雨寺削发为僧。光绪二十二年，知县张焯乃招来住持灵耀寺。孤峰能诗，性高雅。在龙游十余年，与都人士极相洽。所著有《西方乐四十八咏》一卷、《孤峰剩稿》四卷、《僧客竹枝词》一卷。祝康祺《孤峰小传》。

向例乡试年分有起送仪式。先于七月中旬，照科试案定期柬邀赴试士子。及期，就戒石亭结一龙门，士子整衣冠，入至大堂，谒县主，然后入席。书吏旋将花红彩色送文、武两科，首分给各加送银一两。士子起，离席谢，由龙门鱼贯出龙门下。先以一人饰魁星，依次以笔点其首。此例，自明历清，相沿已久。光绪二年，陈瑜为知县时，忽废之。至二十一年，张焯为知县，曾复行，仪物有加于旧。然张公卒后，又废矣。《旧采访》。

光绪八年五月五日，大水，西乡受灾最甚。而知县陈瑜以是月十二日生日，将大举庆祝。乡民屡请勘灾，均不赴。仅委典史文维新者代出履勘，至石亘村晤贡生吴毓林。毓林因言：“今灾情奇重，县主做寿以改期为宜，君盍言之。”文归告陈，陈不悦。时，西安知县为欧阳烜，勤于民事，亲赴高家、盈川各村散赈。而西乡九都、五都与接壤，相形之下，遂深怨县官之不恤民。十日，九都人民群集署前，遂有投掷败苗之事。陈瑜疑为毓林唆使，竟欲详革毓林衣冠，文已缮具。而道府受九都、五都人民之求，已派委员雷某来查勘，陈知其曲在己，始不敢发，卒以此诬误去官。此亦可为不恤民事者之戒也。《新采访》。

光绪二十四年，南乡纸槽工人罢工滋事，势甚汹汹，赖有寓居灵山之福建人叶承俭、吴新书、许顺祺、何克炉、姜克甫、吴鸿秉、林兴聚诸人设法防御，得以无事。用记之以旌其义。《新采访》。

## 志 异丛载四

县南八十里，有龙须岩井。又五十里，有古青葛澳龙井。井广丈余，深莫测，时有龙潜其间。旱时，土人召巫取水于此，或遇蜥蜴浮出，持归祷雨辄应。万历壬子《志》。

县东十里白马湖。相传，有人夜见白马饮于湖，逐之不见，故名。两旧志《水利》。

沐尘有半月山，山有乱石如屣迹。相传，有异人经此。万历壬子《志·山川》。

三叠岩有石如鼓，叩之有声。每冬至夜则能自鸣。万历壬子《志·山川》。

野湖墩上，相传旧产灵草，有异人采药于此。康熙《志·山川》。

县中火，迫于城隍庙，庙神立于墙上，近庙童子皆望见之，执一扇扑火，风忽反不及于庙。两旧志引《东枫遗话》，未详何年事。

貌头潭底有巨木二株，横数十丈。每秋水澄霁，凭舟下瞩，首尾鳞爪，宛若蛟龙。久之，觉有掀翻腾跃之势，观者悚栗而退。遇亢旱，居民向河干致祷，辄有灵雨之应，土人号曰木蛟。康熙《志》。

大乘山顶，有田数十亩。相传，田中有钟一口，祖师覆毒蛇于下，埋入地中，寻常不可得见。或耕者犁锄所触，偶及钟纽，则是年必大旱。占岁者，率以此为候。康熙《志》。

县北一里许，城隍湖下，有大钮钟。初，捕鱼者屡见其钮。相传以为即县谯楼钟飞盖一大蛇于下。《青霞丛记》。

石船山，在县南七十里下坑。有一巨石如船，长六七丈，宽丈许，高五六丈。中凹贮水，仅寸许深，而经岁不竭，虽甚旱亦然。相传，此水若汲尽，则沐尘必有火灾，其翌日船中水仍如故云。旁又

有一石倚船侧，人因指为船篷云。《新采访》。

县南四十里白石山，有圆石高耸。相传，后汉方士赵炳过而呵之，石因半折。碎者尚存。康熙《志·山川》。

吴时，有五百人渔于湖，先祭湖神，丐速竭水。其夜，梦神人告曰：“竭湖当如祷，若得异鱼，慎毋杀。或得铜缶，亦勿废。”天明，决水得鱼绝异，谗不能制，众烹之，祭物犹在鱼腹。旋得一铜缶，众疑为金，共废疑误字。之。水忽暴涨，五百人俱歿，因名五百人湖，即今斗潭。《异苑》。

杨侯潭，中有寻丈大鱼。往早时，县令使人乘牛击其波，雨即应。《异苑》。

沐尘有乌石滩，水甚急。相传，唐天宝间，土人欲架石为桥，忽中夜有仙人鞭至云。康熙《志·山川》。案：仙人鞭至，不甚可解。

相传，唐中和间，三平和尚住锡圣坛山，时骑虎到岭下，叱之还，乃徒步入市乞食。薄暮，虎候岭下，载还上山。后席听《楞伽》，有悟，化去，乃作墓岭旁，以志其迹，故名其岭曰虎墓岭。康熙《志·山川》。

吾县齐、虞、鲁、乙四姓最古。乾嘉间，皆式微，而乙氏竟绝。相传，正月一日出行，遇乙姓之灯，是年必诸事遂意，俗谓之神灯云。叶元祺《话雨草堂笔记》。

白鹤山下，初筑堰未成，乡民用力甚苦。有仙人过其地，谓筑者曰：“子能饭我，我代汝劳。”筑者归家取饭，不移时至，堰已告成，其人化白鹤飞去。相传，历数百年，水极泛涨，堰终不坏。康熙《志》。

宋吕防读书山中，梦人告曰：“愿主君救我。”平旦，见虞人挈死狐过，买而瘞之，因名狐墓，在鸡鸣山北。两旧志。

余端礼未十岁，衢、婺大水，与里人共处一阁。阁将沉，空中

云：“丞相在内，可护之。”少顷，有物如鼃，背负阁达岸，众赖以全。后宰乌程，决事风生，举笔胆落。至光宗时，拜相。《吴兴掌故录》。

余端礼童时，从叶公学。一日，赴甚早，门犹未启，假寐石鼓上。公梦黑龙蟠于门，亟起视之，乃端礼，即以女字之，后封郇国夫人。两旧志。

绍兴中，余端礼为宁国县尉。会岁旱，祷于大圣祠。方寝，梦神曰：“公后当大贵，为公一雨。”及晨，诣祠祝曰：“夜梦果验，请饰神祠。”须臾大雨。公后归金陵，梦神来谒，乃捐缗钱一百万为修祠费。《宁国杂记》。

衢州之下十里许案：无十里，姑仍之。深潭，有石兀立水面，土人名曰浮石。白乐天有《谢衢州张使君》诗曰：浮石潭边停五马。即此。先是，土人常有谣曰：水打浮石团，龙游出状元。盖石本嶙岩不齐。绍兴甲子，两浙大水，浮石没焉。水退，石仍出，而嶙岩者皆去，盖为猛浪沙石之所淙凿，乃此圆浑也。又一年乙丑，龙游刘章魁廷试。程大昌《演繁露》。

三衢境内地名张埠，中有石，里人号曰团石。有讖语云：团石圆，出状元；团石仰，出宰相。孔世文《江南野史》亦载此谣。乙丑岁，水涸，石忽如圆镜。明年，刘文孺章魁天下。前岁大水，石乃侧仰，而去年余处恭拜相。此与闽中沙合南台盖相似也。《挥麈录》。

马天骥家贫好学，行抵郡庠，宿斋课业。学邻射圃。一日，有矢贯于斋之榴，马遽曰：“吾甲子石榴木也，今秋其发荐矣乎？”闻者皆哂。是年，果汁偕及第二人。两旧志。

大北门内，吕祖殿前有一石，长三丈许，阔尺余。相传，为马天骥下马石，甚有灵异。曾有移作门限者，即患病，垂危知悔，即送置原处，病立愈。故其石至今犹存。《旧采访》。

相传，元末，冷谦曾寓冷水华严庵。庵后竹筱间，有石如虎蹲

道左，冷公凿为石釜，扫松毛、竹鞭，煮水以饮行人。后公将去，埋石釜于道右，父老送之云：“公去后，如渴者何？”公以杖刺石釜得六七窍，山泉从下沸出，清冽异常。后人或以瓢尽汲之，则浮沕起绿苔间，如撒蕊珠，顷刻盈釜。土人因呼为冷水云。康熙《志》。

圆通庵，于明初有云南禅师以卓锡卜庵此山，时设大醮坛。一日，黑风大起，有大鸟自南飞至，其色苍白，展翅如席，状类鹤，俄顷飞去，遗下粟、黍、稻、麦及黄、黑豆于檀越祠屋上，约数升。是岁，大稔。《蒙溪丛异》。

鹫岩下，相传有龙潜于此。明隆庆间，一日，亭午色霁，小穴内忽有泉涌出，一蚓随之，俄顷长逾尺。傍一竹工见而诧异，以刀击之，忽暴雷一震，大如柱，长丈余，风骤作，水涌数丈，冲崖折屋而去。康熙《志·山川》。

吴白娘，幼遇异人，家举炊，每于隔塘邻家乞火，归甚速，如比邻。母疑之。一日，眈其往，乃从水面步行若飞，亟呼之，即没。后人因庙祀之。《水南记事》。

有徐叟，畜一犊数年，牵渡水，叟没，牛随尸归，仆其门，即不食。及葬，随柩跪哭于墓，数日死。《绿筠亭赘言》。

四都有钱医生云其邻编薛文清公瑄为院本者，中有文清科举人勾栏一节。本成，忽其家扶箕问失物，其箕书云：“吾薛瑄也，朱晦庵、章枫山、罗一峰皆陪至此，尔编吾科举时事，吾平生未尝有此，何为污我若是？当速毁之。”须臾狂风迅烈，阴云闭户。箕奋书曰：“吾关云长也。薛公他日当庙祀，小辈敢戏侮前贤？速取稿焚之。”其人俯伏发竦汗背，焚其书请罪。箕又曰：“尚有数叶在学究榻下。”检之果然，即取焚毕，乃彻箕击其人而去。云中飒飒有甲马之声。其人不数月而死。万历初，文清果从庙祀。《青霞纪闻》。

清华道士欧阳生，能游神。时县以丁日致祭，弟子马月林问

曰：“老释言修炼其神不死，若仲尼食报如是，果神犹存乎？”生曰：“吾试观焉。”于是，从静室凝坐，月林穴壁窥之。其神若自顶出，维时学宫设燎陈俎，见有一人黄冠绯衣，自下而上，遍观乃去，盖其神也。两旧志引旧志。

里语龙游初无武安王庙，惟东岳座右有王之像，知县涂杰祷雨无应，因命曹生制一文专祷于王。次早，其文在王坐中，白纸黑字，分明之甚，观者骇焉。拨之，则灰也。杰复祷曰：“果雨，必有专祠。”越日，雨，遂创今庙。两旧志。

邑士毛文映，耆义多卓行，尝寓维扬，赈人饥、隐人恶。及居里中，焚人负券，称义士焉。早岁，游粤之沙坪，见要津病涉，倾囊成桥，众甚感悦，名曰浙江桥。后其子汝麒以进士令番禺，即其地也，咸谓建桥之报云。两旧志。

相传，徐可求生七岁，不能言，也不能行。是年，其家迁居衢州，负至西安县界十里官山，遂能言并欲自行云。《新采访》。

童子鸣与衢州府知府韩邦宪交笃。邦宪卒，珮徒步送其丧，逾岭惫而病，梦邦宪邀与并驾，珮以婚嫁未毕，辞不可。觉而自疑，久之病，遂卒。王世贞撰《传》。

释传灯卜居幽溪高明寺之先，有山农叶祺葬亲山后，忽梦玄弼真君语云：“此圣道场，异日有肉身菩萨大作佛事，速迁可免祸。”祺不信，俄举家病困，惧而遯徙。翌日，传灯至，遂于此地立天台祖庭。又传灯注《楞严》、《维摩》等经，凡染翰必披戒衲，感鬼神，翼卫前后云。《历朝法华特验记》。

万历丁未冬，火起西隅，延烧甚炽。知县万廷谦拜伏露祷，解袍带投火中。俄而，火鸦数十自焰中飞出，从西南去，火遂熄。民为之建偶然亭。两旧志。

宋咸平二年闰三月，箭竹生米如稻。元至正十一年十一月，雨

黍。明正德四年，雨黑子。嘉靖三十四年，徐偃王庙偃王像之首无故自殒。三十六年，四都民家产芝。四十五年二月，无云而震。万历四年夏四月，东华、芝灵二山并紫芝丛生。秋八月，龙丘祠一带二瓜。天启二年秋，学宫桂树一株，逾数百年，花本蜜色，忽变丹桂。两旧志《灾祥》所载，录入《通纪》及《人物传》者外，汇录于此。

清顺治庚子四月四日，龙山雁荡寺前，忽雷电风雨骤至，倏复清明，见一异兽，高丈余，马蹄麟首，尾若芭蕉，昂首耸耳而至。寺僧大惊，鸣钟鼓逐之。逾时，忽又云雾昏塞，雷雨交作，遂不知所之云。康熙《志》。

康熙间，知县艾朝栋梦白衣大士示现于穀波岩，因名其岩曰白衣。康熙《志·山川》。

泽远里杨昶攻书别业，离家里许。每夕往，其妇自窗窥之，必有二灯前导。一夕，灯忽不见。诘朝询昶，并无他事，惟过某庙门示人一字，案：此语不甚可解。疑当云教人写一字。细问始知其为写离婚书也。昶因至卖妻家，力劝止之。其夜，灯明如故。后昶果登进士。叶元祺《话雨草堂笔记》。案：《泽远里谱》所载与此不同，谓系其堂兄杨实先事，后昶登第，人谓此灯移照。不如元祺所录为近情，故取之。

嘉庆间，遂昌高坪棚民种苞芦者，烹鸡祀神，众相戏曰：“有呼已烹之鸡能鸣者，真命天子也。”或呼之鸣，鸡果大鸣。此人复祝于神前曰：“以箬帽为锣击之有声，则真能成大事也。”击箬帽，果作锣声。于是，棚民群推此人为首，聚众数千人起事，侵掠龙游南乡。会衢标大军征剿，尽诛数千人，无遗类。时为九十月间，正打稻时也。其后，南乡溪口、灵山、沐尘、庙下诸村，每当打稻时，必多时疫。遂谓此数千人之鬼恶闻打稻声，故出为厉。是时，栗子正熟，乡人因谓之大栗瘟。拙作《宝胡堂笔记》。

邑增生刘大纶，赴省试。邻少妇挑之，不从。年四十余，于学

官旁拾银十余两，访其人，还之。旋夫妇同梦神告曰：“汝长子不寿，今以汝不贪色、不爱财，更赐汝子。”其年，果生一子，名乙照，亦为增生云。《旧采访》。

嘉庆间，泽远里村有巨蛇，长数寻，径五六寸，不常见，见则其村绅耆必死云。《旧采访》。

泽远里中塘桥头有一榴树，其下有白羊精。夜静时，行人遇之即病，祷之即愈。闻乾隆间已有之，至咸丰四年冬，犹见之云。《旧采访》。

道光二十二年正月元宵，城隍庙灯祭，新民社值年。庙有大盘灯，圆径约丈余，高亦丈余，彩结楼亭人物，有十二花神像，用滑车悬绳以上下之。绳极粗大，无故忽断，其灯自焚。绳断处如剪截，咸谓当有灾异。后果于花神日大火，且由新民社起火云。《旧采访》。

咸丰八年夏间，忽雨雪三日，望之如筛粉然，至瓦檐下不见。《旧采访》。

咸丰己未庚申间，发贼尚在弋阳、贵溪等处，吾县人心已动摇。城中民房地上忽出血，三日始止。至辛酉四月二十七日，城遂陷，受害最惨，人以为先兆云。叶元祺《话雨草堂笔记》。案：《旧采访册》亦载咸丰八年四月城西余亚松家有赤水自地涌出，高一二尺不等，顿出顿止，中堂、天井、墙根、柱脚无处无之。掘视，则地土如故。此事为余述曾目击者。又载，刘梦麟故宅中，平地上亦射出浓水，色如血，高二尺，细同麦秆，历五刻之久始息。均与此笔记相合。

咸丰十年七月八日，学前坊泉井石围忽不见，人初以为被窃，四处寻觅不获。次日，忽见于城濠中，乃以十余人舁至原处。其后复移动尺余，人咸以井围如城，必非佳兆。次年，城果陷云。《旧采访》。



东乡毛家坞张国忠，少时锄地，偶得树根，酷似佛象，异而虔供之。一夕，忽示以梦，命习卜，觉而试之，甚验，遂以为业。每晨自占，能知来占者几人，何时可至。有徽州人某者，以久不得家书欲返乡省视，请其卜，遇困之六三，其繇曰：“困于石，据于蒺藜，入于其宫，不见其妻。凶。”某大恐，急归。一日，行山崖中，果触石而仆堕下，适有荆棘一丛承之得不死。至家，妻果不在。盖近构暴疾，其外舅适迎归疗养也。其奇验类如此。粤匪未至时，谣言大起，人心惶惶。有向之卜者，国忠以为必在蛇行之时，应在四月，已而果然。及匪将至，人咸叩以趋避所在，凡经其指示者悉得免。惟国忠安居如故，人劝之避，则曰：“我必死，是有数焉，不可逃也。”后果如其言。当时号曰神卜。据《旧采访》纂。

县南马戍口村，南有小墩。同治初，有游勇四人被村民所杀，瘞于此。至光绪十三年六月初旬，忽于其处现红灯数盏，倏高倏下，起落无常。又时出火焰，作青绿色。其初，黑夜始见。久之，薄暮即然。远近来观者甚众，如是者两月余。其地汛官恐生事，命掘之，得四尸，遍体生毛，绝不腐烂。据老者云，昔被杀时，已有二人身首异处，今则尸躯完合，绝无创痕，且觉其口犹有气息。汛官命焚之，怪遂息。余述曾《师稼山房杂记》。

光绪二十三年，北乡一带有狗熊、马熊出现，不知其所从来，咬食人畜，被伤者尤多。见知县张昭《牒城隍请驱恶兽文》。

## 《龙游县志·掌故》总目

### 第一篇 《赋役全书》

明万历四十年《赋役全书》

清初《赋役全书》

清同治四年《赋役全书》

### 第二篇 编造《鱼鳞册》

仿照兰溪县攒造《鱼鳞图册》札及册式图说

知县黄秉中设局攒造《鱼鳞册》谕

清厘田地章程

知县黄秉中清厘田地谕并条规

### 第三篇 重建凤梧书院

知县高英重建凤梧书院上各大宪稟

知县张韶开办凤梧书院月课并拟清查田产稟

知县张韶订定《凤梧书院章程》

### 第四篇 凤梧书院藏书目

## 第五篇 清查无主公租及宾兴

知县张韶清查无主公租宾兴谕

公租宾兴总数

知县张韶清理无主公租通禀

知县张韶清理凤梧公产谕并章程

绅董余庆龄等广储学费整顿公租禀并批

知县葛锡爵请将无主公租官督绅办禀并批

绅董余庆龄请于城中设立收租总局禀并批

学堂总理余庆龄陈明督收公租情形并请通详备案禀并批

又禀复并批

知县葛锡爵报光绪三十年官督绅办设局经收学堂宾兴公产租  
息事竣余款发存生息禀并批

余庆龄书公租盈朒表后

## 第六篇 公租册

## 第七篇 宾兴册

## 第八篇 湖镇义塾田册

## 第九篇 劝捐积谷

知县马芳田劝捐积谷告示并章程

知县张韶劝捐积谷情形通禀

## 第十篇 重修姜、席堰

知县高英兴修姜、席二堰谕并条款 又稟

知县高英劝捐修姜、席二堰告示

知县高英保护姜、席二堰堤防告示

知县高英挑挖姜、席二堰子堰谕

姜、席堰田册

## 第十一篇 创建平政浮桥

知县高英劝捐兴修浮桥谕

知县高英劝茶圩客董将该镇庙捐移修码头谕

知县高英订定管理浮桥及经过船只收捐办法告示

商董张芬等请设堆金稟帖及章程 又知县高英谕

知县高英准办浮桥木业捐告示

籓户愿捐钱充浮桥拆卸费用稟并批

绅董张芬等估计浮桥岁修款项公稟

知县高英饬将浮桥纸业捐存局谕

绅董余恩鏊等请拨田充浮桥经费公稟并批

知县马芳田准办浮桥粮米捐告示并章程

平政浮桥田册

## 第十二篇 整顿义渡

知县秦淳熙茆头义渡碑

绅士汪广怀整顿隆兴、施家两义渡稟并批

知县余廷英驿前茶圩渡船碑记

绅士余福屋等请拨田充义渡经费公稟并批

义渡田册

绅士余福屋等请拨后溪渡田公禀并批 又田册

知县陈瑜设局经收义渡田租告示 又田册

### 第十三篇 开矿成案

知县张韶亲勘璩塘堍及杜山坞煤矿

委员裨鑑光、知县张韶会勘北乡煤矿通禀

知县张韶拟订开矿办法通禀

### 第十四篇 兴复育婴堂

绅士余福屋等筹育婴堂经费公禀并批

知县高英劝城乡粮食、山货行捐助育婴经费谕

绅士余福屋等议定育婴堂山货捐章程公禀并批

绅士余福屋等请四乡均捐山货捐公禀并批

知县高英准将吴昌住屋拨归育婴堂公用谕

知县高英兴复育婴堂议订条规通禀并批

知县高英定育婴堂绅董名额及轮值理事谕

方炳燿陈明育婴原始禀并批

绅士徐复等请由山货店铺经抽育婴堂捐公禀并批

知县高英捐衣谕

知县高英议定育婴余款须存放生息谕

监生黄宗明捐田禀并批

知县高英增修育婴堂章程谕

知县郭雅注修订育婴堂章程谕

绅董徐复等拟抽洋药捐充育婴堂经费公禀并批附章程

知县马芳田议定洋药捐抽收办法谕

知县汤庆淮查田谕

知县章甫请由厘局经抽育婴堂冬笋捐移文并告示

绅董叶宗瀚等请领马知县育婴堂捐款稟

绅董徐复等请抽纸捐充育婴堂经费公稟并批

知县邹寿祺陈明育婴堂经费稟并批

知县张炤整顿育婴堂稟

育婴堂田册

### 第十五篇 禁夫役勒索

知县高英禁革行商百货夫役垄断抑勒恶习并酌中定价饬举夫头并批

知县高英禁止东门桥下北门驿前两埠脚夫及拨船三项人役勒索并酌定工价告示

知县高英禁止喜庆丧葬等事夫役勒索并酌定工价告示

### 第十六篇 禁掘冬笋

知县张炤禁掘冬笋详文并批

知县张炤详复禁止山主自掘自卖文并批

知县张炤勒石禁止掘笋告示